



ISTITUTO DI  
DIRETTO PUBBLICO  
DELLO STATO - ROMA  
E DI DOTTRINA

241	DI
7A	
14	11

2193 / 4.800  
L. 12 Pubbl

~~VII D. 54~~

~~III. I. AII~~

DIR. 14

ISTITUTO UNIVERSITARIO  
DI DIRITTO PUBBLICO  
E DI DOTTRINA DELLO STATO

Ex libris  
N. Lausmaisonis





RMGE 888776

JURIS NATURALIS  
ELEMENTA

AUCTORE  
J. J. BURLAMAQUI

IN REPUBLICA GENEVENSI  
SENATORE, ET ANTEHAC JURIS  
NATURALIS ET CIVILIS  
PROFESSORE.



VENETIIS,  
Apud JOSEPHUM BORTOLI.

---

M DCC LVII.  
SUPERIORUM PERMISSU, AC PRIVILEGIO.

EDITIONE

THE UNIVERSITY OF CHICAGO

THE UNIVERSITY OF CHICAGO  
LIBRARY  
1207 EAST 58TH STREET  
CHICAGO, ILL. 60637  
U.S.A.  
TEL: (312) 937-1234  
FAX: (312) 937-1234  
WWW.CHICAGO.EDU

# AD LECTOREM INTERPRES.



Ecce tibi paucis, **BENIGNE LECTOR,**  
Operis specimen, quod, dum in vi-  
vis esset, evulgavit Gallice, non  
minus sanctitate morum, quam  
summa Jurisprudencia insignis **BUR-**  
**LAMAQUIUS.** Adverterat emunctæ naris Vir  
ille, si quis unquam, rudes etiamnum infir-  
mosque adolescentum animos gravibus Civi-  
lium Legum aut Juris Gentium commentariis  
onerari, cum necdum Naturales Leges com-  
pertas haberent, qui tamen proximus fons est  
quo ad veram Juris Civilis Gentiumque noti-  
tiam possit perveniri. Itaque **BURLAMAQUIUS**  
genuina Legum Naturalium investigavit &  
enucleavit Principia, quorum Principiorum  
ope ad Jus Civile Gentiumque tutiori tramite  
incederetur. Vix in lucem prodierat opus hoc  
Gallice conscriptum, cum non tantum in Gal-  
lia, sed & apud exteras Gentes quicumque  
sciunt Gallice, isthæc **NATURALIS JURIS**  
**PRINCIPIA** multo plausu exceperint. Quæ  
me ratio potissimum impulit, ut in gratiam  
studiosæ juventutis Gallice nescientis, eadem  
**PRINCIPIA** Latine interpretarer. Ceterum  
quo stylo hanc materiam prosequutus sim, &  
quam inierim interpretandi methodum, uno  
2 2 ver-

verbo dixerim alterove . Adnotaram BURLA-  
MAQUIUM sæpe sæpius evolvendo , quod ille  
Ciceronis Officiorum tanquam succum expres-  
sisset, cujus etiam in scribendo rationem Gal-  
lice imitatus pleniori stylo argumentum suum  
tractavit . Ego igitur eadem Ciceronis Offi-  
cia diurna nocturnaue manu versavi , quo  
me pro viribus ad similem scribendi modum  
vel tantillum componerem : quanquam non  
semel, ob majorem perspicuitatem brevitatem-  
que , eas voces usurpavi quas hodiernæ Scholæ  
fecerunt sui juris .



v

# P R Æ F A T I O

## DE VITA ET SCRIPTIS

### BURLAMACHII.

**J**OHANNES JACOBUS BURLAMACHIIUS, *Johannis Ludovici*, Genevensis Senatoris, filius, ex nobili prosapia Italo-Lucensi, matre autem generosa & piissima femina *Susanna FAYRE*, natus est Genevæ, die Julii 13. anni 1694.

Huic puero cum nec morum, utpote in sancta domo, nec ulla ingenii cultura deesset; non tantum bonas litteras, sed elegantiores artes, Musicam, Picturam, Architecturam, & omne genus amœnitatis studiose colebat. Adulescens oculari morbo captus, cum plus meditando proficeret quam legendo, hinc sibi magnam vim ratiocinandi, corpusque animo subjiçendi, adeptus est.

Post demensum Philosophiæ ( scilicet Cartesianæ ) ac deinde Legalis Disciplinæ stadium, non sine multa laude Jurisprudentum & Causidicorum albo fuit adscriptus.

Uxorem duxit filiam docti Jurisconsulti Consulisque primarii *Jacobi DE CHAPEAUROUGE*, ex quo conjugio non aliam reliquit prolem quam filiam tali patre dignissimam.

Anno 1722. factus Professor Juris Naturalis, impetravit ut biennium exspatiari posset per Gallias, Bataviam, Angliam & Helvetiam; quod fecit ut plurimum cum amicissimo Vi-

re *Amadeo* LULLINO, jam Ecclesiasticæ Historiæ Professore, hujusque Athenæi Rectore clarissimo. Uterque ex tali itinere haud mediocrem retulit seu doctrinæ fructum, seu florem urbanitatis, seu laudem apud externos.

Abiens BURLAMACHIUS inter *Ducentum-Viros* (qui major est Reipublicæ nostræ Senatus) numeratur. Domum reversus, Juris quoque Civilis Cathedram cum annuo stipendio obtinet, adjuncto ei Collega *Johanne* CRAMERO, quem nunc inter Magistratus primi subsellii sedentem videmus. Nam hoc fere Genevæ faustum contingit, ut ex Philosophiæ Jurisve pulpito Doctores ad regendam Civitatem haud raro admoveantur.

Post obitum patris, noster, utpote primogenitus, fratribus suis atque sororibus pro patre erat; remque domesticam, olim amplam, deinde coarctatam, pari æquitate ac prudentia curabat, ceteris plusquam sibi consulens. Illis autem fere omnibus, quanquam ipse corpore debilis, cum luctu superstes remansit.

Præter officium publicum, quo diligenterungebatur, multos privatim docebat adolescentes ex quavis Europæ parte nobilissimos, Barones, Comites, imo Principes, quos sapientia ejus cum summa perspicuitate & humanitate conjuncta ad discendum alliciebat. Illis gallice delineavit *Principia Juris Naturalis, Politici ac Civilis*, quo libro manuscripto ipse in docendo uteretur, identidem aliquid, ut fieri solet, emendans. Si quis vero describere vellet, non valde recusabat; unde factum ut codices hujus operis manuscripti complures huc illuc circumferrentur.

In solemnibus Academicis oravit sapius ac differuit de variis argumentis; nec non Theses defendebat publicas, cujusmodi extat Dissertatio satis ampla de *Matrimonio*.

Anno 1734. *FREDERICUS Hassia* Princeps, postquam biennium *Genevæ* commoratus esset, domum repetens, hunc sibi comitem in aliquot menses assumpsit; nec minore benevolentia eum in palatio suo excepit Princeps *GULIELMUS Frederici* pater, nunc *Landgravius Hassia*, totaque *Aula Cassellana*, utpote virum non modo eruditum, sed & nullius elegantiae expertem.

Et sane illius fuit in patria cultores Artium in pretio habere, tabulas seu pictas, seu æri incisas deligere, de præstanti quolibet opere recte judicare, cum doctis jungere amicitiam, juvenes ab Epicureismo & luxuria revocare; de servanda fide, modestia, frugalitate; de præstantia Doctrinæ Evangelicæ; de recte administranda Republica; de pietatis ac civilis prudentiæ nexu, de concordia omnium scientiarum, de colenda inter bonos amicitia, optime omnium sentire; & si quod institutum vel ad puerilem disciplinam pertineret, vel ad acuendam civium industriam, vel ad quodlibet publicum privatumve commodum; id consilio suo, pecunia, & authoritate, qua magna apud omnes ordines pollebat, juvare ac promovere.

Inter tot officia, ei pulmonum labe laboranti necesse fuit, anno 1737. a docendo abstinere; at vero tantum efficiebat, seu equitando, seu diæta accuratissima, ut fractam valetudinem aliquandiu sustentaret.

Quapropter summa omnium voluntate pla-

# VIII DE VITA ET SCRIPTIS &c.

cuit hunc etiam reluctantem ad Senatoriam dignitatem promovere anno 1742. mense Octobri. Namque, etfi assiduam in Curia navare operam minus posset, fatis habebatur si modo in majoribus aut perplexis negotiis tanta luce Respublica non careret.

Crescente morbo, ei tandem persuasum est ab amicis, ut *Principia Juris Natura* gallice scripta typis ipse mandaret, ne eo etiam nolente, spuria aliqua erumperet editio. Hujus ergo curis liber in lucem editus est Genevæ in 4. sub finem anni 1747. Quod opus multo plausu exceptum, statimque Parisiis in 8. necnon Londini Anglico idiomate editum, jam latinitate donatum hic traditur.

Vix dum huic libro novissimam manum ad-moverat Vir Egregius, quando penitus consumptus, die sexta Aprilis, anno 1748. inter piissima colloquia, spirare desiit, antequam annum ætatis quinquagesimum quintum adtingeret.

Ex illius testamento litterariæ suppellectilis pars aliqua ad Bibliothecam publicam tracta est.

Post ejus obitum Genevensis Typographus eadem forma in 4. *Principia Juris Politici* gallice evulgare non dubitavit, anno 1751. scilicet ex multis codicibus quam accuratissime potuit collecta, non autem qualia ipse Author, si per tempus licuisset, castigaturus erat.

Atque hæc de vita & scriptis BURLAMACHII pauca. Quales autem ejus mores essent, qualis ingenii color, graphice descriptum vide-ris in subjuncto Epicedio, quod in ejus obitum quasi funebrem cantum plangens fecerat amicus.



# EPICEDIUM. <sup>IX</sup>

**E**RGO BURLAMACHI mens sana generosa,  
docta,  
Corporis exilis infirmique exuvias posuit,  
Illuc scilicet avolans unde delapsa erat  
Nos linquit in hoc cœno morantes mœstosque.  
Ei lux ingenii pura fulgebat,  
Cum summa integritate  
Ac suavitate morum.  
Juris doctor moralem ac civilem tradebat sapientiam,  
Aperiendi veri, suadendique præcipuus artifex,  
Et lingua & scripto nitidus.  
Senator Civitatem æquis  
Consiliis temperabat.  
Multos bene monendo  
Ad rectum leniter trahebat.  
Artium elegantiorum cultor,  
Nullius non urbanitatis homo,  
cui  
Principibus placuisse viris non ultima laus est.  
Familiaribus vero quam gratus & concinnus,  
ad delicias usque!  
Inter ipsas facetias decorus.  
Denique (quod summum) vir bene Christianus,  
Hinc sanctioris vitæ tramitem,  
Hinc æquanimitem ac frontem serenam,  
Hinc habuit solatia morbi mortisque,  
Ad beatas sedes facile properans.  
Egregii memoriam recolere Amici  
Amicos juvat.

J. VERNET, *cum amicis.*  
a 5 NOI

x  
**NOI RIFORMATORI**  
Dello Studio di Padova.

**A** Vendo veduto per la Fede di Revisione, ed Approvazione del P. F. Gio: Paolo Zapparella Inquisitor General del Santo Officio di Venezia nel libro Intitolato *Juris Naturalis Elementa Auctore J. J. Burlamaqui*, non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi concedemo Licenza a Giuseppe Bortoli Stampator di Venezia che possi esser stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 22. Novembre 1756.

{ *Zuanno Querini Proc. Rif.*

{ *Barbon Morosini Kav. Proc. Rif.*

{

Regist. in Lib. a c. 53. al n. 528.

*Giacomo Zuccato Seg.*

Adi 23. Novembre 1756.

Registrato nel Magistrato Eccellentissimo degli Esecutori  
contro la Bestemmia,

*Francoesco Bianchi Seg.*

# I N D E X <sup>21</sup>

## CAPITUM ET PARAGRAPHORUM:

### PARS PRIMA.

#### De Elementis Juris in universum;

#### C A P U T I.

De natura hominis quantum ad Jus spectati, de Intellectu, & ad Intellectum pertinentibus.

§. I. Quid in hoc Opere sibi velit scriptor: Quid sit Jus Naturale.	Pag. 1
§. II. Juris Naturalis elementa deducenda sunt ex ipsa hominis natura, indole, & conditione.	2
§. III. Hominis Definitio: Qua sit ejus natura.	3
§. IV. Hominis diversa actiones: Quanam actiones in iure considerentur.	4
§. V. Præcipua mentis facultates.	5
§. VI. De Intellectu: Quid sit Veritas.	6
§. VII. Præceptum. Intellectus suapte natura rectus est.	7
§. VIII. Quomodo rerum fiat perceptio. De anima rebus objectis intento, easque investigantia.	8
§. IX. Evidentia. Probabilitas.	9
§. X. Quid sint sensus, quid imaginandi vis, quid Memoria.	10
§. XI. Intellectus perfectio sita est in veritatis cognitione. Cujus perfectionis duo sunt impedimenta Ignorantia & Error.	11
§. XII. Errorum varia genera:	12
1. Error Juris vel Facti. 2. Voluntarius & non voluntarius. 3. Essentialis & Accidentalit.	

#### C A P U T II.

Principiorum series de natura hominis; de Voluntate & Libertate.

§. I. De Voluntate; quid sit Felicitas, quid Bonum.	15
§. II. Instinctus, Propensiones, Cupiditates.	16
§. III. Libertas in quo consistat.	17
§. IV. Libertatis usus in nostris iudiciis quoad veritatem.	19
§. V. Libertas suum usum habet & quidem quoad res evidentes.	21

# I N D E X.

§. VI. Libertatis usus quoad bonum malumque.	22
§. VII. Libertatis usus quoad res indifferentes.	23
§. VIII. & IX. Cur libertatis usus coerceatur intra genus veritatis non evidens, & bona tantum singularia complectatur.	23 & 26
§. X. Libertatis argumentum, quod ex sua cujusque conscientia deducitur, ceteris omnibus argumentis præstat.	27
§. XI. Quare libertas in dubium adducta sit.	30
§. XII. De Actionibus voluntariis & non voluntariis, liberis, necessariis & coactis.	32
§. XIII. Humana facultates se invicem juvant.	35
§. XIV. Quid sit Ratio, quid Virtus.	ibid.
§. XV. Undenam tam diversa sit hominum agendi ratio.	37
§. XVI. Rationis jura semper salva manere possunt.	38

## C A P U T III.

Homo, ita ut antea dictum est comparatus, Directionem  
moralem admittit, actionumque suarum rationem  
ideo redditurus est.

§. I. Hominis agendi ratio directionem admittit.	39
§. II. Actionum suarum rationem redditurus est, illique ei merito imputantur.	40
§. III. De imputabilitate principium, quæ confundenda non est cum imputatione.	41

## C A P U T IV.

In quo pergitur eorum inquisitio quæ ad naturam humanam  
pertinent, varios scilicet status hominis explorando.

§. I. Definitio. Divisio.	42
§. II. Status primigenii innati. 1. Status hominis quod ad Deum attinet.	43
§. III. 2. Status Societatis.	ibid.
§. IV. 3. Status solitudinis. 4. Pax: Bellum.	44
§. V. Hominis status quantum ad bona terrena.	45
§. VI. Status supervenientes vel Adventitii: 1. Familia. 2. Matrimonium.	46
§. VII. 3. Hominis in ortu suo imbecillitas: 4. Liberi natura parentibus sunt obnoxii.	47
§. VIII. 5. Domini status.	48
§. IX. 6. Status Civilis, administratio publica.	ibid.
§. X. Ex statu Civili & rerum dominio dimanant plures alii status adventitii.	49
§. XI. Quis vere sit status naturalis hominis.	50
§. XII. Sta-	

## C A P U T V.

In suo vivendi modo debent homines Regulam sequi: Quæ sit ratio hujus Regulæ inveniendæ, tum quæ sint in universum Juris Fundamenta.

§. I. Quid sit Regula.	52
§. II. E re non est ut homo vitam agat abnormem.	ibid.
§. III. Regula præsupponit scopum, finem.	54
§. IV. Hominis felicitas ultimus ejus finis est.	ibid.
§. V. Boni cupiditas Providentia systema est.	55
§. VI. Homo natura felicitatem cupit, quæ cupiditas non potest a Ratione sejungi.	56
§. VII. Nostri ipsorum amor principium est nuncquam ex se prævium.	ibid.
§. VIII. Felicitatem homo non potest assequi nisi Rationis ope.	57
§. IX. Ratio est hominis primigenia Regula.	59
§. X. Quid sit in universum Jus seu Rectum.	60

## C A P U T VI.

Generales vivendi Regulæ quas Ratio præcipit. De natura Obligationis, & primis ejus fundamentis.

§. I. Varias instituenda vitæ Regulas Ratio præcipit.	61
§. II. I. Regula. Bonorum malorumque verum discrimen habere.	62
§. III. II. Regula. Quæ ab hominis natura statuque prorsus aliena sunt, in iis vera Felicitas sita esse nequit.	65
§. IV. III. Regula. Præsentia & futura inter se comparanda. IV. Regula. Non appetendum bonum ex quo sequetur majus malum. V. Regula. Malum perpessi ex quo certo gignendum est majus bonum.	66
§. V. VI. Regula. Minori bono majus bonum anteponendum est.	67
§. VI. VII. Regula. Aliquando suscipienda res, vel quia possibilis, vel multo etiam magis; quia verisimilis.	68
§. VII. VIII. Regula. Vera bona sapere.	69
§. VIII. Humana mens ultero assensitur his nostris præceptis, quibus in agendo debemus obsequi.	71
§. IX. Quid sit Obligatio generatim spectata.	72
§. X. Obligationis vires possunt esse aut validiores aut remissiores.	73
§. XI. Sen-	

§. xi. <i>Sententia Clarkii de natura &amp; origine Obligationis.</i>	74
§. xii. <i>Barbetracti in hoc idem argumentum sententia.</i>	75
§. xiii. <i>Duo Obligationis genera, Obligatio interior; Obligatio Exterior.</i>	77

## C A P U T VII.

De Jure prout est Facultas, & de adjuncta huic  
Juri Obligatione.

§. i. <i>Juris vocabulum diversas significationes obtinet, quæ singula sumunt ex illius generali definitione.</i>	79
§. ii. <i>Quid sit Jus pro facultate acceptum.</i>	80
§. iii. <i>Non debet mera Potentia pro Jure accipi.</i>	81
§. iv. <i>Quo generalis fundamento Jura nitantur hominis.</i>	82
§. v. <i>Jus parit Obligationem.</i>	83
§. vi. <i>Jus &amp; Obligatio mutuo ad se referuntur.</i>	ibid.
§. vii. <i>Quo tempore Jus &amp; Obligatio in hominem cadant.</i>	84
§. viii. <i>Jura &amp; Obligationes multiplici genere continentur.</i>	85

## C A P U T VIII.

De Lege generatim spectata.

§. i. & ii. <i>Homo natura alteri natura obnoxius est, unde humanarum actionum Lex debet esse Regula.</i>	88 & 89
§. iii. <i>Definitio Legis.</i>	90
§. iv. <i>Cur Lex definiatur Regula præscripta.</i>	91
§. v. <i>Quid sit Princeps, quid Principatus, quid Jus imperandi.</i>	92
§. vi. <i>Quanam sint fundamenta genuina Imperii, seu summi Domini.</i>	94

## C A P U T IX.

Imperium seu Jus Imperandi quibus fundamentis nitatur.

§. i. I. <i>Adnotatio. Hic questio movetur de necessario Principatu.</i>	94
§. ii. II. <i>Adnotatio. Inter eos quorum est eadem prorsus natura conditio, neque Principes neque subditi necessari sunt.</i>	95
§. iii. <i>Varia de imperii origine &amp; fundamento sententia.</i>	96
§. iv. <i>Superiores opiniones excutuntur. 1. En sola virium præstantia imperandi jus non existit.</i>	98
§. v. 2. <i>Neque ex sola natura præstantia jus imperandi est.</i>	99
§. vi. 3. <i>Neque sola sufficit qualitas Conditoris.</i>	100
§. vii. <i>Imperii vera fundamenta sunt Potestas, Sapientia, Benignitas simul juncta.</i>	102
§. viii. <i>Sententia nostra exposita.</i>	103
§. ix. <i>Quæ</i>	

# I N D E X:

S. ix. <i>Qua summi Principis ius constituunt qualitates alie ab aliis non sunt coniungenda.</i>	xv
S. x. <i>Quinam sint subditi. Imperii fundamenta.</i>	106
S. xi. <i>Non potest obligatio perfectior exigitari quam qua a Lege proficiscitur.</i>	108
S. xii. <i>Quam dicimus obligationem, ea simul interior &amp; exterior est.</i>	109
	110

## C A P U T X.

Quis Legum Finis, quæ Natura, quæ sint Discrimina.

S. i. & ii. <i>De fine Legum quantum spectat ad subditos &amp; ad ipsum Principem.</i>	112
S. iii. <i>Ut Legibus finis propositus est, non ut libertas coarctetur, sed convenienter dirigatur.</i>	113
S. iv. <i>Illud expenditur quod Puffendorpius in hoc argumentum protulit.</i>	114
S. v. <i>Distinguitur Lex in Legem obligantem, &amp; in Legem mere permittentem.</i>	115
S. vi. <i>Grosii &amp; Puffendorpi in presens argumentum sententia.</i>	116
S. vii. <i>Jura hominum permissione Legis fundantur.</i>	117
S. viii. <i>Qua sit materia Legum.</i>	118
S. ix. <i>Quanam sint interiores conditiones Legis: Debes esse possibilibus, utilis, &amp; iusta.</i>	119
S. x. & xi. <i>Qua sint Legis conditiones exteriores: Lex promulganda &amp; sancienda est.</i>	119 & 120
S. xii. <i>Legis Sanctio, ita ut in pena comminatione, potest-neriam in promissa mercede contineri?</i>	121
S. xiii. <i>Quinam teneantur Lege. Quid sit privilegium.</i>	122
S. xiv. <i>Quantotempore durent Leges, &amp; quemadmodum aboleantur.</i>	123
S. xv. <i>Quotuplici generis sint Leges,</i>	124

## C A P U T XI.

De humanarum actionum Moralitate.

S. i. <i>Quid sit Actionum Moralitas.</i>	124
S. ii. <i>Actiones sunt 1. vel præscriptæ, vel prohibita, vel permissa.</i>	127
S. iii. <i>In Actiones permissas adnotationes.</i>	128
S. iv. <i>2. Actiones sunt bonæ vel iustæ, malæ, vel iniustæ, aut indifferentes.</i>	129
S. v. <i>Quæ conditiones requirantur ut actio sit moraliter bona.</i>	130
	S. vi. De

I N D E X.	
XVI	
§. VI.	De natura actionum malarum vel injutarum. 131
§. VII.	Omnes actiones iusta sunt aequaliter iusta, sed actiones injusta sunt plus minusve injusta. 132
§. VIII.	In quo potissimum sita sit actionum injustitia. 133
§. IX.	De actionibus indifferentibus. ibid.
§. X.	Bonarum & malarum actionum divisio. 134
§. XI.	De Justitia, ejusque diversis speciebus. 135
§. XII.	Actio:um inter se comparatarum qua fiat computatio. 137
§. XIII.	Itaut de actionibus sic & de hominibus ipsis moralitas dicatur. 138

## PARS SECUNDA.

### De Legibus Naturalibus.

#### C A P U T I.

Quid sit Lex Naturalis. Datur Lex Naturalis Considerantur  
I. Existentia Dei, ejusque in nos Auctoritas.

§. I.	Hujus alterius partis argumentum. 140
§. II.	Quid sit Jus Naturale, Lex Naturalis, & Jurisprudencia Naturalis. 141
§. III.	An sint Leges Naturales. ibid.
§. IV.	De Existentia Dei. 142
§. V.	1. Argumentum. Necessaria est natura per se existens & intelligens. ibid.
§. VI.	Aeterna & Intelligens Causa extra hunc Orbem inquirenda est. 144
§. VII.	2. Argumentum. Primi Motoris necessitas. 145
§. VIII.	3. Argumentum. Structura, ordo, & pulchritudo Orbis. 146
§. IX.	Orbis non coeluit fortuito. 147
§. X.	Nec mundus aeternus est. ibid.
§. XI.	Deo comperit Jus Leges precipiendi. 150
§. XII. & XIII.	Deus ideo praecepit Leges, quia potens, quia sapiens, quia bonus est. 151

#### C A P U T II.

Deus propter suum in nos imperium voluit revera nobis Leges praescribere, seu nostrae agendi rationis Regulas.

§. I.	Suo Imperii Jure Deus utitur Leges nobis praescribendo. 154
§. II. I.	Ar-



- §. II. 1. *Argumentum hinc ex Deo, illinc ex hominibus deductum. ibi*  
 §. III. 2. *Argumentum deductum ex fine quem sibi quoad hominem proposuit Deus, & ex Legum Moralium necessitate, ut hic finis obtineatur.* 155  
 §. IV. *Superiora argumenta confirmantur.* 157  
 §. V. 3. *Argumentum ex Dei benignitate deductum;* 158  
 §. VI. 4. *Argumentum deductum ex agendi Regulis quas revera in nobis deprehendimus.* 160  
 §. VII. *Humana menti ea sunt ingenita principia ut suapte natura homines obligent.* 161  
 §. VIII. *Ea Dei voluntas est ut passis principiis obligemur, unde sunt verae Leges.* 162

## C A P U T III.

Quæ sint Rationes fecernendi Justum ab Injusto, seu Legis Naturalis præcepta dignoscendi, nimirum

1. Instinctus Moralis, 2. Ratio.

- §. I. *Prima Ratio dijudicandi bonum & malum morale; scilicet Instinctus vel sensus.* 163  
 §. II. *Exempla.* 164  
 §. III. *Cur ita simus affecti.* 165  
 §. IV. *Quid prosit nos ita affectos esse.* 166  
 §. V. *Obiectio: Hi sensus in singulis hominibus non deprehenduntur. Responsio: 1. Eorum vestigia etiam in gentibus immanissimis deprehenduntur.* 167  
 §. VI. 2. *Distinguendus est naturalis status hominis ab ejusdem statu depravato.* 168  
 §. VII. 3. *Si quæ sint moralia monstra, rarissima quidem illa sunt, nec inde contra nostram sententiam quidquam colligitur.* 169  
 §. VIII. *Non solum Instinctus, sed & Ratio data est ad dignoscendum Bonum & Malum morale.* ibid.  
 §. IX. *Ratio Instinctui præstat. 1. Quoniam arguit an verus sit Instinctus.* 171  
 §. X. 2. *Instinctui Ratio præstat, quia principia enucleat & ex his consequentias deducit.* 172  
 §. XI. 3. *In hoc etiam Instinctui Ratio præstat; quod omnibus in universum rebus applicetur.* ibid.

## C A P U T IV.

Ex quibus principiis possit Ratio Naturales Leges deducere.

- §. I. *Unde Naturalium Legum principia deducantur.* 174  
 §. II. *Adnotationes prævia; Quid intelligatur per Legum Naturalium principia,* ibid.

§. III. *Idem.*

<i>§. III. Legum Naturalium principia quam indolem habeant.</i>	174
<i>§. IV. An ad unicum principium Leges omnes Naturales reducenda sint.</i>	177
<i>§. V. Legum Naturalium cognitionem non potest homo assequi nisi expendendo suam naturam, indolem statumque.</i>	178
<i>§. VI. Triplex hominis status.</i>	179
<i>§. VII. Religio principium est Legum Naturalium qua ad Deum spectant.</i>	180
<i>§. VIII. Ex posito Religionis principio consequentia.</i>	181
<i>§. IX. Nostri ipsorum amor principium est Legum Naturalium ad nos spectantium.</i>	183
<i>§. X. Qua ex posito principio Naturales Leges oriuntur.</i>	184
<i>§. XI. Homo natus ad Societatem.</i>	186
<i>§. XII. 1. Homini societas omnino necessaria.</i>	187
<i>§. XIII. 2. Natura sua homo est ad societatem aptissimus.</i>	189
<i>§. XIV. Innata nobis propensio societatem expetimus.</i>	190
<i>§. XV. Sociabilitas. Qua sunt principia Naturalium Legum ad alios homines spectantium.</i>	191
<i>§. XVI. Qua Leges ex Sociabilitatis principio deriventur.</i>	193
<i>1. Summa Lex esto publica utilitas.</i>	<i>ibid.</i>
<i>2. Sociabilitatis studium debet esse universum.</i>	<i>ibid.</i>
<i>3. Servanda naturalis aequitas.</i>	<i>ibid.</i>
<i>4. In ipsos inimicos servanda benevolentia. Licita est sui defensio, sed non vindicta.</i>	194
<i>§. XVII. Positorum principiorum peculiare consequentia.</i>	195
<i>§. XVIII. Triplici nostro principio insunt omnia requisita.</i>	196
<i>§. XIX. Adnotationes in sententiam Puffendorffii.</i>	197
<i>§. XX. Puffendorffius plus aequo visuperatur.</i>	<i>ibid.</i>
<i>§. XXI. Qua sit Officiorum nostrorum inter se cohesio.</i>	199
<i>§. XXII. Quomodo inter se nostra quandoque Officia pugnent.</i>	200
<i>§. XXIII. Naturale Jus obligans. Naturale Jus simpliciter permittens. Generale principium Juris permittentis.</i>	202
<i>§. XXIV. Naturalis Juris genera duo; aliud primum, aliud secundarium.</i>	203

## CAPUT V.

Naturales Leges sufficienter promulgatae sunt, quae propria sit illarum indoles, & quam obligationem inducant &c.

<i>§. I. Deus Naturales Leges sufficienter hominibus notas fecit.</i>	205
<i>§. II. Homines in dignoscendis Legibus Naturalibus sibi suam opem praestant.</i>	206
<i>§. III. Ea constituta sunt nobis Naturalium Legum principia, ut ex illis principiis earum Legum veritas arguatur.</i>	207
<i>§. IV. Naturales Leges divina benignitatis sunt opus.</i>	208
<i>§. V. Ex humana institutione non pendunt Leges Naturales.</i>	209
<i>§. VI. Nostra cum Grotii opinione sententia consentit.</i>	211

§. VII. <i>Is Naturalium Legum effectus est, ut illis teneamur nostram agendi rationem accommodare.</i>	212
§. VIII. <i>Naturalibus Legibus omnes homines obligantur.</i>	214
§. IX. <i>Grotii Sententia in Jus Divinum Positivum Universale.</i>	ibid.
§. X. <i>Leges Naturales sunt immutabiles, &amp; illarum nemo immunis est.</i>	215
§. XI. <i>De Naturalium Legum aternitate.</i>	216

## C A P U T VI.

## De Jure Gentium.

§. I. <i>Qua ratione Civilis Societas constituitur.</i>	219
§. II. <i>Status Civilis Naturalem statum non evertit, sed perficit.</i>	220
§. III. <i>Societatis Civilis recta definitio.</i>	ibid.
§. IV. <i>Imperia spectantur uti persona morales.</i>	221
§. V. <i>Quid sit Jus Gentium.</i>	ibid.
§. VI. <i>Juris Gentium certa veritas.</i>	222
§. VII. <i>Juris Gentium principium generale. Quid sit Ars Politica.</i>	223
§. VIII. <i>Expenditur Grotii sententia de Jure Gentium.</i>	224
§. IX. <i>Duplex genus Juris Gentium; alterum Necessarium &amp; ex se ipso obligans, alterum Arbitrarium &amp; pacto convento inisum.</i>	226
§. X. <i>Superiorum Adnotationum usus.</i>	228

## C A P U T VII.

*Prolusio in hanc questionem; Estne in humanis actionibus aliqua Moralitas, quædam obligatio, quoddam officium, ante conditas Naturales Leges, & seposito Legislatore.*

§. I. <i>Moralis Disciplina Magistri varia statuit de primo Moralitatis principio.</i>	229
§. II. <i>In propositam questionem principia.</i>	230
§. III. <i>Tres humanarum actionum Regula: 1. Sensus moralis; 2. Ratio; 3. Dei Voluntas.</i>	232
§. IV. <i>Tria posita principia conjungi debent.</i>	233
§. V. <i>De primigenia causa Obligationis.</i>	234
§. VI. <i>Quævis Regula inducit Obligationem.</i>	235
§. VII. <i>Obligatio plus minusve gravis est.</i>	236
§. VIII. <i>Sola Ratio potest aliquam obligationem inducere.</i>	237
§. IX. <i>Objectio. Nemo se ipsum potest obligare.</i>	239
§. X. <i>Responsum.</i>	240
§. XI. <i>Instant, &amp; respondetur.</i>	241
§. XII. <i>Of-</i>	

- §. XII. Officium accipi potest lato vel stricto sensu. 243  
 §. XIII. Quid ex iis qua hactenus dicta fuere colligendum sit. 244  
 §. XIV. Nostra constituenda Moralitatis ratio Naturalis Jus non infirmat. 246  
 §. XV. Expenditur Grotii Sententia. 247  
 §. XVI. Ut perfectum habeatur Morale Systema, huic adiungenda Religio est. 248

## C A P U T VIII.

Quznam ex superiori Capite consequantur. Quid sit Justum, quid honestum, quid utile.

- §. I. Multa est de nostro Argumento Jurconsultorum æquivocatio. 249  
 §. II. De Justo, Honesto, Utili, tum de Ordine & Conventientia. 250  
 §. III. Justum, Utile, & Honestum a se invicem distinguuntur, nec confundenda sunt. 251  
 §. IV. Quæ quanquam distinguantur, natura tamen coherent. 252  
 §. V. An ideo justa sit actio quia Deus illam præscripsit? 253  
 §. VI. In quo Virtus & hominis perfectio consistant? 254

## C A P U T IX.

Quomodo humanis actionibus Naturales Leges accommodantur; ac primum de Conscientia.

- §. I. Quid sit humanis Actionibus Naturales Leges accommodare? 256  
 §. II. Quid sit Conscientia? 257  
 §. III. Conscientia Legis Cognitionem adjunctam habet. 258  
 §. IV. I. Regula. ibid.  
 §. V. II. & III. Regula. 259  
 §. VI. Conscientia Antecedens & subsequens. Regula IV. 261  
 §. VII. Conscientia subsequens vel est quiesca, vel sollicita. 263  
 §. VIII. Conscientia vel est deliberata, vel dubia. 264  
 V. Regula. 265  
 VI. Regula. 265  
 VII. Regula. ibid.  
 §. IX. Conscientia scrupulosa. 266  
 VIII. Regula. ibid.  
 §. X. Conscientia vera vel falsa. ibid.  
 IX. Regula. 267  
 §. XI. Conscientia demonstrativa & probabilis. ibid.  
 X. Regula. 268  
 270

## C A P U T X.

Quomodo Actiones humanæ cum Naturalibus Legibus  
comparatæ Vituperio aut Laude, Pœna vel  
Præmio dignæ sint.

- §. I. *Imputabilitas & Imputatio distinguuntur. Quid per  
Causam Moralem intelligatur.* 270  
 §. II. *Quid sit Imputatio, quæ locum non habet nisi & Lex  
& actio nota sint.* 272  
 §. III. *Exempla.* 272  
 §. IV. *Principia. 1. Non ideo jam nunc actio est imputanda,  
quia imputabilis est.* 274  
 §. V. *2. Non sit imputatio, nisi sit aliqua cohesio inter  
actionem.* 275  
 §. VI. *3. Quas ob causas dicatur quis præmio vel pœna di-  
gnus.* 276  
 §. VII. *Quid sit Meritum & Nequitia.* 277  
 §. VIII. *4. Sui sunt gradus Meriti seu Virtutis, & Nequi-  
tia, tum etiam imputationis.* 278  
 §. IX. *5. Imputatio vel est simplex, vel efficax.* 279  
 §. X. *6. Simplicis & efficacis imputationis effectus.* ibid.  
 §. XI. *7. Si iis omnes quorum interest actionem non imputent,  
actio censetur infecta.* 282  
 §. XII. *8. Quod sit discrimen inter bonarum malarumque  
actionum imputationem?* ibid.

## C A P U T XI.

Cum variis actionum generibus principia nostra con-  
feruntur, ut dignoscatur ratio actionum illa-  
rum imputandarum.

- §. I. *Quanam actiones jam nunc imputentur.* 282  
*Eorum actiones qui Rationis expertes sunt.* 283  
*De iis quæ sunt ex ebrietate.* ibid.  
 §. II. *De rebus impossibilibus, & occasionis defectu.* ibid.  
 §. III. *De dotibus naturalibus.* 284  
*De iis quæ per exteriores causas gignuntur.* ibid.  
 §. IV. *De iis quæ ex errore, vel per ignorantiam fiunt.* 285  
 §. V. *De iis quæ ex indole, moribus, & cupiditatibus prove-  
niunt.* 286  
 §. VI. *De actionibus ad quas vi compellimur.* 287  
 §. VII. *Actiones per vim externam in se ipsas vel bonæ sunt  
vel malæ, vel indifferentes.* 289  
 §. VIII.

S. VIII. Cur Actio possit imputari quamvis coacta.	290
S. IX. Puffendorffii sententia.	292
S. X. De actionibus quarum sunt plures correi.	293
S. XI. XII. XIII. & XIV. Triplex Moralium Causarum genus, alia est Causa precipua, alia subiecta, alia collateralis.	295
S. XV. Usus harum distinctionum.	300

## CAPUT XII.

De Auctoritate & Sanctione Naturalium Legum, ac primo de Bonis & Malis quæ natura solent Virtutem & Vitium subsequi.

S. I. Quid sit Naturalium Legum auctoritas.	302
S. II. Ex Naturalium Legum cultu publica & privata felicitas oritur.	303
S. III. Elucidatur nostra questio.	ibid.
S. IV. Proposita superius questionis veritas ratiocinatione arguitur.	304
S. V. Argumenta proponuntur ex ipso facto deducta: 1. Interioris gaudii fons est honestas, vitium contra perturbationis & anxietatis principium est.	306
S. VI. 2. Quæ exteriora bona vel mala virtutem sequantur aut vitium?	307
S. VII. Quorum precipua potestas & auctoritas est, in iis virtus vitiumque longe graviores exitus habent.	308
S. VIII. Superior questio omnium gentium consensu comprobatur.	309
S. IX. Eiusdem questionis arguitur veritas, quia contrarium est absurdum.	310
S. X. Responsio ad quasdam objectiones peculiare.	ibid.
S. XI. Semper virtus prestat, atque hac prima est Naturalium Legum Sanctio.	312
S. XII. Neque tamen sufficiens est prima hac Sanctio, quia obstant multa exceptiones.	ibid.
Bonorum malorumque a natura fortunaque pendens inæqualis est partitio, nec iuxta cuiusque meritum.	314
Parta ex iniquitate mala fontes premunt infantesque.	315
Quandoque ob ipsam virtutem vexatio concitatur.	ibid.
S. XIII. Non satis est vitium in his rationibus quas humana prudentia adhibet, ut dictis malis medeatur.	316
S. XIV. Haud levia sunt quæ contra nostrum systema obijciuntur.	318

## C A P U T XIII.

Arguitur Animę Immortalitas, Existit proprię dictę Naturalium Legum sanctio.

- S. I. Qualis sit proposita questio. 319  
 S. II. De proposita questione dissentiunt scriptores. Quibus modis hac in materia dignoscet possit voluntas Dei. 320  
 S. III. Anima est-ne Immortalis? 321  
     I. Argumentum: A natura corporis omnino diversa videtur natura mentis. ibid.  
 S. IV. Quapropter soluto corpore non requiritur anima necessarius interiorus. 322  
 S. V. Solvitur objectum. 323  
 S. VI. Confirmatur superius argumentum, quoniam in natura nihil in nihilum residit. 324  
 S. VII. II. Argumentum: Anima præstantia. 325  
 S. VIII. Argumenta nostra confirmantur ex eo quod nostra facultates possint semper magis magisque perfici. 326  
 S. IX. Solvitur objectum. 328  
 S. X. III. Argumentum. Nostra mentis indoles, & innata nobis desideria ejusdem humane mentis æternitatem arguunt. ibid.  
 S. XI. Naturalium Legum sanctio manifesta fiet in vita futura. 330  
 S. XII. Primum Argumentum deductum ex natura hominis moraliter spectati. 331  
 S. XIII. Alterum argumentum deductum ex Dei perfectionibus. 333  
 S. XIV. Deus Naturalium Legum sanctionem ipse constituit. 336  
 S. XV. Naturalium Legum in futura vita sanctio arguitur vel per ipsa objecta ex præsentis rerum statu deducta. 337  
 S. XVI. Futura vita omnibus propemodum gentibus creditur. 339

## C A P U T XIV.

Quę modo protulimus argumenta eam habent verisimilitudinem, eam Convenientiam, ut abunde sufficiant ad stabilendam nostram fidem, nostramque agendi rationem diligendam.

- S. I. Naturalium Legum sanctionem sufficienter probavimus. 340  
 S. II. Obijciunt nonnulli meram convenientiam nostris argumentis.

XXIV	I N D E X.	
	gumentis contineri . Cui obiecto in universum responde-	ibid.
	ent .	
S. III.	Quid sit Ratio Convenientia .	341
S. IV.	Nostra Ratiocinationis generale fundamentum .	343
S. V.	Ubi de Jure naturali agitur potentissima est Convenien-	
	tia Ratio .	344
S. VI.	Convenientia ratio plures habet gradus . Quomodo hi	
	gradus dignoscantur .	345
S. VII.	Qua statuimus principia nostro argumento accommo-	
	dantur .	ibid.
S. VIII.	Comparantur inter se opposita duo systemata .	346
S. IX.	Naturalium Legum sanctionem admittens systema longe	
	præstat contrario systemati .	348
S. X.	Solvitur obiectio .	349
S. XI.	Quis debeat esse nostrorum argumentorem in nostram	
	agendi rationem infusus . Exigenda est nobis præsens vita	
	samquam alteram credentibus .	350
S. XII.	Nostra sententia necessario deducitur ex ipsa hominum	
	natura statumque .	352
S. XIII.	Convenientia vel probabilitatis sequenda obligatio-	
	nem nobis Ratio injungit .	353
S. XIV.	Quas dicimus partium amplectendarum obligationem	
	nobis Deus ipse præcipit .	354
S. XV.	Conclusio .	356
S. XVI.	Quod jam per solum Rationis lumen adeo est proba-	
	bile , omnino sit evidentiissimum quia divinitus repera-	
	tum .	ibid.

## FINIS INDICIS.





# JURIS NATURALIS ELEMENTA.

PARS PRIMA.

---

## DE ELEMENTIS JURIS IN UNIVERSUM.

### CAPUT PRIMUM.

*De natura hominis quantum ad Jus spectati; de intellectu, & ad intellectum pertinentibus.*

§. I.



S est, qui debet esse, cunctis hominibus propositus finis, ut veram quantam possunt stabilemque felicitatem assequantur. In hoc autem opere fuit ea nostra mens præcepta

Quid in hoc opere sibi velit scriptor: Quid sit Jus Natur. l.

illa diligenter investigandi, quæ sola ratio tradit hominibus, quibusque si auscultent,

J. J. Burlamaqui.

A tuto

tuto rectoque tramite possint ad optatam felicitatis metam pervenire . *Quorum præceptorum systema sive congeries* , JUS NATURALE dicitur , *si spectentur ac totidem Leges hominibus a Deo præscriptæ* . Quidquid porro summum est in Jurisprudencia , necnon in disciplina sive morali sive politica præcipuum ; quidquid pluris hominum interest , & ex quo pendet omnis humana societas , totum hoc in Juris Naturalis notitia continetur . Nulla igitur alia est dignior scientia homine , qui tum perficiendæ suæ menti studet , tum comparandæ felicitati . Ea vero satis habere perspecta , queis in vitæ decursu debeas insistere , summus est sapientiæ finis ; & in eo posita virtus est , ut hæc eadem constanter colas , nec ab illis usurpandis te quidquam valeat deterere .

## §. II.

Jus equidem , tum imprimis Naturale Jus , ad hominis naturam manifeste pertinet & refertur . Ex iis , ergo quibus hominis natura , indoles , & conditio constant , Juris Naturalis elementa deducenda sunt .

Quod Latini Jus , id Galli *Rectum* vocant , quæ vox primam habet originem a verbo *dirigere* , seu *aliquem ad propositam metam brevissima via deducere* . Itaque JUS sive RECTUM in latissima sua significatione , sed ad quam cæteræ omnes significationes referendæ sunt , illud est *quidquid*  
vel

*vel recte dirigit, vel recte dirigitur.* Hoc igitur primum expendendum est, an in suis actionibus homo dirigi possit, & ad quamdam normam sese accommodare. Quod ne incassum experiamur, repetenda res altius est, & hominis a principio naturam explorantis, quibus causis ad agendum impellatur, quis status, & quæ conditio illum deceant, explanabimus; ut sic intelligatur, quibus in rebus, & quam ratione mores hominum, & facta sint dirigenda. Neque enim aliter dignoscas quid sit *Re-ctum*, quid non.

§. III.

HOMO est *animal Intellectu præditum*, & *Ratione*, seu mavis: *Homo constat corpore organis instructo, & anima rationis compote.* Hominis definitio. Quæ sit ejus natura.

Homo; quantum ad corpus attinet, animal est haud multum cæteris animantibus ab simile, quodque eisdem instructum organis est, cujus eadem sunt proprietates, eisdemque subjacet vitæ necessitatibus. Corpus est, inquam, vivens, organis multiplicibus informatum, variisque partibus constans, quod ex se ipso movetur, & a primis quidem initiis debile sensim crescit alimentorum ope, tum quemdam definitum gradum adipiscitur, in quo se exhibet ætatis flos atque robur, unde paulatim excidit, ad senectutem vergens, quam demum subsequitur interitus. Sic se solet habere

vita hominum, nisi illam vel morbi vel aliqui casus effecerint breviorē.

Sed homini præter mirum corporis habitum indita est etiam mens qua longe præstat belluis. Est hæc sane pars hominis nobilissima, per quam & cogitat, & vere res objectas percipit, quas una confert, ex cognitis deducit incognita, alterius rei cum altera re cognitionem, & cum ipso homine convenientiam recte dijudicat; ea perpendit, quæ ipsum vel deceat præstare vel non; ac sic homo bene perpensis omnibus ita se valet gerere, prout ipsi libitum est. Nostra mens præterita recordatur quæ præsentibus adjungit, imo & futuris; rerum causas intelligit, earumque videt progressum exitumque; atque sic uno tanquam intuitu integrum vitæ cursum prospiciens, ea potest comparare quæ ad vitam feliciter degendam explendamque necessaria sunt. Verum in iis omnibus humana mens ad unam eandemque semper, & coactam agendi rationem neutiquam adstringitur, quippe in cujus omnino potestate sit vel agere vel non, actiones motusque suos velut suspensos librare, eosque ad arbitrium tum dirigere tum ordinare.

## §. IV.

Hominis  
diversæ  
actiones:  
Quænam  
actiones  
in jure  
confide-  
rentur.

QUÆ cum sit in universum natura hominis, sequitur multas esse humanarum actionum species. Aliæ mere proveniunt a mente, quemadmodum cogitare, cogitatis attendere, addubitare; &c. Aliæ sunt mere

COR-

*corporeæ*, quemadmodum spiritum ducere, crescere; &c. Alias dixeris *mixtas*, quæ tum a mente, tum a corpore suam habent originem, ob statutum a Deo corpus inter mentemque commercium, quemadmodum loqui, incedere; &c.

Omnes actiones, quæ vel habent originem a mente, vel ab ipsa diriguntur, *actiones humanæ* vocantur, seu *voluntariæ*; cæteræ omnes actiones sunt mere *physicæ*. Itaque mens actionum humanarum *principium* est, quæ quidem actiones *Regulam* nullam admittunt, nisi quatenus ortum habent ab egregiis illis facultatibus, quibus hominem Deus insignivit, & quarum facultatum ope actiones humanæ diriguntur. Quas quidem concessas homini, dotes necesse est aliquatenus enucleare, necnon singulari cura facultates mentis evolvere, tum ex iis facultatibus partas actiones. Sic etenim dignoscemus quemadmodum ex mentis facultatibus actiones humanæ generentur; quo semel cognito, humanarum actionum natura multo se facilius prodet, atque etiam certius constabit utrum per aliquam *Regulam* possint hæ actiones dirigi, & quousque humanæ voluntati subjaceant.

## §. V.

Si vel tantillum homo se ipsum perpendat, ex ipso suo sensu atque experientia sua facile deprehendet mentem suam esse *Principium agens*, quod per continuam variarum actionum

Præcipue  
mentis  
faculta-  
tes.

actionum seriem vires suas explicat. Quoniam autem his actionibus indita sunt varia nomina, quibus a se invicem secernantur; ad varias etiam facultates, tanquam ad suos fontes, solent actiones humanæ referri. Quarum facultatum præcipuæ sunt *Intellectus, Voluntas, Libertas*. Mens equidem est aliquid simplex, sed propter ejus varias agendi rationes, ideo diversas in mente facultates non immerito consideramus, quas etiam juvat diversis efferre nominibus. Quod si sic intelligatur, ex hac methodo cogitationes nostræ fient tum accuratiores, tum lucidiores. Hoc igitur infixum animo sit, quod videlicet mentis nostræ facultates nihil aliud sint quam: *multiplex quæ in mente est agendi potestas, per quam potestatem mens suas omnes actiones exerit.*

## §. VI.

De Intel-  
lectu;  
quid sit  
Veritas.

PRÆCIPUA mentis facultas, ex qua ejus natura constat, in INTELLECTU potissimum sita est; mentis enim oculus est intellectus, qui definiri potest: *ea mentis facultas sive potestas, per quam res percipit, earumque ideas sibi ipsa exhibet, ut veritatis cognitionem assequatur.* Veritatis autem est in hoc loco duplex significatio. Etenim per veritatem intelligitur vel ipsa verum natura, conditio, mutuaque inter illas convenientia vel discrepantia; vel intelliguntur cogitationes congruentes cum hac rerum natura,

*ra, conditione, mutuaque inter illas convenientia vel discrepantia. Quapropter VERITATEM DIGNOSCERE nihil est aliud, quam res quales sunt in se ipsis percipere, sibi que ideas exhibere illarum rerum naturæ consentaneas.*

## §. VII.

QUAM in rem necesse est ut istud ipso in limine præceptum statuamus, quod in-  
 concussum habendum est, scilicet *humanum intellectum suapte natura rectum esse, eique inesse necessariam vim ad veritatem assequendam, & ab errore secernendam, in iis præsertim, quæ ad officia nostra pertinent, & quibus homines ad rectam, honestam, quietamque vitam instituuntur, modo ad ea, ut par est, attendamus.*

Præceptum.  
 Intellectus suapte naturæ rectus est.

Sua cujusque conscientia atque experientia ejus quod statuimus præcepti veritatem asserunt, quo quidem præcepto tanquam cardine volvitur quidquid de homine tradi potest, & quo sublato ab imis etiam sedibus tollatur necesse est, penitusque subvertatur tota humanæ societatis compages, & structura: neque enim alia ratio supererit a falso secernendi verum, a malo bonum; ex qua naturalium cognitionum subversione fiet, ut jam nihil certum, sed omnia dubia sint, qui dementiæ cumulus est.

Quorum igitur ea fuit opinio, tum in exequendis officiis, tum præsertim in colenda Religione, nec tutum nec fidum du-

cem esse rationem, quia corrupta sit, ejusque depravatæ facultates, ii non satis attenderunt, quod illud ponerent sententiæ suæ fundamentum, quo posito omnis omnino veritas, atque ideo convellitur ipsa Religio. Itaque tantum abest ut talis hæc sententia nobis in sacris codicibus proponatur, ut contra Beatus Paulus disertissime

\* Rom. II. 14. 15. \* afferat. " Gentes quibus non obtigerit  
 „ Lex divinitus patefacta, si natura duce  
 „ Legis exequantur præscripta, fieri Legem  
 „ sibi ipsis, atque sic ostendere Legis præ-  
 „ cepta suis esse mentibus inscripta, vide-  
 „ licet ob suæ conscientiæ testimonium. „  
 Fatendum quidem est ex mala institutione, pravis moribus, effrænisque libidinibus obscurari posse faciem ingenii, necnon propter mentis levitatem socordemque negligentiam, atque præjudicatas opiniones, in gravissimos errores sæpius homines incidisse, quantum etiam ad mores, atque ipsam Religionem pertinet. Quid tum? An si homines sua ratione perperam utantur, idcirco putet extinctas quas humanæ menti natura rectas indidit facultates? Absit hujusmodi sententia, quæ quantum distet a vero, clarius ex eo patebit quod subinde dicendum superest.

## §. VIII.

Quomodo res fiat perceptio. INTELLECTUS igitur quemadmodum vires suas excreat propius inspiciamus. Rerum perceptio, vel cognitio duplicem causam habet, quarum altera est, cum *res objecta* mentem nostram



stram afficit; altera, cum mens rem objectam intuetur, quo illam dignoscat. Sed quoniam ad res plane dignoscendas primus non semper intuitus sufficit, necesse est ut per aliquod tempus rem objectam mens nostra contempletur. Hæc porro diligentia quam objectæ rei nitidius percipiendæ noster animus adhibet, vocatur ATTENTIO; quæ attentio si huc atque illuc se convertit, ut cunctas objectæ rei partes intueatur, dicitur INVESTIGATIO. Quapropter ad mentem quod attinet, ex illius infita vi, si tamen attentionem adhibeas, tota pendet rerum perceptio, vel cognitio.

De animo rebus objectis intento, easque investigante.

§. IX.

HIS fretus auxiliis e proprio penu depromptis res nitide tandem percipere valet homo, & quales sunt in se ipsis, & prout se habent aliæ cum aliis; cogitationesque suas certe scit cum rebus quas exhibent convenire; uno verbo fit ut veritatis cognitionem adipiscatur. Rerum autem mutueque inter illas convenientiæ nitida, & perspicua cognitio dicitur EVIDENTIA, quam operæ pretium est attendere. Quoniam enim Evidentia veritatem arguit, cujus est præcipuum, & indubitatum signum, ideo quam exploramus rem nostris mentibus ita facit certissimam, ut nihil queat certius esse. Sed res objectæ non omnes tantumdem emittunt luminis, & quæcumque sit hominum cura, quantacumque rebus cognoscendis

Evidentia, Probabilitas.

dis investigatio adhibeatur , sæpenumero fit ut se veritas prodat sub maligna luce , quæ prout est vel clarior vel obscurior , varios gignit gradus *probabilitatis* & *verisimilitudinis* . Sed ita sunt hominis definitæ facultates ut non possit se res aliter habere . Homini vero satis est , si juxta propositum illi finem concessamque sortem , res eas certo dignoscat , quæ ad ejus perficiendam virtutem & felicitatem pertinent , tum etiam discernere valeat *evidentiam* a *probabilitate* , ut pro diversis probabilitatis gradibus assensum suum rebus accommodet . Hominibus autem judicandarum rerum vim illam inesse nemo inficiabitur , quicumque volet se ipsum scrutari , mentisque suæ facultates experiri .

## §. X.

Quid sint *sensus* . *AD* intellectum etiam *imaginandi vis* , *memoria* , *sensusque* ipsi referuntur , prout quid *imaginandi vis* , quid *memoria* . sunt facultates , per quas res objectæ sentiuntur seu percipiuntur . Sensus enim , si sic intelligantur , nihil sunt aliud quam *Intellectus utens sensibus & organis corporeis ad objectas res corporeas percipiendas* . Sic etiam imaginandi vis est idem *Intellectus res que absunt percipiens* , non quod jam ipsis afficiatur , sed propter earum imagines quas ipsa sibi effingit in cerebro . Memoria demum est ipse etiam *Intellectus* , prout facultas est *rerum perceptarum ideas seu species retinendi* , sibi que easdem , cum opus est , exhibendi . Ex hoc autem potissimum memoria pendet ,

det, si sæpius rerum ideæ seu species evolvantur.

## §. XI.

SEQUITUR ex iis quæcumque de intellectu dicta sunt, huic mentis nostræ facultati propositam esse veritatis indagacionem, cunctasque illius adipiscendæ rationes. Intellectus igitur *perfectio* sita est in *veritatis cognitione*, siquidem ad hunc finem demandatus sit intellectus.

Verum duæ præsertim res huic obstant intellectus perfectioni; *Ignorantia* nimirum & *Error*, qui mentis duplex est morbus. *IGNORANTIA est mera idearum seu cognitionum privatio*; sed *ERROR est dissimilitudo seu adversatio inter nostras cogitationes & rerum naturam conditionemque*. Quapropter error cum sit veritatis subversio, multo magis adversatur veritati quam ignorantia, quæ tanquam media est veritatem inter, erroremque.

Operæ pretium est meminisse non hîc intellectum, veritatem, ignorantiam, erroremque commemorari, ut tantum quales sunt in se ipsis dignoscantur; noster hîc est præcipuus finis facultates illas indagandi ut totidem actionum nostrarum *Principia* seu fontes. Quod si sic intelligatur, error & ignorantia, quamvis a se invicem suapte natura secernantur, nihilominus solent promiscue usurpari, ita ut alteri conveniat quod trademus de altero. Errorem

Intellectus *perfectio* sita est in veritatis cognitione. Cuius perfectionis duo sunt impedimenta, *ignorantia & error*.

ple-

plerumque parit ignorantia ; utriusque vero seu jungantur seu disjungantur, incunda est eadem ratio , siquidem quantum ad nostras *actiones* vel *prætermiſſiones* ſpectat , eundem exitum fortiantur . Atque fortalliſſi liquebit , ſi penitus ad rem attendatur , neutiquam ex mera ignorantia , ſed ex errore actionem quamdam gigni poſſe : ignorantia namque cum ſit idearum ſeu cognitionum privatio , quidquam nequit generare .

## §. XII.

Errorum VARIA ſunt erroris & ignorantiaꝝ genera , quæ in quo differant neceſſe eſt hic definire . 1. Error ſi ſpectetur quoad rem , circa quam verſatur , vel eſt *Juris* vel eſt *Facti* . 2. Ignorantia quoad ſuam originem vel eſt *voluntaria* vel *non voluntaria* ; error vel eſt *vincibilis* vel *invincibilis* . 3. Denique prout error anſam præbet aut huic actioni peragendaꝝ , vel huic rei ſuſcipiendaꝝ , dicitur *essentialis* vel *accidental* .

JURIS vel FACTI dicitur error *propter quem vel erramus in præſcripto Legis , vel in facto non bene comperto* . Hic v. g. Juris error eſſet in quovis Principe , qui quoniam ſenſim augentur vicini Regni vires , & potentia , inde legitimam belli cauſam ſe naſtum eſſe crederet . Ejusdem generis olim erat Græcorum Romanorumque communis error , qui ſibi fas putabant filios ſuos exponere . Sed contra fuit error facti ,

Etī , cum *Abimelech* uxorem *Abrahami* *Saram* putavit innuptam esse .

Ignorantiam voluntariam, vel si mayis, errorem *vincibilem* aut *superabilem* illum dicimus *quem nostra seccordia peperit*, nec fuisset *admissus*, si *quantam poteramus, diligentiam adhibuissemus, attentumque animum*. Quapropter *vincibilis* erat Ethnicorum error plures Deos colentium ; etenim si auscultassent Rationi, sane intellexissent nulla de causa plures Deos admitti . Sic etiam adjunctrice Ratione plerarumque gentium antiquarum poterat avelli opinio illa , nimirum quod salva honestate piraticam possent adversus illos exercere quibuscum nullum fœdus pepigerant , quos hostiliter habere non putabant iniquum . Verum ea ignorantia non est voluntaria , atque is error est *invincibilis* seu *inexsuperabilis a quo neque nos tueri nec extricare potuimus* , licet omnem illam *quæcumque in nobis fuit curam impenderimus* ; curam illam intelligo quæ in res humanas cadit vitamque communem . Inde fit ut antequam Europæanorum ullum esset cum Americanis commercium , horumce Christianam Religionem nescientium non esset *voluntarius* error, sed *invincibilis* .

Denique vocamus *essentialem* errorem illum , qui *versatur circa quid rei propositæ necessario adjunctum* , propter quod ad agendum impellimur , ita ut secluso illo errore , *præstitum factum minime fuisset aggressi* . Unde etiam is error dicitur *efficax* . Neces-  
saria

ISTO LIBRO CONTIENSI

DI DOTTORATO

DI DOTTORINA DELLA

faria porro rei adjuncta intelligimus illa *que necessario fluunt vel ex ipsa rei natura , vel ex hominis agentis proposito , suo tempore concepto , signisque denotato convenientibus .* Sic , exempli causa , Trojanorum *essentialis* error erat , qui tela , quum sua urbs expugnaretur , in proprios cives vibrabant , quos hostes putabant esse , Græcorum scilicet armis indutos . Aliud exemplum est , cum quis uxorem ducit alterius conjugem , quam virginem autumabat , vel cujus nesciebat adhuc esse viventem maritum . Ejusmodi error ad ipsius rei naturam pertinet , atque ideo *essentialis* est .

Sed *ERROR ACCIDENTALIS* est ille , *qui nullam habet cum proposita re necessariam connexionem , atque ideo admissi facti vera causa non potest esse .* Aliquem quis v. g. vel afficit contumelia vel ictibus impetit , quoniam alium habet pro alio , vel sibi concessam ultionem putat mortuo Rege , cujus extincti falsus rumor percrebuerat &c. Sunt hi errores mere accidentales , qui quoniam in hominis agentis mente versabantur , ejus quidem factum concomitati sunt , sed nullo modo fuerunt facti vera causa .

Cœterum adnotandum adhuc est posse varias tum ignorantie tum erroris species in eandem rem conjunctas incidere . Sic potest error facti vel *essentialis* esse vel *accidentalis* ; uterque autem error potest esse aut voluntarius aut non voluntarius , vincibilis aut invincibilis .

Verum hæc de intellectu sufficiant . J  
alia

alias mentis nostræ facultates expendamus; quævis enim ad humanas actiones eliciendas pro sua parte conducit.

## CAPUT II.

*Principiorum series de natura hominis ; de  
VOLUNTATE & LIBERTATE.*

### §. I.

**F**UIT illud Dei propositum, cum hominem condidit, ut mens humana non solum posset objectas res dignoscere, earumque ideas sibi exhibere, verum etiam ut principio agente esset instructa, quo moveretur, siue facultate per quam homo, postquam res objectas dignovit, arbitrio suo valeret agere vel non agere, rem agredi vel omittere. Hæc autem facultas *Voluntatis* nomine venit.

De Voluntate :  
quid sit  
*Felicitas*,  
quid *Bonum*.

Voluntas igitur nihil est aliud quam hæc mentis facultas per quam, ob inditum sue naturæ principium agens, mens arbitrio suo fertur tum ad illas res expetendas quæ sibi conveniunt, tum ad agendum hæc vel illa ratione, vel ad aliquid aggrediendum hæc vel illa ratione, vel ad aliquid aggrediendum aut omittendum, in quibus singulis sue semper felicitatis rationem habet.

FELICITATEM intelligimus intimum illud mentis nostræ gaudium quod ex boni possessione nascitur. BONUM autem licet vocare, quid-

*quidquid homini convenit ad ejus salutem & perfectionem, ad ejus commodum & oblectamentum. Ex Bono dignoscitur MALUM, quod in universum definiri potest, quidquid hominis vel salutis vel perfectioni, vel commodis aut oblectamenti adversatur.*

## §. II.

*Instinctus, Propensiones, Cupiditates.* AD voluntatem referuntur *Instinctus, Propensiones, Cupiditates*. INSTINCTUS vocatur ille sensus quem mens experitur, cum corpus re aliqua indiget ad quam sine mora comparandam mens impellitur. Quo in genere sunt fames, sitis, atque ab illis averfatio quæcumque possunt nocere, &c. PROPENSIONES sunt voluntatis inclinatio qua fertur ad quasdam res objectas potius quam ad alias, sed æquabili ratione, quieta, quæque sic ad omnes voluntatis actiones adtemperatur, ut alias non interturbet, sed soleat adjuvare. CUPIDITATES autem in eo sunt propensionum similes, quod impulsus sint voluntatis ad quasdam res objectas; Verum hi impulsus multo sunt vehementiores & temere incitatiores, unde etiam mentem e naturali sua sede deturbant, impediuntque, ne suas actiones recte dirigat. Quod cum contingit, cupiditates fiunt pestis hominum capitalior. Gigni solent cupiditates ex iis bonis quæ sensibus percipiuntur, quæ mentem illecebris suis alliciunt, & stimulis urgent acrioribus.

Ex iis quæ jam dicta sunt, facile intelligitur



gitur multam esse propensiones inter, cupiditates atque instinctus affinitatem, siquidem nihil unquam aliud sunt quam hi motus affectusque animi, qui sæpius circa res eandem exercentur. Sed inter triplex illud motuum genus hoc interest, quod in omnibus hominibus necessario iidem sint instinctus: causas enim habent tum ipsam humani corporis naturam, tum illius cum anima conjunctionem; sed propensiones, & cupiditates si seorsim spectentur, nullam deprehendes necessariam vel propensionem vel cupiditatem, unde etiam inter hunc, & illum hominem summa est propensionum, & cupiditatum diversitas.

Apud Gallos voluntas prout motus illos experitur qui jam explicati sunt, *Cordis* nomine declaratur, quia forte reputarunt eorum motuum in corde sedem esse.

### §. III.

EA natura nostræ mentis est, ut quid- Libertas  
quid agit voluntas, non solum agat sponte in quo  
seu proprio motu placitoque assensu, per- consistat.  
que insitam sibi vim, sed ut præterea,  
quocumque se vertat, eam comitetur *Libertas*.

*LIBERTAS* dicitur *vis illa mentis cujus ope mens ad suum arbitrium suas actiones temperat ordinatque, ita ut suas deliberationes actionesque vel in suspensio habere valeat, aut in illis pergere, vel illas alio flectere, ac uno verbo in quam velit partem convertere se possit.*

J. J. Burlamaqui.

B

fit,

*fit, & agere cum delectu, prout illi videbitur magis expedire.* Quæ facultas sane præstantissima homini in se ipsum suasque actiones quoddam imperium confert. Hujus ergo facultatis naturam necessarium est paulo accuratius explanare : præsertim cum inde fiat, ut homo sese possit ad normam accommodare, & quidquid agat, ejus rationem reddere teneatur.

Voluntas, & Libertas, cum sint mentis facultates, non sunt quid cæcum, & cognitione destitutum, siquidem illarum parens est intellectus. Nam quæ deliberaveris quonam pacto vel cohibere, vel hanc potius quam illam partem amplecti queas, si quid sit eligendum prorsus ignores? Nonne hoc contra naturam est intelligentem, & ratione præditam, ut agat absque intellectu, & ratione? Levis quidem est, neque recta fortasse, talis hæc vel illa ratio quæ nos ad agendum movet; at aliquam saltem speciem habet, quoddam subobscurum lumen, unde rationem illam impræsentiarum rectam judicamus. Ubi est electio, ibi est rei cum re comparatio. Quisquis porro comparationem init, is rem propositam perpendit saltem confuse, & aliquatenus de illa deliberat, cursim licet, atque ita ut qui deliberat, deliberationem se habere vix senserit.

Eo respiciunt omnes nostræ deliberationes, ut aliquam nobis paremus utilitatem. Fertur enim generatim Voluntas ad *Bonum*, id est, ad illud quodcumque nos potest vel posse saltem videtur præstare felices; ita ut  
omnes

omnes actiones quæ pendent ab homine , quæque ad finem homini propositum quovis modo referuntur, hoc ipso ejus voluntati subjaceant. Quoniam autem *Veritas* seu rerum cognitio homini quoque convenit , & *Veritas* sic accepta *Bonum* est , hinc fit ut voluntas circa veritatem non secus ac circa cætera bona versetur.

Libertas æque ac voluntas propositum habet , & *Verum* , & *Bonum* ; sed quoad actiones Libertas angustior est Voluntate : neque enim in quibus omnibus sua est Voluntatis vis, in eisdem locum habet Libertas, sed tantum in iis actibus quos mentem penes est , vel suspensos habere , vel ad libitum flectere.

#### §. IV.

SED quinam sunt, inquies, illi actus in quibus libertas vim suam exerit? Eos quidem actus dignoscemus, si mentem nostram penitus scrutemur, & quemadmodum ad diversas res objectas se noster animus habeat. 1. Si expendamus nostra judicia tum de vero tum de falso ; 2. Si advertamus deliberatam illam rationem qua vel *bonum* vel *malum* aggredimur ; ac denique in rebus ipsis indifferentibus quem incamus agendi modum. Libertatem sic enucleare necesse ideo erat, ut ejus naturam usumque rectius habeamus perspectum, & quo usque se libertas extendat.

Libertatis usus in nostris judiciis quoad veritatem.

Quod ad *Verum* attinet, ita natura com-

parati sumus, ut simul ac *Evidentia* nostræ menti se manifestam præbet, jam non possumus nostrum de re judicium in suspenso habere, neque nostri oculi tam claræ luci valeant oblistere, sed assentire cogamur. Quis enim v. g. inficias ibit *totum* esse majus *sua parte*; vel si Reipublicæ aut privatæ domus utilitatem spectes, quis negabit potiore esse concordiam pacemque, quam tumultum, diffidia, bellum, &c.

Verum longe aliud evenit in iis rebus quæ minus claræ minusque sunt evidentes; in iis enim summus est libertatis usus. Mens equidem sponte fertur in eam partem quæ sibi videtur verisimilior, ita tamen ut facile judicium suum cohibere possit, donec nova certæ cognitionis argumenta nanciscatur, aut etiam totam illam indagationem in aliud tempus amandare. Quo res obscuriores sunt, eo magis, & cunctari, & assensum nostrum sustinere, aut etiam differre possumus. Atque id experimento constat: quotidie namque, & passim, ut ita dicam, quæstiones emergunt in quibus ob angustos ingenii nostri fines, atque in utramque partem argumenta, dubii suspensique hæremus, nec dijudicamus rem, sed eam iterum expendimus, donec tandem vel huc vel illuc inclinemus. Intelligimus v. g. posse diu mentem nostram incertam esse, nec assensum suum accommodare sequentibus quæstionibus nisi diu deliberatis: Tenemurne juramentum præstare per vim extortum? Justane de causa Ju-

Julius Cæsar occisus est? An æquum erat id a Senatu Romano respui quod Consules sponponderant, ut se *Caudinis Furcis* expedirent? Vel an idem Senatus-Consultum sponfionem ratam debebat habere, eique publici pacti pondus, & auctoritatem superaddere? &c.

## §. V.

QUAMVIS in nostris judiciis jam non sit locus libertati, simul ac res clare, & distincte perceptæ sunt, ne tamen existimemus nullum omnino quoad res evidentes libertatis usum superesse. Primum namque semper in arbitrio nostro est ad eas res animum nostrum intendere, vel eum ab eisdem avertere, scilicet ut quid aliud contemplemur. Atque hic primus voluntatis impulsus quo fertur ad exhibitas sibi cogitationes vel perpendendas vel omittendas eo quidem dignior est qui adnotetur, quod naturalem influxum habet in subsequentem voluntatis assensum, propter quem post exploratas nostras cogitationes atque perpensa judicia, rem aut aggredimur aut præterimus. Quin etiam in quibusdam, adhibita summa mentis contentione, rebusque diligentissime consideratis, in nostra est potestate evidentiam, ut ita dicam, parere: sed antea debilior lux affulgebat quam ut omnino possemus rerum naturam assequi. Denique parvam semel evidentiam plus minusve intentis oculis ad libitum contem-

plamur, in quo non inest parvum momentum, siquidem quo magis magisque explorata res est, eo vehementius mentem nostram afficit.

Objicitur, & solvitur quæstio. Ex iis quæ jam adnotata sunt, gravis exoritur consideratio, cujus ope valeas quæstionem enodare quæ adversus libertatem solet proponi. „ Penes hominem non est, „ inquit, res aliter percipere quam prout „ ejus menti sese exhibent; de illis autem „ mens judicat prout illas percepit, atque „ secundum hæc mentis judicia vel huc vel „ illuc voluntas flectitur. Id omne igitur „ necessario fit, neque a nostra pendet libertate. „

Sed hujus propositæ quæstionis vana est species. Etenim quascumque tricas velis necere, nihilominus fateberis in cujusque arbitrio positum esse ad lucem oculos vel claudere vel recludere, animum intendere vel relaxare. Sua quemvis experientia docet, si varios rei prospectus intueatur, illamque sedulo scrutetur, in ea multa retegere quæ sese primo aspectui subduxerant. Atque hæc quidem satis est attendisse, ut innotescat suum esse libertatis usum, sive in iis quæ intellectus percipit, sive in iis quæ intellecta suscipimus.

## §. VI.

Libertatis  
us  
quoad bonum  
malumque.

AN homines parem habeant libertatem se ipsos ad *bonum* vel ad *malum* convertendi? Est enim hæc altera quæstio quam evolvamus.

Cu-

Cujus quæstionis non aliunde petenda est enodatio, quam si dispiciamus, tum quemadmodum fiat proposita res, tum quid intra nos ipsos experiamur. Equidem quod ad *Bonum*, & *Malum* attinet; si generatim utrumque spectetur, nullam libertatem usurpare possumus, quoniam ad bonum invicta propensione trahimur; & a malo innata est nobis insuperabilis aversio. Quod hominum Conditori sic placitum est, nec inditam sibi naturam illam valet aliquis immutare. Ita namque constituti sumus ut ab eo necessario trahamur quod bonum est; contra quæ mala sunt, ab illis, ut ita dicam, necessario dimovemur atque repellimur.

At hæc in bonum generatim spectatum tam vehemens propensio, & a malo ingenerata nobis aversio, neutiquam obstat quominus omnimoda libertate perfruamur, si quodvis bonum vel malum seorsim consideretur; quamvis enim objectis rebus vel inviti statim afficiamur, non ideo ad singularem hanc vel illam rem aut expetendam aut declinandam necessario impellimur. Æstu sitique viator ardet: huic derepente sese objiciunt pulcherrimi fructus quos nimirum prænuntiant, & suavissimus odor, & plenus deliciarum succus: noster hic quidem viator ad capeffendum oblatum bonum, & ad illum quo premitur angorem salubri cibo sublevandum statim incitabitur. Sed & cunctari potest suamque actionem cohibere, donec perspectum habeat, annon

partem ex iis fructibus utilitatem malum aliquod subsecuturum sit; ac uno verbo deliberationem ac computum inire potest, ut securiorem partem demum amplectatur. Quin imo ea vis est humanæ rationis, ut non solum eo possimus lubentes carere quod mentem nostram jucunde titillat, sed etiam volentes incurrere in eam anxietatem vel dolorem, quem utique optaremus declinare, sed quem ob gravissimas causas pati malimus. Nonne hæc humanam satis arguunt libertatem?

## §. VII.

Libertatis usus quoad res indifferentes. VERUM libertas in *rebus indifferentibus* vim suam manifestius exerit. Sic v. g. intelligo penes me omnino esse vel manum porrigere vel retrahere, sedere vel ambulare, ire dextrorsum vel sinistrorsum, &c. Quibus in rebus humana mens cum sibi ipsi permittatur, quoniam vel non impellitur causis externis, vel hæ causæ ita sibi invicem adversantur, ut neutra prævaleat alteri, dici merito potest humanam mentem huc vel illuc impelli pro arbitrio suo, & secundum eam quam in suas actiones potestatem habet.

## §. VIII.

Cur libertatis usus coerceatur intra ge-

Hoc loco inquirendum venit cur libertatis usus intra bona singularia genusque veritatis non evidens concludatur, nec se se ex-



se extendat ad bonum generatim spectatum, nec ad genus veritatis evidens. Cujus causam si assequamur, majorem simul ansam apprehendemus summam in homine constituendo Creatoris sapientiam admirandi, necnon magis magisque tum propositum libertati finem, tum verum illius usum dignoscemus.

nus veritatis non evidens, & bonarum singularia completatur.

Neceffe primum est id nobis concedi peccantibus, Deo nempe finem hunc propositum fuisse, ut beatum præstaret quem condebat hominem. Quo semel admissio facile quivis fatebitur non aliam homini felicitatis assequendæ rationem superesse quam si *veritatem* dignoscat, & *veris bonis* fruatur. Atque id evidenter arguitur ex iis quæ superius tum de *felicitate*, tum de *bono* disseruimus, quæ sunt eo magis attendenda, quod ex illis derivantur quæcumque jam de præsentī quæstione disceptabimus. Quoties igitur subobscuræ sunt res quas indagamus, nec mentem afficiunt clara luce per quam omnino cernantur, ita ut de illis certa, & stabili ratione judicemus, tunc in hominum arbitrio prorsus debet esse, ut suum de re judicium cohibeant; sic enim, quoniam non trahuntur necessario prima vi qua fuerunt affecti, suam longius producere valent indagationem, donec summum certæ cognitionis apicem, atque si fieri potest, evidentiam nanciscantur. Quod nisi ita se haberet, in errorem passim incideremus, cujus etiam nullum daretur effugium. Quamobrem utilissimum & summopere necessarium

rium fuit, ut in ejusmodi rebus posset homo libertatem suam adhibere.

Sed contra cum res, earumque inter se convenientia, clare & distincte percipimus, ita ut evidenter se manifesta exhibeant, tunc frustra, & ut ita dicam, damnose, judicium nostrum libertatis ope cohiberemus. Ubi enim sic certa cognitio est, ut certior nequeat esse, quid nova, quæso, rei prodesset indagatio, si foret in arbitrio nostro posita? Neque enim duce quisquam eget, qui quo tendat, & cui viæ sit insistendum nitide perspicit. Itaque confert hoc etiam in hominum utilitatem, quod evidentæ cogantur assentiri.

### §. IX.

QUEM libertatis usum circa veritatem esse diximus, idem ferme est circa *Bonum* & *Malum*. Hominis ad felicitatem comparati ea natura debebat esse, ut illi omnino necessarium foret Bonum generatim cupere & expetere, Malum autem refugere. Homo enim mancum quid esset, meritoque Dei Conditoris incularetur sapientia, quæ nempe a proposito fine penitus aberrasset, si tales homini facultates inditæ fuissent, ut in bono maloque generatim spectatis *indifferenter* se haberet, in ejusque arbitrio positum esset bonum malumque generatim spectata vel appetere vel reipuerere, atque in utrovis eligendo suspensum hæ-  
rere.

Sed

Sed quamvis homo necessario Bonum ex-  
petat & Malum oderit , hujus tamen fors  
esset miserrima , si ineluctabili vi cogere-  
tur vel agere vel abstinere , statim ut il-  
lum objectæ res singulares afficerent . Ea  
conditio rerum humanarum est , ut sæpe  
prima nos species fallat , raroque contin-  
gat sive mala sive bona nobis exhiberi ap-  
prime defœcata & impermixta , sed fere  
semper commodis incommoda connectuntur ,  
ita ut pro parte res eadem excipienda , pro  
parte vero rejicienda videatur . Quapropter  
ne fluctuemus incerti , & ut in damnum  
non incurramus , plerumque cohibendi pri-  
mi motus , & res accuratius expendendæ ,  
disceptandæ , computandæ , atque compensan-  
dæ sunt , in quibus omnibus usus requiri-  
tur libertatis . Libertas igitur in subsidium  
venit aliarum facultatum quarum supplet  
defectus , quarumque simul ac errores e-  
mendavit , ejus ultra non desideratur offi-  
cium .

Ex quibus colligitur instructum homi-  
nem iis omnibus esse quibus ad felicitatem  
perveniat in quam natus est , atque hac in  
re non secus ac in cæteris omnibus Dei  
Conditoris mirabilem esse sapientiam .

### §. X.

POSTQUAM humanæ libertatis naturam, Liberta-  
actiones , usumque sic exploravimus , su- tis argu-  
pervacuus forte videbitur labor , si longio- mentum,  
ri sermone contendamus , libertate revera quod ex  
sua cujus-  
dona- que con-

scientia  
deduci-  
tur, cœte-  
ris omni-  
bus argu-  
mentis  
præstat.

donatum esse hominem, neque minus quam  
cœteras dotes, hanc etiam illi facultatem  
in esse.

Sed quia libertatem in hac nostra doctrina *principium* ducimus summopere præcipuum, alterumque nostræ constructionis fundamentum, e re prorsus erit vel saltem indigitare invictum illud humanæ libertatis argumentum quod quotidiana nostra experientia comprobatur. Itaque nostram ipsorum mentem consulamus. Quisque sibi plane conscius est quod pro arbitrio suo possit v. g. vel incedere vel sedere, tacere aut loqui. Nonne etiam singulis momentis experimur penes nos esse judicium nostrum in suspenso habere, quo rei novam indagationem aggrediamur. Quis vere neget nos liberata mente bonum vel malum eligere nulla necessitate compulsos. Quin etiam quocumque modo mens nostra primo affecta sit, judicium tamen nostrum possumus vel statim sistere, tum deinde investigatæ rei hinc & illinc argumenta expendere, ac uno verbo omnia præstare quæcumque arguunt humanam mentem liberrimam esse. Ego si ad quoddam singulare bonum potius quam ad aliud ineluctabili vi traherer, eundem tunc experirer illum affectum quo ad bonum *generatim* spectatum deferor, nempe prævalidum motum quo assensus meus necessario raperetur, & cui non valerem obistere. Sed mea mihi experientia constat quod vim illam ineluctabilem non experiar, si quando quoddam *singulare Bonum*

*num* obicitur .. Etenim eo possum vel abstinere , vel ejus usum differre , vel aliud ei bonum antepone ; possum vel eligere vel hærere suspensus in delectu , seu quod idem est , sum *liber* .

Si quis porro quærat utquid fieri possit homines , quos certum est circa Bonum generatim spectatum non esse liberos , eosdem circa bona singularia liberos tamen esse ? Hujus quæstionis nodus hoc responso solvitur : Nemo scilicet propter innatam omnibus felicitatis cupiditatem insuperabili vi ad ullum singulare bonum trahitur , quia nullo singulari bono felicitas continetur ad quam necessario tendimus .

Quævis objecta diluuntur per ejusmodi probationes ex innato & interiore sensu petitas , quæque medullitus in animum persuasionem inducunt . Fieri enim nullo modo potest ut nostra mens hoc vel illo modo afficiatur , quin se affectam intelligat hoc vel illo modo , propter quem vel bene vel male vel indifferenter se habeat . Neque aliud existentiae nostræ certum habemus argumentum , neque aliunde quam ex interiore sensu nobis constat , quod vel cogitemus vel agamus .

Atque hic nostræ libertatis interior sensus eo minus dubius est , quod fugitivus , & unius momenti non sit , sed continuus , nunquam a nobis discedens , & se quotidie per mille prodens experimenta .

Itaque videmus nihil inter homines , & esse & haberi certius quam penitissimam  
suz

suz libertatis persuasionem. Homines vel generatim omnes, vel seorsim singulos spectata: quidquid excogitant, deliberant, inquirunt, agunt, judicant, totum hoc ex libertate profluit. Hinc boni & mali, vitii & virtutis *idea* seu perceptio, & quæ illis adjuncta sunt, laus & vituperium: hinc nostram & aliorum agendi rationem vel acceptam habemus vel improbamus. Simili calculo reputantur propensiones naturalesque aliorum in alios affectus hominum, quales sunt amicitia, benevolentia, gratus vel insensus animus, odium, ira, querelæ, & exprobrationes: qui affectus, dempta libertate, nulli existerent. Libertas denique quia clavis est, ut ita dicam, intelligendæ totius humanæ naturæ, qui eam tollit, omnia convellit subruitque.

## §. XI.

Quare libertas in dubium adducta sit.

MIRUM ergo est addubitatum serio fuisse an homo liber, an suæ penes illum actiones essent? Minus quidem admirationis pareret hæc addubitatio, si res disceptaretur extra hominem posita. Sed hoc loco idipsum quærimus quod intra nos ipsos peragitur, cujus inest nobis internus, & proximus sensus quem singulis diebus experimur. Sed qua de causa ex mentis nostræ facultatibus aliam in dubium revocant, & potius quærent an homo sit liber, quam utrum intellectu præditus sit & voluntate? Neque enim magis sumus nobis intellectus  
& vo-

& voluntatis conscii quam libertatis . Verum nonnulli acutiores Philosophi de libertate subtilius differentes , ejus , ut ita dicam , naturam immutarunt , & quoniam quibusdam objectis paratum non habebant responsum , hæc potius objecta quam certissimas rei probationes attenderunt , unde sensim eo ventum est , ut libertatis nostræ sensum arbitrati sint commentitium forsitan & inanem esse . Equidem in veritatis disquisitione omnino necessarium est undeque rem intueri , cujus in utramque partem rationes expendendæ sunt ; cavendum tamen ne objectionibus plus addatur ponderis quam in se habeant . Nostra nos experientia docet multis rebus quas merito certissimas habemus nodos quosdam subesse quos liquide non expedimus . Neque hoc mirum videri debet , est enim finita mens hominum . Ex his igitur quæ dicta sunt sic mecum collige : *Quoties veris probationibus nititur aliqua veritas , quidquid adversus eam veritatem objicitur , infixam menti persuasionem nec commovere nec debilitare debet , si tantum trice nectantur , quæ quidem faceffunt negotium , sed vim non convellunt argumentorum .* Quam hîc Regulam statuimus , sic est in omnibus scientiis necessaria , ut ab ea nunquam sit divertendum . (\*) Sed ad propositum redeamus .

## §. XII.

(\*) Longe aliud est intellegire rem aliquam absurdam esse , aliud nescire quidquid ad eam rem pertinet : multumque interest an de quadam veri.

## §. XII.

De actio-  
nibus  
volunta-  
riis, &  
non vo-  
luntariis,  
liberis,  
necessa-  
riis; &  
coactis.

ACTIONES voluntarias seu humanas in  
universum illas vocamus : *quæ pendent a*  
*voluntate*; sed liberas illas dicimus, *quarum*  
*pavens est libertas*, quasque nostra mens ad  
arbitrium suum vel habere suspensas vel  
flectere potest. *Voluntario* opponitur *non vo-*  
*luntarium*; sed *libertati* adversatur *necessitas*,  
sive id quod per *vim*, & *coacti* præstamus.

Omnes humanæ actiones voluntariæ sunt,  
quia nulla est quæ ortum a nobis non ha-  
beat, quamque ipsi non faciamus, sed si  
propter alienam vim cui non valemus ob-  
sistere, impediamur ne quid agamus, vel  
illud inviti cogamur agere, voluntate no-  
stra non assentiente, veluti si quis validior  
correptam nostram manum ad alterum læ-  
dendum adhibeat, actio elicitæ cum non  
sit voluntaria, non est vere nostra actio,  
sed illius qui vi nos ad agendum impulit.

Sed aliter se res habet quoad illas actio-  
nes quas non ob aliam causam coacti præ-  
stamus, quam quoniam aliquod proxime  
no-

veritate quæstio proponatur insolubilis; vel u-  
trum contra quamdam veritatem objectum emer-  
gat insolubile; sed plerique duplex illud quæstio-  
num genus inconsulto permiscunt. Namque ob-  
jectum insolubile, ideo falsum arguit esse, quod  
verum putabatur, quoniam aliquid sequeretur  
absurdum. Sed de quadam veritate proposita  
quæstio insolubilis nostram tantum inscitiam o-  
stendit in multis quæ ad notionem aliunde cer-  
tissimam pertinent.



nobis imminens grave periculum malumve extimescimus ; veluti si Princeps iniquus simul, & crudelis judicem adigeret ad aliquem damnandum infontem, ipsi judici, ni obsequatur, mortem intentando. Ejusmodi actiones, licet ex altera parte coactæ sint, nec enim illas nisi reluctantes aggredimur, nec iis unquam nisi ob ingentem gravissimam necessitatem assentiremus, ejusmodi actiones, inquam, inter voluntarias recensentur. Quidquid enim obtendas, nihilominus ex deliberata proficiuntur voluntate, quæ quoniam duo mala vitare nequit, alterum eligit, & quod sibi videtur minus grave, præfert gravissimo. Id quod novis exemplis melius adhuc explanabitur.

Pauperi suam inopiam ærumnamque palam facienti levamentum quis affert : hæc actio *voluntaria* simul & *libera* est. Sed aliud iter faciens solus inermisque in manus prædonum incidit præsentem mortem intentantium, ni faciat illis eorum copiam quæcumque habet : viator cum vitæ servandæ causa suam omnem pecuniam prædonibus illis habendam permittit, actionem quidem præstat *voluntariam*, sed *coactam* neque liberam. Unde etiam ejusmodi actiones nonnulli *mixtas* nuncupant, quia partim *voluntariæ* sunt, partim *non voluntariæ*. Voluntariæ sunt, quoniam earum fons ab eo manat qui agit, & ad illas minima de malis eligens voluntas convertitur. Sed partim non voluntariæ sunt, quia contra suam propensionem illas voluntas exequitur, quas

J. J. Burlamaqui.

C

nun-

nunquam exequeretur, si declinandi periculi posset aliam nancisci rationem.

Aliud etiam in hoc argumento adnotandum venit. Etenim malum imminens ita grave debet esse, ut non sine multa causa vir sapiens metu afficiatur; tum præterea requiritur ut cogendæ nostræ libertatis jus nullum is habeat a quo cogimur, nec teneamur quidvis ferre potius quam illi non obsequamur. Quibus ita positis rationi prorsus consentaneum est, ut cum e duobus malis alterutrum vitari non potest, minimum eligamus. Quæ talis adhibita vis necessitatem affert quam *moralement* dicimus: sed contra cum ita cogimur agere, ut nullum supersit effugium, hanc vocamus *necessitatem physicam*.

Philosophicæ accuratioris est ut quæ libera sunt, a voluntariis secernantur. Etenim ex iis quæ modo diximus facile intelligitur omnes actiones quæ liberæ sunt voluntarias esse, sed omnes actiones quæ voluntariæ sunt non esse liberas. Communis tamen, & vulgaris sermo promiscue has voces usurpat, quod ideo putavimus adnotandum, ut omnis tollatur æquivocatio.

MORUM etiam nomine quandoque vocamus actiones liberas, prout eas mens spectat tanquam regulæ obnoxias. Inde fit ut *moralement disciplinam* vocemus hanc artem qua docemur tum agendi regulas, tum rationem iis regulis actiones nostras accommodandi.

§. XIII.

NOSTRAM circa mentis facultates disputationem nonnullis adnotationibus concludemus, ex quibus earum facultatum tum natura tum usus melius innotescunt.

Humanæ facultates se invicem juvant.

Humanæ facultates sibi mutuam operam præstant, & quoniam in eadem sede una commorantur, ideo conjunctis viribus agunt. Jam superius dictum est intellectum voluntati præire, libertatisque ducem esse rationem. Itaque intellectus, voluntas, & libertas, imaginandi vis, & memoria, instinctus, propensiones, atque cupiditates, sunt totidem eliciendi cujusdam effectus instrumenta, quibus singulis viribus conjunctis ad veritatis tandem cognitionem, & perfruenda vera bona deducimur, in quo utroque sita est hominum perfectio atque felicitas.

§. XIV.

SED quo nobis hæc omnia commoda comparemus, mentis nostræ facultates sanas oportet esse, quibus recte utamur, naturalemque concentum foveamus inter has ipsas facultates variosque motus quibus ad quasdam res objectas impellimur, aut ab iis abalienamur. Nostrarum igitur facultatum non satis est nosse quæ communis, & naturalis sit conditio, sed præterea sciendum est in quo earundem perfectio atque usus con-

Quid sit Ratio, quid Virtus.

sistant . Quoniam igitur circa veritatem cognoscendam proprie versatur intellectus , hæc mentis nostræ facultas perfecta tum est, cum veritatem liquido compertam habemus, nimirum illud veritatis genus quod nostra plurimi refert dignovisse , tum ut officiis nostris fungamur, tum ut assequamur felicitatem . Intellectus autem ut perfectus evadat, animi sibi constans attentio, judicium rectum, & vera ratiocinatio necessaria sunt. *Intellectus ita perfectus jamque notionibus illis informatus quarum ope VERUM atque UTILE cognoscit, & dijudicat*, proprie nuncupatur RATIO . Atque hinc fit ut Ratio dicatur *Lux* mentis, & *regula*, cui semper in judiciis, & factis nostris parendum sit.

Simili ratione si perfectam voluntatem consideremus, ejus perfectionem deprehendemus sitam esse *in vi, & consuetudine bonarum partium semper amplectendarum*, id est, *dictata Rationis perseveranter auscultandi, nec aliter utendi nostra libertate quam ut quod est optimum eligamus*. Sapiens ille voluntatis dirigendæ modus proprie dicitur VIRTUS, aut etiam quandoque nomine RATIONIS indicatur. Et quoniam nostræ mentis perfectio pendet a mutuis inter se facultatum nostrarum auxiliis, quo tempore perfectissimæ sunt, hinc etiam in latiori significatione *Ratio* nonnunquam idem sonat ac ipsa mens suis omnibus facultatibus instructa, quibus jam nunc recte utitur. Itaque *Rationis* vocabulum conjunctam semper habet perfectionis opinionem, quæ modo totam

tam mentem , modo singularem aliquam illius facultatem indicat .

## §. XV.

QUAS memoravimus facultates omnibus hominibus sunt communes , sed neque in singulis pariter vigent , nec similiter diriguntur . Præterquamquod enim in quolibet homine circumscriptos gradus habent , id est , initium suum , incrementum , perfectionem , imminutionem atque interitum , quemadmodum in organis corporeis solet contingere , multum etiam in singulis hominibus diversæ sunt . Hujus est acrior intellectus , illius autem sunt subtiliores sensus : ille potiore habet imaginandi vim , hic autem vehementiores affectus , quæ omnia infinitis propemodum rationibus inter se conjunguntur varianturque , prout in quoque varia est indoles , institutio , exemplorum vis , & occasionum ex quibus animam nactus est hanc vel illam facultatem , has vel illas propensiones exercendi ; plus enim minusve exercitatione corroborantur . Ex illo fonte scaturit mira illa ingeniorum , studiorum , atque consuetudinum diversitas , quæ cujusvis hominis mores gignit , & quam dicimus cujusque indolem : quæ diversitas tantum abest ut sit inutilis , cum contra juxta divinæ providentiæ placitum , maximus sit ejus diversitatis usus .

Unde-  
nam tam  
diversa  
sit homi-  
num  
gendi ra-  
tio .

## §. XVI.

SED quodcumque sit propensionum, cupiditatum, morumque contractorum robur, nihilominus operæ pretium est adnotare, nunquam illis insuperabilem vim inesse propter quam cogantur homines imperium detrectare Rationis. Sua semper est Rationis præstantia, cujus manent semper salva jura. Ratio convenientem operam & diligentiam impendens malos affectus emendare potest, pravas consuetudines anteverire vel etiam eradicare, vehementissimas cupiditates sapienter præcavendo frænare, sensim imminuere, atque demum extirpare, vel saltem illas intra æquos limites cohibere, Quæ omnia diximus vera demonstrantur esse, quoniam nostræ nobis libertatis conscii sumus, cum varios affectus nostros sequimur, quibus si nimium indulserimus, tacitis urgemur stimulis quibus arguimur volentes peccasse, ac demum sententia nostra innumeris constat experimentis, Neque tamen inficiabimur pravorum affectuum superandorum multum laborem esse, sed qui labor abunde pensatur gloria tantam victoriam subsequente, necnon partis exinde veris commodis.

## CAPUT III.

HOMO, *ita ut antea dictum est*, comparatus, DIRECTIONEM MORALEM admittit, *actionumque suarum rationem ideo redditurus est.*

## §. I.

EX hominis natura quantum ad jus spectata sequitur *hominem ita comparatum esse ut reipsa electionem in suis actionibus & directionem admittat.* Etenim cum possit facultatum suarum ope rerum naturam statumque dignoscere, atque ex illis cognitis iudicium inferre; cum illi potestas insit partium oblatarum utram velit amplecti; ac denique cum multa sint, in quibus valeat libertatis suæ vi pro arbitrio suo vel suspensas actiones suas habere, vel in eisdem pergere, liquet profecto penes hominem suas actiones esse, quibus quodam modo imperitat, & per quod imperium eas huc vel illuc convertit. Unde intelligitur quomobrem necessum erat, quemadmodum hinc orsi sumus, hominis a principio naturam & facultates explorare. Quas enim homini regulas ad agendum præcipies, nisi prius noveris quemadmodum agat; & quibus, ut ita dicam, machinis moveatur.

Hominis  
agendi  
ratio di-  
rectionem  
admittit.

## §. II.

Ex qua adnotatione sequitur alia, hominem nempe, cum sit actionum suarum proximus effector, earum teneri rationem reddere, easque illi merito imputari. Quod hic necesse est paucis explicare. Ex arithmetica deducitur verbum *imputare*, quod proprie significat *aliquem alicujus pecunie debitorem inscribere*. *Actionem alicui imputare* idem est igitur *ac eam illi tanquam ejus vero auctori tribuere, ejusdemque illum, ut ita dicam, debitorem inscribere, cujus proinde rationem reddere teneatur*. Manifestum autem est humanarum actionum, prout ab intellectu & voluntate suum ortum & directionem habent, eam naturam esse ut merito *imputentur*, id est, justa de causa posse hominem earum actionum auctorem haberi, seu causam effectricem, ideoque earumdem ab illo rationem jure peti, effectusque illi merito tribui quicumque ab his actionibus natura profluunt. Neque vero alia causa est, cur quis non possit queri quod sibi quædam actio imputetur, nisi quod ipse sciens volensque illam ediderit. Atque ex ea sententia communi omnium calculo comprobata fere omnia dijudicantur quæ fiunt in homines dicunturque, eidemque sententiæ sua cujusvis conscientia sponte suffragatur.

## §. III.



§. III.

ITAQUE humanarum actionum imputandarum sit hoc præcipuum, inconcussumque principium: *Omnis actio voluntaria potest imputari*, vel ut aliis vocibus res eadem effertur, omnis actio vel prætermissio in hominis cadens potestatem, ei merito imputatur, penes quem erat ut actio vel fieret vel non. Sed contra nobis ea non potest actio imputari quam in nostra potestate non erat vel fieri vel omitti. Juris moralisque disciplinæ periti prætermisiones inter actiones recensent, quia homines, si quid prætermittunt, in suarum facultatum exercitio volentes cessare judicant.

*De imputabilitate principium, quæ confundenda non est cum imputatione.*

Hinc oritur genuina causa propter quam actio vel prætermissio possit imputari, & sic se habet imputandarum actionum seu *imputabilitatis* fundamentum. Sed prorsus advertendum est ex eo quod actio sit imputabilis non ideo *jam nunc imputandam esse*. *Imputabilitas* enim & imputatio secernendæ sunt. *Imputatio* enim non solum requirit *imputabilitatem*, sed insuper *quamdam necessitatem moralem* agendi vel non agendi hoc vel illo modo: seu quod idem est, ut aliqua de causa teneamur facere vel non facere, quod penes nos est ut faciamus vel non faciamus.

Quod utrumque imputandarum actionum genus non satis accurate videtur Pufendor-  
fius secrevisse. \* Eam nos distinctionem hic tantum indicabimus. Cæterum de præ-  
sen-

\* Vid. de  
Jur. Nat.  
& Gent.  
Lib. I. c. 5.  
§. 5. &c

*Offic. Hom. & Civ. l. 1. c. 1. §. 17.* senti, seu *actuali*, ut loquuntur, imputatione dicemus, postquam *obligationis* naturam explicuerimus, hominesque suas actiones revera teneri præscriptis regulis subijcere demonstratum fuerit.

Quidquid huc usque differuimus ad naturam humanæ mentis proprie pertinet, seu ad interiores hominis facultates, quatenus propter illas ad moralem directionem idoneus est. Sed ut naturam hominis penitus habeamus perspectam, dispiciendum insuper est quemadmodum homo se extrinsecus habeat, quarum sit rerum indigus, a quibus pendeat, ad quas res referatur, seu quas experiatur varias *relationes*, ac uno verbo investigandi sunt quos possis dicere *varios status hominis*. Ex nostro enim statu situque judicandum est quis futurus sit ingenitarum nobis facultatum usus.

## CAPUT IV.

*In quo pergitur eorum inquisitio quæ ad NATURAM HUMANAM pertinent, varios scilicet status hominis explorando.*

## §. I.

Definitio.  
Divisio.

**V**ARIII status hominis nihil sunt aliud quam *ejus positio quantum ad res quæ illum circumstant, tum quæ ex hac positione naturæ relationes oriuntur.*

Impræsentiarum satis habebimus præcipuos

puos hominis status in universum delibare, & singulorum quid proprium sit exerere, neque jam nunc peculiarem cujusvis status indagacionem aggrediemur, cui suus erit locus, cum de quolibet statu singulariter differemus.

Varios omnes status hominis ad duplex genus juvat referre: alii sunt status *primigenii innatique*; alii vero sunt *status super-venientes seu adventitii*.

## §. II.

STATUS primigenii innatique illi sunt *in quibus homo ipsa Dei manu constitutus est, nullo hominis facto intercedente.*

Status  
*primoge-  
nii innat-  
ique.*

Hujusmodi primo est status hominis quod ad Deum attinet, siquidem homo propter hunc statum Deo sit *omnino abnoxius*. Etenim homo si vel tantillum facultatibus suis utantur, & se ipsum scrutetur, liquido perspiciat, & vitam & rationem, atque omnia vitæ rationique adjuncta commoda sibi a summo illo Deo concessa esse, in quibus etiam omnibus apertissimo modo sui Conditoris & potentiam & benignitatem quibusvis diebus experitur.

1. Status  
hominis  
quod ad  
Deum at-  
tinet.

## §. III.

PRIMIGENIUS etiam & innatus est aliorum cum aliis status hominum. Eandem singuli terram incolunt, alii nempe juxta alios constituti, communemque singulis naturam

turam

turam fortiti eisdem facultatibus instructi sunt, eisdemque propensionibus, necessitatibus, & cupiditatibus afficiuntur. Neque aliis alii carere possunt, neque aliter quam datis acceptisque beneficiis jucundam, & quietam vitam agere. Itaque in hominibusprehenditur innatum se alteris adjungendi desiderium, unde inter illos operarum & beneficiorum existit communicatio, ex qua gignitur commune bonum omnium & cujusque privata utilitas. Naturalis ergo status inter se hominum status est conjunctionis societatisque, cum societas nihil sit aliud quam *plurium in communem utilitatem conjunctio*. Cæterum liquet hunc societatis statum primigenium esse, nec enim illius homo, sed auctor est ipse Deus. Naturalis porro societatis propriæ sunt *Æqualitas* & *Libertas*. Cunctorum hominum in hac naturali societate sunt eadem jura, & alieni cujusvis imperii sunt immunes, nisi quod uni Deo subditi sunt. Natura enim sui ipsius quisque dominus est, nisi se alicui propter initam pactionem subjecerit.

## §. IV.

3. Status solitudinis. SOCIETATI opponitur solitudo, id est, *status ille in quo putamus fore hominem, si solus viveret, sibi uni permissus, nullumque habens cum cæteris hominibus commercium*.  
 4- Pax. Bellum. Fingamus igitur nobis adultum hominem, cujus nulla institutio, nulla sit cum aliis hominibus consuetudo, atque ideo nullæ cogni-

cognitiones, nisi quas e proprio penu eruis-  
set; equidem hicce homo prorsus esset cun-  
ctorum animantium miserrimus, in quo ni-  
hil videre esset præter imbecillitatem, insci-  
tiam, & barbariem; qui corpori necessa-  
ria vix esset idoneus comparare, & cui con-  
tinuo timendum ne fame, vel frigore, vel  
ferocis alicujus bestię dentibus interiret. So-  
litudinis status ille quantum a societate di-  
screpat, in qua propter mutua inter se ho-  
minum adjumenta, cognitiones illas omnes,  
omnia illa commoda, dulcesque utilitates  
consequuntur, quæ vitam efficiunt tutam,  
felicem, jucundamque. Quæ omnia non  
aliter vera sunt, quam si homines concor-  
des agant, nec noceant sibi, sed beneficiis  
dandis accipiendisque concordiam suam fo-  
veant, qui dicitur status *Pacis*. Sed qui ex  
altera parte volunt alios offendere, & qui  
ex altera coguntur offensionem propulsare,  
ii sunt in statu *Belli*, qui status & acer-  
bus est, & per se a societate alienus.

## §. V.

ADVERTENDUM deinde venit natura ho-  
minem telluri adhærere, cujus e sinu hau-  
rit quæcumque vel ejus saluti conducunt,  
aut vitæ commodis. Unde primigenius al-  
ter hominis status paritur, dignus etiam ad  
quem animum attendamus.

Hominis  
status  
quantum  
ad bona  
terrena.

Corpus humanum ita natura compara-  
tum est, ut per se ipsum & unice propria  
vi servari nequeat. Plurimis enim in qua-  
vis

vis ætate adjumentis externis homo eget ,  
 tum ut se alat viresque instauret , tum ut  
 suas in statu sano facultates tueatur . Qua-  
 propter Deus omnia nobis necessaria juxta  
 nos larga manu circumfudit , simulque no-  
 bis instinctus illos dotesque illas indidit  
 quarum ope nostram in utilitatem quidli-  
 bet verteremus . Hominis igitur sic specta-  
 ti , & prout se habet ad ea bona quæ ipsi  
 terra exhibet naturalem conditionem intel-  
 liges statum esse *indigentiae semperque renascen-*  
*tium necessitatum* , quibus convenienter ne-  
 quit consulere , nisi continuo labore soier-  
 tiam suam exacuat . Ejusmodi præcipui sunt  
 primigenii innatique status hominis .

## §. VI.

Status/*su-* SED homo natura liber primigeniam  
*peruenien-* suam conditionem haud levibus modis po-  
*tes vel ad-* test adtemperare , multasque & varias res  
*ventitii.* instituire , quæ novam inducunt humanæ  
 1. Fami- vitæ faciem . Hinc generantur *status super-*  
 lia .  
 2. Matri- *venientes vel adventitii* , qui proprie sunt  
 monium . hominis opus , *in quibus ille proprio suo fa-*  
*cto versatur* , & propter illas quas ipse sibi  
*constituit vitæ conditiones* , quarum hic præ-  
 cipuæ sunt evolvendæ .

Ac primo sese offert status FAMILIÆ ,  
 quæ societas ut magis ad naturam accedit ,  
 sic omnium antiquissima , & *Societatis Ci-*  
*vilis* fundamentum est ; ex pluribus enim  
 familiis Populus conflatur seu Natio .

Ex matrimonio suum ortum habent fa-  
 mi-

miliæ ; ad conjugium autem homines alligat ipsa natura . Hinc liberi nascuntur qui familias non sinunt extinguī , sed humanam societatem fovēt , & quæ mors quotidie infert damna resarciunt .

Statum familiæ subsequuntur variæ conditiones , qualis est *Mariti* , & *Uxoris* , *Patris* , *Matris* , & *Liberorum* , *Fratrum* , *Sorumque* ; atque sic omnes alii consanguinitatis gradus , quo primo vinculo homines inter se devinciuntur .

## §. VII.

HOMINEM in ortu suo si spectes , mera se prodit in illo tum mentis tum corporis imbecillitas , & impotentia . Quem etiam imbecillitatis , & infantie statum advertendum est in homine quam in cæteris animalibus esse diuturniorem . Eum innumera circumstant premuntque necessitates , quibus quoniam nequit consulere , mentis intellectu viribusque corporis pariter deficientibus , idcirco singulari aliorum ope necesse est illi subveniat . Quamobrem divina providentia parentibus naturalem illum impulsu seu eam charitatem indidit , qua ita vehementer afficiuntur , ut laborem quemvis gravissimum lubentes aggrediantur , propter eorum , quos genuerunt salutem , & utilitatem . Ex hac eadem imbecillitate atque ignorantia , in qua nascuntur homines ; etiam fit ut liberi natura parentibus *obnoxii* sint ; natura enim necessaria .

3. Hominis in ortu suo imbecillitas .

4. Liberi natura parentibus sunt obnoxii .

sariam auctoritatem potestatemque parentibus tribuit, ad eos regendos quorum debent utilitatem promovere.

## §. VIII.

5. *Dominii status.*

MAGNI etiam momenti est constitutum inter homines bonorum dominium, quæ constitutio novum peperit statum adventitium. Primigenium enim jus illud quod unicuique in universa terræ bona compete-  
bat, sic adtemperatur per novum illud dominium, ut quoniam accurata est eorum distinctio quæ ad quemque pertinere debent, singulis illarum rerum quas possident placidus, & quietus usus afferatur: quæ ratio prorsus aptissima est ad fovendam hominum inter se pacem atque concordiam. Sed siquidem fuit hoc hominum primigenium jus, ut quæcumque in eorum utilitatem e terra gignuntur, eisdem in commune uterentur, profecto liquet jus illud, si jam diversimode coarctatum sit, non aliter quam humano aliquo facto fuisse coarctatum, atque ideo inter status adventitios recensendum esse *Dominium* per quod naturale jus circumscriptum est.

## §. IX.

6. *Status Civilis, administratio publica.*

VERUM inter eos omnes status ex humano facto generatos primum locum obtinet *Status Civilis* seu *Societas Civilis*, & administratio publica. Hæc autem Societas  
Ci-



Civilis ab ea, de qua prius dictum est, naturali societate potissimum in eo differt, quod homines cum antea pares essent, & neuter alteri obnoxius, jam alieno imperio seu summæ auctoritati subjiciantur. Initio rerum homines non in Populos, sed in familias distinguebantur. Ex porro familiæ paterno ductu regebantur vel patris vel avi. Sed aucto familiarum numero, & earum viribus in communem defensionem adunatis, cœperunt in populum coalescere, quem ille vel illi arbitrio suo moderabantur cui vel quibus demandatum erat summum imperium. Hinc *Administratio Civilis* nata est, necnon *Principis*, & *subditorum* distinctio.

## §. X.

Ex STATU CIVILI, & rerum dominio dimanant plures aliæ constitutiones, quæ societatis ornatus, & pulchritudo sunt, & ex quibus totidem nascuntur status adventitii: qualia sunt eorum munia qui publicæ administrationis sunt participes; hujusmodi sunt Magistratus, Judices, Principum administristri, rebus sacris præpositi, Doctores &c. Quibus addendæ sunt artes, Agricultura, Navigatio, Mercatura, tum quæ omnia ex illis pendent, unde totidem existunt peculiares hominum conditiones quæ utilem sane varietatem in vitam humanam inducunt.

Ex Statu  
Civili &  
rerum  
dominio  
demanant  
plures  
alii sta-  
tus ad-  
ventitii

## §. XI.

Quis ve-  
re sit sta-  
tus natu-  
ralis ho-  
minis.

ATQUE ii sunt præcipui status ex humano facto generati. Verumtamen quoniam homo primigenium statum suum variis modis adtemperavit ex vi quidem *libertatis naturalis*, ideo quæ hinc oriuntur nova & diversa vitæ genera haberi debent ut totidem *status naturales*; si tamen quidquid homines constituunt, id suæ naturæ, videlicet *rationi & societati* consentaneum sit.

De quo argumento non abs re erit advertere, cum de *naturalis statu* hominis disputamus, non solum intelligendum esse statum illum naturalem, & primigenium, in quo, ut ita dicam, ipsa naturæ manu homo constitutus est; sed etiam intelligendi sunt status illi omnes, quos homo proprio suo facto induit, & qui revera non tantum cum illius natura atque indole, sed etiam cum eo fine consentiunt in quem natus est.

Naturalem enim statum hominis ut vere perspectum habeamus, advertendum imprimis est, posse hominem, cum sit intellectu præditus, & libertate, tum dignoscere suam sortem, tum sibi propositum finem dispicere, atque ut cum assequatur certam rationem inire. Quibus ita positis, sequitur naturalem statum hominis in lata sua significatione, illum esse, *qui consentit cum hominis natura, & conditione, necnon cum ratione, & recto facultatum humanarum usu,*  
post.

postquam suam maturitatem, & perfectionem hæ facultates assequuta sunt. Quæ ultima definitio eo magis attendenda est, quod quanti momenti sit clarius innotescet, eum illam in multis argumentis usui apponemus.

## §. XII.

ADVERTENDUM etiam discrimen est quod inter statum primigenium & adventitium interjacet. Status enim primigenius ideo omnium hominum communis est, quoniam adhæret hominis naturæ atque indoli quales illas accepit a Deo. Sed aliter se habent status adventitii, qui cum factum aliquod humanum præsupponant, non quibulvis indiscriminatim hominibus conveniunt, sed iis dumtaxat, qui hanc vel illam vitæ conditionem sibi ipsi adepti sunt.

Superaddendum tandem est plures illos status adventitios, modo sibi invicem non adversentur, in eodem homine conjunctos adunatosque inveniri posse. Sic aliquis simul potest esse *Paterfamilias*, *Juden*, *Rei publicæ administer* &c.

Hominis natura ejusque varii status eo quo diximus modo intelligendi sunt, & ex omnibus enumeratis partibus totum existit *humanitatis systema*. Eas esse dixeris alicujus machinæ totidem rotulas, quæ invicem interpositæ, & inter se solerter aptatæ, in eundem finem coeunt; quæ si ine-

pte moveantur, mutuis ictibus conteruntur. Verum enim vero qui fieri potest ut homines mediam hanc prudentemque viam insistant, quave norma se ipsos dirigant ut felicem illum quem intendunt finem assequantur? Hoc scilicet erat quod hic expenderemus, & erit illa subsequantium disquisitionum materia.

## CAPUT V.

*In suo vivendi modo debent homines REGULAM sequi: quæ sit ratio hujus Regule inveniendæ, tum quæ sint in universum JURIS FUNDAMENTA.*

## §. I.

Quid sit  
Regula?

**E**X verborum significatione sermonem ordiamur. Regula, in sensu proprio, est instrumentum, cujus ope a puncto ad punctum deducitur linea omnium brevissima, quæ idcirco vocatur recta.

In sensu figurato & morali, Regula nihil aliud est quam *Principium, Præceptum, homini suppeditans tutam & compendiosam rationem, ut quem sibi proponit finem assequatur.*

## §. II.

Ere non  
est ut ho-  
mo vitam  
agat ab-

**DE** quo argumento primum quæritur, an vere hominibus expediat, ut in iis-  
quæ.

quæcumque faciunt, Regulam sequantur certam & immutabilem? Vel num contra possint, nullo habito rerum actionumque discrimine, quibuslibet voluntatis affectibus obsequi, atque sic nullo cohibiti retinaculo totos se permittere inconsultis, ut ita dicam, voluntatis subsultibus, cujus est ea indoles, ut in quamlibet partem summa mobilitate circumferatur.

normem.  
Vid. *Pu-*  
*send. de*  
*Jur. Nat.*  
*& Gent.*  
*Lib. II.*  
*Cap. I.*

Sed ex iis quæ superius disputata sunt jam satis intelligitur naturam & indolem hominis eam esse, quæ Regulam poscat constitui, neque hujus rei probationi necesse est multum immorari. Rerum omnium creaturarum sua destinatio, suus est finis, unde quævis res creata *Principio directionis* sibi proprio ad suam *metam* deducitur. Sed enim huic ordini universe constituto procul dubio subest homo, qui res creatas quæ illum circumstant adeo supereminet. Homo namque seu in se ipso spectetur, prout est intellectu præditus & ratione, seu ut pars est humanæ societatis, seu tandem ut opificium Dei est, ex quo suam existentiam, suas facultates, sortemque suam accepit, quacumque ratione homo, inquam, consideretur, ex enumeratis omnibus evidenter indigitatur *finis aliquis, aliqua destinatio*, atque idcirco *Regulæ* necessitas arguitur. Facultatum hominis nobilissimarum nulla prorsus esset utilitas, si temere vivendi facta illi esset licentia, nihil habenti certum definitumque, loci quo tendat, & insistendæ viæ nescio.

Quamobrem omne circa Regulæ necessitatem dubium secludatur, ac potius Regulam illam inquiramus ex qua sola humanæ vitæ ordo & venustas existere possunt, quæ nimirum lucem affundat homini, ejusque actiones in eum finem ordinet, qui sit dignus homine.

## §. III.

Regula  
præsup-  
ponit/*scopum, finem.*

QUI Regulam dicit humanarum actionum, is evidenter duo præsupponit; primo scilicet posse hominem in actionibus suis dirigi, id quod jam antea demonstratum est; tum deinde homini in suis actionibus consiliisque propositum esse finem quem vult adipisci.

## §. IV.

Hominis  
felicitas  
ultimus  
ejus finis  
est.

VERUM homines, modo se tantillum expendant, brevi compertum habent, se quidquid agunt in suam felicitatem agere, suarumque omnium actionum hunc ultimum finem, hanc ultimam metam esse. Cujus quidem primigeniæ veritatis interno & continuo sensu sumus nobis conscii. Ea est enim natura hominis ut necessario se ipsum amet, semperque in quibuscumque rebus utilitati suæ studeat, a qua non potest esse alienus. Natura enim cupimus quod bonum est, idque ipsum necessario avemus obtinere. Quæ boni cupiditas nostras omnes cogitationes anteit, nec hominum electio-

Etioni permittitur. Boni nempe cupiditas illa sic est humanarum mentium dominatrix, ut eorum quæcumque statuimus causa sit; neque aliquod singulare bonum expetimus, nisi quoniam ad bonum generatim spectatum natura impellimur. Quam nostræ voluntatis propensionem immutare in nostro arbitrio non est positum, quippe quam ipse hominum conditor hominibus indidit.

## §. V.

Quod Providentiæ systema ad omnes res creatas cognitione sensuque præditas extenditur. Quin ipsis animantibus idem instinctus est; singulæ namque se ipsas amant, omnimoda ratione salutem suam tuentur; quod *bonum* vel *utile* sibi videtur, id vehementer appetunt, sed contra, quod *noxium* vel *malum* videtur, ab eo abhorrent. Eadem in hominibus impulsio deprehenditur, quæ non solum dici potest instinctus, sed etiam sana propensio est, quam Ratio comprobatur, efficitque comprobando validiorem. Inde fit ut illud certo nobis acceptum sit quod nostræ felicitatis promovendæ judicamus idoneum; illud autem aversemur, quod ne simus felices putamus obstare. Ex eo fonte manat quidquid hominibus placet, præcipuum illud incentivum est, quo ad agendum impelluntur, idque intelliges eo verius esse, quo magis hominem indagabis.

Boni cupiditas Providentiæ systema est.

## §. VI.

Homo ENIMVERO, si quidquid intellectu præ-  
 natura fe- ditum est & ratione propositum sibi semper  
 licita em habeat in suis factis aliquem finem, liquet  
 cupit, quæ etiam finem illum ultimo loco non alium  
 cupi as esse, quam ipsius naturæ intelligentis utili-  
 non po- tatem atque felicitatem. Quapropter felici-  
 test a Ra- tatis cupiditas non minus ad naturam homi-  
 tione se- nis pertinet quam ipsa Ratio, nec alia po-  
 jungi. test ab altera sejungi. RATIO enim, ut  
 vox ipsa indicat, idem sonat ac COMPUTA-  
 TIO. Ratiocinari idem est ac computare,  
 rationem inire, ut omnibus hinc illinc ex-  
 ploratis, ex qua parte lucrum stat, appa-  
 reat. Itaque pugnaret hoc secum, ut quis  
 intellectu præditus commoda sua non cura-  
 ret, neque suæ felicitatis esset studiosus.

## §. VII.

Nostri QUOCIRCA cavendum imprimis est, ne  
 ipforum nostri ipsorum amorem, sensumque illum  
 amor quo nostræ felicitati tam vehementer adhæ-  
 princi- rescimus, principium ex se malum arbitre-  
 pium est mur, & ex affectu depravato genitum. Sic  
 neuti- enim naturæ nostræ auctorem incusaremus,  
 quam ex ejusque in venenum converteremus præstan-  
 se pra- tissima munera. Bonum est hoc quidquid a  
 vum. conditore summe perfecto defluxit. Equi-  
 dem propter hominum in se ipsis amandis  
 incitiam & imprudentiam innumera mala  
 solet parere nostri ipsorum amor; sed si  
 quis



quīs hunc amorem ideo in se malum judicet, ne is rationem ipsam damnabit; neque enim homines vel turpissimos errores admittunt, vel in maxima vitia decidunt, nisi quia ratione perperam utuntur.

Mirum forsan videbitur quod immorati tamdiu simus in evolvendo principio, quod omnibus debet perspicuum esse, ipsisque indoctis non secus ac doctis. Sed hanc veritatem diligenter enucleare ideo fuit necessarium, quia summi momenti est, & clavis, ut ita dicam, quæ hominis systema referat. Equidem inter omnes moralis disciplinæ magistros convenit natum hominem esse ad felicitatem cujus est illis innata cupiditas: ( Quis enim hanc naturæ vocem non audiat ex mentis erumpentem penetralibus? ) Sed multi principium hoc licet compertum habeant, ab eo tamen videntur aberrare, nec genuinas ejus consecutiones satis attendere, sed longe diversis fundamentis, quæ sibi non semel adversantur, systema suum inædificant.

## §. VIII.

CERTUM est hominem quidquid agit, Felicitatem ipsam propter suam felicitatem agere; sed neque minus certum est *ad felicitatem unice perveniri* RATIONIS ope. tem homo non potest assequi nisi

Quæ ultima veritas ut se manifestam Rationis producat, satis erit expendere, quid sit felicitas, quid bonum, quid malum, & sub qua specie nobis innotescant. *Felicitas est* ope.  
inte-

interius hoc mentis gaudium quod ex boni possessione gignitur: *Bonum* autem est illud quidquid homini convenit ad ejus tuitionem, perfectionem, oblectamentum, voluptatemque. Bono opponitur *Malum*.

Homines vero indefinenter experiuntur, alia esse quæ sibi expediant, alia non; inter illa ipsa quæ expediunt, alia magis quam alia expedire; ac demum illam rerum convenientiam plerumque pendere ex bono vel malo rerum usu: contingit enim ut quæ res expediret, si certa ratione atque ad certum modum illa uteretur, jam non expediat, si definitos legitimi usus limites transilieris. Rerum itaque cum nostra felicitate convenientiam vel repugnantiam dignoscemus, bona secernemus a malis, suo quidquid ordine collocabimus, legitimum rei cuilibet dicemus suum pretium, atque huic pretio nostras cupiditates & disquisitiones accommodabimus: hæc, inquam, omnino præstabimus, si prius ipsa nobis innotuerit natura rerum, tum quemadmodum res inter se atque ad nos referantur, nec enim alia ratio superest.

Sed illam judicandarum rerum peritiam quis assequatur, nisi qui sibi veras rerum ideas, mutuasque illarum affinitates exhibebit, atque recta ratiocinandi methodo inclusas primis illis ideis consecutiones eliciet? Quæ sane omnia sunt opus Rationis. Quin etiam ad assequendam felicitatem non satis hoc est, si rerum naturam statumque vere percipias, sed in tua insuper agenda  
ratio.

ratione necesse est ut tuis rerum ideis tuo-  
que rerum iudicio semper voluntas obse-  
quatur. Certissimum porro est non aliun-  
de quam a Ratione posse hominem hauri-  
re, atque in se vim illam fovere prorsus  
necessariam ut libertate sua recte utatur,  
& in eam partem semper inclinet quam in-  
tellectus satiorem esse iudicat, etiamsi for-  
te aliis affectibus & motibus in contrariam  
partem impellatur.

## §. IX.

QUÆCUMQUE igitur rerum habeatur ra-  
tio, non possunt homines felicitatem asse-  
qui nisi solius Rationis ope, quæ etiam il-  
lis in hunc præcipuum finem data est. Ad  
hunc, inquam, finem omnes nostræ men-  
tis facultates, ejus instinctus, propensio-  
nes, ipsique affectus referuntur: unde ve-  
ram humanarum actionum regulam sola Ra-  
tio potest indigitare; vel hæc ipsa Ratio,  
si mavis, est prima nostra regula. Fido  
enim nostro duce seclusa Ratione, temere  
homo viveret, sui ipsius, suæ originis,  
destinatæ sibi sortis nescius, nec usum etiam  
rerum agnoscens quæ illum circumstant,  
ac demum cæco per similes in quodlibet of-  
fendiculum passim incurreret, atque in la-  
byrintho inextricabili semper errabundus  
vagaretur.

Ratio est  
hominis  
primige-  
nia Re-  
gula.

## §. X.

## §. X.

Quid sit in univ-  
ersum Jus vel  
Rectum.

QUIBUS ita positis ultro se offert prima  
idea quam in se includit vocabulum *Juris*  
seu *Recti*; in latiori autem sua significatio-  
ne, & ad quam omnes aliæ significationes  
quodam modo referuntur, *Jus* seu *Rectum*  
nihil aliud est, quam *quidquid Ratio indu-*  
*bitanter agnoscit & approbat tanquam certis-*  
*simam & compendiosam viam assequendæ fe-*  
*licitatis*.

Quæ definitio ex principiis jam antea  
positis oritur. Sed ut quam recta sit in-  
telligatur, hæc nostra principia proprius  
alia aliis admoveamus, ut in eodem con-  
spectu posita conjunctim exhibeantur. Enim-  
vero *Rectum* id primo significat quodcum-  
que bene dirigit vel bene dirigitur; *Dire-*  
*ctio* refertur ad aliquam *metam*, ad quem-  
dam *finem*, quem volumus assequi; ulti-  
mus finis hominis est ejus felicitas; ac de-  
mum unica *Rationis* ope potest homo feli-  
citatem comparare, ex quibus evidenter  
consequens est *Jus* sive *Rectum* generatim  
spectatum nihil aliud esse quam quidquid  
Ratio approbat tanquam certissimam, &  
compendiosam viam assequendæ felicitatis.  
Inde fit etiam ut Ratio diligenter exculta,  
& eum perfectionis gradum assequuta in  
quo propriæ sibi perspicacitatis vim omnem  
potest exerere, ipsa sibi suffragetur & per  
excellentiam dicatur *Recta Ratio*, utpote  
cum sit primum directionis principium,  
& humanæ felicitatis tutissima via.

Ac

Ac ne quid in harumce primigeniarum idearum analysi prætermittatur, non abs res erit hîc adnotare, *Rectum* Gallis dici quod Latini dicunt *Jus*, quæ vox idem sonat ac *jussum* seu mandatum (1). Duplex illa *Juris* & *Recti* nuncupatio hanc procul dubio causam habet, quod quidquid Ratio competit provehendæ nostræ felicitatis viam esse rectam tutamque, id videatur imperando jubere. Quoniam vero tunc Rationis jussa dignoscuntur, cum id inquiritur quod *Rectum* est, hinc rectæ rationis regulas expendentibus promiscua fuit idea *Juris* & *Recti*. Uno verbo, cum *Jus* & *Rectum* natura sibi cohæreant, Latinis idea *Juris*, Gallis placuit idea *Recti*.

(1) *Jus* a *Jubendo*: *Jura* enim veteres *Jusa* vel *Jussa* vocabant. Festus: *Jusa*, *Jura*.

## CAPUT VI.

*Generales vivendi Regulæ quas Ratio præcipit. De natura Obligationis, & primis ejus fundamentis.*

### §. I.

PRIMIGENIAM igitur, nec id parvi momenti est, humanarum actionum Regulam jam compertam habemus, fidumque ducem illum novimus quo auspice semper incedere homo debet, cujusque auctoritati monitisque auscultare potest omnino securus. Varias instituentæ vitæ Regulæ Ratio præcipit.

rus. Sed nostram investigationem ulterius proferamus. Sæpenumero experimur falsa esse nostra judicia de iis quæ vel bona vel mala esse duximus, ex quâ judiciorum nostrorum perversitate admodum damnosi gignuntur errores. Ducem itaque nostrum consulamus Rationem, ab eaque discamus quæ natura sit eorum quæ vere vel bona vel mala sunt. Sic enim vera nobis felicitas innotescet, tum via quæ nobis ad eam assequendam incunda est.

## §. II.

## I. REGULA.

Bonorum  
Malorumque  
verum  
discrimen habere.

BONA vel Mala, si generatim spectentur, eorum certa est atque immutabilis notio; sed singularia Bona vel Mala, aut quæ talia putantur, multiplici genere continentur.

I. Quapropter primum est hoc Rationis consilium, ut accurate bonorum malorumque naturam, eorumque inter se differentias expendamus, quo verum cuiuslibet rei pretium dicatur.

Id autem non est ita judicatu difficile. Etenim si vel tantillum quotidianam experientiam nostram attendamus, intelligemus i. alia esse bona mentis, alia corporis, quoniam homo mente constat & corpore. Bona mentis ex solis nostris cogitationibus ortum habent: corporis vero bona proveniunt ex rebus extra nos positis sensusque nostros afficientibus. Itaque mera sunt hæc bona mentis, quoties, v. g. propter com-

per-

pertam aliquam magni momenti veritatem jucunde afficimur, vel si quando nobis ipsi suffragamur officio nostro perfuncti; mera sunt autem mala mentis, quoties, exempli causa, Geometra ringitur non comperita quæstionis alicujus solutione, aut si quis male sibi conscius mentis anxietate torqueatur. Quod ad Bona vel Mala corporis spectat, nemo nescit in quo illa posita sint: Hinc valetudo, robur, venustas; illinc morbi, imbecillitas, dolor, &c. Per magni autem hominum interest duplex illud attendere bonorum malorumque genus quæ ad mentem corpusque pertinent; homo enim quoniam mente constat & corpore, ejus tum perfectio, tum felicitas, ex sana pendent utriusque partis conditione.

2. Quod prima fronte bonum sese exhibuerat frequenter advertimus malum revera esse, maximum vero bonum sæpe delitescere in eo quod speciem habet mali. Distinguenda sunt ergo quæ vere bona vel mala sunt ab iis quæ falsam boni malive speciem habent; seu, quod idem est, bonum aliquando est *mere bonum*, & malum aliquando *mere malum*. Alias boni malique confusio ea est, ut statim non intelligatur utra pars alteri præstet, bonum malo, vel malum bono.

3. Tertium discrimen est quod bona malaque alia sint aliis diuturniora, in quo multiplex est bonorum malorumque indoles. Alia enim firma sunt atque persistent,  
alia

alia vero fluxa nec sibi constantia. Quibus adde bona & mala quædam esse quorum, ut ita dicam, sumus domini, quæque sic in nostra sunt potestate, ut aliorum quidem præstare nos immunes possumus, alia vero immota retinere quibus fruamur. Sed hoc uno genere non continentur omnia vel bona vel mala. Namque alia bona sunt quæ ex nobis elabuntur invitis, quibusdam vero malis opprimimur, quamvis ea declinare totis viribus enitamur.

4. Alia sunt bona & mala præsentia quibus jam nunc afficimur; alia sunt bona & mala futura quæ vel speramus vel timemus.

5. Alia sunt bona & mala privata, quæ tantum in aliquot homines cadunt; alia sunt communia & universa, quorum omnis hominum societas particeps est. Verum illud bonum est quod ad omnes spectat; partis alicujus utilitas, si universorum utilitatem impugnat, falsam habet speciem boni, atque ideo verum est malum.

6. Ex quibus omnibus licet tandem intelligere varia esse bonorum malorumque inter se discrimina pro variis eorundem generibus, quæ si alterum cum altero comparentur, alia bona liquebit aliis esse præstantiora, item alia mala aliis graviora. Sic etiam contingit ut aliquod commodum cum aliquo incommodo collatum vel æquale possit esse, vel majus vel minus; atque hinc nova gignuntur discrimina, seu totidem



dem exsurgunt gradus quos operæ pretium est attendere.

Quam igitur præcipuam modo Regulam statuimus, ut nimirum vel bona vel mala recto judicio secernantur, quam sit utilissima, nostræque aptissima felicitari, ex iis patet quæ jam enumerata sunt. Sed & alia sunt Rationis consilia, ex quibus haud levioris momenti nonnulla juvat recensere.

### §. III.

II. QUÆ ab hominis natura statuque prorsus aliena sunt, in eis vera felicitas sita esse nequit. Quæ altera Regula sponte fluit ex ipsa Boni malique notione. Quod enim alicujus Entis naturæ repugnat, hoc ipso nititur vel deterere illud Ens vel delere, ejusque constitutionem depravare vel adulterare; id autem quoniam hujus Entis salutis, perfectioni, utilitatique repugnat adversa fronte, ejusdem idcirco felicitatem funditus subruit evertitque. Itaque Ratio, cum sit pars hominis nobilissima, & in qua potissimum ejus natura posita est, quidquid cum Ratione nequit conciliari, non potest hominis generare felicitatem. Præterea illud quodcumque ab hominis conditione sejunctum est, ejusdem non potest conducere felicitati, quo nihil evidentius est. Quælibet natura, quæ ita constituta est ut ad alias naturas referatur, quibuscum necessario cohæret, in se una non debet spectari, sed spectanda etiam prout

REGULA

II.

Quæ ab hominis natura statuque prorsus aliena sunt, in eis vera felicitas sita esse nequit.

J. J. Burlamaqui.

E

est

est pars *totius*, ad quod refertur. Liquet autem *naturam* qualemcumque vel bonam vel malam conditionem, felicitatem vel infelicitatem magna ex parte fortiri, prout bene vel male se habet ad alias naturas, quæ illam circumstant, atque cum illis vel convenit vel repugnat.

## §. IV.

REGULA III. AD assequendam veram felicitatem, *baud satis est bona vel mala presentia perspicere, sed præterea naturales eorum consecutiones expendendæ sunt; ut, cum futuris presentia comparantes, & utrum præponderet dijudicantes, futurum rei exitum præcognoscere valeamus.*

REGULA IV. Igitur contra rationem facit, qui bonum appetit, ex quo majus malum subsequetur.

Non appetendum bonum ex quo sequetur majus malum. V. Sed contra, *Rationi prorsus consentaneum est malum perpeti, ex quo certo gignendum est majus bonum.*

REGULA V. Quæ hîc præcepta statuimus, eorum veritas momentumque suapte dignoscuntur. Bonum & malum cum sint contraria, quod ab altero gignitur, ab altero præfocatur, id est, certum infortunium inducitur per hujus boni possessionem, cui bono conjunctum est majus malum, & contra felicitas ex levi malo exoritur cui malo connexum est majus bonum. Quapropter singulis perpensis aliud leve bonum fugiendum est tanquam verum malum, aliud

au-

autem leve malum appetendum est tanquam verum bonum.

Ea est humanarum rerum natura ut quas hic regulas statuimus necesse sit attendere. Etenim singulæ nostræ actiones si ita in se ipsis conclusæ atque definitæ essent, ut nihil ex illis consequeretur, non tam frequenter in rerum delectu aberraremus, sed fere semper quæ bona sunt, eligerentur. Verum nostra nobis experientia constat alium sæpe rerum exitum esse ac futurum videbatur, ita ut amarissima fiant quorum erat species jucundissima, contra autem vera bona sibi que constantia non sine labore comparari; unde prudentis hominis non est præsentibus tantum immorari, sed & futura quoque respicienda sunt, ut, futuris & præsentibus æqua diligentia perspectis judicatisque, in optimam partem inclinemus.

## §. V.

VI. EADEM de causa minori bono majus bonum anteponendum est; expetenda sunt semper præstantissima bona, quæ nobis apta sunt; nostra vero desideria & disquisitiones nostræ pro boni cujuslibet natura & præstantia adtemperande sunt. Quæ Regula sic evidens est, ut actum agat qui eam probandam aggrediatur.

REGULA

VI.

Minori bono majus bonum anteponendum est.

## §. VI.

## REGULA

VII. Aliquan-  
do falci-  
pienda  
res, vel  
quia pos-  
sibilis vel  
multo e-  
tiam ma-  
gis, quia  
verissimi-  
lis.

VII. NEUTIQUEM opus est ut quæ ma-  
gni momenti sunt vel bona vel mala certifi-  
sima sint, sed satis est, ut quæ bona vel ma-  
la sunt vel possibilia sint, vel, quod magis  
est, verisimilia, ut vir sapiens levia quæ-  
dam bona abneget, aut levia mala quædam  
perferat, quo multo majora bona consequa-  
tur, vel mala declinet multo graviora.

Quæ Regula ex præcedentibus ortum  
habet, eaque quam vera, quam necessaria  
sit, omnium agendi ratione comprobatur.  
Enimvero utquid homines tot se negotiis  
implicant, tot labores aggrediuntur, tot  
molestias perferunt, tot calus adeunt? Sa-  
ne quoniam proposita sibi habent quædam  
commoda, quæ chariore pretio non putant  
empta fore, etiamsi commodà hæc nec  
jam præsentia nec æque certa sint, ac certa  
sunt incommoda quæ futuri commodi cau-  
sa sustinentur.

Rationi certe consentaneum omnino est,  
ut deficientibus quæ certa sint, probabi-  
lia sequamur tum in judicando, tum in  
agendo; neque enim tunc aliud lumen vel  
aliud ducem habemus. Igitur in multis  
rerum evidentiam supplere debet probabi-  
litas, nisi malis incertus errare quam du-  
cem sequi; vel quia sol non lucet, lam-  
padem putes extinguendam. Atqui vel de-  
bilis facis ope melius quis metam assequa-  
tur, quam si in tenebris perseveret. Hæc  
est

est humanæ vitæ recepta consuetudo ut  
 probabilia plerumque nos ad agendum im-  
 pellant, neque enim semper omnimoda no-  
 bis evidentia potest affulgere. SENECA  
 Philosophus nostrum illud præceptum pul-  
 chre confirmat & enucleat. „ Huic re-  
 „ spondebimus, numquam expectare nos  
 „ certissimam rerum comprehensionem :  
 „ quoniam in arduo est veri exploratio :  
 „ sed ea ire, qua ducit verisimilitudo .  
 „ OMNE HAC VIA PROCEdit OFFI-  
 „ CIUM. Sic ferimus, sic navigamus, sic  
 „ militamus, sic uxores ducimus, sic li-  
 „ beros tollimus, ignari quam omnium  
 „ horum incertus sit eventus. Ad ea ac-  
 „ cedimus, de quibus bene sperandum cre-  
 „ dimus. Quis enim polliceatur ferenti pro-  
 „ ventum, naviganti portum, militanti  
 „ victoriam, marito pudicam uxorem,  
 „ patri pios liberos? Sequimur qua RA-  
 „ TIO, non qua veritas trahit. EXPECTA,  
 „ UT NISI BENE CESSURA NON FA-  
 „ CIAS, ET NISI COMPERTA VERITA-  
 „ TE NIHIL MOVERIS: RELICTO OMNI  
 „ ACTU VITA CONSISTIT. Dum verissi-  
 „ milia me ad hoc aut illud impellant,  
 „ non verebor beneficium dare ei quem  
 „ verisimile erit gratum esse. *De Benefic.*  
 „ *Lib. IV. Cap. 33.*

## §. VII.

VIII. NIHIL *omittendum est quo vera bo-*  
*na mens nostra sapiat; ita ut ex bonorum* REGULA  
 E 3 *con-* VIII.

*contemplatione que indubitanter præstantissima sunt, eorum habendorum cupiditas novis innascatur, & quantam possumus ad eadem obtinenda diligentiam adhibeamus.*

Vera bona sapere.

Hanc Regulam ultimo loco proponi oportuit, quia ex illa superiorum Regularum vis omnis in exequendo effectusque pendet. Nec enim satis est cognitam nobis esse bonorum malorum quenaturam, quæ nos vere felices vel infelices præstare possunt, sed præterea requiritur ut præcepta quibus mens informata est efficacem vim suam exerant, ita ut ex propensione moribusque contractis voluntas eo prompte deferatur quo illam inclinant bene institutæ Rationis consilia. Neque vero sibi aliquis fingat hominum affectus atque studia mutari vel emendari non posse. Quod de palati, idem de mentis sapore dixeris; nam utriusque saporem in alium posse converti experientia docemur, & iis tandem rebus nos delectari quas prius inamœnas dolebamus. Rem primum ægre quis aggreditur, nec sine multo rationis conatu; deinceps ei paulatim assuefimus; tum ea res quia sæpius repetita sensim evadit faciliior, jam in illam non oblectamur, sed aliam quam antea cernimus, ac tandem quod prius averfabamur, ejus amorem inducit consuetudo. Namque initorum morum seu habituum ea vis est, tantumque sensim commodum tantumque oblectamentum in illis se exhibet quæ sumus adjecti facere, ut eisdem abstineamus inviti.

## §. VIII.

EA sunt præcipua Rationis consilia seu præcepta, quæ cum ex ipsa rerum hominisque præsertim natura & statu elicita sint, id ostendunt quod hominem præcipue decet, & Regulas includunt ad ejus perfectionem & felicitatem maxime necessarias.

Quæ hic generalia præcepta statuimus nostrum sibi vel nolentium, ut ita dicam, assensum vindicant, ita ut quam vera, quam sapientia sint, necessario dignoscat exculta sedataque Ratio, præjudicatis opinionibus tumultuantibusque cupiditatibus libera. Hæc autem præcepta ob mentis oculos semper posita nemo non intelligit quantum habitura sint utilitatis. Sic enim illa singulis occasionibus frequenter usurpata in unam sensim constantemque Regulam vertentur humanarum propensionum morumque.

Humana mens ultro assentitur his nostris præceptis, quibus in agendo debemus obsequi.

Neque enim hæc nostra præcepta in mera contemplatione consistunt, sed iis utendum, & secundum illa nostri mores adtemperandi sunt. Quorsum enim suadentem Rationem audias, quam sequi nolis? Et vivendi regularum, quas perspicue bonas utilesque nosti, quod erit pretium, si nullus sit usus? Ipsi certe Rationem intelligimus nobis concessam, ut ejus affluenter radiis incedamus. Quæ hic memoramus præcepta si neglecta sunt, ipsi nos improbamus damnamusque, non secus ac alium quemvis ejusdem negligentiae reum.

Sed quoties ejisdem præceptis parui-  
 mus, veram intus lætiti-  
 am experimur, ipsi no-  
 bis suffragamur aliisque, qui similiter se ge-  
 sere. Hi porro animi sensus ita nobis in-  
 nati sunt, ut aliter sentire non possimus.  
 Itaque positis jam antea præceptis nos sub-  
 dere cogimur non secus ac Regulæ quæ tum  
 nostræ naturæ consentanea est, tum ex qua  
 pendet nostra felicitas.

## §. IX.

Quid sit  
 Obligatio  
 genera-  
 oim spe-  
 ctata.  
 QUORUM præceptorum cum natura no-  
 stra consensio necessitatem inducit eis no-  
 stram agendi rationem accommodandi. Ne-  
 cessitatem dico non *physicam*, sed *mora-  
 lem*. Moralis autem necessitas iis causis contine-  
 tur quibus ita afficimur, ut in certam par-  
 tem inclinemus, nec in aliam possimus ver-  
 gere, si tamen auscultamus Rationi.

Eo sensu quis dicitur obligatus, cum  
 rem tenetur præstare vel omittere; seu quod  
 idem est, cum impellitur magnis & gravi-  
 bus causis, quæ veluti totidem vincula vo-  
 luntatem in hanc vel illam partem detor-  
 quent. Etenim sive e plebe quemdam, sive  
 Juris moralisque disciplinæ peritos consulas,  
 utrosque deprehendes obligationem ponere  
 in ea causa, propter quam recte intellectam  
 probatamque, potius hanc quam illam par-  
 tem amplectimur. Unde consequens est vim  
 omnem obligationis ex eo judicio pendere  
 quo talem talemve agendi rationem proba-  
 mus vel improbamus. Nam qui *probat*,  
 fa-



fatetur quod illud *debeat* facere quod probat : qui vero *damnat* , fatetur quod illud non *debeat* facere quod *damnat* . *Debere* autem & *obligari* voces sunt ejusdem significationis .

Obligationis *propriam* & *figuratam* significationem , alteram alteri natura proximam , tantummodo delibavimus , quam hîc oportet elucidare . Obligatio igitur in sensu proprio est *vinculum* . Itaque homo *obligatus* est *vinctus* . Sed quemadmodum funibus aut catenis quis vinctus non se ipse potest ad agendum movere , sic fere se habet homo *obligatus* ; cum eo tamen discrimine , quod illic externum & physicum impedimentum est naturales vires cohibens : hîc autem vinculum est morale , sive libertas se Rationi submittit . Ratio autem quoniam hominis ejusque facultatum primigenia Regula est , ad eum finem quem ipsa sibi proposuit humanarum facultatum actus dirigit temperatque .

Obligatio igitur in sua prima origine & generatim spectata definiri potest : *naturalis libertatis circumscriptio* , quatenus Rationis *præscripta sunt totidem causæ* , quæ hominem movent ut alio modo se gerat potius quam alio .

## §. X.

Sic se habet primigeniæ obligationis natura . Unde consequens est hujus obligationis validiores aut remissiores vires esse ,

Obligationis vires possunt esse

pro-

aut vali-  
diores aut  
remissio-  
res.

prout majus minusve momentum est in cau-  
lis quibus obligatio nritur, eæque causæ  
plus minusve voluntatem nostram afficiunt.  
Liquet enim quo causæ illæ graviores, &  
efficaciores erunt, eo majorem extitutam  
necessitatem, ut secundum illas nostra pro-  
cedat agendi ratio.

## §. XI.

*Sententia* Nec vero me latet non eam apud omnes  
*Clarkii* Juris & moralis disciplinæ peritos obliga-  
*de natu-* tionis naturam & originem assignari quam  
*ra & ori-* nos assignavimus. Nonnulli censent, ve-  
*gine obli-* rum primumque cujuslibet obligationis  
*gationis.* „ fundamentum positum esse in convenien-  
*Vid.* „ tia vel discrepantia quæ se prodit in qui-  
*Clark.Re-* „ busdam actionibus; suam esse virtutis  
*lig. Nat.* „ interiorem pulchritudinem, unde virtus  
*Tom. II.* „ ob se ipsam amanda sit, sed a vitio con-  
*Cap. III.* „ tra abhørendum esse, quod illi insit in-  
*N. 7.* „ nata deformitas: quæ lectandæ virtutis  
„ & vitii declinandi nobis incumbit obli-  
„ gatio, priusquam attendantur mercedes  
„ aut pœnæ, bona vel mala ex admisis  
„ vitiis aut usurpatis virtutibus emergen-  
„ tia: neque enim ex mercedibus, in-  
„ quiunt, aut ex pœnis oritur obligatio.  
Sed eam obligationis definitionem non  
puto veram esse, nisi ad superiorem defi-  
nitionem nostram reducatur. Qui enim se-  
standam virtutem dicit ob insitam illi pul-  
chritudinem, vitium contra declinandum  
ob insitam ei sceditatem, nã is fatetur nobis

bis *causam* esse cur aliud alii anteponamus. Hæc autem causa, quæcumque sit, voluntatem inclinare non est efficax, nisi quantum præ se fert aut assequendum bonum aut fugiendum malum; uno verbo nisi quantum nostro gaudio, nostræ securitati, nostræque felicitati potest conducere. Quam rem sic se habere vult & hominis & humanæ voluntatis natura. Etenim in universum voluntas bonum sibi propositum habet, atque ideo non aliâ causa quam spes assequendi boni in hanc vel illam partem voluntatem movet flectitque. Igitur omnem hominibus agendi causam aufert, qui ab eis quodvis emolumentum aufert, quo sublato necesse est ut homines prorsus fiant indifferentes desideque. Præterea quam tibi animo effinges humanarum actionum convenientiam vel discrepantiam, pulchritudinem vel deformitatem, aptum inter se vel interturbatum ordinem, nisi quæ hic enumeramus omnia, ad hominem ipsum ejusque destinata sortem, perfectionem, ac uno verbo ad humanæ naturæ commodum veramque felicitatem referantur?

## §. XII.

ALIAM a Clarkio sententiam iniverunt plerique Jureconfulti. (a), „li obligationem

„ pro-

*Barbeyracii* in hoc idem argumentum sententia.

(a) Vid. *Judicium Scriptor. anonym. &c.* §. XV. Cujus opusculi auctor est *Leibnitzius*, & in illud adnotationes suas edidit *Barbeyracius*, indiditque gallicæ suæ *Officiorum hominis & civis* interpretationi quinto excusæ.

„ proprie dictam ponunt in voluntate Na-  
 „ turæ supremæ cui nos subditos agnosci-  
 „ mus . Nec aliud libertatis frænum esse  
 „ contendunt , quam hujus Naturæ volun-  
 „ tatem & jussa , propter quæ tenemur no-  
 „ stras præscripto modo actiones ordinare .  
 „ Neminem addunt in sua agendi ratione  
 „ ad aliquid necessario adstringi , quia re-  
 „ rum inter se videt apitudinem & conve-  
 „ nientiam , licet convenientiæ illi ratio  
 „ suffragetur . Quoniam enim , inquiunt ,  
 „ inter nostram Rationem & nosmetipsos  
 „ nihil interest , nemo , si proprie loqua-  
 „ mur , a se ipso potest obligari . Unde  
 „ colligunt præcepta Rationis nullam obli-  
 „ gationem inducere , si in se ipsis specten-  
 „ tur , & separatim a Naturæ supremæ  
 „ voluntate , a qua suam auctoritatem mu-  
 „ tuantur .

Sed rem nobis non videntur expedire ,  
 qui ea ponunt obligationis fundamenta , eam-  
 que sic definiunt . Hæc enim definitio a  
 remotissimis obligationis fontibus , ejusque  
 veris principiis deducta non est . Equidem  
 qui domino subditus est , ejus tenetur vo-  
 luntatem exequi ; sed illa voluntas exitum  
 suum non fortietur , nisi eidem Ratio assen-  
 tiatur . Quamobrem non solum necesse est  
 ut Domini voluntas in se ipsa nihil inclu-  
 dat ab hominis natura alienum ; sed præte-  
 rea requiritur ut hæc voluntas ad genui-  
 num hominis statum ejusque ultimum fi-  
 nem ita sit accommodata , ut voluntatem  
 hanc necessario dignoscamus nostrarum a-  
 ctio-

Etionum necessario regulam esse, quam respuere foret nobis prorsus exitiolium, sed cui obsequentes propositam metam attingemus. Quod nisi res sic intelligatur, nec etiam intelligi potest hominem se domino volentem subicere, ejusque mandatis libentem obsequi. Equidem si Jureconsultis usitatum loquendi modum attendamus, *Domini jubens* constituit obligationem, qualem vulgo solemus concipere. Sed nisi rem altius repetas, ejusque Domini auctoritatem stabilieris in ipso Rationis assensu, ex illa Domini auctoritate nunquam aliud elicies quam externam *coactionem* sane diversam a vera obligatione quæ propria vi voluntatem afficit, eandemque flectit interiore sensu persuasam; ita ut homo citra vim proprio motu libensque obtemperet.

### §. XIII.

VARIÆ illæ circa naturam & originem obligationis opiniones prima fronte videntur inter se admodum dissimiles; sed ex iis ipsis ea colligo, quæ jam superius adnotavi, eam quanta videtur non tantam discrepantiam esse. Opiniones enim illas si penitus sceuteris, remque ab ovo ordiare, illas profecto sententias intelliges, si bene concipiantur, non modo non dissidere, sed alias aliis accedere, atque etiam conjungendas esse, ut inde *systema* exsurgat recte cohærens cum suis omnibus præcipuis partibus ad naturam statumque hominis perti-

Duo obligationis genera. 1 Obligatio interior: obligatio exterior.

(a) Vid. *inf. Part. II. Cap. VI.* *scet. (a)* Sed expedit ut jam nunc distinguatur duplex obligationis genus: alia enim est *interior*, alia *exterior*. Obligationem interiorē illam dico *quam antea gignit nostra Ratio*, prout *Ratio spectatur tanquam primigenia nostri agendi modi Regula*, & actionem quamlibet suscipiendam vel declinandam suadet, prout *actio illa in se vel bona vel mala est*. Obligatio vero exterior illa est quæ procedit ab auctoritate alicujus nature, cui nos habemus subditos, & a qua quedam præcipiuntur vel prohibentur sub alicujus pænæ comminatione.

Quibus adde, tantum abesse ut hæc duæ sibi invicem adversentur obligationes, ut contra mire consentiant. Quemadmodum enim ex exteriori obligatione novum robur interiori obligationi accedere potest, sic etiam tota obligationis exterioris vis ultimo pendet ex interiori obligatione: atque ex illa utriusque obligationis accessione consensuque maximus exsurgit moralis necessitatis gradus, efficiturque validissimum vinculum seu potentissima causa quæ homines valeat afficere atque impellere, ut certas agendi regulas constanter sectentur a quibus nunquam discedant: ac uno verbo hoc illud est absolutissimæ obligationis principium.

C A P U T VII.

*De JURE prout est FACULTAS & de adjuncta huic Juri OBLIGATIONE.*

§. I.

**H**ACTENUS consideratum est nobis jus, prout est primigenia nostrarum actionum regula. Sed præter generalem illam Juris definitionem quam jam enucleavimus, Juris vocabulum singulares etiam plures significationes obtinet hic adnotandas.

Juris vocabulum  
diversas  
significa-  
tiones  
obtinet,  
quæ sin-  
gulæ flu-  
unt ex il-  
lius gene-  
rali defi-  
nitione.

Sed præcipuum illud est, ut menti semper infixam habeamus generalem illam quam assignavimus Juris definitionem. Etenim ex hac definitione tanquam e suo fonte derivantur quæcumque trademus tum in hoc capite, tum in sequentibus. Omnis autem nostra ratiocinatio, si in se vera sit, & cum dicta definitione necessario cohærens, novum hinc argumentum elicietur quam vera sit nostra definitio. Sin res, spe nostra delusa, secus se habeat, indagationis nostræ saltem hæc erit utilitas, ut error in ipsa sua origine deprehendatur, & sic facilius emendetur, qui sanæ methodi fructus est. Generalem aliquam sententiam ex eo patet veram esse, si ad illam omnes singulares sententiæ referantur, ad quam velut rami ad truncum reduci possunt.

§. II.

## §. II.

Ac primo quidem Jus sæpe accipitur pro  
 Quid sit *qualitate* homini competente, pro *potestate*  
 Jus pro seu *agendi facultate*. Eo sensu dicitur cuili-  
 facultate bet homini Jus esse ut suæ salutis consulat;  
 accep- patris Jus esse liberorum educandorum;  
 tum. Principi Jus esse congregandi exercitus in  
 defensionem imperii.

Jus sic acceptum definiri debet *potestas*  
*homini competens, ut juxta quemdam modum*  
*libertate sua suisque naturalibus viribus uta-*  
*tur, tum quantum ad se attinet, tum quantum*  
*ad alios, modo huic suæ libertatis suarumque*  
*virium usui Ratio suffragetur.*

Quoties itaque dicimus patri jus esse li-  
 berorum educandorum, hoc nihil aliud sibi  
 vult, nisi quod illud sit Rationis præscri-  
 ptum, ut pater libertatem suam viresque  
 suas naturales convenienter adhibeat in sa-  
 lutem suorum liberorum, eorumque men-  
 tem & ingenium informandum. Sic etiam  
 Ratio Principi suffragatur, ut omnia præ-  
 stet quæcumque Reipublicæ salutis & utilita-  
 ti conducunt, & singulariter ut milites con-  
 scribat, & exercitus paret, quorum ope  
 hostibus obstat; quapropter dicimus ho-  
 rum omnium faciendorum Principi jus esse.  
 Sed contra negamus illi jus esse aratores ci-  
 tra necessitatem ex agris, opifices ab opere  
 suo & familia sua abstrahendi; negamus si-  
 militer patri jus esse liberos suos exponendi  
 vel occidendi, quia ejusmodi res plane Ra-  
 tioni contrariæ sunt.

## §. III.



## §. III.

IGITUR non debet *mera potentia* pro Jure accipi. Mera namque potentia est qualitas *physica*, vel facultas agendi secundum omnem virium naturalium & libertatis extensionem, sed minor est *juris* extensio. *Jus* enim convenientiam includit cum regula, regula vero potentiam physicam ita temperat, ut hominis actiones ad quemdam propositum finem ordinet, unde etiam *Jus* dicitur qualitas *moralis*. Nonnulli quidem *potentiam* non secus ac *Jus* moralibus qualitatibus annumerant, quod non ita nostram distinctionem impugnat. Qui enim *potentiam* & *jus* inter qualitates morales recensent, quod nos per *jus*, idem illi fere per *potentiam* intelligunt, quæ confusa loquendi ratio ipso usu videtur comprobata: nam v. g. eodem sensu dicimus *patriam potestatem* & *paternum jus*. Quidquid illud sit de vocibus non est certandum. Præcipuum illud est ut hoc loco *moralia* secernantur ab iis quæ *physica* sunt; quemadmodum autem ipse Puffendorfius indigitat, *physica* per *potentiam*, *moralia* per *jus* melius denotantur. (1) Uno J. J. Burlamaqui. F verbo

(1) Quod si sic intelligatur, *Juris* & *Potentia* eadem erit fere significatio, cum eo tamen discrimine, quod qui dicit *potentiam*, is disertius quidem indicat præsentem sive in res, sive in personas alicujus facultatis possessionem, sed obscurius indicat qua ratione facultas hæc comparata sit: sed qui dicit *jus*, is vere & diserte asserit facultatem.

verbo tunc nostræ facultates vertuntur in *jus*, quoties illarum usus cum ratione consentit, quæ humanarum actionum primigenia Regula est. Quidquid vero duce Ratione homo potest facere, id ipsum jure facit, quia non alio magis compendioso & tutiori modo quam duce Ratione propositum finem homo potest assequi. In quibus nostris opinionibus nihil sane pro arbitrio fictum est, quippe quæ omnes ex ipsa rerum natura desumptæ sunt, atque illæ profecto intelligentur ex principiis jam antea positis fluere, si tamen cum eis consocientur.

## §. IV.

Quo generali  
fundamento  
juris nitan-  
tur homi-  
nibus.

Si quis deinde quærat cur Ratio potius hunc quam illum nostrarum facultatum nostræque libertatis usum comprobet, in promptu responsum est. Ideo enim diversa sunt Rationis judicia, quia diversa est rerum natura diversique illarum effectus. Quemlibet nostrarum facultatum usum ex se ipso nostræ tum perfectioni tum felicitati conducentem Ratio comprobat, quæ idcirco alii cuivis earundem facultatum usui adversatur in contrarium finem vergenti.

## §. V.

facultatem hanc legitima ratione alicui partam esse, quam ideo justa de causa sibi vindicat. *Puffend., de Jure Nat. & Gent. Lib. I. Cap. I. §. 20.*

## §. V.

ITAQUE Jus quale nos exposuimus, & Jus parit prout vim suam in alios exerit, subjectam obligationem. obligationem.

Jam de obligatione generatim spectata in superiore capite disputatum est; sed quo melius, de qua hic agitur, obligatio intelligatur, advertendum est, quoties Ratio cuiquam homini suffragatur, ut hoc vel illo modo suas vires suamque libertatem adhibeat, seu quod idem est, quoties Ratio jus quoddam agnoscit in homine, naturam consequens esse, quo partum huic homini jus asseratur, ut hæc eadem Ratio ceteros homines prohibeat, ne suis viribus suaque libertate utantur ad alienum jus impugnandum, quod violare non solum nefas putare debent, sed præterea in illo jure usurpando possidentem tenentur adjuvare. Ex quibus sic intellectis sponte fuit definitio obligationis, quæ nihil aliud est quam *coarctatum suadente Ratione naturalis libertatis exercitium*, prout Ratio non patitur ut iis obistamus qui suo jure utuntur, sed contra quemvis jubet eis favere atque opitulari qui legitimas res aggrediuntur, vetatque ne illis *obstaculum impedimentumve* asseratur.

## §. VI.

ITAQUE Jus & obligatio duæ sunt voces quæ ad se mutuo referuntur, quarum

Jus, & obligatio mutuo ad se referuntur.

altera necessario includit alteram, nec enim *Jus* concipi potest, nisi & huic subiecta obligatio intelligatur. Quodnam v. g. verum jus patri competet suos liberos honestis rationibus ad sapientiam virtutemque instituendi, nisi liberi paterno imperio non solum se submittere teneantur, verum etiam facili promptoque obsequio suo, quod in illorum utilitatem sibi pater proposuit, ad exitum pro sua parte deducant? Quod si aliter se haberet, humanarum actionum regula jam Ratio non esset, sed ipsa secum pugnaret, & quæcumque jura homini concedit nullam haberent utilitatem, nullumque sortirentur exitum, quia Ratio quod altera manu largiretur, altera subriperet.

## §. VII.

Quo tempore jus & obligatio in hominem cadant.

JURIS, prout est *facultas*, eique *Juri* subiectæ *obligationis* veram naturam assignavimus. Porro in universum affirmari potest quod in hominem jus & obligatio cadant, statim atque vita sensuque præditus est. Statuendum tamen hîc aliquod discrimen est inter jus & obligationem, quantum ad tempus spectat quo jus & obligatio in homine vim suam incipiunt exercere. Homini incumbens obligatio tunc locum solummodo habet, cum eam ætatem homo assequutus est qua pollet Ratione & judicio. Prius enim est nosse obligationem quam ea perfungi; & quod quis facit, id debet intelligere, atque cum quadam regula comparare,

raré . Jura vero quæ alicujus etiam nesciis utilitatem promovent ; illa quidem incipiunt & esse & parere obligationem , quo ipso tempore quis incipit homo esse , tenenturque cæteri homines ejusmodi jura non violare . Exempli causa , infantibus in utero materno degentibus idem partum est jus ac viris , ne quis eos vel male habeat , vel eis injuriam inferat , id quod jure Romano summa æquitate constitutum est : *Qui in utero materno est , perinde ac si in rebus humanis esset , custoditur , quoties de commodo ipsius partus queritur .* ( 1 ) Alius autem Jurisperitus sequentem Regulam statuit : *Itaque pati quis injuriam , etiamsi non sentiat , potest : facere nemo , nisi qui scit se injuriam facere , etiamsi nesciat cui faciat .* ( 2 ) Si ergo de infante quæzratur vel nato vel nascituro , dici proprie non potest quod jam nunc in alios homines quadam obligatione teneatur . Tunc tantum obligationi subijci incipit cum illam ætatem adeptus est , qua valet res dignoscere & dijudicare .

( 1 ) *Leg. 7. ff. De statu homin.*  
( 2 ) *Leg. 3. §. 2. ff. de injuriis , Lib. 47. tit. 10.*

## §. VIII.

JURA & obligationes in varias obligationes & diversa jura distingui possunt ; præcipua satis erit hîc delibasse . ( a )

Ac primo sunt *Jura naturalia & acquisita* . Naturalia Jura dicimus illa , *que homini ab origine & necessario competunt , quæ illius naturæ inherens , quibus propter hoc ipsum fruitur quod homo est , licet ea sibi ipse*

Jura & obligationes multiplici genere continentur . ( a ) Vid. Pufend. De jur. Nat. & Gent. L. 1.

*Cap. 1. §. 19. Et Grot. De Jur. Bell. & Pac. lib. 1. c. 1. §. 4. 5. 6. 7. cum Notis Iarbeyra-  
eii.* nullo suo facto comparaverit. Contra jura  
acquisita sunt illa, quibus homo natura non  
fruitur, sed quæ ipse sibi proprio suo facto  
adeptus est. Sic homini jus hoc innatum  
est ut suæ salutis consulat: at vero impe-  
rium, seu jus consociatis hominibus impe-  
randi, est jus acquisitum.

2. Alia sunt jura perfecta & stricta, alia  
sunt jura imperfecta & non stricta. Jura per-  
fecta sunt illa quorum præstatio stricte potest  
exigi, ita ut pro necessitate vis etiam adhi-  
beatur ut præstentur, vel eorum maneat usus  
salvus adversus eos quicumque in illis utendis  
nobis obistere, vel impedimentum afferre ten-  
tarent. Sic merito vis in illum adhibetur,  
quicumque nostram vitam, vel fortunam,  
vel libertatem impetit. Sed quoties per Ra-  
tionem non licet vim adhibere ut alicujus con-  
cessi per eandem Rationem juris possessio vin-  
dicetur, tunc jus illud dicitur imperfectum  
& non strictum. Quamvis igitur quibus ha-  
bendorum alimentorum facultas non suppe-  
tit, Ratio sit auctor ut illa ab aliis postu-  
lent, attamen non illis permissum est ali-  
menta per vim a nolentibus extorquere.  
Nec dicto opus est in ea quæ disceptatur  
materia juri omnino parem esse obligatio-  
nem, quæ vim habet majorem minoremve,  
& est perfecta vel imperfecta, prout jus ip-  
sum vel est perfectum, vel imperfectum.

3. Tertia est notatu digna distinctio;  
namque sunt jura quæ citra culpam possunt  
remitti; alia sunt quæ nefas est remittere. Credi-  
tor v. g. debitori potest, si lubet, vel omnino  
vel

vel partim debitum remittere. Sed patri non licet competens sibi jus in liberos ita liberis condonare, ut patriæ potestatis omnino sint immunes. Cujus differentię ratio est, quod quædam jura sunt cum nostris officiis natura cohærentia, ideoque homini concessa ut illorum ope officia sua expleat. Quæ jura qui abnegaret, is etiam officium suum abnegaret, quod nunquam licitum est. Sed quod ad jura attinet ab officiis nostris sejuncta licitum est ea remittere, si modo prudenter remittantur. Superaddatur exemplum aliud. Nemini licet ita plane libertatem suam exuere, ut omnimodo se alieno imperio permittat; sic enim in manifestam peccandi necessitatem incurreret, si peccatum ab eo præciperetur cui penitus se subjecit. Verum jure possumus quamdam nostræ libertatis diminutionem pati, si per eam diminutionem officia nostra rectius valemus exequi, certamque nobis & convenientem utilitatem comparamus. Atque sic intelligenda est trita illa sententia, *cuius licere, ut jus suum remittat.*

4. Denique si res spectentur circa quas jus versatur, in quatuor præcipua genera jus dividi potest. Primum est jus nobis in nos ipsos nostrasque actiones competens, quod jus vocatur **LIBERTAS**. Alterum est jus in res quæ ad nos & proprie pertinent, & dicitur **PROPRIETAS** vel **DOMINIUM**. Tertium est jus in personam & res cæterorum hominum, quod nomine venit **IMPERII** vel **AUCTORITATIS**. Quartum

tandem jus est in res alienas, quod multumplex potest esse. Quæ diversa jura impræsentiarum satis est attigisse, quorum naturam effectusque tunc locus est explicandi, cum quælibet singulatim expenduntur.

*Jus*, prout *facultas* est, eo sensu intelligi debet quo intelligendum exposuimus. Sed *juris* alia est peculiaris significatio secundum quam pro *Lege* accipitur; ut si quis dicat, moralis & politicæ disciplinæ in jure naturali posita esse fundamenta; fallere fidem jure naturali vetitum, eodemque præscriptum ut damna resarciantur, &c. In quibus omnibus *Jus* pro *Lege* accipitur. Hujusmodi autem *Jus*, quoniam ad hominem singulari ratione pertinet, operæ pretium est accuratius enucleare, atque hæc subsequentibus capitibus substrata erit materia.

## CAPUT VIII.

*De Lege generatim spectata. (a)*

(a) Vid.  
*Pufend.*  
*De Jur.*  
*Nat. &*  
*Genr. l. 1.*  
*cap. 6.*

## §. I.

**H**ACTENUS humanarum actionum regulam inquirentes ex ipso homine non sumus egressi, sed ejus naturam, quid in se, qualisque sit, indagavimus. Ex qua indagatione compertum est hominem intra se ipsum atque in sua ipsius Ratione regulam invenire quam sequatur; Rationis enim consilia quoniam ostendunt homini viam  
expe;



expeditissimam tutissimamque assequendam perfectionis atque felicitatis, hinc nascitur obligationis principium seu potentissima causa propter quam homo adstringitur suas actiones ad primigeniam illam regulam accommodare. Sed quo penitus homo dignoscatur, haud satis est eum in se uno generatim considerare: verum insuper pro dicta superius methodo attendendi sunt ejus varii status secundum quos ad diversas res diversimode se homo ipse habet, unde etiam variis modis adtemperandæ regulæ sunt, quibus insistere tenetur. Quemadmodum enim jam advertimus, regulæ illæ non tantum cum ipsa natura hominis, sed & cum ejus conditione statuque congruere debent.

§. II.

**PORRO** inter primigenios status hominis, potissimum attendi debet status ille propter quem alterius Juris subditus est, hinc enim præsertim deducitur ejus actionum regula. Enimvero qui alteri neutiquam subditus est, is præter suæ Rationis præscripta aliam regulam non agnoscit, unde alterius voluntati nulla in re subjacet, ac uno verbo sui que suarumque actionum omnimodus dominus est. Secus se res habet in illo, qui alterius potestati subiectus intelligitur. Qui enim se sentit experiturque Domino subditum, primum est ut in sua agendi ratione illius domini voluntati obsequatur: quoniam enim ab eo pender, ve-

Homo natura alteri naturæ obnoxius est, unde humanarum actionum Lex debet esse Regula.

tat

tat cum Ratio veram felicitatem sperare ; nisi se pro domini voluntate gerat, ejusque proposita exequatur. Atque hoc plus minusve pater, prout alter plus minusve domino subditus est, domini autem imperium vel omnimodum est vel circumscriptum. Quæ nostræ omnes adnotationes pulchre intelliguntur ad hominem singulari modo pertinere. Igitur homo simul atque dominum agnovit cujus arbitrio subiacet, consequens est ut illius domini voluntatem actionum suarum regulam ducat esse. Hoc illud *Jus* est quod *Legis* nomine insignitur.

Domini tamen voluntas nihil debet habere Rationi contrarium, quæ humanarum actionum primigenia regula est. Namque contra Rationem non possumus obsequi. Quo igitur Lex humanarum actionum regula fiat, necesse omnino est ut cum hominis natura & conditione consentiat, atque ad ejus felicitatem ultimo loco referatur, quoniam Ratio hominem ad felicitatem expetendam necessario impellit. Quæ quamquam ex se perspicua sunt, magis adhuc evadent perspicua, postquam accuratius explicata fuerit natura *Legis*.

## §. III.

**Definitio** LEGEM definio Regulam à societatis Principe suis subditis præscriptam ; sive ut eis incumbat obligatio quasdam res faciendi, adiungenda cujusdam pœne comminatione ; sive ut ad arbitrium suum quasdam alias res agendi vel

vel omittendi, omnimoda libertas ipsis asse-  
ratur.

Nostra hæc definitio paulum recedit a  
Grotii & Puffendorffii definitionibus. Sed  
utriusque Scriptoris definitionem existima-  
vimus & nimis vagam; neque satis toti  
Legis extensioni accomodatam. Quæ dici-  
mus comperientur vera esse, si definitio al-  
lata cum adnotatis Grotii & Puffendorffii sen-  
tentiis per partes comparetur. (a)

(a) Vid.  
Grot. De  
Jur. Bell.  
& Pac.  
Lib. 1.  
Cap. 1. §.  
9. Et Puf-  
fend. De  
Jur. Nat.  
& Gent.  
Lib. 1.  
Cap. VI.  
§. 4. Qui-  
bus addo  
Notas  
Barbey-  
racii.

#### §. IV.

LEGEM dico esse *Regulam*: primum ut  
id ostendatur quod Legi est cum *consilio*  
commune, utrumque enim vitam humanam  
ordinat; deinde ut secernatur Lex ab eis  
mandatis quæ dominus *obiter* injungit, quæ-  
que inter leges recenseri non debent, quo-  
niam ejusmodi mandata *stabiles* Regulæ non  
sunt quas subditi sequantur. Regula enim  
hæc duo potissimum includit, nimirum ut  
sit *universa* & *perpetua*, quæ universitas &  
perpetuitas quoniam Regulæ generatim spe-  
ctatæ naturam constituunt, Legem etiam  
secernunt ab alia qualibet singulari Princi-  
pis voluntate,

Dico præterea Legem esse Regulam *pra-*  
*scriptam*; si quidem Princeps animo suo  
constituat, nec ejus aliqua significatione vo-  
luntas innotuerit, id pro Lege habendum  
non est. Principis enim voluntas quo par  
est modo subditis est declaranda, ut quid  
Princeps ab illis sibi velit dignoscere, va-  
leant,

leant, compertamque habeant necessitatem suas actiones ad præscriptam Legem accomodandi. Cæterum quocumque modo Principis voluntas declaretur, seu viva voce, seu in scriptis aliterve, parum id quidem interest, dummodo Legislatoris voluntas plane sit nota subditis.

## §. V.

Quid sit SED quam Legis definitionem proposuimus, ulterius explanemus. Lex a Principe præscribitur, unde diversa est *ab amici acipatus, qualisque hominis consilio*, quorum in nos potestas nulla est, quorumque ideirco consilia non eandem vim habent, nec eandem pariunt obligationem ac Lex, quæ cum manet a Principe, ejusdem imperio & auctoritate nititur. (a)

(a) Vid.  
*Puffend.*  
*Jus Nat.*  
*& Gent.*  
*Lib. I.*  
*Cap. VI.*  
§. 1.

(a) Consilio obsequimur ob causas ex ipsa rei suæ natura deductas; Legi vero paremus non solum ob causas propter quas constituta est, verum etiam propter Legislatoris auctoritatem. Ex consilio nata obligatio mere interior est: sed ex Legge parta obligatio non solum interior, sed & exterior est. (b)

(b) Vid.  
*sup. Cap.*  
*VI. §. 13.*

Societas, quemadmodum jam adnotavimus plurium est conjunctio in quemdam finem, seu communem quamdam utilitatem. Societatis finis est exitus seu utilitas quam sibi propositam habent Entia ratione prædita, quamque sibi comparare volunt. Plurium autem conjunctio, est eorundem voluntatis consensus ad assequendum finem omnibus in commu-

*ne propositum*. Quamquam vero Legis definitioni societatem admisceamus, ne tamen inde colligas constituendis Legibus societatem omnino necessariam esse. Etenim res si subtilius disputeretur, & in strictissima significatione Legem accipiamus, recte potest Lex intelligi, etiam si Princeps vel unum hominem suæ potestati subditum habeat: sed ideo ponimus Principem, qui hominum societati præsit, quo nostra Legis definitio ad *factum* seu præsentem rerum conditionem propius accedat. Advertendum tamen est ex hoc ipso quod hinc stet Princeps, illinc adsint subditi, inter utrosque nasci singularis generis societatem, quam possis dicere *inaequalitatis societatem*: imperat Princeps, obsequuntur subditi.

Itaque *summus Dominus* seu Princeps est ille, cui *jus ita competit imperandi*, ut *ejus imperio non sit imperium majus*. IMPERAT autem *is qui ad arbitrium suum actiones dirigit subditorum quos ad obsequium cogere potest*. Principis imperio dixi non esse *imperium majus*, quoniam ut Princeps in societate primas obtinet, sic ejus voluntas cujusvis alius voluntate potior est, eique singula societatis membra obnoxia sunt. Denique JUS IMPERANDI nihil aliud est *quam potestas aliorum actiones convenienti auctoritate dirigendi*. Sed quoniam potestas utendi suis viribus suæque libertate non aliter est *Jus*, nisi quatenus & Ratio suffragatur atque suam huic Juri auctoritatem impertit, hinc est ut ultimo

94 *Juris Naturalis Elementa.*  
loco Jus imperandi ipso Rationis suffragio  
constituatur.

§. VI.

Hic locus erat accuratius indagandi quænam Imperii seu summi Dominii genuina sint fundamenta, seu quod idem est, ex qua causa partum sit jus imponendæ aliis obligationis, eosque ad obsequium adigendi. Quæ quidem quæstio tum in se gravissima est, tum in suis effectibus maximum habet momentum, Quo penitus enim causæ dignoscuntur ob quas ex altera parte imperium constituitur, ex altera vero parendi necessitas incumbit, eo verius lubentiusque quibus subditi sumus, obsequemur. Præterea quæstionem illam non obiter disceptandam esse monet nos ipsa de imperii fundamentis opinionum varietas.

---

C A P U T IX.

IMPERIUM seu JUS IMPERANDI quibus  
fundamentis nitatur.

§. I.

*Adnotatio.* Hic quæstio movetur de necessario principio.  
**Q**UIBUS fundamentis Imperii jus nitatur hoc loco inquirentes quæstionem in universum consideramus, mentemque a singulis generibus abstrahendo. Itaque quæritur undenam deriveretur summum illud

illud imperium cui necessario parendum sit; vel si mavis, causas inquirimus ex ipsa rerum natura profluentes, ob quas necesse sit ut alii quidem imperent, alii autem obediant. Seponatur igitur quidquid attinet ad singulare quoddam imperii genus, iis que tantum generalibus notionibus attendamus unde fluunt prima principia. Quoniam vero generalia principia, si modo vera rectaque sint, ad singulas quaslibet causas aptari facile possunt, sequitur ponenda esse ea prima imperii fundamenta, seu causas quibus imperium constituatur admittendas eas esse, quæ apprime congruant cum omnibus quibuslibet imperii principatusve cognitis generibus. Atque sic, ut superius dicebamus, vel plane compertam habebimus principiorum veritatem, vel in quo manca sint dignoscemus.

§. II.

**P**REMITTENDA etiam est alia hæc in 2. *Adno-*  
universum adnotatio. Neque ullum impe- *tatio.*  
randi jus, neque ulla parendi obligatio na- *Inter eos*  
turalis & necessaria esse potest inter eos *quorum*  
quorum facultates conditionemque eadem na- *est eadem*  
tura sic adæquavit, ut quod alterutri in- *prorsus*  
sit, id ipsum in altero reperiatur. Quod *naturæ*  
cum ita se habeat, quibus de causis alius *conditio,*  
sibi potestatem in alios arrogaret, in illum *neque*  
cæteri eandem ob causas vindicarent impe- *Principes*  
rium. Quoniam autem eo deducta res in *neque*  
absurdum verteretur, consequens est pro- *subditi*  
*necessarii*  
*sunt.*  
pter

pter illam quam dicimus inter plures æqualitatem, ut alterius potestati eorum nullus necessario subjaceat: quemadmodum si duo apponantur æqualia pondera, neutrum aliud extollet. Quorum igitur alios præesse, alios subjici volumus, necesse est eorum natura diversas omnino facultates includat, ex qua facultatum diversitate sequitur ut hic quidem sit *Dominus*, ille vero *subditus*. Sed facultates illas aliter alii definiunt.

## §. III.

Varia de  
imperii  
origine  
& funda-  
mento  
senten-  
tiæ.

1. Censent nonnulli præscribendarum Legum & obligationis imponendæ jus non alio vero primoque fundamento niti quam sola virium præstantia, vel ut loquuntur *ineluctabili potestate*. „ Ex qua, inquit, „ virium præstantia gignitur regnandi jus, „ quoniam qui viribus ita præpollet, ei „ nequeunt (a) alteri resistere.

(a) Vid.

*Hobb. De*

*CiveCap.*

*XV. §. 5.*

2. Imperii originem & fundamentum alii referunt „ *ad naturæ præstantiam*; cujus c- „ nim natura præstantior, is non solum ab „ aliis non pender, quorum minus est præ-

(b) Vid.

*Pufend.*

*De Jur.*

*Nat. &*

*Gent. Lib.*

*1. Cap. VI.*

*§. 11.*

(c) *Bar-*

*beyracius*

*not. 2.*

*in Lib. 1.*

„ nati sunt: quod vel per ipsam hominis „ naturam arguitur; etenim in homine „ mens est quæ regit, utpote pars nobi- „ lior, unde etiam homini suum est in „ cæteros animantes imperium. (b)

3. Neque tertia emittenda est BARBE- „ YRACII sententia (c). Sanæ mentis scri- „ ptor illa unum contendit obligationis gene- „ rale



rale principium esse, in quod cætera omnia obligationis principia resolvantur: nimirum DEO natura subditi sumus, siquidem nos condidit, unde partum illi jus homines cogendi ad illum inditarum hominibus facultatum usum quem ipse Deus manifesto præscripserit. „ Opifex, inquit Barbeyracius, „ quatenus est opifex, dominus est sui operis quo ad arbitrium potest uti..... „ Sculptor si proprio Marte vivas posset „ imagines effingere..... hoc ipso jus nature esset ad obsequium adigendi suis manibus elaboratum, & intellectu præditum marmor. Porro Deus eam qua constamus materiam ejusque partium formam effinxit; nostra tum corpora tum mentes creavit, mentibusque suas facultates indidit: Quos ergo limites vult, potest Deus præscribere humanæ mentis facultatibus, quibus idcirco pro divino jussu hoc vel illo modo tenentur homines uti, &c.

*Cap. II.  
De offic.  
Hom. &  
Civ. §. 5.*

§. IV.

De origine & fundamento Principatus & parendi obligationis eæ sunt præcipuæ tradi solitæ opiniones. Executiendæ sunt nobis illæ, quas ut melius dijudicemus a *physica* necessitate, distinguenda semper erit *moralis* necessitas: tum etiam attendendæ primigeniæ *juris & obligationis* notiones juxta superiorem nostram utriusque definitionem. (a)

I. Quibus ita positis, principium mancum atque etiam falsum, si penitus indage-

J. J. Burlamaqui.

G

tur,

Superiores opiniones excutiuntur. I. Ex sola vi-  
rium præ-  
stantia  
imperan-  
di jus non  
existit.  
(a) Vid.  
*Cap. VI.  
& VII.*

tur, ab illis statui dico, qui jus imperandi possunt in sola virium præstantia seu potestate cui non possit obfisti. Etenim ex eo quod cui non possim obfistere, consequens non est ut illi partum sit in me Dominium, seu ut illi tenear subjici, atque voluntatem ejus habere tanquam universalem mearum actionum regulam. Etenim cum illud sit *Jus* sive *Rectum* cui Ratio suffragatur, ex hoc uno Rationis suffragio, ei qui præest, partum est imperandi jus, unde etiam necessario consequens est, ut hæc eadem Ratio imperanti suffragans in subditis quoque mentis illum affectum pariat quem dicimus obligationem, ex quo mentis affectu volentes lubentesque alterius imperio subjacemus. Quamlibet igitur obligationem antecedunt quædam causæ quibus & afficitur mens & voluntas flectitur, ita ut duce nostra Ratione judicemus ipsimet inique nos imperium detrectaturos, etiamsi possemus, quoniam jure non possumus. At quicumque non aliam imperii causam præfert quam unam suarum virium præstantiam, is certe causam non prætendit obligandæ voluntati sufficientem. Verbi gratia, malefico nullum est imperandi jus, quoniam viribus præstat, neque illi tenemur obsequi, quia illud obsequium, tum juri quale concipitur, tum obligationi manifeste adversatur. Quinimo primum est hoc in potentiam maleficam Rationis consilium, ut & illi obfistamus, eamque, si fieri potest, deleamus. Illud autem obfistendi jus non potest consociari.

fociari cum obsequio, sed obsequium excludit. Equidem ubi perspicuum est vanos fore conatus nostros, & reluctantis majus malum concitatum iri, satius erit, ad tempus obsequi, licet invitos, quam invitæ potentiæ malitiam experiri: tunc enim cogimur ei, sed non obstringimur jure. Vim igitur ineluctabilem patimur inviti, palam obsequimur, sed intus oblectamur; est enim is nobis innatus sensus, unde etiam integrum jus retinemus ad iniquum jugum quibuscumque rationibus excutiendum. Nulla igitur proprie dicta tenemur obligatione. Ibi autem jus deficit, ubi deficit obligatio (a). Quibus itaque in sola virium præstantia constituitur imperandi jus, ii certe damnosam proponunt opinionem, cum jus consecutiones non est hic nobis animus persequendi; eam enim sententiam per vera nostra principia satis est explosam fuisse, quamquam forte iterum de illa alibi.

(a) *Vid. sup. Cap. V, §. 6.*

## §. V.

PROBABILE quid atque etiam verum inest in duabus aliis de quibus dictum est opinionibus. Neque tamen hæ videntur nobis satis ad rem facere, quoniam nimis vaga sunt deducta ex illis principia, quæ nos idcirco volumus æquis limitibus suis circumscribere. Neque ex sola naturæ præstantia jus imperandi est.

2. Meo namque judicio ex sola naturæ præstantia non satis apte deducitur imperandi jus. Equidem illam naturæ præstan-

tiam, in quo mihi perspecta fuerit, in illo fatebor inesse; sed ex illa confessione mea nihil ulterius sequitur; namque ex eo quod aliquis mihi præpolleat, non colligitur satis idonea causa propter quam illi me penitus subdam, & abnegata mea voluntate jam non aliam quam illius voluntatem sequar. Igitur quamdiu mihi præcellentem alicujus naturam enarrabunt, nec aliud adjicient, ad obsequium mea mens non movebitur, quoniam vel ipsa suffragante mihi mea conscientia judicabo sufficientem ad agendum esse mihi meam Rationem. Itaque laudatam in altero naturæ præstantiam contemplanus quidem, at causam obsequii nullam adhuc video. Sin a me contendere pergis ut obsequar, en quo rem deducam. Quem mihi dicis præcellere, dicas etiam velim an mihi bene, an facturus sit male, vel an is sit qui nullam mei curam gerat? Neceffe autem tibi est respondere, atque ego fortassis pro tuo responso, cujus dicis præstantiorem naturam esse, ei fatebor esse jus imperandi, unde mihi obligatio incumbet parendi. Sed ex iis quæ differuimus satis liquet, ni fallor, imperii jus in sola naturæ præstantia non satis apte collocari.

## §. VI.

Neque  
sola suffi-  
cit quali-  
tas Con-  
ditoris.

3. TERTIA forte opinio minus vaga est. „ Deus, inquit, conditor est hominum,  
„ a quo vitam, Rationem, aliasque suas  
„ facultates hausierunt. Deus ergo prorsus  
„ est „

„ est operis sui dominus , humanoque ge-  
 „ neri quas vult regulas potest injungere .  
 „ Hinc fit ut natura Deo subditi simus ,  
 „ cujus omnimodum in nos imperium est ,  
 „ atque hinc etiam existit primæva origo ,  
 „ seu primum cujuslibet imperii fundamen-  
 „ tum .

Hujus tertiæ opinionis auctor quidquid  
 hic attexit , ut in homines imperium Dei  
 constituat , ad summam Dei potentiam re-  
 ducitur . Verum ex eo quod omnipotens  
 Deus est , an necessario & proxime sequi-  
 tur ei *jus* esse Leges hominibus injungen-  
 di ? In hoc enim vertitur totus difficulta-  
 tis cardo . Itaque Deus cum sit omnipotens,  
 valet in homines quidquid vult statuere ,  
 eosque ad placitum suum exequendum adi-  
 gere : Neque enim creatori potest obistere  
 res creata , quæ propter suam naturam con-  
 ditionemque ita in potestate conditoris est  
 ut is eam ad libitum subvertere possit , &  
 delere . Neque de hoc ambigitur . Sed rur-  
 sus sola Creatoris *potentia* non videtur suf-  
 ficere ad illius *Jus* constituendum , atque  
 quid aliud requiritur ut simplex illa *poten-  
 tia* qualitatis *moralis* naturam inducat & in  
*jus* convertatur . \* Ac uno verbo necesse  
 est , ut jam sæpius adnotatum fuit , eam esse  
 potentiam , cui Ratio *suffragetur* ; ut ei lu-  
 bens homo subjaceat ex illo suæ mentis af-  
 fectu qui parens est obligationis .

\*Vid. *sup.*  
 c. 7. §. 3.

Quo res clariori se luce prodat , singa-  
 mus hominem a Deo conditum ut miser  
 esset : quo posito , semper homo quia con-

ditus, & Deus quia conditor, alter ad alterum referentur; sed inter utrumque concipi nequit vel jus vel obligatio. Conditoris certe potestas ineluctabilis ad obsequium posset hominem cogere; sed illata vis neque obligationem, cui Ratio assentiretur, nec *morale* vinculum pareret; quam enim dicimus *moralem* obligationem comitari debent hominis ea voluntas assensusque, ex quibus voluntarium obsequium gignitur: Qui vero summam suam potestatem in hominis ærumnam oppressionemque adhiberet, fieri nequit ut ei homo assentiatur.

Sola igitur Conditoris qualitas non sufficit ad constituendum hinc Jus imperandi, illinc parendi obligationem.

## §. VII.

Imperii vera fundamenta sunt Potestas, Sapientia, Benignitas simul junctæ. AT vero, quod verisimile est BARBERACIUM sensisse, nec satis exposuit, si Conditorem ponamus non omnipotentem solum, sed & summe sapientem benignumque, cujus potentia non in alium finem quam in hominis utilitatem & commodum impendatur, certe quidquid ad legitimæ auctoritatis constitutionem requiritur, illud habebimus.

Nostram ipsorum conscientiam excutiamus. Natura ponatur omnipotens per quam existamus, a qua nobis vita nostræque omnes facultates concessæ sint; tum alterum illud addatur, huic nimirum Naturæ haud minori sapientia quam potestate instructæ, non

non alium fuisse propositum finem quam ut præstaret beatos quos conderet, ob quam etiam causam illis injungeret Leges; porro hæc omnia constare nobis certissime: jam quæro quid ex his putamus consequens esse? Equidem huic omnipotenti domino, quoniam sapientissimus & benignissimus est, mens ultro se subjicit, atque in hujus imperio delectatur. Qui alterius potestatem probat, eidem imperandi jus esse confiteatur, cui proinde Ratio suadet ut nos omnino committamus regendos, ei pareamus, & omnia facta nostra exigamus ad cognitam illius voluntatem. Quorsum hoc? Quoniam ea rerum conditio est, ut non alia nobis via certior & expeditior supersit eam ad quam tendimus felicitatem assequendi. Quod ubi compertum est, volentes imperanti auscultamus subjacemusque: sin autem imperio derectato quid mali nobis contigerit, non possumus quin nosmetipsos improbemus atque merito plecti fateamur. Ex iis quæ jam disputavimus deducenda est proprie dicta obligatio.

## §. VIII.

Quo igitur omnia complectamur conjugamusque, & suis omnibus numeris nostra definitio constet, dicendum est: *Imperii Jus a præcellenti potestate derivari quam potestatem sapientia & benignitas comitantur.*

Sententia nostra expositio.

Ac primum præcellentem potestatem dico: quorum enim esset potestas æqualis, neu-

trius in alterutrum imperium esset, & alterutrum neuter naturali subjaceret necessitate. Præterea imperii nullus esset exitus, & mandata per quæ imperium vim suam exercit, nullius forent ponderis, nisi sufficienti potestate firmarentur. Quis vero Principem illum dicat, cui efficax non suppetere ratio subditos in obsequium adigendi?

Sed neque sufficit præcellens potestas illa, quoniam deinde requiritur, ut *sapiens* & *benefica* sit. Sapere debet hæc potestas ut nostræ felicitati maxime conducentes rationes dignoscat & eligat; debet autem esse *benefica*, ut quæ nostræ felicitati rationes conducunt, in universum gaudeat usurpare.

Quod ut perfectum omnino sit, advertenda tria sunt, quæ in hoc argumento sola possunt adverti. Quam enim præpotentem naturam dicimus vel in nos se habebit *indifferenter*, nimirum neque bene neque male nobis facere curabit, rerum nostrarum unice secunda; vel erit *malefica*, vel denique in nos propensa & *benefica*.

Si natura hæc in nos se habeat *indifferenter*, nihil ad institutam quæstionem nostram attinet. Nam quantumvis altera mihi natura prællat, si me neutiquam curet, meque mihi omnino permittat, jam in illam non aliter me habeo, quam si vel esset mihi prorsus ignota, vel omnino non existeret. (1) Itaque nec illi jus in me ullum,

(1) Impie sentiebat Epicurei, qui sibi Deos singe.



ullum, nec ego ulla in eam adstringar obligatione.

Sin invidia & malefica natura ponatur, non solum ei Ratio non suffragatur, sed adversus illam eo vehementius insurgit, quod magis timenda est, quia potentior. Naturæ namque maleficæ *potentiam* non potest homo tanquam *jus* habere; sed homini contra fas est, ut quibuscumque rationibus formidabili Domino se subtrahat, & mala declinet ab illo imminencia.

Sed naturam ponamus æque sapientem ac beneficam. Non solum huicce naturæ suffragabitur homo, sed ultro & sponte sua ejusdem voluntati assentietur, quoniam ei naturæ omnia insunt necessaria per quæ propositum finem assequamur. Natura enim illa cum sit *præpotens*, eorum qui ei subditi sunt, omnino potest utilitatem promovere, quæ vero noxia procul ab illis amandare. Tum quia *sapiens* est, eorum quibus injungit Leges, perspectas penitus habet ingenitam indolem, facultates, vires, atque veram utilitatem. Quapropter neque in fine ad quem subditos destinat neque in rationibus quibus finem illum assequatur eligen-

fingebant ut summa, sic & quietissima felicitate perfuentes, humanis rebus dedignantur consulere, atque hominum proba vel improba facinora neutiquam reputantes. Quæ quamquam impia sententia sit, ex ea tamen semel posita recte colligebant. Epicuræi quamlibet Religionem & quemvis Deorum metum vanum & fictitium esse. *Puffend. de Jur. Nat. & Gent. Lib. I. Cap. VI. §. 11. Vid. Giffel. de Nat. Dignit. Lib. I. Cap. II.*

eligendis hallucinari potest. Denique quoniam *benigna* est, suos subditos revera vult beatos præstare, unde ad illam subditorum felicitatem cunctas sapientiæ & potentiæ suæ actiones constanter dirigit. Quoniam igitur humanæ Rationis assensum arctissime sibi devinciunt quæ cum potestate sapientia & benignitas conjunguntur, pariter hominem flectunt validissime, atque sic tum interius tum exterius obligatur homo, teneturque præscriptis sibi Legibus parere. Imperii vero jus eò vero fundamento nititur.

## §. IX.

Quæsum- Si res in se dispiciatur, homo cum sit  
mi Prin- Ratione & Libertate præditus, nullo pote-  
cipis jus statis alienæ metu, sed sola alieni imperii  
constitu- sapientia & benignitate deberet obligari.  
unt qua- Sed homines ita sunt natura comparati,  
litates a- ut quoniam leves inconsideratique, vel cu-  
liæ aba- pidi pravique sunt, neque sapientia Legis-  
liis non pidi prævique sunt, neque sapientia Legis-  
sunt se- latoris, neque Legum præstantia plerumque  
jungen- satis afficiantur, ideo ad eorum flectendam  
dæ. voluntatem opus fuit alia causa efficacio-  
ri, qualis est poenæ metus. Igitur in eo  
qui præest auctoritatis columen potestas &  
vis requiruntur; nec in Principe sejungen-  
dæ sunt diversæ facultates ex quarum con-  
junctione jus conflatur imperii. Jus enim  
illud nullo modo gignitur ex sola potesta-  
te quæ benevolentia destituta est: ipsa au-  
tem non sufficeret benevolentia quæ sapien-  
tiam & potestatem non haberet adjunctas

Ne.

Neque enim, si cui bene velim esse, aut etiam aliquot in eum beneficia contulerim, idcirco imperii jus in illum nanciscor. Beneficia grati animi propensione rependuntur; sed ut te beneficiorum memorem exhibeas, necesse non est ut a quo beneficia præstita sunt, ei te tanquam domino subijcias. Verum quas enumeravimus præstantissimæ naturæ præcipuas dotes conjungamus, & summam quidem potestatem ponamus cui homine re ipsa subiaceant, sed quam summam potestatem sapientia summa temperet, & summa incitet benignitas; quid adjici præterea potest, ut hinc omnimoda constituatur auctoritas, & omnimodum illinc obsequium? Qui enim summe potens, summe sapiens, & bonus est, ei cogitur Ratio imperii jus concedere, ipsa que nos ad parendum hortatur, & stimulat. (1)

## §. X.

(1) Dici quidem potest obligationem *exteriorem* ex *Principis voluntate* derivari; sed hæc generalis sententia enucleari debet ea omnia expendendo quæ nos jam disputavimus. Hi autem non mihi probantur qui obligationem *exteriorem* pendere negant ab ulla vi, sed vim inesse Principi dicunt ut possit jus suum tueri. Qui enim natura conjunctas obligationem & vim cogitatione segregant, ipsum convellunt obligationis fundamentum. Nam neque ulla est exterior obligatio absque Principe, nec Princeps absque vi, seu quod idem est, absque potestate; itaque vis seu potestas necessario alterum est obligationis fundamentum.

## §. X.

IN definitione Principis & imperii etiam continetur subditorum definitio. Itaque subditorum nomine veniunt *ii homines quicumque tenentur parere*. Quoniam vero *Potentia*, *Sapientia*, atque *beneficentia imperii jus* constituunt, sic ex *imbecillitate & inopia* subditi sunt homines.

Quapropter recte a PUFFENDORFIO dictum est, \* obligationem exteriori causa partam ideo in hominem cadere, primum quia homo natura pendet a Domino, tum deinde quia intellectu & libertate instructus non solum injunctas sibi regulas dignoscere potest, sed & iis suas actiones cum delectu adtemperare. Quamquam autem vera sit PUFFENDORFII sententia, quæ necessario ponenda intelligitur, alia tamen est verior & proximior causa propter quam homines ad obsequium teneantur. Quo autem proximior illa causa apprehendatur, operæ pretium est advertere, tum demum obligatione constringi naturam Rationis participem, si is qui imperat, idem possit velitque felicitate remunerari obsequentem, vel Leges derectantem infortunio plectere: id autem locum non haberet, si non posset homo *bono* vel *malo* affici, lætitia exhilarari vel dolore deprimi, ejusque præterea felicitas vel infelicitas minui vel augeri. Quæ nisi sic statuantur, homo quidem ineluctabili vi ad certam agendi rationem

\*Vid. Puff.  
fend. de  
offic. Hom.  
& Civ.  
Lib. 1.  
Cap. 11.  
§. 3. & de  
Jur. Nat.  
& Gent.  
Lib. 1.  
Cap. VI.  
§. 6. 8.

nem

nem poterit adigi, sed proprie non obligabitur.

# §. XI.

VERA certe posuimus imperii fundamenta, quorum veritas manifestior adhuc evaderet, si generalia nostra principia cum singulis, quæ nobis nota sunt, imperii generibus conferantur: puta cum imperio Dei in homines, Principis in subditos, Patrum in liberos. Hæc enim singula imperii genera liquebit in nostris principiis fundamentum suum habere, unde novum deducitur argumentum per quod eorundem principiorum veritas asseritur. \* Sed illud impræsentiarum satis est adnotasse, quod subinde diligentius expendetur.

Non potest obligatio perfectior excogitari quam quæ a Legge proficiscitur.

\* Vid. sup. §. 1.

Quapropter non alia potest absolutissima obligatio excogitari quam quæ laudatis superius fundamentis nititur, utpote quæ originem ex eo imperio ducit in quo id continetur quidquid aptissimum est hominibus sic arcte devinciendis, ut in omni sua agendi ratione Legibus obtemperent. Summam enim imprimis obligationem constituunt eæ causæ quæ tam gravi momento voluntatem humanam flectunt, ut præ illis aliæ omnes leves sint. Porro ea quam exposuimus doctrina omnia complectitur quæ voluntati sic inflectendæ conducunt. Ac primo quidem Regulas illas summus Dominus constituit quæ suapte natura tum nostræ virtuti perficiendæ, tum promovendæ

de nostræ felicitati aptissimæ sunt : deinde summi Domini ea potestas & auctoritas est, ut penes illum sit nostra vel felicitas vel infelicitas: tum denique quia summo-  
pote potens, sapiens, & benignus est, omni-  
modam illi fidem habemus. Quid aliud po-  
test excogitari quo validius inclinetur vo-  
luntas, devinciatur animus, & homo con-  
stringatur arctissimo illo *moralis necessitatis*  
vinculo, unde paritur arctissima obligatio.  
*Necessitatem moralem* dico; neque enim na-  
turam hominis subvertere volumus: sua  
semper homini salva est natura intelligens  
& libera; neque summus Dominus aliter  
suis Legibus regendum hominem suscipit,  
nisi quatenus homo intellectu pollet & li-  
bertate. Neque enim Libertas unquam co-  
gitur quantumvis arcta sit obligatio, sed  
ea semper homini facultas inest, ut detre-  
ctandi imperii periculum inire valeat. Ve-  
rum tamen homo si præcepta Rationis au-  
scultet, inditam sibi detrectandi imperii fa-  
cultatem *metaphysicam* non usurpabit, ut  
summi sui Domini propositis obstat in  
suam ipsius perniciem.

## §. XII.

Quam di- Jam duplex assignatum est obligationis  
cimus o- genus (a); alia est *interior* quæ oritur ex  
bligatio- cognitione boni vel mali ipsis rebus inhæ-  
nem, ea rentis, quæ proinde obligatio unius Ratio-  
simul in- nis  
terior &  
exterior  
est.

(a) Vid. *sup.* Cap. VI. §. 13.

nis opus est : alia est *exterior* quæ causam habet ejus voluntatem cujus in nos principatum & dominium agnoscimus . Porro Lex utrumque illud interius & exterius vinculum generat , quorum alterum mutuas vires præbet alteri , unde existit perfectissima obligatio . Atque hinc verisimiliter fit ut Jureconsulti non aliam admittant proprie dictam obligationem quam ex Lege partam & injunctam a Principe . Quod ita verum est , si sola intelligatur *exterior* obligatio , quæ potentissima est & validissime hominem constringit . Neque tamen hinc colligas nullam esse aliam obligationem præter eam quæ exterior est . Namque cum quæsitæ est nobis origo & natura obligationis generatim spectatæ ; tum deinde cum partam ex Lege obligationem expenderemus , ea dogmata statuimus ex quibus , ni fallor , liquet aliam esse *primigeniam* & *interiorem* obligationem quæ a Ratione disjungi nequeat , sed quæ *exteriori* obligationi conjungenda est , ut hæc ab illa vim eam mutuetur , quæ voluntatem impellat flectatque , & quo velit , eo convertat humanam mentem .

Quod nostrum de præsentī materia judicium si quis sedulo perpendat , comperiet fortassis nostrarum opinionum ope inter se sententias illas convenire , quæ non ob aliam causā videntur inter se dissentire quam quod male intelligantur . Sed illud saltem ausim asserere me in constituendis imperii fundamentis eam sententiam sequutum esse , quæ ab ipsa Puffendorffii sententia minime abhorret ,

ret, uti videre erit, si quæ nos tradidimus cum iis comparentur quæ Puffendor-  
fus scripsit tum in magno, tum in com-  
pendioso suo libro. (a)

(a) Vid.

*Puffend.*

*De Jur.*

*Nat. &*

*Gent. Lib.*

*1. Cap. VI.*

*§§. 5. 6. 8.*

*& 9.*

*Et Offic.*

*Hom. &*

*Civ. Lib.*

*1. Cap. II.*

*§. 3. 4. 5.*

*De fine*

*Legum*

*quantum*

*spectat ad*

*subditos*

*& ad ip-*

*sam Prin-*

*cipem.*

## CAPUT X.

*Quis Legum FINIS, quæ Natura, quæ sint*  
*DISCRIMINA.*

### §. I.

**D**ICET forte aliquis Imperii naturæ  
fundamentisque diutius nos immora-  
tos. Sed tantum erat hujus argumenti mo-  
mentum, ut operæ pretium duxerim quibus  
principiis imperandi jus continetur quam  
poteram accuratius evolvere. Erat enim  
hæc aptissima ratio per quam dignosceretur  
natura Legis; & sane quidquid postea de  
Lege disputabimus, illud a principiis supra  
positis deducendum erit.

Ac primo quæritur quis *scopus*, quis *fi-*  
*nis* sit Legum?

Hujus quæstionis duplex, ut ita dicam,  
facies est. Instituitur quæstio de subdi-  
tis, an de Principe? Hoc enim primo di-  
stinguendum occurrit.

Princeps & subditi alter ad alteros sic  
invicem referuntur, ut hinc exsurgat so-  
cietas quam Princeps suis Legibus modera-  
tur. Quoniam autem in quavis societate  
iis est consulendum qui sunt societatis par-  
tici-



icipes, ad illumquoque finem Leges omnes adtemperandæ sunt ; & qui Legum finis spectat ad Principem ei fini non debet adversari qui pertinet ad subditos.

## §. II.

Quod attinet ad subditos, is Legum finis est, ut juxta Leges se subditi gerant, atque sic felicitatem assequantur. Quod spectat ad Principem, ei propositus hic finis est, ut ipse sibi met acceptus sit bene sibi conscius, & meritam laudem referat, si prospere succedant quæ sapienter constituit in suorum subditorum salutem & felicitatem. Igitur disjungendi non sunt hi duo fines natura sibi cohærentes ; nec aliunde quam ex subditorum felicitate quærendum est Principi decus & sibi bene conscia mens.

## §. III.

NE quis ergo existimet ideo constitutas esse Leges ut homines jugo subjiciantur. Hujusmodi finis a Ratione tam absonus minime deceret summum Dominum, qui pro sua natura, quantum est sapiens potensque, tantum debet benignus esse, & in omnibus quæcunque facit ab infitis sibi nunquam recedere perfectis virtutibus. Quorsum igitur Leges constitutæ sunt ? Nimirum ut subditi se gerere teneantur secundum vera sua commoda, & eam viam inire, quæ cum optima & tutissima sit, illos ad pro-

Is Legibus finis propositus est, non ut Libertas coarctetur, sed convenienter dirigatur.

J. J. Burlamaqui. H poli-

positum finem, nempe felicitatem, valere deducere. Quapropter summus Dominus subditos ipse dirigendos aggreditur, utpote qui se ipsos non ita benegerent, eorumdemque libertatem frænaret, ne vel in suam vel in publicam peccent utilitatem. Uno verbo iis summus Dominus imperat qui sunt Rationis participes, unde etiam juxta Rationis normam regendi sunt, & omnia Principis mandata ejusdem Rationis auctoritate, atque, ut ita dicam, sigillo esse debent munita instructaque. Animos enim sibi vult Princeps devincere, nec vim quandoque adhibet, quam ut a Ratione devios intra Rationis septa iterum compellat, ne suæ & publicæ utilitati noceant aberrantes.

## §. IV.

ILLUD expenditur QUÆ cum ita sint, non satis id acceptum videtur quod a PUFFENDORFIO dictum est in ea quam statuit *Legis* cum *Consensu* filio comparatione: „Consilium, inquit, in eum finem tendit quem sibi propositum habet is cui datur consilium, ita ut cui quidpiam suadetur, is possit propositum finem deijudicare, probare, vel rejicere..... Lex vero tendit in finem Legislatori propositum; atque si forte contingat, ut in Lege quædam scripta sint, quæ ad illos referuntur propter quos scripta est Lex, non ideo subditis licet Legis mentem expendere.... Quidquid enim

„ enim includitur Lege , totum id ex ar-  
 „ bitrio pendet Legislatoris (a) „ Meo qui-  
 dem iudicio minus claudicaret Puffendor-  
 fii sententia , si duplicem ille Legum finem  
 statueret , quorum alter spectet ad Princi-  
 pem , alter ad subditos pertineat . Quod  
 ad Principem spectat , hujus in constituen-  
 dis Legibus ea mens esse debet , ut sibi tum  
 ipse satisfaciatur , tum gloriæ suæ consulat .  
 Quod autem pertinet ad subditos , ea de-  
 bet mens esse Principis , ut qui sibi subdi-  
 ti sunt , eos præstet beatos . Nequit alteru-  
 ter finis ab altero dissociari . Principem e-  
 nim contumeliose videntur illi habere , qui  
 eum autumant uni sibi studere , subditorum  
 utilitatis omnino securum . Quamobrem in  
 hoc argumento non secus ac in aliquot a-  
 liis Puffendorcium censeo HOBBSII dog-  
 matibus indulgere .

(a) Vid.  
*De Jur.*  
*Nat. &*  
*Gent. Lib.*  
*I. Cap.*  
*VI. §. 1.*

## §. V.

LEGEM diximus esse , „ Regulam sub-  
 „ ditis injunctam ob quam tenentur quas-  
 „ dam res facere vel non facere , & per  
 „ quam eisdem licet alias quasdam res ad  
 „ arbitrium suum agere vel non agere . „  
 Quæ definitio hîc nobis est accuratius ex-  
 plananda .

Distin-  
 guitur  
 Lex in  
 Legem o-  
 bligantem,  
 & in Le-  
 gem mere  
 permit-  
 tentem.

Principi sine controversia jus competit  
 subditorum actiones ad eum finem dirigen-  
 di quem ipse sibi propositum habet . Qua-  
 mobrem necessitatem eis imponit in qui-  
 busdam agendi certa ratione vel non agen-

di, quæ obligatio primus est effectus Legis. Unde consequens est omnes actiones, quæ non sunt præscriptæ vel prohibitæ, naturali libertati totas permittit; atque in ejusmodi actionibus censetur velle Princeps, ut unicuique licitum sit pro arbitrio suo se gerere: Quæ *permissio* alter est Legis effectus. Itaque Lex, si illam volumus totam amplecti, in duas partes dividi potest. Alia enim est *Lex obligans*, alia *mere permittens*.

## §. VI.

Grotii & Puffendorfi in præsens argumentum sententia. GROTIUS quidem, eique suffragatus PUFFENDORFIUS, *permissionem* proprie dictam & in se ipsa spectatam arbitrantur non esse Legis effectum seu *actionem*, sed ex parte Legislatoris esse *merum actionis defectum*. „ Quod Lege permittitur, inquit „ Puffendorfius, illud nec præcipitur, nec „ prohibetur; atque sic Lex, quoties permittit, nihil quidquam operatur. „ Magni forsan momenti non est eo modo Legis permissionem interpretari. Verumtamen BARBBEYRACIUS in suis ad dictam Grotii & Puffendorfi sententiam adnotationibus videtur de hoc argumento verius & accuratius disputasse. *Permissio* namque ex silentio Legislatoris orta non potest haberi ac velut in Legislatore *merus actionis defectus*. Nihil enim Legislator nisi consulto & sapienter molitur. Igitur si quærat cur Legislator necessariam agendi rationem præcipiat

cipiat in quibusdam rebus, ultra quas non extenditur Lex; respondetur, quia nempe Legislator id suis consiliis iudicavit conducere, si quibusdam in rebus liceret subditis pro arbitrio suo se gerere. Itaque Legislatoris silentio revera, quamvis tacite, permissio inest eorum quæcumque prohibita vel præscripta non sunt; quamvis quod arbitrio relinquitur subditorum, id poterat prohibere vel præcipere Legislator, & certe prohibuisset vel præcepisset, si visa essent expedire prohibitio vel mandatum. Quemadmodum igitur actiones præscriptæ vel prohibitæ per Legem certo ordinantur, sic etiam actiones permissæ pro suo modo naturaque per eandem Legem certo definiuntur. Uno verbo qui limites statuit quos declarat non esse prætereundos, hoc ipso testatur quousque consentiente illo licet progredi. Atque sic *permissio* verus est Legis effectus non secus ac obligatio.

## §. VII.

Cui nostræ sententiæ quo major lux affundatur, ponamus hominem, uti est, summo Domino subditum, cujus voluntatem teneatur exequi, tamquam universam suarum actionum regulam; jam homini hac in conditione constituto sua jura competunt, propter quæ suas actiones tutus & poenæ securus peragit. Sed sane jura illa Principis vel Legis diserta vel tacita permissione fundantur. Quod ita verum est,

ut uno omnium consensum, ob permissio-  
nem alicui Lege concessam, & propter or-  
tum inde jus, cæteris hominibus incumbat  
obligatio, ne suo jure utenti obstant, sed  
ei potius opem ferant quam illum inturtur-  
bent. Natura igitur inter se cohærent obli-  
gatio & permissio, & is est effectus Legis,  
quæ etiam illis suadet quorum jura impu-  
gnantur, ut se aut vî tueantur, aut im-  
plorata Principis ope. Unde cum in Legis  
definitione dictum esset, per eam in qui-  
busdam licere agere vel non agere, adjeci-  
mus, subditis hac ratione omnino sua jura  
per Legem asseri. \*

\* Vid.  
*sup. Cap.*  
*VIII. §. 3.*

## §. VIII.

Quæ sit  
materia  
Legum.

Ex natura & fine Legum dignoscitur ea-  
rundem *materia*. Legibus in universum pro-  
positæ sunt omnes humanæ actiones interio-  
res & exteriores, sive cogitationes, sermo-  
nes, factaque, tum quæ intra quemque de-  
finiuntur, tum quæ referuntur ad alios :  
Legibus, inquam, propositæ sunt hæ actio-  
nes, quatenus in cujusque privati & uni-  
versæ societatis utilitatem, ac in Principis  
gloriam dirigi possunt.

## §. IX.

Ex dictis consequens est, ut Legibus  
Quæ sint *interiores* infint tres hæ conditiones : 1. Quæ res  
conditio- per Legem præcipiuntur debent esse in  
nes Legis; exequendo *possibiles*; is enim foret prorsus  
amens

amens atque etiam immanis, qui vel sub levissima pœna quemquam ad id compelleret, quod nequeat nec unquam potuerit præstare. 2. Debet esse aliqua Legis utilitas; neque enim patitur Ratio coarctari subditorum libertatem, ob id unum ut coarctetur, quin ex illa libertatis imminutione ullum commodum percipiant. 3. Denique Lex debet esse *justa*, id est, cum ordine & rerum hominisque natura consentiens: hoc enim exposcit *Regula*, quæ, ut dictum est, eandem habet naturam ac ipsa Lex.

debet esse  
possibilis,  
utilis &  
justa.

## §. X.

ITAQUE Lex debet esse possibilis, utilis & justa, quibus tribus interioribus Legis conditionibus addi possunt aliæ duæ quodam modo exteriores conditiones, quarum una est ut *sufficienter promulgata sit* Lex, altera ut eadem Lex *convenienti sanctione fulciatur*.

Quæ sint  
Legis  
conditio-  
nes exte-  
riores:  
Lex pro-  
mulgan-  
da & sar-  
cienda est.

I. Necessè est innotescere Leges subditis. \* Quibus enim Leges ignotæ sunt, eorum actiones affectusque per Leges nequeunt ordinari. Debet igitur Princeps solemni, nitida & perspicua ratione suas Leges promulgare; tum deinde subditorum est Principis voluntatem explorare, quam si nesciant, in universum verum est eos ignorantia suæ non posse legitimam causam allegare. Atque hoc illud est quod intelligunt Jureconsulti, si quando statuunt, Juris ignorantiam & errorem nocere, utpote

\* Vid.  
*sup. Cap.*  
*VIII. §. 4.*

vituperio dignum. (a) Alioquin nullus esset Legum exitus, quæ impune semper eluderentur eo colore quod essent ignotæ.

## §. XI.

DENIQUE convenienti sanctione Lex fulcienda est.

Sanctio est *ea Legis pars qua continetur pœna in eos statuta qui Legem frangent*. Pœna autem est illud malum quod Legem ausuris frangere Princeps minatur, quodque reipsa Legem frangentibus infligit, ut ex inflicto malo bonum aliquod subsequatur, qualis est fontis emendatio, atque ut hinc suum sit aliis subditis documentum; tum denique ut hominum societas in Legum reverentia cultuque securitatem, quietem & felicitatem suam nanciscatur.

Cujuslibet ergo Legis sunt duæ partes: altera quæ mandatum vel prohibitionem continet; altera quæ pœnam minatur, & postrema hæc dicitur *sanctio*: Lex autem a sanctione suam vim omnem mutuatur. Princeps enim si quid juberet vel prohiberet, nulla pœnarum adjuncta comminatione, jam ea non esset cum imperio lata Lex, sed prudens solummodo consilium.

Cæterum pœnæ genus disertis verbis in Lege declarari non omnino necesse est; satis est si Princeps pœnam minetur, pœnæ  
genus

(a) Regula est Juris, quidem ignorantiam cuique noscere. *Digesti, Lib. XXII, Tit. VI, Lex IX, pr.*



genus & modum pro sua sapientia definiturus. (a)

Adnotandum etiam est pravis actionibus inesse naturalem & necessariam pœnam prorsus diversam a pœna proprie dicta quam infligit Legislator. Quæ enim pœna ex Lege est, ea debet continere malum sive dolorem, ut ita dicam, *supervenientem*, & ex Principis voluntate partum; quoniam quæ ex pravis actionibus necessario consequuntur mala, siquidem absque Lege contigissent, Legi tribuenda non sunt. Comminationes ergo Principis, ut suum momentum habeant, instructas oportet esse iis pœnis, quæ ab eo malo diversæ sunt, quod necessario pravis actionibus inest. (b)

## §. XII

QUÆRITUR denique an sanctio Legum, ita ut in pœne comminatione, possit etiam in promissa mercede contineri? Id quidem in universum ex Principis voluntate pendet, qui pro sua prudentia alterutram rationem vel utramque simul potest usurpare. Legis sanctio, ita ut in pœne comminatione, potestne etiam in promissa mercede contineri?

(a) „ Ex quo etiam intelligitur omni Legi  
„ Civili annexam esse pœnam, vel explicite,  
„ vel implicite; nam ubi pœna neque scripto,  
„ neque exemplo alicujus qui pœnas Legis jam  
„ transgressæ dedit, definitur; ibi subintelligi-  
„ tur pœnam *arbitrariam* esse, nimirum ex ar-  
„ bitrio pendere Legislatoris..... *Hobbes de*  
„ *Giv. Cap. XIV. §. 8.*

(b) Vid. *Locke Tent. Philosoph. Lib. II. Cap. XXVIII. §. 6.*

re. Sed quoniam hic potissimam colendarum Legum rationem inquirimus, Legis sanctionem in pœna potius quam in mercede constituendam putamus, propterea quod ii sunt homines, ut a peccatis potius arceantur pœnæ metu, quam ad virtutem mercedibus stimulantur. Neque ob aliam causam solent Leges infringere, quam quod falsa utilitatis specie decipiantur. Sed quo inescantur homines eradicandus est falsæ utilitatis error, præsens & ineluctabile malum intentando Legem detrectantibus. Quocirca duos ponamus Legislatores, qui Legem eandem constituent, sed magnis alter propositis præmiis, alter gravissimis pœnis: experientia argumento erit homines ad obsequium validius pœnis adigi quam mercedibus. Non semper præstantissimis promissis inclinatur hominum voluntas, sed suppliciorum acerbitate commoventur, & terrefrunt. \* Sin tamen singularis ea sit summi Domini benignitas & sapientia, ut conjunctis pœnis & mercedibus, observandarum Legum duplicem causam proponat, jam nihil est quod ad promovendum obsequium ultra desideres, & hæc est Legis sanctio perfectissima.

\* Vid.  
Puffend.  
de Jur.  
Nat. &  
Gent. Lib.  
I. Cap. VI.  
§. 14. cum  
notis Bar.  
beyracii.

## §. XIII.

Quinam  
teneantur  
Legi.  
Quid sit  
privile-  
gium.

TANTUM patet obligatio quantum Jus ipsum Principis; unde in universum dici potest, eos quicunque Principi subditi sunt, Legis etiam obligationi subiacere. Verum quæ

quælibet singularis Lex eos tantum obligat subditos quorum causa lata est Lex : quoniam autem obligentur facile dignoscitur ex ipsa cujusque Legis natura, quæ Legislatoris voluntatem satis indicat.

Attamen quandoque contingit servanda Lege solutos quosdam homines esse, quod vocatur *Privilegium* de quo nonnulla sunt adnotanda.

1. Potest Legislator suam Legem abrogare, ergo & ejus vim suspensam retinere, ita ut illa non teneantur quos non vult teneri.

2. Sed alicujus Lege solvendi ad unum Principem potestas attinet.

3. Non debet autem Princeps quemquam Legibus solvere nisi justis de causis, & parce quidem, sapienter, atque juxta æquitatis præscriptum & prudentiæ. Plures enim si solveret Legibus, nullo causarum hominumque habito discrimine, vim ipsam Legum labefactaret: aut si concessam aliis gratiam, cæteris in simili causa denegaret, ex tam iniquo favore profecto subsequerentur odium & invidia.

#### §. XIV.

Si queratur quanto tempore durent Leges, & quemadmodum aboleantur, statui possunt hæc principia.

1. In universum, Legis constitutio quemadmodum pendet a Principis voluntate, sic etiam quanto tempore duratura sit in ejus.

Quanto tempore durent Leges, & quemadmodum aboleantur.

ejusdem arbitrio positum est. Princeps enim ut in constituenda, sic in retinenda Lege merito se vult esse liberum.

2. Nihilominus Lex per se ipsum & ex sua natura censetur in perpetuum constituta; nisi iis verbis sit concepta, vel illi adjuncta ea insit, ex quibus contraria Legislatoris mens deprehendatur, ita ut probabile videatur Legem ad certum tempus constitutam. Lex idem est ac Regula; quælibet autem Regula est per se perpetua: atque in univèrsum, Princeps cum Legem constituit eo animo non est ut eam velit antiquare.

3. Sed quoniam ea potest contingere mutatio rerum, ut Legi nequeat locus esse, quippe quæ jam inutilis, aut etiam evadat demnosa, eam abrogare tum potest Princeps, tum etiam debet. Absurdum prorsus quid statueret, & hominum societati exitiosum, qui Leges semel constitutas in perpetuum contenderet duraturas esse, quodcunque gignatur ex illis observatis detrimentum.

4. Duplici modo Lex antiquatur, vel *diserte* vel *tacite*. Quoties enim conscio Principe subditi per longum tempus Legi derogant; vel si Princeps aperte patiatur aliter de rebus statui quam Lege cautum sit, hinc apprime colligitur antiquatam Legem esse, quæ sic ultro corrui, quamvis a Principe diserte non sit abrogata.

Generalia principia, ut videre est, tantum delibavimus. Porro singulis Legibus  
pro

pro sua singularum indole principia hæc diversimode adtemperanda sunt. Sed enucleate materiam hanc evolvendi non erat hic locus.

## §. XV.

1. DIVIDITUR Lex in *Divinam* & *Humanam*, prout a *Deo* vel *hominibus* condita est. Quotupli-  
cis gene-  
ris sint  
Leges.
2. Lex Divina duplicis est generis; est enim aut *Naturalis*, aut *Positiva* & *Divinitus patefacta*.

LEX NATURALIS ea est quæ cum hominis natura statuque ita consentit, ut nisi ejus præscripta servantur, neque privati homines, neque hominum societas, vitæ conditionem rectam, decoram & utilem assequi valeant. Quæ Lex quoniam cum humana natura necessario convenit, ideo solius Rationis ope dignoscitur, unde etiam dicitur *Naturalis*.

LEX DIVINA POSITIVA, vel DIVINITUS PATEFACTA ea est, quæ non in natura hominis, sed in Dei solum voluntate fundatur. Nihilominus hæc Lex justis de causis constituta est, eique obsequentes multam ex illa utilitatem percipiunt.

Duplex id Legum genus videre est in iis Legibus quas olim Deus Judæis injunxit, in quibus quæ naturales sunt ab eis facile fecernuntur, quæ cum ad religiosas ceremonias, vel ad civilem Judæorum disciplinam spectarent, non alio fundamento nitentur, quam singulari aliqua Dei voluntate

tate ad præsentem Judaicæ gentis conditionem accommodata.

Quod ad LEGES HUMANAS attinet, si tantum considerentur prout humanæ sunt, id est, originem habentes ab eo qui societati præest, eas omnes vere dixeris *positivas*. Nam quamvis humanæ Leges quandoque circa Leges Naturales versentur, non tamen hæ ab humano Principe vim habent obligandi, quippe quæ nihilominus obligarent secluso Principe, utpote quæ ab ipso Deo ortum habeant.

Has nostras definitiones antequam absol-  
vamus, non abs re erit præmonere: *scien-  
tiam vel artem condendarum Legum, inter-  
pretandarum, & humanis actionibus accom-  
mondandarum in universum JURISPRUDEN-  
TIAM dici.*

## C A P U T XI.

*De humanarum actionum MORALITATE.*

### §. I.

Quid sit  
actionum  
*Moralitas.* **L**Ex cum sit humanarum actionum Re-  
gula, si cum humanis actionibus com-  
paretur, vel illis consentiens deprehenditur  
esse, vel eisdem adversari. Quæ Legis cum  
nostris actionibus consensio vel dissensio,  
dicitur *Moralitas*.

*Moralitatis* vocabulum a *moribus* deriva-  
tur. Per *mores*, ut superius dictum est,  
intel-

intelligendæ sunt liberæ actiones hominum, quatenus humanæ actiones eæ sunt quæ dirigi possunt & Regulæ subjici. Lex vero quoniam humanarum actionum Regula est, ideo illarum cum Lege consensus vel dissensus nomine venit moralitatis, & quam in nostris actionibus debemus sequi regularum congeriem, MORALIS DISCIPLINA vocatur.

## §. II.

DUPLICI ratione considerari potest actio-  
num moralitas. 1. Vel actiones cum Legis  
præscripto comparantur: 2. Vel earundem  
cum Lege spectatur consensus aut dissensus.  
Quod ad Legis præscriptum attinet, ac-  
tiones humanæ sunt vel PRÆSCRIPTÆ,  
vel PROHIBITÆ, vel PERMISSÆ.

Quoniam autem quod jussit legitimus Prin-  
ceps id debemus præstare, vel ab eo absti-  
nere quod vetuit, inde est ut Jureconsulti  
quæ actiones præscriptæ sunt *necessarias* as-  
ferant, quæ autem prohibitæ sunt eas di-  
cant *impossibiles*. Equidem contra Legem  
agendi semper inest physica vis homini,  
quam vim potest ad arbitrium exercere.  
Sed eam si exerceat, tum Rationi adver-  
sabitur, tum cui jam subditus est imperio se  
subtrahet, quod utrumque facere nequit,  
quandium insunt ei Ratio & virtus, unde  
quæ contra Legem sunt dicuntur actiones  
impossibiles, quæ sententia cum in se æ-  
quior est, tum humano generi gloriosior,  
quam

Actiones  
sunt: 1.  
vel præ-  
scriptæ,  
vel probi-  
bitæ vel  
permissæ.

quam ut ei non suffragemur. Namque, ut apud Jureconsultos Romanos habetur. „ Quæ facta lædunt pietatem, existimationem, verecundiam nostram, & (ut generaliter dixerim) contra bonos mores fiunt, nec facere nos posse credendum est. *Leg. 15. D. De condit. institute.* „

## §. III.

In actiones permissæ ex sunt quas annuente Lege possumus ad arbitrium nostrum facere vel omittere (a) Quam in rem sunt hæc adnotanda.

(a) Vid. 1. Duplex distingui potest permissionis genus. Alia est *omnimoda & perfecta* permissio, per quam non solum nobis cujusvis pœnæ securis licet quædam facere, sed præterea facientibus suum calculum aperte Legislator adjicit. Alia est permissio *imperfecta*, per quam ita finitur actio, ut non puniatur, sed neque probetur.

2. Quidquid Naturali Lege licet, id semper Legislatori certo probatur, ita ut quidquid fit ea ratione, sit semper innocuum, nec officio nostro adversetur. Liquet enim nec minimum quid a Deo posse permitti quod ex sua natura malum sit.

3. Secus se habet humanarum Legum permissio. Equidem ex humanæ Legis permissione certo colligitur quas actiones Princeps non prohibuerit, quippe quas velit esse impunitas; sed non ideo Princeps eas actiones probat, quæ sæpe contra justitiam fiunt, & in quibus contra officium peccatur.

## §. IV.



§. IV.

POTEST deinde considerari humanarum actionum moralitas, prout hæ actiones vel Legi consentiunt vel eidem adversantur. Hinc existit actionum ea divisio, quod alia sint *bonæ* vel *justæ*, alia *malæ* vel *injustæ*, alia demum *indifferentes*.

2. Adic-  
nes sunt  
bonæ vel  
justæ, ma-  
læ, vel in-  
justæ, aut  
indiffe-  
rentes.

Actio moraliter bona vel justa ea est quæ in se ipsa alicui Legi obliganti plane consentanea est, quæque eo animo fit, & iis omnibus adjunctis, quæ Legislator ipse in mente habuit.

Dico 1. actionem bonam vel justam: nulum enim proprie discrimen est inter actionum bonitatem & justitiam; neque hic opus est ab usitato sermone recedere quo utrumque vocabulum promiscue usurpatur. Actionum bonitatem & justitiam Puffendorffio quidem placuit distinguere, quam tamen utramque ipse subinde permiscet. (a)

(a) Confe-  
rendum  
est quod  
Puffendor-  
ffius dicit  
De Jur.  
Nat. &  
Gent. l. 1.  
Cap. V. c.  
§. 7. pr.  
cum eo  
quod dicit  
§. 4. ejusd.  
Cap.

Dico 2. actionem moraliter bonam; quia hic non consideratur interior & naturalis actionum bonitas, secundum quam in physicam hominum utilitatem vertuntur; sed solummodo spectatur actionum cum Lege convenientia, unde existit illarum bonitas moralis. Quamquam vero moralis & physica bonitas semper in iis coeant quæ naturali Lege præcipiuntur, nihilominus moralis & physicae bonitatis discrimen habendum est.

J. J. Burlamaqui.

I

§. V.

## §. V.

Quæ con-  
ditiones  
requiran-  
tur, ut a-  
ctio sit mo-  
raliter bo-  
na.

DENIQUE quo dignoscantur necessariae in universum conditiones, ut quis censeatur actionem *moraliter bonam* edidisse, in definitione additum est eam actionem debere esse Legi plane consentanea, eoque animo fieri quo fieri vult ipse Legislatur. Ac primo necesse est actionem omnino & in singulis suis partibus cum Lege consentire. Quemadmodum enim illa dicitur *linea recta*, cujus nullum punctum a subiecta regula ne minimum quidem divergit; sic etiam stricte loquendo non potest actio esse bona, iusta vel recta, nisi omnino & in singulis suis partibus cum Lege consentiat. Sed neque hoc satis est: debet præterea eo animo & ea ratione fieri quibus eam fieri vult Legislatur. Primum illud est ut actio fiat adhibita rei gestæ cognitione, nempe sciendum est id quod fit, Legi esse consentaneum, alioqui actio neutiquam esset Legislatori accepta, sed foret prorsus inutilis. Deinde fieri debet actio *recto animo* & in *bonum finem*, nempe ut Legislatoris consilia exequamur, & debitum præstemus Legi obsequium: namque si pravus est agentis animus, tantum abest ut actio censeatur *bona*, ut contra agenti tanquam *mala* possit quandoque imputari. Demum justis de causis debemus ad agendum impelli, scilicet ut sua stet Principi reverentia, Legibus obsequium, & officio nostro satisfiat: intelligimus enim velle Legislatorem ita nos affectos esse.

## §. VI.

§. VI.

Ex iis quæ de bonis actionibus dicta sunt De natura  
satis intelligitur quæ sit actionum MALA- actionum  
RUM vel INJUSTARUM natura. In uni- malarum  
versum malæ actiones eæ sunt, quæ vel per vel inju-  
se ipsas, vel per adjuncta, cupiam obli- starum.  
ganti Legi, vel proposito Legislatoris adver-  
santur.

Itaque generales duo sunt injustarum a-  
ctionum fontes. Etenim in se ipsa spectata  
actio injusta est, quæ adversa fronte Legis  
præscriptum impugnat vel prohibitionem,  
qualis est v. g. cædes infantis hominis, &c.  
Quæcumque actiones sunt in se malæ, fieri  
nequeunt bonæ, quodcumque fuerit agentis  
consilium vel ei proposita causa; neque  
enim ad assequendum bonum finem injustis  
rationibus licet uti; atque sic intelligenda  
vulgaris sententia est: *Nunquam admit-  
tendum esse malum, ut hinc gignatur bonum.*  
Verum quæ suapte natura actio bona est, fie-  
ri potest mala; vel ob pravum agentis pro-  
positum, vel quia manifesto Legislatoris vo-  
luntati adversatur, ut si actio mala de cau-  
sa, vel ob malum finem edatur. Pulchrum  
quidem & laudabile in cives largum & be-  
neficum esse: sed hæc ipsa largitas & be-  
neficientia scelestæ est, si quis eam ambi-  
tiose exercent, ut sensim oppressa liber-  
tate Rempublicam solus occupet; est enim  
hujus actionis injusta causa, & injustus  
finis.

## §. VII.

Omnes actiones *justæ* proprie loquendo sunt æqualiter *justæ*; namque omnes cum *Legē* omnino consentiunt. Secus se habent actiones *injustæ* seu *malæ*; nam prout *Legi* plus minusve adverſantur, ſic etiam major vel minor lue contaminantur, in quo linearum curvarum ſimiles ſunt, quarum, prout a *Regula* plus minusve detorquentur, major eſt curvitas vel minor. Igitur contra officium diverſimode peccari poteſt. Nonnunquam *Lex* conſulto frangitur & ex nequitia, qui ſane cumulus eſt improbitatis, eſt enim hæc *Legiſlatoris Legumque* manifeſta & deliberata contemptio; ſed interdum ex imprudentia peccatur & per incuriam, qui potius error culpæ dicenda eſt quam crimen. Sui ſunt etiam incuriæ gradus: poteſt enim eſſe major minorve negligentia, quæ idcirco plus minusve damnanda eſt. Quæ vero ad mathematicorum amuſſim reduci nequeunt, in iis ſaltem *extrema* duo & *medium* diſtingui poſſunt, unde *Jureconſulti* triplex diſtinguunt culpæ vel negligentia genus; alia eſt *lata*, alia *levis*, alia *leviſſima*. Et hæc ſatis eſt indicaffe, quorum ſuo loco traditur explicatio, cum ſingulæ quæſtiones diſceptantur.

## §. VIII.

## §. VIII.

CÆTERUM diligenter advertendum est in eo præcipue sitam esse injustarum actionum naturam, quod præscripto Legis vel Legislatoris consilio prorsus adversantur, unde in sua materia vel forma vitio interno illæ actiones laborant. Quamvis enim necesse sit juxta superiorem nostram definitionem, actionis naturam, modum, & adjuncta Legi omnino consentanea, esse ut hæc actio moraliter bona sit, ne tamen hinc colligas eam malam esse vel scelestam, si qua desit dictarum conditionum. Etenim actio ut vere mala sit, haud satis est si aliquantulum discrepet a Lege, nec ei tamen penitus adversetur. Equidem quæ actio penitus cum Lege non consentit, vere bona vel justa non censebitur, sed nec erit mala, quippe quæ tunc sit indifferens. Exempli causa, si quis actionem edidit causæ Legisque nescius, vel si agendi causam habuit innocuam quidem, sed ab ea causa diversam quam sibi propositam habet Lex, ejus hominis actio nec *bona* nec *mala* reputabitur, sed erit mere *indifferens*.

In quo  
potissi-  
mum sita  
sit actio-  
num in-  
justitia.

## §. IX.

ITAQUE dantur ACTIONES INDIFFERENTES, quæ inter actiones justas injustasque, ut ita dicam, mediæ sunt. Actiones autem indifferentes hæ sunt, quæ nec præ-

De A-  
ctionibus  
Indiffe-  
rentibus.

*scriptæ nec prohibita, sed quas agere vel non agere cujusvis arbitrio Lex indulgit. Nimirum ejusmodi actiones ad Legem permittentem referuntur, non vero obligantem.*

Dari quidem actiones indifferentes nemo sanus inficiabitur. Nam quam multa sunt quibus ideo non tenemur, quia nulla divina vel humana Lege vel præscripta vel prohibita sunt, & quæ idcirco pro arbitrio nostro possumus agere vel omittere. Quapropter scholasticorum interpretum insulla subtilitas est nullam dicentium indifferentem posse actionem esse, nisi, inquit, mentis ope actio abstrahatur secludaturque, tum a quovis homine actionem edente, tum a tempore, loco, ipsoque actionis peragenda modo, aut peragentis animo, ac demum a singulis actionum adjunctis. Verum hujusmodi actio ab omnibus adjunctis seclusa merum figmentum est. Attamen si quædam sint indifferentes actiones: quales sine controversia existunt, necesse est eas indifferentes esse in iis ipsis quæ adjuncta sunt homini, tempori, loco, &c.

#### X.

Bonarum  
& malarum  
actionum  
divisio.

**ACTIONES** bonæ vel malæ prout circa diversas res versantur vario etiam nomine veniunt. Bonæ quæ ad Deum spectant actiones nomine **PIETATIS** insigniuntur. Quæ ad nos ipsos pertinent, eæ dicuntur vel **SAPIENTIA**, vel **TEMPERANTIA**, vel **MODERATIO**. Quæ referuntur ad cæteros

teros homines, JUSTITIA vel BENEVOLENTIA nuncupantur. Actionum divisionem illam obiter attigimus rursus excutendam cum de Lege Naturali disputabimus. Malarum actionum eadem divisio est; pertinent enim ad IMPIETATEM, vel INTEMPERANTIAM, vel INJUSTITIAM.

## §. XI.

PLURES proponi solent justitiæ divisiones de quibus ut & nos aliquid dicamus, De justitia ejusque diversis speciebus.

1. In universum dividi potest justitia in *perfectam* & *strictam*, & *imperfectam* vel *non strictam*. Perfecta & stricta justitia est, qua illud aliis præstamus quidquid ipsis perfecto & stricto jure debetur, seu ad quod præstandum jure possunt etiam per vim nos adigere, nisi id præstemus volentes, quo stricto sensu plerumque Justitiæ vocabulum usurpatur. Justitia imperfecta & non stricta ea est, qua in alios hæc officia exequimur que debentur imperfecto & non stricto jure, ad quæ præstanda non possumus per vim adigi, sed in quibus Lex voluit suum esse prohibitæ & conscientiæ arbitrium (a). Cujus generis officia plerumque innotescunt nomine *Humanitatis*, *Charitatis*, *Benevolentiae*, opponunturque strictæ & propriæ dictæ justitiæ. Nostra justitiæ divisio eadem est ac GROTII in Justitiam *explettricem* & *attributivam*.

(a) Vid. sup. Cap. VII. §. 8.

2. Justitiâ strictâ iterum potest dividi in

eam quæ inter *æquales*, & eam quæ inter *inæquales* exercetur. (1) Justitiæ inter æquales totidem genera sunt quot officia recensentur ad quæ præstanda quivis homo stricto jure potest quemvis alium hominem compellere, vel civis ejusdem Reipublicæ civem. Justitiæ vero inter inæquales totidem sunt genera quot sunt hominum societates in quibus alii præsumt, alii obse-

(a) Vid. quantur. (a)

*Buddæum  
Elementa  
Philos.  
præf.*

*Part. II.*

*Cap. II.*

*§. 46.*

(b) Vid.

*De Jur.*

*Nat. &*

*Genr. Lib.*

*I. Cap VII.*

*§. 8. Et Of-*

*fic. Hom.*

*& Civ*

*Lib. I. Cap.*

*II. §. 14.*

*cum notis*

*Barbeyrac*

*cii.*

3. Aliæ sunt justitiæ divisiones, sed eæ quidem parum accuratæ, nec ita magnæ utilitatis. Exempli causa PUFFENDORFIUS justitiam dividit in *universalem* & *particularem*, quæ divisio in eo peccare videtur, quod alterum divisionis membrum in altero contineatur. (b) Imperfecta etiam est Justitiæ particularis subdivisio in *distributivam* & *permutativam*; hac enim divisione ea solum includuntur quæ ex pacto debentur; quamquam multa sunt quæ quis stricto jure potest ab alio exigere etiamsi nihil inter utrumque convenerit, nec intercesserit ulla pactio. Quidquid porro in hoc argumentum GROTIUS & PUFFENDORFIUS scripsere, de eo universe adverti potest, quod uterque scriptor ipsi sibitricas nexuerint, cum in variis illis justitiæ generibus accurate & lucide definiendis laborarent. Igitur quæ instar Aristotelicarum divisionum solent in scholis divisiones usurpari, nos eas omnes missas faciamus superio-

(1) Quæ divisio eadem fere est ac Grotii in *Jus Rectorem*, & *agatorium*.



perioribus nostris definitionibus adhæsurî :  
Nec enim alia de causa solitas illas schola-  
sticorum divisiones hîc retulimus, quam ut  
vulgari opinioni satisfaceret. (a)

§. XII.

PRÆTER illam qualitatem, quæ dici po-  
test moralium actionum *qualitas*, in iis e-  
tiam quædam spectatur *quantitas*, ex qua  
fit ut bonæ actiones cum bonis, & malæ  
cum malis conferantur, atque ex utrisque  
sic inter se collatis statuatur quædam *com-  
putatio*, cujus ope in quavis actione digno-  
scitur quid plus insit boni vel mali. Cu-  
jus habendæ computationis hîc saltem indi-  
gitanda ratio est.

Actionum  
inter se  
compara-  
tarum  
quæ fiat  
computa-  
tio.

1. Spectari potest actionum *objecta res* :  
res autem quanto est sublimior, tanto etiam  
præstantior est quæ circa illam versatur a-  
ctio, & contra peccatum scelestius.

2. *Consideranda venit agentis qualitas &  
conditio*. Sic quod ab inimico beneficium  
confertur, præstitum ab amico beneficium  
superat : contra vero gravior & foedior est  
parta ex amico injuria quam quæ ab ini-  
mico.

3. *Natura ipsa expenditur actionum*, prout  
sunt plus minusve difficiles. Quo enim a-  
ctio, modo cætera paria sint, difficilior  
est,

(2) Vid. Grotium de Jur. Bell. & Pac. Lib. I.  
Cap. I. §. 8. & Puffend. de Jur. Nat. & Gent.  
Lib. I. Cap. VII. §§. 9. 10. 11. 12. cum notis  
Barbeyracii.

est, eo est etiam pulchrior & laudabilior. Sed contra quo facilius erat prævum facinus non admittere, eo facinus illud & magis damnandum & atrocius est, præ alio ejusdem generis facinore.

4. *Advertuntur etiam actionis exitus.* Tanto melior vel pejor actio est, quanto ejus exitus intelligi poterant utiliores fore vel nocentiores.

5. Quibus omnibus addi possunt adjuncta temporis, loci, &c. ex quibus bonæ vel malæ actiones fieri possunt aliæ aliis præstantiores vel deteriores. Excerpta sunt hæc ex BARBEYRACII in PUFFENDORFIIUM adnotatione. (a)

### §. XIII.

Ita ut de actionibus, sic & de hominibus ipsius moralitas dicatur. ADVERTENDUM tandem est ita ut actionibus, sic & hominibus ipsis moralitatem tribui; quemadmodum enim actiones dicuntur bonæ vel malæ, justæ vel injustæ, sic etiam homines boni vel mali, probi vel improbi dicuntur.

Homo probus est ille qui convenienter Legibus & officio se gerere consuevit. Improbus autem cujus est contraria consuetudo.

Itaque virtus sita est in consuetudine convenienter Legibus se gerendi, vitium autem in contraria consuetudine.

Virtutem & vitium dixi consuetudines esse vel habitus. Quocirca ut probitas ab impro-

(a) *Jus Nat. & Gent. Lib. I. Cap. VIII §. 3<sup>o</sup> not. 1.*

improbitate recte secernatur, haud satis est singulares quasdam & fluxas actiones expendere, sed hominis in universum vita, ejusque solita agendi ratio expendenda est. Improborum igitur numero adscribendi non sunt qui præ imbecillitate aut alia de causa in aliquod quandoque malum facinus prolapsi sunt; ut nec inter probos ii sunt recensendi, qui data forte quadam occasione rectum aliquod facinus ediderunt. Apud homines non invenias absolutam ex omni parte virtutem, sed ea est humanæ naturæ imbecillitas, ut non sint homines secundum stricti juris acerbiteriam judicandi. Probum hominem fatemur multa injusta posse facere ex imbecillitate, sed etiam evincit Ratio cum qui pluribus vitiis assueverit nonnunquam posse res aliquot justas facere, quia justæ sunt, & justas esse agnoscit. Homines nec statuamus nequiores quam sunt, sed qua diligentia probitatis virtutisque gradus recensentur, pari etiam cura nequitiae & improbitatis gradus secernantur.

*FINIS PRIMÆ PARTIS.*

**JURIS**

JURIS NATURALIS  
ELEMENTA.  
PARS SECUNDA.

---

DE  
LEGIBUS NATURALIBUS.

~~~~~

CAPUT PRIMUM.

*Quid sit LEX NATURALIS . Datur LEX  
NATURALIS . Considerantur* I. EXI-  
STENTIA DEI, *ejusque in nos* AUCTO-  
RITAS .

§. I.

Hujus al-  
terius  
partis ar-  
gumen-  
tum .



JURIS in universum spectati  
principia statuimus, quæ jam  
Naturali Juri peculiariter ac-  
commodanda sunt . Ac pri-  
mum quæritur utrum homo  
ita natura comparatus sit, ut  
reipsa proprie dictis Legibus subiaceat ?  
Tum quæ sint Leges illæ ? Quis eas tule-  
rit ? Qua ratione dignosci queant ? Qua-  
mobrem colendæ sint ? Ex his neglectis  
quid mali, vel ex eisdem servatis quid  
com-

commodi percipiatur? Eæ sunt magni sane momenti in hac altera parte nobis expendendæ quæstiones.

§. II.

SUNT voces primum definiendæ. Per LEGEM NATURALEM intelligitur Lex *Quid sit Jus Naturale, Lex Naturalis, & Jurisprudencia Naturalis.* quam omnibus & singulis hominibus Deus imposuit, & cujus cognitionem solius Rationis ope possunt assequi suam naturam conditionemque attente considerando.

JUS NATURALE est Systema vel congeries omnium Legum Naturalium.

Denique JURISPRUDENTIA NATURALIS est ars assequendi Legum naturalium cognitionem, easdem explicandi, & humanis actionibus accomodandi.

§. III.

AT vero dantur ne reipsa Leges Naturales? Hæc enim occurrit prima quæstio quæ ante alias excutienda est. Quo autem accurata sit nostra disputatio, eam ordiri necesse est a NATURALI THEOLOGIA, quæ Juris Naturalis primum est & verissimum fundamentum. Cum enim quæritur, *An sint Leges Naturales?* solvi nequit ea quæstio, nisi prius tria hæc expensa sint. 1. Est-ne Deus? 2. Ex eo quod sit Deus, sequitur-ne quod per se jus habeat Leges hominibus imponendi? Ac 3. denique Jus illud sibi competens Deus-ne jam nunc exercet latis

Iatis Legibus quibus nostras actiones ac commodari jubeat? His tribus quæstionibus hujus capituli sequentisque argumentum constabit.

## §. IV.

**DE EXISTENTIA DEI.** *EXISTENTIA DEI, id est, Principis naturæ intelligentis, per se existentis, a qua tanquam a prima effoctrice causa pendent cætera omnia, quæque ipsa a nulla causa pendet, hujus, inquam, naturæ existentia ita vera est ut primo intuitu perspiciatur. Cujus veritatis satis est attendisse dilucida & tanquam sub sensu cadentia argumenta, quæ catervatim undequaque profiliunt.*

Causarum inter se is nexus, ea est ordinatio, ut in aliqua prima causa necessario consistendum sit: tum necesse habemus primum motorem fateri, & totius orbis ita mirabiles sunt ordo & structura, ut iis omnibus existentia Dei comprobetur velut totidem evidentissimis argumentis quæ potest quisquis facillime capere: sed hæc paucis verbis explanemus.

## §. V.

**1. Argumentum.** *EXISTENTES hodie res innumeras cernimus, quarum congeries totius orbis nomine appellatur. Necesse igitur est aliquid existere quod omni ævo extiterit. Nam si tempus ponas quo nihil extiterit, evidens est*

*Necessaria est natura per se existens & intelligens.*

est nihil unquam extitutum fuisse, siquidem quidquid incipit esse, suæ existentiae debet aliquam causam habere, namque ex nihilo nihil fit. Itaque fatendum est aliquam esse naturam æternam. Ea porro natura æterna, quæcumque illa sit, per se ipsam & necessario existit, suam enim originem a nulla causa mutuatur: ejusmodi autem naturam æternam non existere, hoc quidem secum pugnat.

Præterea hæc natura æterna, quæ per se & necessario existit, intellectu & ratione prædita est. Eidem enim ratiocinandi methodo insistamus, & fingamus tempus quo non aliæ quam inanimæ naturæ fuerint, quo posito verum est naturas intelligentes, quales hodie videre est, extituras nunquam fuisse; quoniam ex inanima & cæca causa non magis potest intelligentia quadam gigni, quam ex nihilo aliquid procreari. Igitur semper extitit mentium parens, intelligentia æterna, cujusvis alius naturæ intelligentis, fons & origo. Cujus nostri argumenti manet semper integra veritas, quæcumque de mentis natura & origine sententia proponatur. Imo finge quæ pars nostri cogitat materiam esse certa ratione motam vel adtemperatam: quæram ego semper, nam & hoc sciendum est, unde materiæ advenerit suus ille motus? materiæ enim ut materia sit non est necessarius motus. Quæram ego, nam & hoc sciendum est, unde materiæ advenerit mirabilis ille contextus, quem ipsa sibi nequit assignere?

Quæ

Quæram ego semper a quo corpus humanum ita contextum sit, ut ex ea textura eliciatur mirabilis adeo res, Intelligentia, quæ res expendit objectas, ipsa corpora suo subjicit imperio, cœlos metitur terramque, futura prospicit & præterita recordatur. Certe non ab alia quam ab intelligente causa potuit effingi tam mirificum opus. Quapropter omnino necesse est ut primam causam esse fateamur, eamque intelligentem & æternam.

## §. VI.

**Æterna & intelligens causa extra hunc orbem inquirenda est.** INTELLIGENTIA æterna, quæ in se ipsa suæ existentiae suarumque omnium facultatum principium fontemque includit, nec mutari potest, nec deleri, nec circumscribi, nec alii subjici. Quinimo sic infinite debet esse perfecta, ut facile queat rerum omnium esse una & prima causa, quin alia causa inquirenda sit.

Verum hæc intelligentis & æternæ naturæ dos num ad ipsam materiam pertinet, num ad universum orbem, num ad partem ejus aliquam?

Huic certe figmento mens nostra quanta est, adversatur. Materia necessario & per se ipsam non intelligit, nec fieri potest intelligens nisi a causa summe intelligente certo modo adtemperetur. Hæc autem causa summe intelligens ab alia causa non potest ipsa sic adtemperari ut intelligat: hæc ergo prima & summe intelligens causa necessario



fario & per se ipsam intelligit, est ergo expers materiæ. Præterea singulæ orbis universi partes sunt mutabiles aliæque pendentes ab aliis: sed simile quid de causa tum infinita tum perfectissima nequit concipi.

Quod ad homines spectat, quam sint imbecilles subditique, multo etiam facilius quam in cæteris rebus creatis deprehenditur. Homines cum a se ipsis vitam non hauserint, nec aliis in modum effectricis causæ vitam possunt impertiri: nec enim sciunt quæ vere sit humani corporis structura, quis vitæ fons, vel quomodo quibusdam motibus quædam sint adnexæ cogitationes, vel quo artificio voluntas suum imperium exerat. Itaque extra hominum seriem, quantumvis ponatur longissima, quæranda est humani generis prima & efficiens causa; sic etiam singularum orbis partium quæranda similiter causa est extra hunc universum orbem materia conflatum sensusque nostros afficientem.

## §. VII.

PRIMUM nobis probandæ nostræ quæstionis argumentum fuit natura æterna; intelligens, expersque materiæ. Jam alterum agredimur argumentum ex quo Deus lucidiori modo retegitur, & ad cujusque intellectum accommodatiore: hoc autem alterum argumentum deducitur ex eo quem intuemur orbem, in quo motum ordinemque dignoscimus quem nec ipsa sibi materia potuit indere, nec indidit.

J. J. Burlamaqui.

K Mo-

2. Argumentum  
Primi  
Motoris  
necessitas.

Motus seu vis activa non est necessaria corporis qualitas : extensio suapte natura aptior est affici quam efficere ; recte quiescens intelligitur, quæ si moveatur, intelligitur quoque posse suum motum amittere quin ipsa intereat ; motus enim materiæ status fluxus & fugitivus est, & in aliud corpus ex alio corpore transiens. Primam igitur corporum impulsione[m] necesse est a causa extranea proficisci, & ut recte dixit Aristoteles, primus corporum motor ipse nec mobilis nec corpus debet esse. Cui Aristotelis sententiæ suum calculum sapienter addidit HOBBIUS. „ Agnitio, inquit, „ unici, æterni, infiniti, omnipotentis „ Dei, ab investigatione causarum, virtutum, operationumque corporum naturalium, quam a cura futuri temporis facilius derivari potuit. Nam qui ab effectu quocumque, quem viderit, ad causam ejus proximam ratiocinaretur, & inde ad illius causæ causam proximam procederet, & in causarum deinceps ordinem profunde se immergeret, inveniret tandem ( cum veterum Philosophorum sanioribus ) unicum esse primum motorem, id est, unicam & æternam rerum omnium Causam, quam appellant omnes „ DEUM. *Leviathan. Cap. XII. pag. 55. 56.*

## §. VIII.

3. *Argumentum* SED quæ materia ex se ipsa non potuit  
*structu-* moveri, quanto minus eo ordine & necessario  
fario

frio impulsu se movisset, ut hinc qualem  
cernimus orbis eliceretur. Nonne merum  
extitisset chaos?

ra, ordi,  
& pul-  
chritudo  
orbis.

Enimvero circumspiciatur universus orbis: ubique primo intuitu prodit se miranda pulchritudo, mirandus ordo, mirandusque contextus; quæ nostra admiratio tanto major evadet, quanto naturam penitus scrutabimur, & enucleate hujus orbis structura, ejusque inter se partium convenientia usque indagabuntur. Quibus exploratis liquebit profecto cujusque rei suum esse certissimum finem, tum liquebit etiam singulos fines, quamvis illorum infinita sit propemodum varietas, ita sapienter dispensatos, ita prudenter connexos esse, ut ad idem generale propositum referantur concurrantque. Rerum autem creatarum quantumcumque varia sit multitudo, nulla tamen earum confusio est; siquidem quæ tot videntur diversorum generum milia eandem semper formam, necnon quibus secernuntur eadem semper discrimina retinent. Orbis autem partes ita colligatæ sunt ut aliæ aliis temperentur, atque hinc universus concentus existat. Singulis porro partibus ea figura, ea convenientia, is situs motusque inditus est qui necessarius erat cum ut cujusque partis effectus singularis gignatur, tum ut tanquam ex singularum conspiratione totum quid egregie coalescat.

Igitur omnia naturæ opera constat edita esse ratione delectuque adhibitis, unde fieri cogimur quamdam esse sapientiam &

intelligentiam, quæ tanquam tangitur digito & oculis deprehenditur.

## §. IX.

Orbis non  
coaluit  
fortuito.

NEC me latet Philosophos extitisse qui fortuito conditum esse orbem dixerint. Ridiculam prorsus sententiam! Atque haud scio an unquam majus fuerit humanæ mentis deliramentum. Quis enim, pro hominum fidem! ex diversis materiæ partibus quæ se ipsas fortuito moverint sibi invicem adhæserint, ultro generatos esse cælos & astra, terram, plantasque, tum animalia, ipsosque homines, & quem in eorum omnium structurâ ordinem miramur præstantissimum. Ne is haberetur insanus qui vel angustissimam domum, vel librum, vel tabellam diceret fortuito effectam esse? Quanto magis insaniunt illi qui fortuito coaluisse dicunt totum orbem cujus tanta est amplitudo & tam mirabile artificium.

## §. X.

Nec æternus mundus est.

NEQUE potior eorum sententia est, qui ut primam & intelligentem causam negent, orbem asserunt æternum esse. Orbis enim initium arguitur ex ipsa humani generis historia in qua originem cernere est nationum populorumque, atque artium scientiarumque inventionem. Comprobatur item orbis initium universa & antiquissima hominum memoria quæ a majoribus ad poster-

steros dimanavit ; ejusmodi autem argumentum haud parvi momenti est quoties de facto agitur. Sed præterea ea rei natura est ut non minus explodenda sit orbis æternitatis quam ejus fortuita generatio. Præclarissimus enim ordo, aptissima structura, tum sapientiæ summæque Rationis argumenta toto orbe præfulgent quorum inquirenda semper & explicanda causa est. Sin dicas nullam adfuisse Causam intelligentem, quoniam quidquid existit ejus fuit semper eadem conditio, non modo quæstionis nodum non solvis, sed tricas nectis implicationes, nec minus absurda loqueris quam qui mundum jactant fortuito conditum. Enimvero qui mundum æternum prædicant, iidem dicunt fuisse ordinatum orbem cæca & inconsulta ratione, absque delectu, citra causam & intelligentiam. Quæ duplex sententia pariter insulsa est ; sed illud est inter utramque discriminis, quod qui mundum æternum asserunt, ii judicent omni ævo temerarium casum rectumque ordinem inter se consensisse : qui vero mundum ex partibus fortuito adglutinatis prodidisse censent, hi quidem autumant non intervenisse mutuum casus & ordinis consensum nisi longo post tempore, & præviis mille prolusionibus partiumque inter se adhæSIONIBUS. Utrique igitur præter casum non aliam agnoscunt orbis effectricem causam, quinimo nullam fatentur : Casus enim non est vera causa, sed mera vox, cujus ope nequeat explicari ali-

quis effectus, qualis est rerum creatarum ordo.

Equidem nostra illa argumenta facillimum esset amplificare, aliaque aliis superaddere; sed pro nostro hujus operis instituto satis superque sunt ea quæ modo disputavimus, ex quibus abunde judicio meo liquet PRIMÆ CAUSÆ seu CONDITORIS DEI existentiam sic admittendam esse, ut hæc inconcussa veritas habeatur qua post hæc tanquam fundamento innitetur nostræ omnis disputatio,

### §. XI.

Deo competit jus  
Leges præci-  
piendi.

Ex eo quod Deum Conditorum agnoscamus manifesto consequens est huic Deo utpote nostro Domino summum jus competere hominibus imperandi, eorum vitæ rationem definiendi, atque iis Leges præcipiendi: nec minus evidens est ita comparatam esse naturam hominum, ut hujus primæ causæ seu Dei conditoris voluntati suas actiones accommodare teneantur.

Jam antea ostendimus Cap. IX, Part. I. imperandi jus non alio vero fundamento niti quam ejus qui præest potestate, cui quidem potestati assiduæ comites adjunguntur sapientia & benignitas; contra vero homines natura Deo subjiciuntur, quia debiles & indigi sunt. Jam itaque dispiciamus an Deo insint potentia, sapientia, atque benignitas: tum ex altera parte utrum ea sit hominum imbecillitas & indigentia, ut ideo subditi Deo sint propter suam felicitatem,

### §. XII,

## §. XII.

EJUS qui per se existit, orbemque con-Deus ideo  
didit, infinitam potestatem esse quis sanus præcepit  
dubitet? Quoniam vero illius voluntate Leges  
creata sunt omnia, inde etiam est, ut quæ quia po-  
creavit servare possit, vel delere, vel ad tens, quia  
arbitrium immutare. Nec minor ejus est sapiens.  
sapientia quam potestas. Illi nota sunt o- quia bo-  
mnia, qui condidit omnia, eique pariter nus est.  
compertæ sunt rerum causæ, tum ex iis  
causis dimanantes effectus. Præterea cum  
omnia & singula Dei opera expendimus,  
facile intelligitur summo numini propositos  
fuisse omnium & singulorum suorum ope-  
rum præstantissimos fines, quorum assequen-  
dorum aptissimas rationes adhibuit: ac uno  
verbo, quæcumque in orbe conspiciuntur,  
*sapientiæ*, ut ita dicam, præfulgente nota  
signatæ sunt.

## §. XIII.

DOCET nos quoque Ratio Deum natu-  
ra sua benignum esse, quæ benignitas spon-  
te fluit ex ejusdem sapientia & potentia.  
Quæ enim natura per se summe sapiens &  
summe potens est, qui posset ad nocendum  
inclinari? Nec enim ulla est ei causa cur  
noceat. Malitia, crudelitas, & injustitia ex  
ignorantia vel impotentia generantur. Ve-  
rum homo si vel tantillum ea contempletur  
quæ illum circumstant, & propriam natu-  
ram

ram suam exploret, beneficam paternamque Dei manum & intra se ipsum & extra mirabundus experietur. Ex Deo vitam hausimus rationemque: hominibus abunde necessaria suppeditat, necessariis utilia, & utilibus adjunxit jucunda. Itaque advertunt Philosophi omnibus quæ saluti conducunt quamdam etiam inditam esse jucunditatem. Esca, quies, motus, calor, frigus, uno verbo quidquid prodest, idem alternis vicibus & tamdiu placet, quamdiu prodest. Sin autem prodesse desinat, quod nimium sit, tunc illud repudiare contrario sensu monemur. Equidem ad illud expetendum alliciebat nos statim voluptas, quoniam erat necessarium; sed jam ab eo, quia nocere potest, abhorremus præ fastidio & satietate. Ea est igitur felix suavisque naturæ constitutio, ut nostrorum sensuum facultatumque moderatum usum voluptas sequatur; namque in nostram jucunditatem omnia vertuntur quæ nobis circumjecta sunt, si tamen iis utamur moderate. Quid potest, verbi gratia, magnificentius excogitari quam illud in quo vivimus: theatrum orbis? Et oculis nostris cælum hoc & hæc terra subjecta quot non splendent ornamentis, quot non exhibent jucunda semperque inter se dirversa spectacula? Quæ non suamenti voluptas est ex scientiis quibus colitur, augetur, atque perficitur? Humana vero solertia quantas non peperit utilitates? Quot ex hominum cum hominibus societate non gignuntur commoda? Quæ non ex  
mutuis



mutuis colloquiis jucunditas, quæ non mutuatæ charitatis mutuarumque animi propensionum suavitas est? Equidem, modo ne quid nimis sit, tota pene vita dulcissimis innocuorum oblectamentorum titillationibus exhilaratur. Quibus adde, quas Leges Deus nobis præcepit eas esse, ut ex illis natura nostra perficiatur, quoniam per easdem pravus avertitur facultatum nostrarum usus, & quæ bona hominibus concessa sunt, in iis temperamentum illud teneamur adhibere ex quo pendet hominum salus, præstantia, & felicitas tum publica, tum privata. Quæ cum ita sint, prorsus liquet, quantum Deus sapiens, & potens est, tantumdem bonum esse.

Jam itaque Dominum illum habemus cui sine controversia insunt necessariæ dotes omnes, ut illi Jus Imperii competat quam maxime Legitimum porrectumque intelligi potest. Sed nostra nobis experientia constat quam simus debiles, quam indigi: quidquid habemus totum id ex Deo accepimus, in cujus arbitrio positum est ut bona nostra vel amplificet vel a nobis auferat; unde evidentissimum est ex parte tum Dei tum hominum illud adesse quidquid necessarium est, ut omnimodum Dei constitutur in homines imperium, homines autem Deo sint omnino obnoxii.

## CAPUT II.

*Deus propter suum in nos imperium voluit vera nobis Leges præscribere seu nostræ agendi rationis Regulas.*

## §. I.

Suo imperii jure Deus utitur Leges nobis præscribendo. **Q**UIBUS argumentis probatum est Deum existere cui sumus obnoxii, eisdem etiam probatur Deo jus esse Leges nobis præscribendi. Sed neque hoc sufficit: quæritur enim ulterius num suo imperii jure revera voluerit uti Deus? Sane potest Deus Leges condere, sed an vere Leges condidit? Nemo, inquiunt, inficias ibit Deos nos obnoxios esse quod ad vitam & *physicas* nostras facultates attinet, sed quod ad earum *physicarum* facultatum *moralem* usum spectat, nonne Deus voluit solutos Legibus homines esse? Erat hoc tertium, & gravissimum quidem caput quod superest expendendum.

## §. II.

1. *Argumentum*  
hinc ex  
Deo, il-  
linc de-  
ductum  
ex homi-  
nibus.

Jam multum hoc est necessarias ferendarum Legum causas deprehendisse. Hinc adest Dominus qui pro sua natura dotibusque suis præstantissimis legitimum jus habet imperandi, illinc adsunt homines quos ipsemet Deus ille condidit, quos intellectu donavit & libertate, ita ut quidquid agunt non

non modo intelligant, sed & eligant, tum qui etiam lætitia vel dolore, bonis vel malis, mercedibus aut pœnis affici possunt. Naturam existere sancendis Legibus idoneam, & homines accipiendis habiles profecto non est quid supervacaneum, sed hujus inter Deum & homines convenientiæ debet aliquis finis, aliquis exitus esse: non secus ac ex ipsa nostrorum oculorum structura recte colligimus percipiendæ lucinatos nos esse. Quare nos enim Legibus aptos accipiendis fecisset Deus, si nullas voluisset Leges constituere? Namque sic facultatum ad Leges hominibus inditarum nullus foret usus. Quapropter non possibile tantum, sed omnino probabile est homines in universum Legibus adstringi debuisse, nisi potioribus argumentis contrarium appareat. At vero tantum abest ut ullo argumento prior nostra sententia convellatur, ut contra undequaque corroboretur.

## §. III.

Si quis pulcherrimum ordinem contemplantur quem in *Mundo Physico* summa Dei sapientia constituit, is certe non poterit existimare casui permissum esse *Mundum Cogitantem* seu *Moralem*, ita ut nulla disciplina cohibeatur. Contra nos Ratio docet sapientissimæ naturæ in omnibus propositum esse quemdam æquum finem cujus assequendi necessarius modus adhibeatur. Non alius in rebus creatis, & singulariter in hominibus,

Deo

2. Argumentum

deductum

ex fine

quem sibi

quoad

hominem

proposuit

Deus, &amp;

ex Legum

Moralium

necessitate,

ut hic

finis obtineatur.

Deo potest fuisse propositus finis quam hinc sua gloria, illinc autem rerum creaturarum perfectio & felicitas quantum secundum suam naturam indolemque valent obtinere. Qui duo Conditori propositi fines pulchre coeunt conjungunturque. Namque Dei gloria in eo sita est ut suas virtutes exhibeat, potentiam nimirum, benignitatem, sapientiam atque justitiam, quæ eadem virtutes nihil in Deo aliud sunt quam ordinis amor & universæ utilitatis studium: Itaque summe perfectus & summe felix Deus quoniam hominem vult in eo tum ordine versari tum felicitate perfrui quæ hominem decent, idcirco vult etiam quidquid in eum finem necessario refertur, unde huic proposito conducentes rationes probat, obstantes autem improbat rejicitque. Natura hominis si mere physica esset aut mechanica, quidquid in ea præstandum præstaret Deus ipse. Sed homo cum sit intelligens liberque, atque is qui res dijudicet & eligat, ideo quibus rationibus hominem Deus deducit ad destinatam illi sortem, eas oportet esse naturæ hominis accommodatas, in quibus nimirum suæ sint partes hominis, & ad quas propriis suis factis conpiret.

Quoniam vero proposito fini consequendo non omnis ratio pariter conducit, inde etiam est ut quælibet actiones hominum indifferentes non sint. Liquet enim contra Dei voluntatem fieri quidquid propositis Deo finibus adversatur: quod autem confert ad assequendos fines illos eidem esse

acce-

acceptissimum. Quoties aliud præ alio eligendum, & ubi alii viæ insistendum est potius quam alii, certe Conditoris nostri ea voluntas est ut rectam viam ineamus, neque nos temere geramus & tortuito, sed convenienter rationi, ita ut libertatem nostram cæterasque nobis inditas facultates usurpemus qua ratione par est, ut nostræ conditioni, nostroque fini, Deique proposito satisfiat in nostram ipsorum aliorumque hominum felicitatem.

## §. IV.

Ex contraria sententia sententiæ nostræ major accedit vis. Quæ fors enim foret hominum, quæ societatis, si sua cujuscunque hominis facta ita penes illum essent, ut aliam non haberet agendi causam quam vel mentis levitatem vel animi pravos affectus? Fingamus enim hominem sibi ipsi permissum, nullis Legibus obnoxium, & cui Deus nullam vivendi normam indixerit: quo posito vides plerarumque humanarum facultatum jam nullam utilitatem esse. Quid enim Ratio proderit cæcis motibus impulso & nihil agenti considerate? Quid homini proderit quod in judicando possit suspensus hære, si prima rerum specie trahatur imprudens? Quid illi proderit res expendendi facultas, si rerum eligendarum consilium nullum ineat, nec prudentiam auscultet, sed devias propensiones sequatur. Equidem præclaræ dotes illæ quibus

Superiora  
argumen-  
ta confir-  
mantur.

bus humanæ naturæ constat dignitas & excellentia, non solum fierent prorsus inutiles, sed etiam in nostrum detrimentum verterentur: tanto enim nocentior alicujus dotis pravus usus est, quanto dos illa pulchrior est atque præstantior.

Libertas exlex non solum homines societate seclusos gravi detrimento afficeret, sed illis multo etiam esset nocentior, si spectentur prout sunt mutua societate connexi: societati namque opus imprimis Leges sunt, ne plus æquo sibi quis arroget, aut alicum appetat: alioquin in licentiam prolaberetur libertas. Permite sibi ipsi homines,

*Et vaga profiliet frenis natura solutis,*  
atque iniquitas, immanitas, perfidia, vis, campo, ut ita dicam, gaudebunt aperto, Tolle morales Leges, tolle morale vinculum illud quo in quavis gente continentur foventurque fides & æquitas, unde sua familiis & hominibus in alios homines descripta jura sunt & officia; hæc, inquam, tolle, hominesque videre erit alios in alios immanium bestiarum more ferocientes. Quo enim homo sagacior est atque solertior, eo sui similibus magis metuendus erit: ejus solertia vertetur in calliditatem, & in malignitatem sagacitas. Quocirca jam nulla societatis utilitas aut suavitas, sed hominum adversus homines bellum esset & latrocinium.

§. V.

SED quæ tu obtendis incommoda, iis, in-  
 quies, ipsimet homines Legum constitu-  
 tione mederentur. Respondebo ego quod  
 meam litem facias; fateris namque Leges  
 in universum necessarias esse; quamquam  
 ut id dicatur quod verum est, imbecillio-  
 res Leges humanæ sunt, nisi sua cujusque  
 conscientia nitantur. Quoniam igitur hoc  
 postulat humana Ratio, ut vivendi normam  
 homines inter se constituent, cujus ope tu-  
 ti præstentur a malis quæ sibi possunt mu-  
 tuo inferre, & ea commoda consequantur,  
 quæ prosunt tum publice tum privatim,  
 quanto magis censemus rectam vivendi nor-  
 mam a Conditorum summe sapiente & sum-  
 mæ bono constitutam oportuisse? Equidem  
 bonus paterfamilias, quo suam domum or-  
 dinet, liberos suos auctoritate consiliisque  
 suis instituit. Qui possumus ergo existima-  
 re communis omnium hominum parentis  
 non eandem curam esse? Atque si præci-  
 puum sit illud boni Principis studium ut  
 bonis Legibus licentiam avertat, Deum-ne  
 credi potest, qui longe hominibus amicio-  
 r est quam in se ipsi bene mutuo affecti  
 sunt, totum permisisse genus humanum si-  
 ne duce vagari, hominesque exleges esse in  
 rebus etiam gravissimis, unde tota pendet  
 eorum felicitas? Ita de Deo sentire non  
 solum ejus benignitatem impugnat, sed &  
 sapientiam. Contraria igitur & sanior sen-  
 ten-

3. Argu-  
 mentum  
 ex Dei  
 benigni-  
 tate de-  
 ductum.

tentia habenda est. Deum itaque existimemus, siquidem pro sua benignitate homines creaverit quo felices essent, eisque invictam potiundæ felicitatis instillarit cupiditatem, tum voluerit etiam ut societate viverent conjuncti, eisdem proculdubio amorem quoque ordinis indidisse, Legesque dedisse quibus constituendi tuendique ordinis rationes indigitantur.

## §. VI.

4. *Argumentum in* **EXCUTIAMUS** nosmetipsos, & quas **Leges** hominibus benignum sapientemque Deum decebat imposuisse, illas revera mentibus nostris deprehendemus infixas, quas recludit, & in aperto collocat indita nobis **Ratio**. Multa profecto certissima principia sunt quibus scientiæ fundantur, & multa mens contemplatur evidenter verissima. Sed neque minus certa est Regularum veritas quæ vitam humanam dirigunt, & quibus **Moralis Disciplina** continetur. Evidentissimum est, verbi gratia, homines sapientissimum optimumque suum Conditorem summa reverentia debere prosequi; homini expetendam felicitatem; majorem utilitatem minori anteponendam; beneficiorum servandam memoriam; præstare ordinem perturbationi, &c. Quæ documenta & id genus alia propemodum æque sunt evidentissima quam si dicatur: Totum est majus sua parte; Causa præcedit effectum, &c. Alia enim non secus ac alia purissimo Rationis lumine



ne pariter inclarescunt, unde illis cogimur assentiri. Ac sane generales hæ veritates raro vocantur in dubium, sed de illis ad humanam vitam accommodandis disceptatur, & de consequentiis ambigitur. At vero ubi semel constat de principiorum veritate, non minus certæ sunt eorum consequentiæ seu proximæ, seu remotæ, modo sibi recte cohæreant, aliæque ex aliis vera & ad rem appositæ ratiocinatione deducantur.

§. VII.

JAM ut intelligamus quemadmodum ex positis principiis, & eorum legitimis consecutionibus nostra deducatur agendi ratio, satis est illud in memoriam revocasse quod dictum est Cap. VI. Part. I. de obligatione qua tenemur præscripta Rationis exequi. Quoniam enim in iis, quæ vel animo dumtaxat considerantur, absurdum foret aliter loqui vel sentire quam secundum hoc Rationis lumen quo *verum* a *falso* secernitur, sic etiam in instituenda vitæ ratione non minus absurdum foret ab illis certissimis notionibus recedere quibus a *malo* secernitur *bonum*. Quoties liquet nostræ naturæ, & ei præcipuo fini quem nobis propositum habemus, aptissimam esse quamdam rationem, eidemque nostro fini, sive felicitati, & naturæ nostræ rationem aliam repugnare, consequens est ut homo cum sit libertate præditus, & ratione rerum hoc disceri-

Humanæ  
menti ea  
sunt in-  
génita  
principia  
ut suapte  
natura  
homines  
obligent.

J. J. Burlamaqui.

L. men

men attendat , & exploratis utrisque partibus , eis adhæreat quæ sunt utiliores . Ita enim se gerere per ipsam rei naturam cogitur ; qui vult enim propositum finem assequi , is etiam necesse est ut directo ad metam tramiti velit insistere : quod præterea etiam tenetur præstare , quia in hoc sibi comperta sunt Legislatoris propositum , & voluntas .

## §. VIII.

Ea Dei voluntas est ut possitis principis obligemur , unde sunt veræ Leges . ENIMVERO quoniam Deus rerum omnium nostramque ipsorum naturam condidit , quoties ob illam rerum naturam nostramque justis de causis impellimur ut hac vel illa ratione judicemus agamusque , profecto satis manifestum est Dei propositum , nec de ejus voluntate jam potest ambigi . Itaque sanæ Rationis sermo ipsius Dei sermo est . Cum nos Ratio clara vocet monet *Pro bono non esse rependendum malum* ; hoc interiore oraculo monet nos ipse Deus quid *bonum & justum* , eique acceptum sit , & nobis expediat . Dictum antea est nullo argumento probabile videri a Conditorum summe bono summeque sapiente hominem sibi ipsi permissum tum duce tum regula carentem . Sed ecce partam ex Deo Regulam ; quoniam enim insunt illi summo in gradu virtutes omnes quibus legitimum imperium constituitur , nemini dubium esse potest quin pro Lege hæbenda sit tanti Legislatoris voluntas . Nam quibus conditionibus

cen-

constituitur Lex, hinc omnes concurrunt.  
 1. Præcipitur Regula; 2. Regula hæc justa & utilis est; 3. Regula hæc ab eo par-  
 ta est cui omnino subditi sumus; 4. tan-  
 dem Regula hæc infixis mentis nostræ præ-  
 ceptis & naturali lumine sufficienter inno-  
 tescit. Hæc igitur proprie dicta est Lex  
 quam tenemur servare.

Verum paulo accuratius investigemus qui-  
 bus modis se prodat & detegatur Naturalis  
 hæc Lex; seu quod idem est, quibus e  
 fontibus haurienda sit. Sic enim quod ge-  
 neralibus tantum argumentis probatum est,  
 ei lux affundetur & vis accedet major,  
 cum singula recensimus. Porro vera prin-  
 cipia tum constat comperta esse, si post-  
 quam enucleata & in singulis suis partibus  
 expensa sunt, cum rerum natura consenti-  
 re deprehendantur.

### CAPUT III.

*Quæ sint RATIONES secernendi justum ab  
 injusto, seu Legis Naturalis præcepta di-  
 gnoscendi, nimirum 1. INSTINCTUS MO-  
 RALIS, 2. RATIO.*

#### §. 1.

**E**X his quæ superiori capite dicta sunt Prima ra-  
 jam satis intelligitur inditas nobis a tio dijudi-  
 Deo duas facultates esse *bonum & malum* candi bo-  
*morale* dijudicandi, quarum altera nihil aliud num &  
L 2 est malum

morale , est quam quidam *instinctus* , altera vero ra-  
 scilicet *tiocinium* dicitur .

*Instinctus* vel *sen-*  
*sus* . *Instinctum* *Moralem* dico *naturalem* propen-  
 sionem illam qua instigante rebus quibusdam ut  
 bonis & laudabilibus assentimur , alias autem  
 ut malas & vituperandas repudiamus , nullo  
 prævio *ratiocinio* . seu accurata rerum explora-  
 tione . Sin cum HUTCHINSONIO viro in-  
 ter Scotos peritissimo *instinctum* illum ma-  
 vis *SENSUM MORALEM* nuncupare , di-  
 cendum est *Sensum Moralem* eam esse mentis  
 nostræ facultatem cujus ope quibusdam in re-  
 bus bonum & malum morale uno intuitu depre-  
 hendimus citra ullum *ratiocinium* , & rerum  
 ullam explorationem , sed duce quodam affe-  
 ctu & sapore .

## §. II.

*Exempla.* Itaque si quem videamus dolore perci-  
 tum , eo statim misericordiæ sensu affici-  
 mur , ut afflicto opitulari pulchrum jucun-  
 dumque habeamus . Beneficium accipientis  
 is primus affectus est , ut quem experitur  
 gratum animum testetur beneficium confe-  
 renti . Quod si peculiare odii vel timoris  
 causæ secludantur , hic primus est hominis  
 in hominem affectus , ut eum benevolentia  
 prosequatur quocum similem naturam for-  
 titus est , atque easdem vitæ necessitates .  
 Sic etiam nulla præviam rei exploratione aut  
 accurato judicio & pueri & ipsi rudes ho-  
 mines beneficiorum memoriam non retine-  
 re putant turpe vitium esse , & perfidiam  
 ut scē.

ut fœdissimum & iniquissimum scelus exerceantur, quo offenduntur, & a quo natura abhorrent. Contra fidem servare, beneficiorum memorem esse, suum cuique reddere, parentes colere, afflictos sublevare, totidem facta sunt quæ necessario probamus laudamusque, utpote justa, bona, honesta, convenientia, & humani generis utilitati conducentia. Hinc fit ut iis narrationibus natura oblectemur in quibus aliquid memoratur factum ex æquitate, ex fide, ex humanitate, ex beneficentia: iis animus suaviter commovetur demulceturque, quæ si etiam legamus in historiis impense miramur, & hujus ætatis, aut gentis, aut familiæ felicitatem extollimus, quæ tam egregia exempla protulerunt. Scelerum autem exempla, quæ aut videmus aut audimus, aspernamur indignabundi.

## §. III.

Jam vero si quæritur unde in nobis hic animi motus gignatur, quo impulsus homines quibusdam actionibus gaudent, alias autem averfantur? Equidem quod respondeam non aliud habeo, nisi quod noster Conditor ita nos esse affectos voluerit, eamque naturam nostram & indolem esse, ut quemadmodum Bonis & Malis corporis seu *physicis* afficimur, ita in quibusdam Bonorum & Malorum *moralium* afficeremur discrimine. Est igitur ille quidam *instinctus*, quales nobis plures alios natura inse-

Cur ita  
fimus affe-  
cti.

vit, ut ad eas res celerius & validius impelleremur, in quibus suæ judicii partes futuræ erant tardiores. Sic se habet interior ille sensus quo monemur corporis necessitatibus consulere; sic etiam exteriorum sensuum nostrorum ope rerum objectarum naturam statim dijudicamus, an sint utiles an noxiæ, ut celeriter & organorum corporum impulsu ad id faciendum moveamur, quod salutis nostræ conducit. Sic etiam se habet instinctus ille quo vitæ adeo tenaciter adhærescimus, & hæc innata potiundæ felicitatis cupido, humanarum actionum summa motrix. Sic etiam se habet fere cæcus, omnino tamen necessarius, parentum in liberos amor. Hoc poscebant urgentes nec differendæ necessitates, ut homo non tarda judicii investigatione, sed acrioribus & promptioribus sensuum stimulis ageretur.

## §. IV.

**Quid pro-** Itaque quod Deus in hominum corpori-  
**fit nos ita** bus, idem in illorum mentibus præstitit,  
**affectos** quod ad moralem eorum agendi rationem  
**esse.** attinet; eis enim *Sensum* indidit, vel justitiæ atque virtutis *saporem*, qui sensus saporque judicii non expectant operam, sed primos regunt affectus nostros, & in plerisque hominibus hanc operam judicii feliciter suppleant, necnon accuratam rerum explorationem. Quotus enim quisque est qui res attendat? Quot contra ita rudes, ita  
 su-

supini, ita iudicii sunt expertes, ut vix tres quatuorve suas cogitationes ita queant evolvere, ut hinc constet aliqua ratiocinatio. E re igitur erat ut eam nobis Creator inderet acrem promptamque facultatem, quæ non opem desideraret ingenii, sed per quam bonum malumque celeriter distingueremus, expeteremus aliud quidem, aliud autem avversaremur.

§. V.

Quos sensus si quis neget veros esse, eosque dicat in singulis hominibus non inveniri, quoniam feræ gentes sunt in quibus similis sensus nullus appareat, atque etiam inter moratos populos videri tam perverfos homines, ut in iis nulla virtutis notitia vel sensus elucescat: Respondeo *Objeccio:* Hi sensus in singulis hominibus non deprehenduntur. *Respons. I.* Eorum vestigia etiam in gentibus immanissimis deprehenduntur. I. Quos memoramus primigenios sensus gentibus etiam immanissimis inesse, quorum sensuum si quibusdam in gentibus vestigium nullum se prodatur, hoc ideo contingit vel quia nobis non satis earum mores comperiti, aut eo socordiae prolapsæ sunt, ut plerisque sensus humanos exuerint, vel tandem quoniam in quibusdam sensus illos non consulto quidem respuerunt, sed adulterarunt, præjudicatis opinionibus indulgentes, quarum vis major extitit quam rectæ mentis aut innati iudicii, unde etiam in contrarias partes abiere. Feri sunt homines, exempli causa, qui captos hostes vorant, quoniam quos possunt occidere nihil putant

tant ob stare quominus eorum carne ut cæteris spoliis fruantur. At iidem feri homines non sic haberent suos amicos popularesve: jus inter se normamque colunt; nec ibi quam alibi minus est fidei pretium, atque inter illos non paucioribus quam apud nos laudibus effertur beneficiorum homo memor.

## §. VI.

2. Disting-  
guendus  
est natu-  
ralis sta-  
tus homi-  
nis ab ejus-  
dem sta-  
tu deprava-  
to.

QUOD ad illos attinet, qui quamvis degant, in gentibus excultissimis, pudorem, humanitatem, & justitiam videntur exuisse, sane distinguendus est hominum status naturalis ab eorum statu degenerare; possunt enim homines ex abusu & libidine degeneres fieri. Quid est, verbi gratia, naturæ magis consentaneum quam innata parentibus in liberos charitas? Quam tamen charitatem visi sunt quidam in se ipsis oppressisse vel affectu vehementiore convulsi, vel instanti libidine superati ob quam innatus liberorum amor ad tempus intermitteretur. Præterea num quid validius est quam nostri ipsorum & nostræ salutis amor? Nihilominus sive ex ira, sive ex affectibus aliis a solita sede mentem exturbantibus contingit, ut quidam homines sua sibi membra dilanient, res ad se pertinentes destruant, vel gravissimum aliquod sibi damnum inferant, tamquam suæ calamitatis appetentes.

## §. VII.



§. VII.

Ac tandem si quidam forte sunt homines, qui sedato animo & nulla conturbati libidine, virtutis omnem amorem & estimationem videantur exuisse; præterquam quod ejusmodi monstra confido non minus in morali quam in physico mundo rarissima esse, ad summum hinc colligitur quid possit excogitata & inveterata pravitas. Neque enim ita pravi nascuntur homines: sed de quo loquimur sensus moralis in quibusdam extinguitur, vel quia sua putant interesse quibus laborant vitia excusare vel obtegere, vel quia malis moribus assueverunt, vel quod falsa rerum æstimatione deluduntur, quemadmodum quælibet alia corporis aut mentis facultas ex abusu adulteratur & corrumpitur. Quæ tamen hominum felicitas est, non ita facile mentis ut corporis sensus atteruntur & dispereunt. Qui ad mentem sensus pertinent, fere semper servantur, atque illos lumen esse dixeris, quod, etiamsi videatur extinctum, possit tamen rursus exsuscitari radiosque emittere, id quod non semel vel in nequissimis hominibus compertum est.

3. Si quæ sint moralia monstra, rarissima quidem illa sunt, nec inde contra nostram sententiam quidquid colligitur.

§. VIII.

QUAMQUAM vero nobis Deus *instinctum* illum vel *sensum* indiderit, qui primus modus esset Bonum & malum morale fecer-

Non solum *instinctus*, sed & Ratio data

est ad di-  
gnoscen-  
dum Bo-  
num &  
Malum  
morale.

nendi, haud tamen satis ei fuit hanc nobis facultatem indidisse, sed insuper voluit, ut qua luce, nimirum RATIONE aliis in rebus utimur, hæc nobis etiam opem ferret, quo lucidius & explicatius regulas illas haberemus perspectas quibus in vitæ decursu insistendum est.

RATIONEM voco facultatem cogitationes cogitationibus conferendi, rerum inter se convenientiam vel discrepantiam comperiendi, & ex his consequentia eliciendi. Cujus egregiæ prorsus facultatis ope, quod jam naturalis *sensus* de justo & injusto tanquam indigitabat, manifestius evadit, veris argumentis probatur, ampliatur, & propositis aptatur quæstionibus: est enim Ratio mentis humanæ certissima lux. Quemadmodum porro in hominibus non minuitur, sed augetur paterna charitas, considerantibus nihil naturæ magis esse consentaneum quam illos amore prosequi qui ex se progeneri sunt, quem amorem non solum privatæ suæ familiæ, sed toti humano generi prodesse intelligunt, sic pariter quem antea diximus virtutis & ejus præstantiæ ingenitum nobis sensum esse, is certe non parum Ratione corroboratur: Ratio enim principia, causas, convenientiam, & commodum publica tum privata ejusdem virtutis expendit; quæ nobis etiam citra disquisitionem primo intuitu tam decora videbatur.

§. IX.

QUINETIAM asseri potest *instinctui* vel *Ratio in-*  
*sensui* Rationem triplici de causa superio- *instinctui*  
 rem esse . præstat ,

1. Evincit Ratio an verus rectusque sit *1. quo-*  
*instinctus* ; non secus ac in aliis rebus ex- *niam ar-*  
 plorationem & regulas adhibemus ut argua- *guit an*  
 tur hujus vel illius artis aut scientiæ hunc *verus sit*  
 vel illum genuinum *saporem* esse , ostenda- *instinctus.*  
 turque quod hic sapor non in cæco arbitrio,  
 sed in ipsa ratione positus sit , propriisque  
 sibi principiis innitatur . Simile quid eis  
 contingit quibus est acies oculorum acerrima:  
 hi namque certius existimant quantum  
 res objecta distet , vel quæ sit ejus figura ,  
 postquam illam diligenter explorarunt , otiose  
 dimensi sunt , atque cum aliis compararunt ,  
 quam si eam ex primo aspectu dijudicassent .  
 Opiniones etiam sunt atque consuetudines  
 quarum in hominum mentes tam vehemens  
 & universa vis est , ut si res ex earum  
 opinionum potentissimo affectu censerentur ,  
 facillime veritatis locum præjudicatæ  
 istæ opiniones occuparent . Hoc igitur  
 Rationis officium est ; ut vera rerum  
 judicandarum principia in animos nostros  
 revocet , claudicantia judicia nostra erigat ,  
 & eos abstergat errores quos a vitiosa  
 institutione hausimus .

§. X.

## §. X.

2. Instinctui Ratio præstat, quod lucidius enucleat cogitationes, dum illarum inter se convenientiam aut discrepantiam expendit, earumque consecutiones reputat. Eos namque sapissime videmus irretiri atque decipi qui cum primo tantum instinctu afficiantur, quo se convertant ambigunt, quoties rem nanciscuntur paulo intricatorem, & quæ Judicii quoddam acumen desiderat. Cujusmodi homines generalia quidem principia subolent, sed eorum nesciunt tanquam diversos ramos persequi, neque norunt quæ necessariae sint distinctiones vel exceptiones, nec quomodo pro locis & temporibus principia sint adtemperanda. Sunt enim hæc omnia Rationis opus, quæ suas partes tanto facilius exequitur, quanto illam diligentius exercebimus & excolemus.

## §. XI.

3. In hoc etiam Instinctui Ratio præstat, quod omnibus in universum rebus applicetur. Non solum Rationis latius vis patet quam instinctus; quod ad principiorum enodationem & applicationem attinet, sed ejus etiam major est quam instinctus extensio, si principia spectentur quæ retinet, & res objectæ quas amplectitur. Nec enim nobis concessus instinctus est nisi ob paucissimas res, easque minime implicatas, & ad statum naturalem hominis per-

pertinentes , in quibus opus erat impulsus citissimus . Sed aliæ sunt res intricatiores quæ suam causam habent , tum in diversis hominum conditionibus , tum in quibusdam adjunctis invicem consociandis , tum in singulari statu cujusque , de quibus omnibus certæ regulæ statui nequeunt , nisi solers adhibeatur judicium , & mutua rerum convenientia vel discrepantia attento animo expendantur .

Igitur *Instinctus* & *Ratio* duæ sunt hominibus a Deo concessæ facultates , per quas a malo bonum secernatur . Quæ duæ facultates ; faustis , ut ita dicam , ominibus junctæ , & amicam manum altera alteri porrigentes , in eundem finem concurrunt . Instinctus primam rerum speciem exhibet , Ratio expendit & arguit an se vere habeat instinctus . Instinctus tanquam indigitat principia , sed hæc eadem principia Ratio enucleat , & enucleata singulis rebus accommodat . Instinctus dux noster est ubi moram non patitur urgens necessitas , Ratio perspicit quid deceat aut non , & regulas tradit eis rebus accommodatas quibus inest aliquid præ cæteris singulare .

Hac igitur disputata methodo boni , & justî cognitionem possumus assequi , seu quod idem est , possumus comperire quam Deus hominibus esse velit moralem agendi rationem . Quapropter jam ex Instinctu & Ratione conjunctis deducenda sunt *Legum Naturalium* principia .

## CAPUT IV.

*Ex quibus principiis possit Ratio Naturales  
Leges deducere. (a)*

## §. I.

(a) Vid.  
*de hoc cap.  
& sequent.  
Puffend.  
de Jur.  
Nat. &  
Gent. Lib.  
II. C. III.  
Unde Na-  
turalium  
Legum  
principia  
deducan-  
tur.*

**S**I deinde quærat<sup>r</sup> quibus principiis uti Ratio debeat, ut ea dignoscat quæ ad Leges Naturales pertinent, easque compe-  
riat & enucleet, in universum respondeo, naturam hominis ejusque varios status at-  
tendendos esse; quoniam enim homo pro-  
pter varios suos status ad diversas rerum  
naturas diversimode se habet, diversa quo-  
que principia sunt quibus ad officiorum no-  
strorum cognitionem deducimur.

Sed antequam varios hominis status illos  
expendamus, abs re non erit quasdam ad-  
notationes præmittere DE LEGUM NATU-  
RALIUM PRINCIPIIS, ut primo adi-  
tu amoveantur æquivocationes, quæ quam  
tractamus materiam non unis tricis impli-  
carunt.

## §. II.

Adnota-  
tiones  
præviæ.  
Quid in-  
telligatur  
per Le-  
gum Na-  
turalium  
principia.

**C**UM hic quæritur quæ PRIMA sint  
NATURALIUM LEGUM ELEMENTA,  
idem est ac si quærat<sup>r</sup> *quænam primigeniæ  
veritates, seu propositiones illæ sint quibus  
revera dignoscere valemus quæ sit in nos Dei  
voluntas*; atque sic ex consequentiis rite  
dedu-

deductis cognitionem adipisci singularium rerum & officiorum quæ rectæ Rationis ministerio nobis Deus imposuit.

De quibus igitur principiis hæc quæstio est, habenda quidem illa non sunt pro Legum Naturalium causa efficiente & genitrice; alia quoque causa est cur iis principiis obstringamur. Non alia Naturalium Legum efficiens causa est quam summi Dei voluntas, nec aliunde vim habent obligandi, nec de hoc apud quemquam ambigitur. Sed & hoc posito inquirendum adhuc superest qua ratione possint homines dignoscere Dei voluntatem, & ea principia comperire per quæ tum nobis Dei proposita innotescant, tum ex quibus singulare quodvis officium nostrum promanet, quantum horum omnium cognitio solius Rationis ope comparari potest. Quæritur, exempli causa, an secundum Naturale jus sarciri debeat damnum illatum, & an pacta servanda sint? Si hoc unum respondeas: proculdubio sarcienda damna illata, & pactis standum esse, *quoniam ea sit Dei voluntas*, certe liquet quod non propositæ quæstioni satisfeceris; ulterius enim & merito quæretur, quænam sit illa causa sive principium ex quo manifeste constat eam revera Dei voluntatem esse? Hoc enim illud est quod quærebatur.

### §. III.

DEINCEPS adnotandum est prima Le- Legum  
gum Natur-

lium prin-  
cipia  
quam in-  
dolem  
habeant.

gum Naturalium principia non solum de-  
bere *vera* esse, sed etiam *simplicia*, *perspi-*  
*cua*, sufficientia, eisdemque Naturalibus  
Legibus *apta*.

Hæc principia debent vera esse: id est,  
ex ipsa rerum natura statuque haurienda  
sunt. Ex principiis namque falsis aut ficti-  
tiis nonnisi falsa & fictitia consequentur;  
nec unquam super fundamentis proxime col-  
lapsuris permansturæ ædes ædificabuntur.

Debent esse simplicia & ex se ipsis per-  
spicua, aut quorum saltem facilis cognitio  
sit & explicatio. Legibus enim naturalibus  
quoniam omnes homines obstringuntur, id-  
circo prima illarum principia non debent  
communem hominum intelligentiam supe-  
perare, sed oportet ut cuilibet sint facile  
pervia, nec immerito quis caveat a prin-  
cipiis nimium reconditis & subtilibus, aut  
nimium extra communem ratiocinandi nor-  
mam positis.

Insuper hæc principia debent esse tum  
sufficientia, tum universa, ex quibus per  
genuinas & proximas consequentias elician-  
tur omnes Naturales Leges, & ex his Le-  
gibus orta officia dignoscantur; ita ut sin-  
gularum Legum vel singulorum officiorum  
descriptio nihil sit aliud quam principio-  
rum quibus constant explanatio non secus  
ac cujusvis plantæ procreatio vel incremen-  
tum nihil aliud est quam germinis expli-  
catio vel seminis.

Quoniam autem plerarumque Naturalium  
Legum *variae sunt exceptiones*, præterea  
re-



requiritur ea Naturalium Legum principia esse, quæ in se ipsis exceptionum causam includant, ita ut non solum ex illis deducantur communes omnes Disciplinæ Moralis Regulæ, sed ut etiam per eadem principia Regulæ pro tempore, loco, & occasione constringantur & coarctentur.

Ac tandem prima hæc principia ita constituenda sunt, ut iis reipla tanquam proprio & proximo fundamento innituntur omnia Naturali Lege præscripta officia; ita ut, sive a principiis ordiari ut ex illis educas consequentia, sive a consequentiis referas te ad principia, sibi semper constet ratiocinationis series, nec quidquam medium interveniat quo filum, ut ita dicam, disputationis abruptatur.

§. IV.

CÆTERUM, si res in universum spectetur, prorsus quid indifferens est an Legum Naturalium unicum vel plura principia constituentur, in quo rectæ & accuratæ methodi sequi decet regulas. Porro ad nostri systematis veritatem aut perfectionem nihil omnino necesse est, ut omnes Naturales Leges ad unicum referantur & primigenium principium, quod neque fortassis possit fieri. Quidquid illud sit, certe supervacaneus hic labor est multo mentis conatu torqueri, ut ex unico principio Leges omnes naturales, & omnia officia nostra deducantur.

An ad unicum principium Leges omnes Naturales reducendæ sint?

J. J. Burlamaqui.

M Eas

Eas habuimus quas proponeremus adnotationes, quæ si veræ sunt, duplex hæc erit illarum dos, primo quod insistendam viam ostendent qua Legum Naturalium vera principia constituamus; Deinde quod rationem simul suppeditabunt accurato judicio varia systemata expendendi quæ de hac materia prodire: sed eam nos materiam jam nunc aggrediamur.

## §. V.

Legum  
Natura-  
lium co-  
gnitione  
non po-  
test homo  
assequi ni-  
si expen-  
dendo  
suam na-  
turam, in-  
dolem,  
statum-  
que.

NON alia Legum Naturalium dignoscen-  
darum ratio est, quam si attente naturam  
hominis indagamus ejusque indolem, tum  
quemadmodum se habeat ad res externas qui-  
bus circumcingitur, & quinam hinc hominis  
status exoriantur. Ac sane *Juris Naturalis*  
ipsum vocabulum, nostraque illius definitio  
satis indicant non aliunde quam ex ipsa ho-  
minis natura & indole hujus nostræ scien-  
tiæ principia hauriri posse. Itaque genera-  
les duas propositiones statuemus quibus Le-  
gum Naturalium totum systema contine-  
bitur.

I. PROPOSITIO. *Quidquid est in hominis  
natura ejusque primigenio statu & conditione,  
& quidquid ex hac natura, statu, & condi-  
tione consequitur, id certo præmonstrat quod-  
nam Dei sit in homines propositum aut vo-  
luntas, atque sic Legum Naturalium scientiam  
nos edocet.*

II. PROPOSITIO. *Sed ut absolutum sy-  
stema Legum Naturalium habeamus, non so-  
lum*

tum hominis investiganda natura qualis in se ipsa est; sed attendendum præterea quemadmodum se homo habeat ad alias aliarum rerum naturas extra illum positas; & quinam hinc novi status homini superveniant: alioquin Naturalium Legum manum esset & imperfectum systema.

Merito igitur dici potest Naturalium Legum systema petendum esse ex ipsa hominis natura & ex omnibus humane nature adjunctis conditionibus, in quibus ob quosdam fines ipse Deus hominem constituit. Naturæ, inquam, humane & ei adjunctorum consideratio vera suppeditat Legum Naturalium principia, si hæc principia spectentur quatenus per illa divinæ voluntatis cognitionem possumus comperire. Ac uno verbo quoniam ipse Deus hominis existentiam & existendi modum dedit, ex sola hominis natura diligenter investigata omnino perspicuum fiet quodnam in condendis hominibus propositum Dei fuerit, atque sic de regulis constabit secundum quas exigenda vita est, ut ejusdem Dei proposita, voluntatemque exequamur.

## §. VI.

QUÆ humane nature indagatio ut recte instituat<sup>Triplex</sup>ur, revocandum illud quod superius <sup>hominis</sup> dictum est, posse nimirum hominem sub <sup>status.</sup> triplici ratione statuæ considerari, qui triplex status singulares omnes alios status complectitur in quibus homo versatur spe-

Etatus prout se habet ad alias rerum naturas extra illum positas. Spectari primum homo potest ut est a Deo conditus, a quo vitam hausit & rationem, omniaque bona accepit quibus fruitur. Deinde spectari potest in se ipso, prout constat mente, & corpore, & multis variisque instructus est facultatibus; tum natura seipsum amans propriæque suæ felicitatis necessario cupidus. Denique spectari homo potest ut est pars humani generis, & in terris ad alios sui similes homines admotus, quibuscum naturali sua conditione non impellitur modo, sed etiam cogitur socialiter vivere. Ac revera ex ipso facto perspicuum est in triplici illo statu quem memoramus totum humanæ naturæ positum esse systema, unde oritur maxime vulgaris & genuina officiorum nostrorum distinctio ex triplici illo statu desumpta: aliis enim in Deum, aliis in nos ipsos, aliis in cæteros homines tenemur officiis. Quam distinctionem TULLIUS quoque adhibuit. „ Hæc, inquit, „ Philosophia nos primum ad Deorum cultum, deinde ad jus hominum, quod finitum est in generis humani societate, tum „ ad modestiam magnitudinemque animi erudit. *Tusc. Quæst. Lib. 1. Cap. 26.*

## §. VII.

*Religio*  
principi-  
um est  
*Legum*

PRIMO quidem Rationis ope Deum cognoscimus ex se ipso existentem, & quem penes omnia sunt: tum etiam cognoscimus  
ab eo

ab eo nos conditos, servatos, & beneficiis singularibus affectos. Igitur necesse habemus præstantissimam Dei naturam confiteri eique nos omnino subdere, ex quo etiam natura consequens est ut timeamus ne in Deum peccemus, sed illum contra summo amore summaque reverentia debeamus prosequi, ejusque voluntati penitus nos addictos profiteri. Utquid enim se Deus hominibus manifestum Rationis ministerio exhibuit, nisi ut homines perspecta illius natura præstantissima, tum ei qua par est ratione pareant, tum eum colant, diligant, adorentque.

Naturalium quæ ad Deum spectant.

§. VIII.

TOT equidem tantarumque Dei virtutum is genuinus effectus est, ut summam in hominibus reverentiam generent. Amor autem gratique animi propensio infinitam necessario subsequuntur Conditoris beneficentiam, in quem etiam ne peccemus idcirco veremur, quia iustus & potens est: tum eidem cogimur obsequi compertum habentes legitimum illius in nos imperium, ejusque agnoscentes benignitatem summamque sapientiam, quæ nos convenienter nostræ naturæ nostræque felicitati perpetuo dirigit. Quorum omnium affectuum mentibus infusorum congeries nuncupatur PIETAS.

Pietas, si vera sit, exterius se duplici modo prodet, *moribus* & *cultu*. Dico primum *moribus*: pius enim homo, atque sic

Exposito Religiosis principio consequentia.

affectus ut dictum est, sponte sua loquetur & ea se ratione geret quam Dei virtutibus & voluntati novit esse maxime consentaneam; namque divinam voluntatem putabit suam regulam & exemplar esse, ex quo gignitur præstantissimarum virtutum cultus.

Deinde præter illam colendi Dei rationem, quæ sine controversia verissima & maxime necessaria est, religionis cultor homo pietatis affectus illos lubens in se ipso augebit atque in aliis excitabit. Hinc derivatur CULTUS EXTERIOR tum publicus tum privatus. Ille enim exterior cultus si ve spectetur ut prima & unica fere ratio Religionis & pietatis affectus in hominibus excitandi, fovendi, & perficiendi; si ve spectetur ut honor quem homines una Deo exhibent privata vel publica societate coadunati; si ve utraque causa hæc conjungatur, equidem evincit Ratio omnimodæ necessitatis exteriorem cultum esse.

Exterioris quidem cultus variari forma potest, sed quod in illo præcipuum est eo naturali documento definitur per quod vana superstitio & fuitiles ceremoniæ repudiantur. In eo enim positus hic cultus est, ut homines erudiat, pietatem illis & virtutem instillet, naturam Dei exhibeat qualis est, tum quæ hominibus mandata Deus præscripsit, ea nos edoceat.

Ex enumeratis hominum officiis constat RELIGIO, quæ definiri potest *vinculum illud quo homines adherent Deo & ejus Legibus*  
*sera*

*servandis student, quia illum reverentur, amant timentque, dum ejus infinitas virtutes mirabundi suspiciunt, eique se intelligunt penitus obnoxios, utpote suo conditori summe bono & summe sapienti.*

Nostram igitur naturam statumque indagantes, in ea qua nos ad Deum habemus ratione verum principium deprehendimus ex quo proxime fluunt Legum Naturalium principia ad Deum spectantia.

## §. IX.

Si deinde principium quæzatur officiorum ad nos ipsos pertinentium, facile principium illud deprehendetur, modo interiorum hominis indolem, & in eo creando Dei consilium expendamus, tum in quem finem homines instructi sint his animi & corporis facultatibus quibus constat eorum natura.

*Nostri ipsorum amor principium est Legum Naturalium ad nos spectantium.*

Evidentissimum porro est Deum in creandis hominibus illorum sibi propositam habuisse salutem, perfectionem, atque felicitatem. Quod Dei consilium manifesto arguitur tum ipsis facultatibus quibus hominem Deus insignivit, quarum quævis ad memoratos fines confert, tum inexsuperabili illa propensione qua bonum expetimus, a malo autem abhorremus. Hæc igitur voluntas Dei est, ut quisque suæ salutis & suæ perfectioni studeat, quo nimirum convenienter suæ naturæ & conditioni, quantam potest felicitatem adipiscatur.

Quæ cum ita sint, affirmari potest *nostræ ipsorum amorem* ( amorem dico sanum rectumque ) primum principium esse officiorum ad nos ipsos pertinentium; quatenus hic nostri ipsorum amor ab humana natura indivulsus, & ab ipso naturæ conditore inditus manifestam nobis facit Dei voluntatem de officiis ad nos ipsos spectantibus.

Sed omnino advertendum est nostri ipsorum amorem in principium regulamque verti non posse, nisi recta ratione dirigatur convenienter nostræ naturæ nostræque conditioni. Hic enim unicus modus est quo divinæ voluntatis interpret fiat nostri ipsorum amor, qui sic adtemperandus est, ut neque Religionis neque sociabilitatis Leges impugnet. Alioquin amor ille innumeras iniquitates pareret, essetque nobis admodum exitiosus, quoniam nostrarum calamitatum iniquitas in nos ipsos recideret.

## §. X.

Quæ ex polito principio Naturalis Leges oriuntur? Ex quo sic posito principio facile deducuntur Leges naturales & officia ad nos spectantia. Id primum in nostræ felicitatis desiderio continetur, ut nostræ saluti invigilemus. Deinceps, cæteris paribus, potior menti quam corpori cura impendenda est, & nihil quidquam omittendum quo nostra ratio perficiatur discatque a veris falsa, ab utilibus noxia secernere, & sufficientem earum rerum cognitionem assequatur quæ ad nos



nos attinent, & de quibus rectum iudicium est; atque in hoc posita est intellectus perfectio sive *Sapientia*. Sed comperta rerum natura ulterius sequitur, ut perpetuo constantique iudicio ad illud impellamur quod Ratio suadet; quidquid ex adverso cupiditates insurgent. In hoc enim posita *VIRTUS* est, & per hoc humana voluntas evadit perfecta, si ea sit nostræ mentis vis atque constantia, ut perseveranter *SAPIENTIÆ* consiliis obsequatur: alioquin supervacuum foret intellectus lumen.

Hinc derivantur peculiare omnes regulæ. Quæris, v. g. num *Lege Naturali* cautum sit ut nostras cupiditates cohibeamus? Ego quo tibi respondeam vicissim sciscitabor an cupiditates cohibere nostræ saluti conducatur, nostræ perfectioni, nostræque felicitati? Quod si concedes, nec enim potes negare, soluta jam quæstio est. Vis etiam scire an laboris studium, oblectamentorum licitorum ab illicitis discrimen, atque in ipsis licitis oblectamentis moderatio, an patientia, an constantia *Naturali Lege* præscripta sint? posito jam principio utar quo tibi respondeam, atque si hoc tale principium cum quæstione consentiat, verum erit & legitimum meum responsum, quoniam dictum principium tuto me tramite ad propositam metam deducit; Dei namque reteggit voluntatem.

## §. XI.

Homo  
natus ad  
societa-  
tem.

SED inquirendum adhuc principium su-  
perest ex quo deducantur naturales illæ le-  
ges quæ ad mutua hominum inter se offi-  
cia, sive ad societatem pertinent. Videamus itaque an qua ratione Religionis principium compertum est, eadem ratione possit Societatis principium comperiri: in quo operæ pretium est, ut id quod in facto versatur, & rerum conditionem consideremus, quid inde colligatur intellecturi.

Non ego solus in terris, sed inter innumeros alios homines dego omni ex parte mihi simillimos, quo in statu ipse ordo nascendi, ipsa me providentia constituit. Ex quo sponte adducor ut putem non eam conditoris mentem fuisse, ut quisque homo solitariam & a cæteris hominibus segregatam vitam ageret, sed ut contra homines simul viverent societate conjuncti. Potuisset proculdubio Conditor omnes simul homines creare, sed dissociatos, & unicuique ad hoc solitarium vitæ genus aptas & sufficientes dotes indere: quod quia non ita contigit, hinc colligendum est voluisse Deum, ut quam inter homines latius patentem societatem volebat instituere, a ratione nascendi & sanguinis communione initium sumeret.

Quo rem penitus indago, eo magis mihi de mea sententia constat. Plerumque enim hominis facultates, innata illi studia, ejusque

que imbecillitas atque necessitates totidem argumenta certissima sunt ad societatem conditum fuisse hominem.

## §. XII.

EA revera hominis indoles & natura est, ut extra societatem neque possit vitam suam servare, neque suas facultates dotesque explicare & perficere, nec veram firmamque sibi felicitatem comparare. Quæ fors, quæso, foret infanti, nisi ejus necessitatibus consuleret benefica manus & auxiliatrix? Eum profecto interire necesse est, si illum nemo curaret. Quin etiam ejus imbecillitas atque inopia diuturnam opem desiderant. Jam vero cum adolevit, rudis adhuc & inscius est, cujus ita sunt intricatæ cogitationes ut eas vix possit aliis notas facere, quem si sibi ipsi permiseris, aut erit agrestis, ac fortasse truculentus feroxque, omnium vitæ jucunditatum ignarus, desidia torpens, tædio confectus, qui primis & potissimum urgentibus naturæ suæ necessitatibus nequeat providere. Senectutem autem affecuti sumus iterum imbecilles, quæ nos imbecillitas æque fere cæteris facit obnoxios ac in infanitia fueramus. Nunquam aut melius intelligitur quantum homo homine indigeat, quam si gravi aliquo casu premamur, vel morbo. Quanam esset in solitudine hominis ægrotantis conditio? Equidem sola sunt aliorum hominum auxilia quæ nos valeant a diversis malis tueri eis-

1. Homi-  
ni socie-  
tas omni-  
no neces-  
saria.

ve mederi, & nostram vitam jucundam beatamque præstare, in quocumque statu & ætate versetur.

Cujus rei SENECA graphicam hanc tabulam exhibuit: „ Quo alio tuti sumus  
 „ quam quod mutuis juvamus officiis? Hoc  
 „ uno instructior vita, contraque incurfio-  
 „ nes subditas munitior est beneficiorum  
 „ commercio. Fac nos singulos, quid su-  
 „ mus? præda animalium & victimæ, ac  
 „ bellissimus & facillimus sanguis. Quo-  
 „ niam cæteris animalibus in tutelam sui  
 „ satis virium est: quæcumque vaga na-  
 „ scuntur, & actura vitam segregem, ar-  
 „ mata sunt. Hominem imbecillitas cingit;  
 „ non unguium vis, non dentium, terribi-  
 „ lem cæteris fecit. Nudum & infirmum  
 „ societas munit. Duas res dedit quæ il-  
 „ lum, obnoxium cæteris, validissimum fa-  
 „ cerent, rationem & societatem. Itaque,  
 „ qui par esse nulli posset si seduceretur,  
 „ rerum potitur. Societas illi dominium  
 „ omnium animalium dedit. Societas terris  
 „ genitum in alienæ naturæ transmisit im-  
 „ perium, & dominari etiam in mari jus-  
 „ sit. Hæc morborum impetus arcuit, se-  
 „ nectuti adminicula prolpexit, solatia con-  
 „ tra dolores dedit. Hæc fortes nos facit,  
 „ quod licet contra fortunam advocare.  
 „ Hanc societatem tolle, & unitatem ge-  
 „ neris humani, qua vita sustinetur, scin-  
 „ des. *Seneca de benef. Lib. IV. cap. 18.*

## §. XIII.

SOCIETAS quoniam homini adeo necessaria est, ideo huic Deus naturam, facultates, & dotes indidit ad societatem maxime conducentes. Qualis est, v. g. sermocinatio, cujus ope nostras nobis invicem cogitationes tanta facilitate & celeritate communicamus, cujus sermocinationis extra societatem nulla esset utilitas. Pari modo se habet ingenitus nobis ad imitationem instinctus, & hæc mirabilis nostra structura ob quam omnes cupiditates animique affectus ab unius cerebro ad alterius cerebrum tam facile permeant. Commovetur quis & dolet, & nos commovemur dolemusque. \* \* Terent. *Homo sum, humani nihil a me alienum puto*. Adit nos quisquam gaudium vultu præferens, & nos cum illo gaudemus. Flet quis, licet ignotus, nec ejus fletuum causam noverimus, ejus nihilominus vices miseremur.

2. Natura sua homo est ad societatem aptissimus.

*Ut ridentibus arident, ita flentibus adflent*

*Humani vultus.* \*\*

\*\* Horat. *Art. Poet. vers. 101.*

Ejulat quis non alio nobis quam humanitatis vinculo conjunctus, in ejus auxilium properamus, uno sensuum instinctu citra ullam deliberationem impulsus.

Naturam præterea videmus alias aliis hominibus dotes paritam esse; ad quam enim rem

rem aptissimus ille est, hic eandem non possit præstare, qui id vicissim præstabit quod alter nequeat assequi. Naturalis itaque hominum inopia eos reddit alteros alteris obnoxios, & quoniam variis dotibus præditi sunt quibus potest alter alteri prodesse, hinc est ut alii aliis admoveantur conjunganturque. Quæ totidem manifesta sunt argumenta natos ad societatem homines esse.

#### §. XIV.

3. Innata nobis propensione societatem expectamus.

ATQUE si insitam nostræ menti propensionem attendamus, ad aliorum hominum societatem expectandam ultro nos impelli deprehendemus, nobis autem insitam solitudinem esse tanquam derelictionis & tædii conditionem. Nonnulli quidem homines interdum existerent, qui vitam degerent omnino segregem, sed illorum ingenium aut adulteraverat superstitio, aut atra bilis infecerat, vel ea fuerunt indole quæ a naturali statu abhorreret. Causam vero si quæras nostræ hujus ad societatem propensionis, eam nobis propensionem intelliges a Conditor sapienter inditam esse, quoniam homines in societate, tum ea quibus egent, tum plerarumque facultatum suarum explicandarum aptam occasionem nanciscuntur; atque præsertim in societate suus est, benevolentiae locus; amicitiae, misericordiae, beneficentiae, quos animi affectus fecit nobis natura suavissimos. Quæ enim  
cha.

charitas ex societate generatur eas habet illecebras, ut nihil sit præ illis jucundius. Nostram profecto mentem jucundissime titillat hæc opinio cum amicitia tum estimatione cæterorum dignos nos esse. Ipsi etiam doctrinæ novum accedit pretium, quoties se palam exerit: nostri vero gaudii nunquam est major alacritas quam cum exterius se prodit exultans, aut in amicum pectus effunditur; crescit enim altera sui parte communicatum gaudium, quoniam lætantibus nobis ea supervenit jucunda cogitatio quod & alios lætos faciamus, unde fit ut nobis impensius studeant. Sollicitudo autem minuitur atque mitigatur cum altero communicata, quemadmodum fit levius pondus in quo ferendo ab aliis benigne sublevamur.

Itaque ad societatem undequaque allicimur, quam reddit egestas necessariam, dulcem vero efficit innata nobis ad eam propensio, ac tandem ita natura comparati sumus ut de conglutinanda inter homines societate manifestum sit Dei propositum.

§. XV.

*Sociabilitas.*

SED humana societas quoniam non potest stare, nec felices exitus illos fortiri ob quos a Deo constituta est, nisi se homines mutua charitate prolequantur, consequens est nostri omnium Conditoris Parentisque voluntatem eam fuisse, ut quisque se mutuo diligat, & id præstet quodcumque in se

Quæ sint principia Naturalium Legum ad alios homines spectantium.

se est, ut humanæ societatis utilitatem & commoda tueatur, & accipiendis dandisque beneficiis hominum cum hominibus conjunctionem magis magisque devinciatur.

Itaque verum nobis principium statutum est eorum officiorum quæ Naturalis Lex hominibus in homines præcipit. Quod principium SOCIABILITATIS nomine ab iis insignitum fuit qui moralem disciplinam profitentur. Sociabilitatem vero dicunt *affectedum illum quo in homines benevoli sumus, iis profumus quantum in nobis est, illorum felicitatem cum nostra conciliamus, & publicam semper utilitatem anteponimus privatis nostris commodis.*

Quo penitus nostram ipsorum naturam perscrutabimur, eo magis persuasum habebimus Sociabilitatis nexum cum divina voluntate revera consentire. Præterquamquod enim ex se necessaria sociabilitas est, eam mentibus nostris innatam deprehendimus. Altera quidem manu nostri ipsorum amorem, altera vero in cæteros homines benevolentiam supremus nobis Conditor indidit. Quæ duplex propensio, quamvis diversa sit, altera tamen alteri non adversatur, sed utramque nobis affinxit Deus, quo concordare agerent, sibi que invicem præberent amicam manum, non ut altera ab altera convelleretur. Quapropter quibus est ingenua & generosa mens, ii tunc potissimum delectantur, si quando cæteris benefecerint, in quo naturam ducem sequuntur.



§. XVI.

Ex Sociabilitatis principio tanquam a proprio fonte promanant omnes Societatis leges, nostraque omnia officia tum peculioria, tum generalia.

Quæ Leges ex sociabilitatis principio derivantur:

1. Propter eam quam Deus inter homines Societatem adglutinavit, in illis omnibus quæcumque ad Societatem spectant, cujusque in suis factis PUBLICA UTILITAS summa Lex esse debet, & quisquis ita tenetur prudentiæ monitis auscultare, ne unquam privatum suum commodum quærat in publicæ utilitatis detrimentum. Naturam enim hominum decet eam sequi quam suademus agendi rationem, unde consequens est ut ea quoque sit communis omnium Conditoris & Parentis voluntas.

1. Summa Lex esto publica utilitas.

2. SOCIABILITATIS STUDIUM debet esse UNIVERSUM. Quibuscum enim hominibus potest nobis aliquid intervenire, eos omnes complectitur humana Societas, quoniam in communi hominum natura & conditione fundatur. (a)

2. Sociabilitatis studium debet esse universum.

3. Docet nos deinde Ratio æquum & commune jus omnibus hominibus in universum competere, quoniam omnes ejusdem gradus generisque sunt, easdemque acceperunt a natura facultates, ut simul vivant, & eorundem sint commodorum participes.

3. Servanda naturalis æqualitas.

Itaque tenemur ÆQUALES NOS NATURA

J. J. Burlamaqui. N TUM

(a) Vid. Puffend. de Jur. Nat. & Gent. Lib. II. Cap. III. §. 15.

Status prout se habet ad alias rerum natu-  
 ras extra illum positas. Spectari primum  
 homo potest ut est a Deo conditus, a quo  
 vitam hausit & rationem, omniaque bona  
 accepit quibus fruitur. Deinde spectari po-  
 test in se ipso, prout constat mente, &  
 corpore, & multis variisque instructus est  
 facultatibus, tum natura seipsum amans pro-  
 priæque suæ felicitatis necessario cupidus.  
 Denique spectari homo potest ut est pars  
 humani generis, & in terris ad alios sui  
 similes homines admotus, quibuscum natu-  
 rali sua conditione non impellitur modo,  
 sed etiam cogitur socialiter vivere. Ac re-  
 vera ex ipso facto perspicuum est in tripli-  
 ci illo statu quem memoramus totum hu-  
 manæ naturæ positum esse systema, unde  
 oritur maxime vulgaris & genuina officio-  
 rum nostrorum distinctio ex triplici illo  
 statu desumpta: aliis enim in Deum, aliis  
 in nos ipsos, aliis in cæteros homines te-  
 nemur officiis. Quam distinctionem TUL-  
 LIUS quoque adhibuit. „ Hæc, inquit,  
 „ Philosophia nos primum ad Deorum cul-  
 „ tum, deinde ad jus hominum, quod si-  
 „ tum est in generis humani societate, tum  
 „ ad modestiam magnitudinemque animi e-  
 „ rudivit. *Tusc. Quæst. Lib. I. Cap. 26.*

## §. VII.

*Religio*  
*princi-*  
*pium est*  
*Legum*

PRIMO quidem Rationis ope Deum co-  
 gnoscimus ex se ipso existentem, & quem  
 penes omnia sunt: tum etiam cognoscimus  
 ab eo

ab eo nos conditos, servatos, & beneficiis singularibus affectos. Igitur necesse habemus præstantissimam Dei naturam confiteri, eique nos omnino subdere, ex quo etiam natura consequens est ut timeamus ne in Deum peccemus, sed illum contra summo amore summaque reverentia debeamus prosequi, ejusque voluntati penitus nos addictos profiteri. Utquid enim se Deus hominibus manifestum Rationis ministerio exhibuit, nisi ut homines perspecta illius natura præstantissima, tum ei qua par est ratione pareant, tum eum colant, diligant, adorentque.

Naturalium quæ  
ad Deum  
spectant.

## §. VIII.

TOT equidem tantarumque Dei virtutum is genuinus effectus est, ut summam in hominibus reverentiam generent. Amor autem gratique animi propensio infinitam necessario subsequuntur Conditoris beneficentiam, in quem etiam ne peccemus ideo veremur, quia iustus & potens est: tum eidem cogimur obsequi compertum habentes legitimum illius in nos imperium, ejusque agnoscetes benignitatem summamque sapientiam, quæ nos convenienter nostræ naturæ nostræque felicitati perpetuo dirigit. Quorum omnium affectuum mentibus inferiorum congeries nuncupatur PIETAS.

Exposito  
Religionis  
principio  
consequencia.

Pietas, si vera sit, exterius se duplici modo proder, *moribus* & *cultu*. Dico primum *moribus*: pius enim homo, atque sic

affectus ut dictum est, sponte sua loquatur & ea se ratione geret quam Dei virtutibus & voluntati novit esse maxime consentaneam; namque divinam voluntatem putabit suam regulam & exemplar esse, ex quo gignitur præstantissimarum virtutum cultus.

Deinde præter illam colendi Dei rationem, quæ sine controversia verissima & maxime necessaria est, religionis cultor homo pietatis affectus illos lubens in se ipso augebit atque in aliis excitabit. Hinc derivatur CULTUS EXTERIOR tum publicus tum privatus. Ille enim exterior cultus sive spectetur ut prima & unica fere ratio Religionis & pietatis affectus in hominibus excitandi, fovendi, & perficiendi; sive spectetur ut honor quem homines una Deo exhibent privata vel publica societate coadunati; sive utraque causa hæc conjungatur, equidem evincit Ratio omnimodæ necessitatis exteriorem cultum esse.

Exterioris quidem cultus variari forma potest, sed quod in illo præcipuum est eo naturali documento definitur per quod vana superstitio & fuitiles ceremoniæ repudiantur. In eo enim positus hic cultus est, ut homines erudiat, pietatem illis & virtutem instillet, naturam Dei exhibeat qualis est, tum quæ hominibus mandata Deus præscripsit, ea nos edoceat.

Ex enumeratis hominum officiis constat RELIGIO, quæ definiri potest *vinculum illud quo homines adherent Deo & ejus Legibus*  
*ser.*

*servandis student, quia illum reverentur, amant timentque, dum ejus infinitas virtutes mirabundi suspiciunt, eique se intelligunt penitus obnoxios, utpote suo conditori summe bono & summe sapienti.*

Nostram igitur naturam statumque indagantes, in ea qua nos ad Deum habemus ratione verum principium deprehendimus ex quo proxime fluunt Legum Naturalium principia ad Deum spectantia.

### §. IX.

Si deinde principium quærat<sup>ur</sup> officiorum ad nos ipsos pertinentium, facile principium illud deprehendetur, modo interior<sup>em</sup> hominis indolem, & in eo creando Dei consilium expendamus, tum in quem finem homines instructi sint his animi & corporis facultatibus quibus constat eorum natura.

*Nostri ipsorum amor principium est Legum Naturalium ad nos spectantium.*

Evidentissimum porro est Deum in creandis hominibus illorum sibi propositam habuisse salutem, perfectionem, atque felicitatem. Quod Dei consilium manifesto arguitur tum ipsis facultatibus quibus hominem Deus insignivit, quarum quævis ad memoratos fines confert, tum inexsuperabili illa propensione qua bonum expetimus, a malo autem abhorremus. Hæc igitur voluntas Dei est, ut quisque suæ salutis & suæ perfectioni studeat, quo nimirum convenienter suæ naturæ & conditioni, quantam potest felicitatem adipiscatur.

Quæ cum ita sint, affirmari potest *nostri ipsorum amorem* ( amorem dico sanum rectumque ) primum principium esse officiorum ad nos ipsos pertinentium; quatenus hic nostri ipsorum amor ab humana natura indivulsus, & ab ipso naturæ conditore inditus manifestam nobis facit Dei voluntatem de officiis ad nos ipsos spectantibus.

Sed omnino advertendum est nostri ipsorum amorem in principium regulamque verti non posse, nisi recta ratione dirigatur convenienter nostræ naturæ nostræque conditioni. Hic enim unicus modus est quo divinæ voluntatis interpret fiat nostri ipsorum amor, qui sic adtemperandus est, ut neque Religionis neque sociabilitatis Leges impugnet. Alioquin amor ille innumeras iniquitates pareret, essetque nobis admodum exitiosus, quoniam nostrarum calamitatum iniquitas in nos ipsos recideret.

## §. X.

Quæ ex polito principio Naturalis Leges oriuntur? Ex quo sic posito principio facile deducuntur Leges naturales & officia ad nos spectantia. Id primum in nostræ felicitatis desiderio continetur, ut nostræ saluti invigilemus. Deinceps, cæteris paribus, potior menti quam corpori cura impendenda est, & nihil quidquam omittendum quo nostra ratio perficiatur discatque a veris falsa, ab utilibus noxia secernere, & sufficientem earum rerum cognitionem assequatur quæ ad nos

nos attinent, & de quibus rectum iudicium est; atque in hoc posita est intellectus perfectio sive *Sapientia*. Sed comperta rerum natura ulterius sequitur, ut perpetuo constantique iudicio ad illud impellamur quod Ratio suadet, quidquid ex adverso cupiditates insusurret. In hoc enim posita *VIRTUS* est, & per hoc humana voluntas evadit perfecta, si ea sit nostræ mentis vis atque constantia, ut perseveranter *SAPIENTIÆ* consiliis obsequatur: alioquin super vacuum foret intellectus lumen.

Hinc derivantur peculiares omnes regulæ. Quæris, v. g. num Lege Naturali cautum sit ut nostras cupiditates cohibeamus? Ego quo tibi respondeam vicissim sciscitabor an cupiditates cohibere nostræ saluti conducatur, nostræ perfectioni, nostræque felicitati? Quod si concedes, nec enim potes negare, soluta jam quæstio est. Vis etiam scire an laboris studium, oblectamentorum licitorum ab illicitis discrimen, atque in ipsis licitis oblectamentis moderatio, an patientia, an constantia Naturali Lege præscripta sint? posito jam principio utar quo tibi respondeam, atque si hoc tale principium cum quæstione consentiat, verum erit & legitimum meum responsum, quoniam dictum principium tuto me tramite ad propositam metam deducit; Dei namque reteggit voluntatem.

## §. XI.

Homo SED inquirendum adhuc principium su-  
 natus ad perest ex quo deducantur naturales illæ le-  
 societa- ges quæ ad mutua hominum inter se offi-  
 tem. cia, siue ad societatem pertinent. Videamus itaque an qua ratione Religionis principium compertum est, eadem ratione possit Societatis principium comperiri: in quo operæ pretium est, ut id quod in facto versatur, & rerum conditionem consideremus, quid inde colligatur intellecturi.

Non ego solus in terris, sed inter innumeros alios homines dego omni ex parte mihi simillimos, quo in statu ipse ordo nascendi, ipsa me providentia constituit. Ex quo sponte adducor ut putem non eam conditoris mentem fuisse, ut quisque homo solitariam & a ceteris hominibus segregatam vitam ageret, sed ut contra homines simul viverent societate conjuncti. Potuisset proculdubio Conditor omnes simul homines creare, sed dissociatos, & unicuique ad hoc solitarium vitæ genus aptas, & sufficientes dotes indere: quod quia non ita contigit, hinc colligendum est voluisse Deum, ut quam inter homines latius patentem societatem volebat instituere, a ratione nascendi & sanguinis communione initium sumeret.

Quo rem penitus indago, eo magis mihi de mea sententia constat. Pleræque enim hominis facultates, innata illi studia, ejusque



que imbecillitas atque necessitates totidem argumenta certissima sunt ad societatem conditum fuisse hominem.

## §. XII.

EA revera hominis indoles & natura est, ut extra societatem neque possit vitam suam servare, neque suas facultates, dotesque explicare & perficere, nec veram firmamque sibi felicitatem comparare. Quæ sors, quæso, foret infantuli, nisi ejus necessitatibus consuleret benefica manus & auxiliatrix? Eum profecto interire necesse est, si illum nemo curæt. Quin etiam ejus imbecillitas atque inopia diuturnam opem desiderant. Jam vero cum adolevit, rudis adhuc & inscius est, cujus ita sunt intricatæ cogitationes ut eas vix possit aliis notas facere, quem si sibi ipsi permiseris, aut erit agrestis, ac fortasse truculentus feroxque, omnium vitæ jucunditatum ignarus, desidia torpens, tædio confectus, qui primis & potissimum urgentibus naturæ suæ necessitatibus nequeat providere. Senectutem autem assecuti sumus iterum imbecilles, quæ nos imbecillitas æque fere cæteris facit obnoxios ac in infanitia fuëramus. Nunquam aut melius intelligitur quantum homo homine indigeat, quam si gravi aliquo casu premamur, vel morbo. Quanam esset in solitudine hominis ægrotantis conditio? Equidem sola sunt aliorum hominum auxilia quæ nos valeant a diversis malis tueri eis-

1. Homi-  
ni socie-  
tas omni-  
no neces-  
saria.

ve mederi, & nostram vitam jucundam beatamque præstare, in quocumque statu & ætate versetur.

Cujus rei SENECA graphicam hanc tabulam exhibuit: „ Quo alio tuti sumus  
 „ quam quod mutuis juvamus officiis? Hoc  
 „ uno instructior vita, contraque incurssio-  
 „ nes subditas munitior est beneficiorum  
 „ commercio. Fac nos singulos, quid su-  
 „ mus? præda animalium & victimæ, ac  
 „ bellissimus & facillimus sanguis. Quo-  
 „ niam cæteris animalibus in tutelam sui  
 „ satis virium est: quæcumque vaga na-  
 „ scuntur, & actura vitam legregem, ar-  
 „ mata sunt. Hominem imbecillitas cingit;  
 „ non unguium vis, non dentium, terribi-  
 „ lem cæteris fecit. Nudum & infirmum  
 „ societas munit. Duas res dedit quæ il-  
 „ lum, obnoxium cæteris, validissimum fa-  
 „ cerent, rationem & societatem. Itaque,  
 „ qui par esse nulli posset si seduceretur,  
 „ rerum spoliatur. Societas illi dominium  
 „ omnium animalium dedit. Societas terris  
 „ genitum in alienæ naturæ transmisit im-  
 „ perium, & dominari etiam in mari jus-  
 „ sit. Hæc morborum impetus arcuit, se-  
 „ nectuti adminicula prolpexit, solatia con-  
 „ tra dolores dedit. Hæc fortes nos facit,  
 „ quod licet contra fortunam advocare.  
 „ Hanc societatem tolle, & unitatem ge-  
 „ neris humani, qua vita sustinetur, scin-  
 „ des. *Seneca de benef. Lib. IV. cap. 18.*

§. XIII.

SOCIETAS quoniam homini adeo necessaria est, ideo huic Deus naturam, facultates, & dotes indidit ad societatem maxime conducentes. Qualis est, v. g. sermocinatio, cujus ope nostras nobis invicem cogitationes tanta facilitate & celeritate communicamus, cujus sermocinationis extra societatem nulla esset utilitas. Pari modo se habet ingenitus nobis ad imitationem instinctus, & hæc mirabilis nostra structura ob quam omnes cupiditates animique affectus ab unius cerebro ad alterius cerebrum tam facile permeant. Commovetur quis & dolet, & nos commovemur dolemusque. \* \* Terent. *Homo sum, humani nihil a me alienum puto*. Adit nos quisquam gaudium vultu præferens, & nos cum illo gaudemus. Flet quis, licet ignotus, nec ejus fletuum causam noverimus, ejus nihilominus vices miseremur.

2. Natura sua homo est ad societatem aptissimus.

\* \* Terent. *Heautont.*

*Ut videntibus arident, ita flentibus adflent*  
*Humani vultus. \*\**

\*\* Horat. *Art. Poec. vers. 101.*

Ejulat quis non alio nobis quam humanitatis vinculo conjunctus, in ejus auxilium properamus, uno sensuum instinctu citra ullam deliberationem impulsus.

Naturam præterea videmus alias aliis hominibus dotes paritam esse; ad quam enim rem

rem aptissimus ille est, hic eandem non possit præstare, qui id vicissim præstabit quod alter nequeat assequi. Naturalis itaque hominum inopia eos reddit alteros alteris obnoxios, & quoniam variis dotibus præditi sunt quibus potest alter alteri prodesse, hinc est ut alii aliis admoveantur conjunganturque. Quæ totidem manifesta sunt argumenta natos ad societatem homines esse.

## §. XIV.

3. In data  
nobis po-  
pensione  
societa-  
tem expe-  
ctamus.

ATQUE si insitam nostræ menti propensionem attendamus, ad aliorum hominum societatem expectandam ultro nos impelli deprehendemus, nobis autem invisam solitudinem esse tanquam derelictionis & tædii conditionem. Nonnulli quidem homines interdum exiterent, qui vitam degerent omnino segregem, sed illorum ingenium aut adulteraverat superstitio, aut atra bilis infecerat, vel ea fuerunt indole quæ a naturali statu abhorreret. Causam vero si quæras nostræ hujus ad societatem propensionis, eam nobis propensionem intelliges a Conditore sapienter inditam esse, quoniam homines in societate, tum ea quibus egent, tum plerarumque facultatum suarum explicandarum aptam occasionem nanciscuntur; atque præsertim in societate suus est, benevolentiae locus; amicitiae, misericordiae, beneficentiae, quos animi affectus fecit nobis natura suavissimos. Quæ enim  
cha.

charitas ex societate generatur eas habet illecebras, ut nihil sit præ illis jucundius. Nostram profecto mentem jucundissime titillat hæc opinio tum amicitia tum exultatione cæterorum dignos nos esse. Ipsi etiam doctrinæ novum accedit pretium, quoties se palam exerit: nostri verò gaudii nunquam est major alacritas quam cum exterius se prædit exultans, aut in amicorum pectus effunditur; crescit enim altera sui parte communicatum gaudium, quoniam lætantibus nobis ea supervenit jucunda cogitatio quod & alios lætos faciamus, unde fit ut nobis impensius studeant. Sollicitudo autem minuitur atque mitigatur cum altero communicata, quemadmodum fit levius pondus in quo ferendo ab aliis benigne sublevamur.

Itaque ad societatem undequaque allicimur, quam reddit egestas necessariam, dulcem vero efficit innata nobis ad eam propensio, ac tandem ita natura comparati sumus ut de conglutinanda inter homines societate manifestum sit Dei propositum.

§. XV.

*Sociabilis-  
tas.*

SED humana societas quoniam non potest stare, nec felices exitus illos sortiri ob quos a Deo constituta est, nisi se homines mutua charitate prosequantur, consequens est nostri omnium Conditoris Parentisque voluntatem eam fuisse, ut quisque se mutuo diligat, & id præster quodcumque in se

Quæ sint  
principia  
Naturalium Legum ad  
alios homines  
spectantium.

se est, ut humanæ societatis utilitatem & commoda tueatur, & accipiendis dandisque beneficiis hominum cum hominibus conjunctionem magis magisque devinciat.

Itaque verum nobis principium statutum est eorum officiorum quæ Naturalis Lex hominibus in homines præcipit. Quod principium SOCIABILITATIS nomine ab iis insignitum fuit qui moralem disciplinam profitentur. Sociabilitatem vero dicunt *af-  
fectum illum quo in homines benevoli sumus, iis profumus quantum in nobis est, illorum felicitatem cum nostra conciliamus, & publicam semper utilitatem anteponimus privatis nostris commodis.*

Quo penitus nostram ipsorum naturam perscrutabimur, eo magis persuasum habebimus Sociabilitatis nexum cum divina voluntate revera consentire. Præterquamquod enim ex se necessaria sociabilitas est, eam mentibus nostris innatam deprehendimus. Altera quidem manu nostri ipsorum amorem, altera vero in cæteros homines benevolentiam supremus nobis Conditor indidit. Quæ duplex propensio, quamvis diversa sit, altera tamen alteri non adversatur, sed utramque nobis affinxit Deus, quo concordēs agerent, sibi quæque invicem præberent amicam manum, non ut altera ab altera convelleretur. Quapropter quibus est ingenua & generosa mens, ii tunc potissimum delectantur, si quando cæteris benefecerint, in quo naturam ducem sequuntur.

§. XVI.

Ex Sociabilitatis principio tanquam a Quæ Le-  
proprio fonte promanant omnes Societatis leges ex so-  
leges, nostraque omnia officia tum peculia- ciabilita-  
ria, tum generalia. tis princi-  
pio deri-  
ventur:

1. Propter eam quam Deus inter homi-  
nes Societatem adglutinavit, in illis omni-  
bus quæcumque ad Societatem spectant, 1. Sum-  
cujusque in suis factis PUBLICA UTILITAS ma Lex  
summa Lex esse debet, & quisquis ita te- esto pu-  
netur prudentiæ monitis auscultare, ne blica uti-  
quam privatum suum commodum quærat litas.  
in publicæ utilitatis detrimentum. Natu-  
ram enim hominum decet eam sequi quàm  
suademus agendi rationem, unde consequens  
est ut ea quoque sit communis omnium  
Conditoris & Parentis voluntas.

2. SOCIABILITATIS STUDIUM debet 2. Socia-  
esse UNIVERSUM. Quibuscum enim homi- bilitatis  
nibus potest nobis aliquid intervenire, eos studium  
omnes complectitur humana Societas, quo- debet ef-  
niam in communi hominum natura & con- se univer-  
ditione fundatur. (a). sum.

3. Docet nos deinde Ratio æquum & 3. Ser-  
commune jus omnibus hominibus in uni- vanda na-  
versum competere, quoniam omnes ejusdem ruralis æ-  
gradus generisque sunt, easdemque accepe- qualitas.  
runt a natura facultates, ut simul vivant,  
& eorundem sint commodorum participes.  
Itaque tenemur ÆQUALES NOS NATURA

J. J. Burlamaqui. N TUM

(a) Vid. Puffend. de Jur. Nat. & Gent. Lib. II.  
Cap. III. §. 15.

TUM CREDERE TUM HABERE ; is enim naturam impugnat qui inter prima Societatis fundamenta non recenset æqui juris principium illud quod Jureconsultis *æquabilitas Juris* dicitur, qua juris æquabilitate nititur MUTUORUM OFFICIORUM LEX, necnon hæc simplicissima, sed quæ latissime patet Regula, debere nos eo animo in alios esse, quo in nos ipsos volumus alios affici, & in simili causa, qua ratione cupimus haberi, ita & cæteros habere.

4. In ip- 4. Sociabilitas cum inter homines mu-  
 sos inimi- tuæ sit obligationis, quorum ea malitia vel  
 cōs ser- iniquitas est, ut vinculum abrumpant So-  
 vanda cietatis, ii non possunt jure conqueri, si  
 benevo- vel amice non habeantur, vel ab illis etiam  
 lentia . Licita est impetantur quos offenderunt.  
 sui defen- Igitur licita est intermissio exercendæ in  
 sio, sed inimicum benevolentia, cujus tamen nefas  
 non vin- est radicem avellere. Quoniam enim ex so-  
 dicta. la necessitate paritur jus cum vi repellen-  
 di, qui nos contra jus impetit ; sic etiam  
 ex eadem necessitate petenda est regula &  
 constituendus modus est hujus mali quod  
 cuiquam possumus inferre, quocum in gra-  
 tiam redire semper parati debemus esse, u-  
 bi nobis satisfecerit, nec ab illo supererit  
 quidquam timendum.

Quocirca sui ipsius JUSTA DEFENSIO  
 a vindicta prorsus secernenda est. Effectus  
 namque benevolentia in tempus & ob ne-  
 cessitatem intermittit defensio, & sociabili-  
 tati non adversatur. Contra vindicta bene-  
 volentiam funditus tollit, & odium infen-  
 sum.



sumque animum generat , qui in se vitio-  
sus & publicæ utilitati contrarius est , qui-  
que diserte Naturali Lege damnatur .

§. XVII.

Ex his generalibus regulis multa sane Positorum  
consequuntur . principio-

Nemini verbis factisve nocendum , & il- rum pe-  
latum damnum sarcindum est : neque enim culjares  
stare societas potest , si licitæ sint injuriæ ? consequen-  
tiæ.

Hominum sermonibus debet inesse veri-  
tas , & præstanda fides est : quommodo e-  
nim credant hominibus homines , quidve  
sit in societate tutum , si decipere liceat  
& fidem fallere ?

Unicuique non solum id tribuendum est  
quod ad illum pertinet , sed præterea fieri  
& coli quisque debet juxta suam conditio-  
nem dignitatemque ; quia alios aliis subesse  
societatis vinculum est , & nullus alio-  
quin in familiis esset ordo , nec in civili  
administratione .

Quæ subditos obsequi publica utilitas ju-  
bet , eadem quoque postulat , ut qui præ-  
sunt , jura tueantur subditorum , & in eo-  
rum felicitatem habenas imperii moderentur.

Quin imo non alia ratione quam bene-  
volentia beneficiisque devinciuntur homi-  
nes ; nec quidquam sic naturam humanam  
decet , aut ita prodest societati , quam mi-  
sericordia , benignitas , beneficentia ; &  
generosa indoles . Unde TULLIUS .

*Sed quoniam* ( ut præclare scriptum est )

PLATONE) non nobis solum nati sumus, ortusque nostri partem patria vindicat, partem amici: atque (ut placet stoicis) quæ in terris gignuntur, ad usum hominum omnia creari, homines autem hominum causa esse generatos, ut ipsi inter se alii aliis prodesse possent: in hoc naturam debemus ducem sequi, & communes utilitates in medium asferre, mutatione officiorum, dando, accipiendo: tum artibus, tum opera, tum facultatibus devincire hominum inter homines societatem.\*

\* Lib. 1.  
off. Cap. 7.

Quoniam igitur non ob aliam causam student hominibus homines quam propter benevolentiam æquitatemque, tum ob actiones utiles justasque, nec aliter haberi potest societas stabilis, pacata, florensque, ideo colendæ sunt dictæ virtutes, ac totidem officia ab ipso Deo præscripta: nam illud cum divina voluntate consentit, quodcumque confert ad exequenda Dei consilia.

## §. XVIII.

Triplici  
nostro  
principio  
insunt omnia  
requisita.

IGITUR pro descripto superius triplici statu hominis, tria quoque sunt Naturalium Legum principia; 1. RELIGIO, 2. NOSTRI IPSORUM AMOR, & 3. SOCIABILITAS seu in alios homines benevolentia.

Quibus tribus principiis insunt omnia quæ superius requirebamus. Equidem vera sunt, utpote deducta ex ipsa hominis natura, indole, statuque in quo illum Deus constituit. Simplicia sunt, & cujusvis capiti accommodata, quod in præsentii mate-

ria

ria præcipuum est: quoties enim de officiis agitur, ea principia constituenda sunt quæ facile quivis intelligat; inest enim semper periculum in ea mentis subtilitate quæ semotas novasque vias sectatur. Ac tandem hæc nostra principia *sufficientia* sunt & *uberissima*, quippe quæ nostra omnia officia complectantur, & hominibus in quocumque statu Dei voluntatem notam faciunt, sive homines in se ipsis spectentur, sive prout se habent ad alias res creatas.

## §. XIX.

PUFFENDORFIUS quidem non tot ad-  
mittit principia, & SOCIABILITATEM u-  
nicum statuit Legum Naturalium fundamen-  
tum, quæ sententia merito improbatur ut  
manca. Neque enim ex sociabilitatis prin-  
cipio deducitur proprium proximumque of-  
ficiorum nostrorum fundamentum: quoniam  
quæ ad Deum officia pertinent, vel ad ho-  
mines singulos referuntur in se ipsis specta-  
tos, ex proprio & proximo sociabilitatis  
fonte ducta non effluunt, sed habent pro-  
prium suum & peculiare fundamentum. Po-  
namus hominem in solitudine, erunt illi  
nihilominus servanda plura officia natura-  
lia, quale est Deum amare & venerari, se  
ipsum servare, & innatas sibi facultates  
quantum potest excolere. Sociabilitatis prin-  
cipium fateor latius patere, quocum etiam  
nostra alia duo principia natura coherent,  
quæ tamen cum sociabilitatis principio con-

Adnota-  
tiones in  
senten-  
tiam Puf-  
fendorfi.

fundenda non sunt, habent enim propriam suam vim, nec a sociabilitate pendentem. Itaque nostrum triplex principium haberi debet ut organum triplex, ex quo totius humanitatis systemati suus motus & actio est, quæ tria organa aliud ab alio secerantur, sed conjunctis viribus conspirant ad exequenda Conditoris proposita.

## §. XX.

Puffendor-  
dorus  
plus æquo  
vituperatus.

VERUMTAMEN plerique illi quibus improbatum est Puffendorffii systema, utpote in ipso suo principio mancum, plus æquo criticæ indulerunt, quod in excusationem Puffendorffii dictum volumus juxta rectam Barbeyracii adnotationem. Profitetur Naturalis Juris egregius ille instaurator Puffendorffius se mutua hominum inter se officia explicanda proprie aggressum esse: (a) qua in re opus illi fuit unico sociabilitatis principio. Nostra in Deum officia, judice Puffendorffio, pars sunt Theologiæ naturalis; in quibus autem libris Naturale Jus disceptatur, Religio non habet locum, nisi quatenus est societatis columen firmissimum. Officia autem quæ ad homines pertinent in se ipsis consideratos, ea Puffendorffius partim ex Religione deducit, partim ex sociabilitate. (b) Cujus opus sane fuisset suis par-

(a) Vid. *de Jur. Nat. Gent. & Lib. II. Cap. III. §. 19. Specimen controvers. Cap. V. §. 25. Spicileg. controvers. Cap. I. §. 14.*

(b) Vid. *Off. Hom. & Civ. Lib. I. Cap. III. §. 13.*

partibus magis absolutum, si omnes status hominis amplexus scriptor ille, cujusvis status propria & apta principia posuisset, ut hinc singularia quævis officia elicerentur. Hæc enim legitima ratio est Juris Naturalis explanandi.

§. XXI.

CUI Naturalis Juris explicandi rationi Quæ sit  
 tanto magis insistendum erat, quod etsi of- officiorum  
 ficia nostra ad res diversas referantur, de- nostrorum  
 ducanturque ex diversis principiis, nihilo- inter se  
 minus, ut jam indigitatum est, natura in- cohærio?  
 ter se cohærent, aliudque, ut ita dicam,  
 se immiscet alii, sibi que mutuam opem  
 præstant, unde qui aliud colit, & alia co-  
 let facilius certiusque. Qui, v. g. Deum  
 timet venerabundus, ejusque omnino vo-  
 luntati addictus est, is certe non solum of-  
 ficia ea exequitur quæ ad se ipsum proprie  
 pertinent, sed & singulis hominibus ac u-  
 niversæ societati præstabit quidquid Natu-  
 rali Lege præcipitur. Certissimum etiam  
 est, quod quibus officiis nostra ipsorum a-  
 gendi ratio temperatur, hæc eadem officia  
 plurimum conferant, ut in cæteros homi-  
 nes qualem decet agendi rationem ineamus.  
 Quam enim utilitatem hominum societas  
 ex eo percipiet cujus inculta penitus ratio  
 est, & cujus ingenium animusque neque  
 sapientiæ neque virtuti assuesacta sunt. Con-  
 tra præstantissima sunt ab eis expectanda  
 qui suas facultates dotesque ideo summa cu-

ra excolunt, ut & suam & aliorum promoveant felicitatem, cujus propositi magna fane nobilitas est. Igitur quicumque vel in Deum pietatem, vel ad se ipsum spectantia officia prætermittit, hoc ipso in alios homines iniquum se exhibet, quia pravitate sua communem felicitatem imminuit. At vero qui pietatis, justitiæ, & charitatis eo sensu afficitur quem vult Religio & sociabilitas, hic ideo suæ felicitati studet, quoniam juxta divinæ providentiæ consilium singulorum felicitas sejungi nequit hinc a Religione, illinc a communi felicitate societatis, cujus quisque pars est. Aberrant ergo & in contrariam partem aguntur quicumque felicitatem aventes comparare semotam a communi felicitate rationem ineunt. Sic se habet mirus ille concentus quem inter varias systematis humani partes divina sapientia interposuit; & certe quanta possunt homines felicitate fruerentur, si tam frugiferis Naturalium Legum præceptis se regendos permetterent.

## §. XXII.

Quomodo SED quamquam officiorum nostrorum tria inter se præcipua capita inter se cohæreant, nihilominus inter illa naturalis ordo interjacet. Ex hoc autem ordine dijudicari potest quodnam officium alteri sit anteponendum, cum ita se res habent ut officia nostra tanquam inter se luctentur, nec æquali ratione possint omnia servari.

Jam

Jam si quærat<sup>r</sup>ur quomodo possit in universum ordo inter se officiorum dijudicari, respondeo *minori obligationi antep<sup>o</sup>ponendam illam quæ potior est*. Tum deinde ut dignoscatur quæ potior sit obligatio, nostrorum officiorum attendenda natura est, quemve habeant necessitatis & utilitatis gradum: hæc enim in quavis re certissima ratio est intelligendi quæ sit Dei voluntas. Quibus ita positis quasdam in præsens argumentum regulas statuemus.

1. *Quæ sunt hominis in Deum officia semper quibuslibet aliis præstant*. Neque enim ulla validior & strictior obligatio est, quam quæ nos summe bono, summeque sapienti Conditori nostro devincit.

2. *Quoties privatum nostrum commodum cum publica pugnat utilitate, publica utilitas antep<sup>o</sup>ponenda est*. Alioquin rerum interverteretur ordo, humana societas a fundamentis quateretur, & adversa fronte impugnaretur Dei voluntas, qui cum partem subjecerit toti, nobis omnimodam obligationem imposuit, ut nunquam a publicæ utilitatis suprema Lege discederemus.

3. *At si cætera paria sunt, pugnetque nostri ipsorum amor cum aliquo sociabilitatis officio, vincat nostri ipsorum amor*. Nam quoniam unicuique directo primumque demandata est sua salus & sua felicitas, consequens est, ut quoties omnia paria sunt, sibi quisque potius studeat quam alteri.

4. *Quod si tandem inter se pugnent ad nos ipsos spectantia duæ officia, vel pugna sit inter*

*ter se duorum sociabilitatis officiorum, antepo-*  
*natur illud cujus cum maxima sit utilitas, ma-*  
*ximum quoque momentum est. (a)*

## §. XXIII.

Naturale Jus obli-  
 gans: Na-  
 turale Jus  
 simplici-  
 ter per-  
 mittens.

HACTENUS ea exposuimus quæ proprie  
 pertinent ad Legem Naturalem obligantem.  
 Hæc autem Lex obligans circa illas actio-  
 nes versatur in quibus vel discrepantia vel  
 necessaria convenientia cernitur cum natura  
 statuque hominis, propter quam Legem ne-  
 cessario tenemur alia potius quam alia ratio-  
 ne nos gerere. Sed ex iis quæ superius di-  
 cta sunt (b) consequens etiam est, ut alia  
 Naturalis Lex admittatur, quæ se habet in  
 modum *simplicis permissionis*, unde quibus-  
 dam in rebus positum in arbitrio nostro est  
 ut vel agamus vel non agamus; ob quam  
 etiam simplicis permissionis Legem quia cæ-  
 teri homines tenentur nobis non obsistere,  
 ideo nostra nobis libertas asseritur in iis  
 quæ voluntati nostræ permittuntur.

Legis permittentis generale principium  
 est, quod Jure atque ad arbitrium nostrum  
 eas res facere possumus vel omittere quæ non  
 præcipuam & omnimodam discrepantiam vel  
 convenientiam habent cum natura statuque ho-  
 minis, nisi hæc res vel præcipiantur, vel pro-  
 hibebantur aliqua Lege positiva, cui ob ali-  
 quam causam teneamur parere.

Cujus

(a) Vid. *Jus Nat. & Gent. Lib. II. Cap. III.*  
 §. 15. & notam 5. *Barbeyracii*.

(b) Vid. *sup. Part. I. Cap. X. §. 5. & 6.*



Cujus principii veritas ex se ipsa innoscitur. Conditor enim cum hanc inter alias hominibus facultatem indiderit, ut ad libitum suas actiones temperent, certum est quod in quibus rebus vel diserto mandato vel aperta prohibitione humanarum facultatum usus coarctatus non est, possint homines ad arbitrium suum pro sua prudentia se gerere. Qua permittente Lege constituuntur omnia jura, quorum ea natura est, ut ea possimus exercere vel non; eadem in totum vel pro parte retinere vel remittere; atque ob hanc renunciationem quandoque fit, ut quæ actiones in se ipsis licitæ erant, & cujusque arbitrio permissæ, jam imperio Principis præcipi valeant aut prohiberi, atque sic obligationem inducant.

## §. XXIV.

EA sunt quæ rectæ rationis ope compe-  
riuntur in natura hominis, ejus indole sta-  
tuque primigenio. Sed quoniam primige-  
nium statum illum possunt homines diversi-  
mode temperare, aliosque plures status ad-  
ventitios adscitosque inire, inde fit ut Na-  
turalem Legem quantum patet consideran-  
tibus, considerandi etiam sint hi novi sta-  
tus hominibus superjecti. Quæ autem jam  
principia statuimus, eorum statuum regula  
debent esse, quos sibi homines facto suo  
adsciscunt.

Naturalis  
Juris ge-  
nera duo:  
aliud *pri-  
marium*,  
aliud *se-  
cunda-  
rium*.

Atque sic distinguenda sunt Naturalis Ju-  
ris genera duo: aliud est *primarium*, aliud  
*secundarium*.

NA-

**NATURALE JUS PRIMARIUM** illud est quod proxime fluit ex hominis natura primigenia qualem illam Deus constituit, nullo interveniente facto hominis.

**NATURALE JUS SECUNDARIUM** illud est quod ortum habet ex aliquo facto humano, sive humana quadam constitutione; qualis est Status Civilis, bonorum Dominium, &c.

Facile quis intelligat hoc Naturale Jus secundarium ex primario generari: vel potius per Naturale Jus secundarium intelligenda sunt ipsa Juris Naturalis generalia præcepta cuivis peculiari statui & variis conditionibus accommodata, quem peculiarem statum, aut varias condiciones sibi homines proprio facto suo pepererunt; id quod revera deprehenditur sic se habere, quoties expenduntur officia singularia. (a)

Mirabitur forsitan aliquis nos in constituendis Naturalium Legum principiis varias de hac materia Doctorum opiniones prætermisisse. Sed veros hauriendorum principiorum fontes maluimus indigitare, tum deinde ipsa principia statuere, quam disceprationem aggredi quæ nostri hujus operis propositos fines excederet. Nam si quæ vera sunt in argumento nostro principia, ut ita dicam, arripuimus, ex iis cætera facile judicabuntur. Si quis autem latiore & magis enucleatam explicationem requirat, eam sibi poterit nullo labore parare PUF-

FEN-

(a) Vid. Grot. de Jur. Bell. & Pac. Lib. I. Cap. I. §. 10. & Puffend. de Jur. Nat. & Gent. Lib. II, Cap. III, §. 22.

FENDORFIUM evolvendo, qui varias de hoc argumento Jureconsultorum sententias refert, iisque sententiis opiniones suas adnectit sane prudentissimas. (a)

## CAPUT V.

NATURALES LEGES *sufficienter* PROMULGATÆ sunt, quæ propria sit illarum INDOLES, & quam OBLIGATIONEM inducant, &c.

### §. I.

NATURALIUM Legum ita explicata principia sunt, earumque dignoscendarum sic aperte demonstrata ratio est, ut jam merito quæri nequeat an Deus Naturales Leges *sufficienter* promulgarit? Quod enim nemini denegatum est Rationis naturale lumen quibuscumque manifesta facit Naturalium Legum principia, quibus ex principiis omnia sua officia valent deducere, quo sensu intelligendum est tritum illud, ejusmodi Leges natura omnibus hominibus innotescere. Neque enim cum quibusdam existimandum est, Naturalem Legem nobis, ut ita dicam, congenitam, primoque vitæ nostræ momento animis nostris infixam esse; est enim merum illud & inutile prorsus figmentum, cujusque experientia ipsa falsi-

Deus Naturales Leges *sufficienter* hominibus notas fecit.

(a) Vid. Puffend. de Jur. Nat. & Gent. Lib. II. Cap. II. §. 1. .... 14.

falsitatem arguit. Hoc igitur unicum asseri potest, ea videlicet Juris Naturalis præcepta, quæ latissime patent, & quorum maximum momentum est, sic ex se ipsis perspicua & manifesta esse, eamque cum nostra natura & mente convenientiam habere, ut eisdem, statim ut proposita sunt, assentiamus: & quoniam ab infantia his opinionibus assuefacti atque ad illarum veritatem instituti sumus, inde fit ut illas putemus nobis congenitas esse.

## §. II.

**Homines  
in digno-  
scendis  
Legibus  
Naturali-  
bus sibi  
mutuam  
opem  
præstant.**

CÆTERUM cum homines dicimus Naturalium Legum cognitionem Ratione ducere posse adipisci, non ideo alieni hac in re auxilii negamus utilitatem. Quibus enim in excolenda sua mente adhibita potior cura est, ii cæteros erudire, suisque documentis ignarum & rude vulgus hominum possunt informare. Quippe Deus hominem societati demandavit, ad quam finxit illum idoneum; unde quæ in cognoscendis Legibus Naturalibus ab aliis præstatur nobis opera non minus naturalis cognoscendarum Legum habenda ratio est, quam si Leges illas propria ingenii nostri luce comperissemus.

Neque enim ii sunt omnes homines qui possint accurate Naturalium Legum enucleare principia, ex iisque manantes consequentias deducere. Satis hoc est, ut minus ex se ipsis perspicaces mentes ea tamen prin-

prin-

principia valeant intelligere sibi ab aliis explicata, tum dignoscere quam vera & necessaria sint officia ex illis principiis orta, nimirum principia & officia illa cum propria sua natura conferentes. Quod ad homines abjectioris ingenii spectat, illi ferre exemplorum, consuetudinis, auctoritatis, alicujusve præsentis commodi & sub sensum cadentis impulsu ducuntur. Quidquid sit, omnibus exploratis merito dici potest Naturalem Legem sufficienter promulgatam esse, ita ut nullus ætatem adeptus qua valet ratiocinari, tum etiam sui compos, in sui excusationem obtendere possit Naturalium Legum insuperabilem ignorantiam.

## §. III.

SED hinc ultro se istud attendendum offert. Namque si penitus eam rationem expendamus, qua nobis Naturalium Legum principia constituta sunt, ex hac ipsa constitutendorum principiorum ratione novum argumentum exorietur quam veræ sint Naturales illæ Leges. Omnem seposuimus nimis reconditam, & a communi captu hominum remotiorem considerationem; quæ in facto consistunt, rerumque naturam & statum unice perscrutati. Hæc enim nostra principia hausimus ex ipsa hominis natura, ejusque cum cæteris rebus creatis convenientia, unde exsurgit systema tam arête tamque necessario cum hac hominis natura statuque conjunctum ut nequeat alterum ab altero

Ea constituta sunt nobis Naturalium Legum principia, ut ex illis earum Legum veritas arguatur.

altero divelli. Quibus si addas quæ jam superius disputata sunt, Naturales certe Leges earumque veritatem non possumus inficiari, nisi Rationis purissimam lucem abnegemus, Pyrrhonorum affectu.

## §. IV.

Naturales  
Leges di-  
vinæ be-  
nignitatis  
sunt opus.

At si, quæ benevola Conditoris sapien-  
tia est, Naturalium Legum principia com-  
perta facilia sint, ex illisque orta officia  
vel minimum perspicaces mentes possint di-  
gnoscere, certum etiam est earundem Le-  
gum non ita difficilem usum esse. Quini-  
mo Leges illæ tam apertam habent cum  
recta Ratione convenientiam & cum innatis homini propensionibus, adeo cum nostra  
perfectiōe & felicitate consentiunt, ut pla-  
ne constet ideo illas hominibus a Deo præ-  
scriptas esse, quia benignus in homines  
Deus est. Quoniam enim natura per se ex-  
istens & per se summe felix, non alia de  
causa potuit alias naturas condere intellectu  
sensuque præditas quam ut illis benefaceret,  
ob eandem benignitatis causam illis  
quoque leges injunxit. Non hominum Deus  
voluit libertatem constringere, sed illud ho-  
minibus notum facere quod eis potissimum  
expediret, essetque ipsorum perfectiōi &  
felicitati aptissimum; atque ut quibus legi-  
timis causis impelli debebant majus pondus  
accederet, eisdem imperii sui adjecit aucto-  
ritatem. (a)

Unde intelligimus, utquid ita se Natura-  
les

(a) Vid.  
*sup. Part.*  
*I. Cap. X.*  
§. 3.

les Leges habeant . Etenim ut suus esset Conditoris propositorum exitus , quas Leges hominibus præcipiebat , cum eorum natura statuque debebant consentire , & non modo singulorum , sed & totius humanæ societatis perfectioni atque felicitati consulere . Uno verbo : adhibendarum rationum modus gigni debebat ex propositis finibus .

## §. V.

HUMANÆ profecto actiones earumque exitus natura inter se necessario differunt . Ex humana institutione non pendent Leges Naturales. Aliæ namque ex se ipsis cum natura statuque hominis congruunt , aliæ autem non solum cum ea natura statuque non consentiunt , sed illis etiam adversantur . Aliæ actiones gignunt soventque ordinem , quem aliæ subvertunt . Aliæ perfectionem felicitatemque hominum promovent , aliæ illorum dedecus infortuniumque pariunt . Quas actionum differentias si quis confiteri nolit , nã is volens cæcutit , & tenebras habet pro luce , Hæc actionum discrimina tanquam digito tanguntur , & quidquid contrariæ sententiæ fautores jactitent , vanæ in hoc argumento disputationum subtilitates sensu , & experientia semper explodentur .

Non igitur aliunde quam ex ipsa humanarum actionum natura , earumque inter se differentiis & effectibus , vera Naturalium Legum fundamenta petenda sunt ; hinc enim edocebimur cur Deus quasdam res prohibuerit , alias vero præceperit , Nec enim

J. J. Burlamaqui .

O

in

in cæco arbitrio positz sunt Naturales Le-  
ges ; sed eæ sunt quas Deus necessario de-  
buit præcipisse , nec eis contrarias potuit  
condere . Ad summam vero Dei sapien-  
tiam potestatemque non attinet ea præstare  
quæ inter se pugnant & absurda sunt . Sem-  
per Deus in agendo juxta rerum naturam  
agit . Poterat ille quidem hominem creare  
vel non creare , eique naturam indere qua-  
lem habet vel diversam . Sed quoniam vo-  
luit naturam condere ratione præditam ap-  
ptamque locietati , necesse habuit tales Le-  
ges præcipere quæ cum hac natura consen-  
trent . Quinimo quorum ea sententia est  
Naturalis Juris principia regulasque ex Dei  
voluntate pendere , quin rebus inditam a se  
ipso naturam attendat , ii Naturalis Legis  
*ideam* ipsam omnino pervertunt . Namque  
Naturales Leges nisi necessario deducerentur  
ex ipsa hominis natura , indole , statu-  
que , jam illarum non possemus veram co-  
gnitionem assequi , nisi nobis peculiari &  
evidentissimo Dei afflatu referarentur , aut  
quavis alia certissima ratione notas illas  
Deus nobis facere . Sed inter omnes convenit  
Naturale Jus solo Rationis lumine debere  
nobis innotescere , neque reuera aliter nobis  
notum esse . Itaque Naturale Jus convellunt  
qui illud deducunt ex Dei voluntate rerum  
naturam omittentis ; vel saltem jus illud  
plane fit incertum , quia sic naturalis ratio  
nulla superest certo dignoscendi an hæc vel  
illa res a Deo præscripta vel prohibita sit .  
Quapropter Naturales Leges ex Dei volun-  
tate



tate procul dubio suam habent originem ; sed quæ Dei voluntas hinc hominis naturæ conditionique accommodata est ; illinc cum summa Dei sapientia congruit , qui finem quemdam nequit velle , nisi etiam velit quæ solæ conducunt ad eum finem rationes .

§. VI.

NEQUE abs re erit hic advertere quam Nostra inivimus rationem constituendorum Juris <sup>cum Gro-</sup> Naturalis principiorum ab iis pricipiis re- <sup>tii opi-</sup> vera non differre quæ GROTIUS statuit . <sup>nione</sup> Debuerat quidem magnus vir ille quæ exco- <sup>sententia</sup> gitavit lucidius explanare . Quamquam , nec excepto ipso PUFFENDORFIO , qui in libros GROTII commentarios protulerunt , hujus scriptoris cogitata non bene assequuti sunt in vitiosum orbem circumagi dicentes quæ GROTIUS statuit Naturalis Juris principia . „ Si quærat<sup>r</sup>ur , inquit PUFFENDORFIUS , ( a ) „ quæ res materia sint Legum „ Naturalium , respondetur Naturalium Le- „ gum materiam esse res eas quibus natu- „ ra inest honestas vel turpitude . Tum de- „ inde si quærat<sup>r</sup>ur quænam sint illæ res „ natura honestæ turpesve , aliud nihil res- „ ponderi potest nisi quod res natura ho- „ nestæ turpesve illæ sint quæ materia sunt Naturalium Legum . Sic disputantem GRO- TIUM PUFFENDORFIUS inducit .

At vero GROTIUS itane revera dispu-  
tat ?

O 2

( a ) Vid. *Puffend. de Jur. Nat. & Gent. Lib. II. Cap. III. §. 4. Apol. §. 19.*

tat? Ipsum audiamus. „ *Jus Naturale*, in-  
 „ quit, positum est in quibusdam rectæ  
 „ Rationis principiis, quorum ope digno-  
 „ scimus an actio sit moraliter honesta tur-  
 „ pive, pro illa quam habet convenien-  
 „ tiam vel discrepantiam cum aliqua natu-  
 „ ra intellectu prædita & ad societatem  
 „ comparata; unde etiam intelligimus, quo-  
 „ niam naturæ Deus auctor sit, ab eo tur-  
 „ pes actiones prohiberi, honestas autem  
 „ præcipi. (a) „ In qua ego ratiocinatio-  
 „ ne principii petitionem quam dicunt nullam  
 „ adverto. Cum enim quæritur, unde præ-  
 „ scriptis vel prohibitis actionibus sua sit ho-  
 „ nestas vel turpitudine? GROTIUS non ita  
 „ respondet uti respondens inducitur; sed con-  
 „ tra dicit oriri honestatem illam actionum  
 „ vel turpitudinem ex necessaria nostrarum  
 „ actionum discrepantia vel convenientia cum  
 „ nostra natura intellectu prædita & ad socie-  
 „ tatem comparata. (b)

## §. VII.

Is Natu-  
 ralium  
 Legum  
 effectus  
 est, ut il-  
 lis tenea-  
 mur no-  
 stram a-  
 gendi ra-  
 tionem  
 accom-  
 modare.

ITAQUE Naturales Leges siquidem ex se  
 ipsis servari possunt, manifesto sint uti-  
 les, nec solum cum Dei natura, qualem  
 recta Ratio nobis illam exhibet, sed cum  
 ipsa hominis natura penitus consentiant, ac  
 uno verbo ad legitimum ordinem plane ad-  
 tem-

(a) Vid. *Gror. de Jur. Bell. & Pac. Lib. I. Cap. I. §. 10.*

(b) Vid. *Nor. 5. Barbeyr. in Jus Nat. & Gent. Lib. II. Cap. III. §. 4.*

temperatæ sint , & sufficienter innotescant , nullum dubium potest superesse quin ita constitutis Legibus obligemur , & omnino teneamur nostram illis agendi rationem accommodare . Quinimo certissimum est quam Deus eo modo nobis obligationem imponit omnium obligationum validissimam esse , quia concursu & conjunctione gignitur earum causarum quæ ad humanam voluntatem movendam aptissimæ & potentissimæ sunt . Quippe consiliis præceptisque Rationis non tantum tenemur obsequi , quia ex se ipsis omnino hominibus expediunt , suumque fundamentum habent in rerum natura earumque inter se convenientia vel discrepantia ; sed quoniam præterea supervenit huc summa Dei auctoritas , cujus de servandis Naturalibus Legibus vel hoc ipso clarissime voluntas innotescit , quod ipse rerum naturam hanc , earumque inter se convenientiam vel discrepantiam condidit . Uno verbo : Naturalis Lex nos *interiore & exterior*e obligatione devincit , unde quam maxima necessitas moralis paritur , & arctissime nostra libertas adstringitur , quin evellatur . (a) (4) Vid.

Quæ cum ita sint , Legibus Naturalibus <sup>sup. Parte</sup> ex animo debemus obsequi , quia nobis <sup>I. Cap. VI.</sup> illarum justitiæ conscii sumus . Ac primo debet juxta Leges illas temperari quidquid vel animus sentit vel ingenium percipit . <sup>§. 13.</sup> Neque enim Naturalibus Legibus satisfaceret is , qui palam , sed invitus & contrarium cupiens , illis rebus abstinere , quæ Legibus prohibentur . Quemadmodum au-

tem ea non licet cupere quæ non licet facere, sic etiam ad nostrum officium pertinet, quæ nobis præcipiuntur non tantum præstare, sed & probare eorumque utilitatem justitiamque confiteri.

## §. VIII.

Naturalibus Legibus omnes homines obligantur.

ALTERUM hoc in Legibus Naturalibus præcipuum est, ut sint *universales*; id est, ut illis nemine excepto cuncti homines teneantur. Neque enim solum omnes homines æqualiter imperio Dei subjacent; sed præterea quoniam Leges Naturales suum habent fundamentum in ipsa natura statumque hominum quibus Rationis ope innotescunt, prorsus evidens est quod & omnibus hominibus necessario convenient, iisque omnes obligentur, quin vel unus excipiat, quodcumque ipso facto inter illos discrimen intersit, & in quacumque conditione versentur. Atque ob æqualem illam omnium obligationem a Legibus *positivis* Naturales Leges secernuntur: nam *positiva* Lex ad quosdam tantum homines quamdamve societatem spectat.

## §. IX.

Grotii sententia in Jus Divinum positivum universale.

GROTIUS quidem (a) eumque sequuti plures Theologi & Jureconsulti contendunt aliquod esse Jus Divinum *Positivum* & *universale*, quo omnes homines obligantur.

(a) Vid. *De Jur. Bell. & Pac. Lib. I. Cap. I. §. 15.*

rentur, statim ut illis innotuisset, sed 1. Si ejusmodi Leges extarent, quoniam non possent solo rationis lumine comperiri, necesse foret ut apud omnes gentes evidentissimo modo promulgatæ fuissent, id quod probari nequeat. Sin dicas hisce Legibus illos tantum obligari quibus innotuerunt, tollitur ergo harum Legum *Universitas*; nam omnium hominum causa constitutæ dicebantur. 2. Præterea Leges Divinæ Positivæ simulque Universales omnibus omni tempore omnique in loco deberent utiles esse, quod ut ita se haberet pro divina sapientia & benignitate necesse erat. Sed illæ Leges ita se habere non possunt nisi cum universa natura humana consentiant, atque sic unum & idem sunt cum Legibus Naturalibus. (a)

§. X.

Jam superius adnotatum est Naturales Leges divina quidem voluntate constitutæ esse, sed cujus voluntatis sua sit certa ratio; Leges enim illæ suum habent fundamentum in ipsa rerum natura earumque inter se convenientia vel discrepantia. Unde consequens est Naturales Leges *immutabiles* esse, neminemque illarum immunem. Quæ altera est Naturalium Legum propria indoles, quæ secernuntur a quavis alia Legge positiva tum divina tum humana.

O 4

Quæ

(a) Vid. Nor. 6. Barbeyracii in Puffend. Jus Nat. & Gent. Lib. 1. Cap. X. §. 18.

Quæ Naturalium Legum immutabilitas neutiquam perfectissimi Dei summo imperio adversatur, nec ejus subjicit aut coarctat libertatem. Deus humanæ naturæ cum sit ipse conditor necessario aut vetat aut præcipit quæ cum illa natura consentiunt vel ab ea discrepant, atque ideo nec potest Naturales Leges immutare, nec earum quemquam immunem facere (a). Gloriosa sane necessitas illa est qua Deus ipsi sibi perpetuo constat. Quod autem non possit sibi non constare, tantum abest ut hoc circumcludat imminuatque Dei virtutes, quarum contra splendorem auget & in aperta luce præstantiam collocat.

## §. XI.

De Naturalium  
Legum  
æternitate  
etc.

Si res eo sensu intelligatur quo illam exposuimus, Naturales Leges licebit etiam æternas, nuncupare; sed ut id dicatur quod verum est, illud *æternitatis* vocabulum parum ex se accuratum est, aptiusque tenebris in hanc materiam affundendis quam pariendo lumini. Qui primi Legum æternitatem induxerunt hoc sibi videntur habuisse pro ostium ut Civilium Legum novitati crebrisque mutationibus Naturalium Legum æternitatem illam opponerent. Hoc igitur unice asseruerunt, Jus nempe Naturale prius esse Legibus v. g. Minois, Solonis,

(a) Vid. *Puffend. De Jur. Nat. & Gent. Lib. II. Cap. III. §. 6.* & *Grot. de Jur. Bell. & Pac. Lib. I. Cap. I. §. 10.*

ionis, aut cujusvis alterius Legislatoris, quoniam est humano generi cœvum, in quo quidem eorum vera opinio est. At si cum pluribus Theologiæ & moralis Disciplinæ magistris Naturalem Legem dixeris ipsi Deo cœvam esse, opinionem propones, quæ si diligenter expendatur, non ita veraprehendetur. Naturalis enim Lex siquidem hominum causa constituta est, debebat prius humanum genus existere, quam illius causa Naturalis Lex constitueretur. Denique si dicas Naturales Leges idcirco æternas nuncupari, quia ab omni ævo notæ Deo fuerunt, equidem Naturalibus Legibus nihil tribuis quod illis commune non sit cum eis omnibus quæcumque existunt. Naturalium vero Legum immutabilitatem ii semper confessi sunt, quibus paulo accuratius perspectæ sunt illæ Leges. (a)

Nostra de Legum immutabilitate non potest melius absolvi disputatio, quam altera prorsus egregia in idem argumentum Ciceronis disputatione quam nobis servatam transmissit LACTANTIUS: (b) „ Est qui-  
 „ dem vera Lex, recta Ratio, naturæ con-  
 „ gruens, diffusa in omnes, constans, sem-  
 „ piterna, quæ vocet ad officium jubendo,  
 „ vetando a fraude deterreat: quæ tamen  
 „ neque probos frustra jubet, aut vetat;  
 „ nec improbos jubendo aut vetando mo-  
 „ vet.

(a) Cic. de Rep. Lib. III. apud Lactant. Instit. Div. Lib. VI. Cap. VIII.

(b) Vid. Instit. Lib. I. tit. II. §. 11, Noodi Probabil. Jurisp. Lib. II. Cap. XI.

„ vet. Huic Legi nec obrogari fas est,  
 „ neque derogari ex hac aliquid licet, ne-  
 „ que tota abrogari potest. Nec vero aut  
 „ per Senatum, aut per Populum solvi hac  
 „ Lege possumus: neque est quærendus ex-  
 „ planator aut interpret ejus alius. Nec e-  
 „ rit alia Lex Romæ, alia Athenis, alia  
 „ nunc, alia posthac; sed omnes gentes,  
 „ & omni tempore, una Lex, & sempiter-  
 „ na & immutabilis continebit; unusque  
 „ erit communis quasi Magister & Impe-  
 „ rator omnium DEUS. Ille Legis hujus  
 „ inventor, disceptator, lator: cui qui non  
 „ parebit, ipse se fugiet, ac naturam ho-  
 „ minis aspernabitur; atque hoc ipso luet  
 „ maximas pœnas, etiamli cætera supplicia,  
 „ quæ putantur, effugerit. „

Sed abunde satis de Naturali Lege di-  
 sputatum, quatenus est singulorum in suis  
 actionibus regula. Quo autem integrum  
 systema hominis amplectamur, nostraque,  
 quantum patent, principia explanemus, di-  
 cendum etiam aliquid est de regulis illis  
 quas gentes aliæ in alias tenentur servare,  
 quasque vocamus *Jus Gentium*.





CAPUT VI.

De JURE GENTIUM.

§. I.

**V**ARIAS inter humanas constitutiones Qua ratione Civilis Societas constituitur. primum locum sine controversia tenet SOCIETAS CIVILIS vel POLITICUM CORPUS, quæ omnium Societatum merito habetur perfectissima, atque ideo per excellentiam nominatur STATUS.

Simplex societas humana ex se ipsa, & quantum ad eos attinet quibus constat, æqualitatis societas est, in qua nemo nemini, sed omnes uni Deo subjiciuntur. In ea nulli partum est naturale & primigenium Jus cæteris imperandi; sed quisque de se ipso & de rebus ad se pertinentibus ad libitum potest statuere, nec ad aliud quidquam tenetur, nisi ut Naturalis Legis limites non prætergrediatur, & nemini damaum inferat.

Sed primigenius ille status hominis statu Civili non parum immutatur. Etenim imperio semel constituto non amplius gaudent homines primigenia sua libertate, sed alii subjacent aliis. Quoniam enim cujusque privati voluntas viresque Principi tanquam sequestro creditæ jam in Principe coadunantur, hinc est, ut quibus societas constat privati omnes fiant *subditi*, atque sic obsequi teneantur, suamque agendi rationem ad eas Leges accommodare quas Princeps constituit.

§. II.

## §. II.

SED status naturalis quantumvis Principatu & publica administratione immutetur, ne tamen ideo credas societatem naturalem per statum civilem proprie convelli, neve etiam putes, ea quæ hominibus inter se, tum ipsi Deo in hominēs necessario competunt; per eum Civilem statum eradicari. Illud enim nec est physice nec moraliter possibile. Quin contra status Civilis non solum naturam ipsam hominis admittit qualis a Deo condita est, sed pariter admittit primigeniam hominum conjunctionem societatemque, & quæcumque in naturali societate continentur: ac tandem salvum omnino manet quod homines Deo ejusque Legibus naturale debent obsequium. Cui primo humanorum officiorum ordini tantum abest ut status Civilis noceat, quin contra constitutus status Civilis est, ut primus ille quem dicimus nostrorum officiorum ordo plus haberet virium & stabilitatis. Civilis enim disciplina excogitata est quo homines Naturalibus Legibus facilius perfungi, sibi que destinatum finem certius possent assequi.

## §. III.

QUAPROPTER ut recta CIVILIS SOCIETATIS definitio instituat, dicendum est quod ea nihil aliud sit quam *ipsa naturalis Societas, sic adtemperata, ut in ea sit Princeps,*

*ceps, cujus ex voluntate pendet quidquid spectat ad Societatis felicitatem, ita ut auxiliante & curante Principe, possint homines eam sibi certiori modo felicitatem parare quam natura expetunt.*

§. IV.

QUÆLIBET Societas efficitur ex consentientibus conjunctisque plurimorum hominum voluntatibus propter aliquod commodum consequendum. Inde fit ut hæ Societates habeantur uti Corpora, dicanturque Personæ Morales; quia reipsa corpora hæc una tantum voluntate diriguntur quæ omnes illorum motus ordinat. Quæ descriptio peculiariter accomodata est Corpori Politico seu statui vel Imperio, cujus Princeps caput est, subditi autem membra sunt; actiones vero subditorum Principis voluntate diriguntur. Igitur statim atque constituta Imperia sunt, eis personales proprietates quodam modo competunt, ita ut, habita utriusque generis ratione, possit imperiis tribui quod singulis hominibus tribuitur, & quemadmodum singulorum hominum, ita etiam Imperiorum quædam sint propriæ actiones, propria quædam Jura, & propria quædam officia quæ tenentur præstare &c.

Imperia spectantur uti persona morales.

§. V.

QUIBUS ita positis, ex Imperiorum constitutione societatem dico exoriri hujus societatis. Quid sit Jus Gentium.

cietatis similem quam inter homines naturā conglutinavit. Quibus igitur causis impelluntur homines ad fovendam inter se benevolam conjunctionem, propter easdem causas Populi eorumque Principes cum aliis Populis Principibusque concordēs animos inire debent.

Quamobrem necesse fuit ut quædam inter gentes Lex intercederet, per quam mutuum earum commercium sanciretur. Hæc autem Lex alia non potest esse quam ipsa Lex Naturalis, quæ gentibus accommodata dicitur *Jus Gentium* vel *Lex Populorum*. Lex Naturalis, ut recte quidem censet HOBBIUS, (a) duplex est: alia videlicet *Naturalis Lex hominis*, alia *Naturalis Lex Imperiorum*, quæ ultima dicitur *Jus Gentium*. Itaque Naturale Jus, & Gentium Jus revera sunt unum & idem, nec aliter inter se differunt quam exteriori nuncupatione. Unde Jus Gentium proprie dictum, & prout est Lex a summo gentium Principe derivata, nihil aliud est quam ipsum Naturale Jus, non singulis hominibus, sed Populis, Gentibus, Imperiis, eorumque Principibus accommodatum, pro mutuo commercio mutuisque Imperiorum commodis.

## §. VI.

*Juris Gentium certa veritas.* QUOD Jus Gentium adeo verum & certum est, ut non possit in dubium revocari, eamque ex se ipso vim habet, ut ei parere teneantur Populi vel eorum Principes. Nam

Nam siquidem sanæ Rationis ope singulis hominibus in singulos homines officia quædam Deus præcipit, evidens prorsus est eam quoque Dei voluntatem esse, ut eadem officia colantur a Populis in alios Populos : sunt enim Populi hominum societates. (a)

(a) Vid.  
sup. Cap.  
V. §. 3.

§. VII.

VERUM ut de præsentī argumento accuratius quid differamus, advertendum est naturalem inter se statum Gentium societatis & concordie statum esse. Gentium quoque inter se societas æqualitatis & mutue libertatis societas est, in qua viget æquum Jus, ita ut aliæ idem teneantur aliis præstare, quod sibi ipsis præstari volunt. Igitur Juris Gentium principium generale nihil aliud est quam SOCIABILITATIS generalis Lex, ob quam tenentur gentes, inter quas aliquod commercium intercedit, eadem officia vicissim colere ad quæ singuli homines in alios homines natura obligantur.

Juris  
Gentium  
princi-  
pium ge-  
nerale.  
Quid sit  
Ars Poli-  
tica.

Ex iis quæ modo dicta sunt deduci potest *Artis politicæ* definitio, quam artem adeo necesse habent Populorum rectores apprimè callere. **ARS POLITICA**, prout gentes exteras respicit, est illa solertia qua Princeps consulit soluti, securitati, felicitati, atque bonori Populi cui præest, *Justitiæ & Humanitatis Leges* reverendo, id est, nullum damnum ceteris Imperiis inferendo, sed eorum, quantum pro sapientia potest, utilitatem promovendo. Quæ igitur in privatis vocatur prudentia,

tia,

tia, in Principibus dicitur Ars Politica; quæ latiorē prudentiam amplectitur quam prudentia privatorum. Quoniam autem in privatis damnatur fraus utilitatem suam querens in aliorum detrimentum, sic etiam eadem calliditas non minus in Principibus damnanda foret, qui cæteris gentibus nocendo subditorum suorum commodis studerent. *Imperii ratio*, quæ toties jactitatur, ut Principum facta vel suscepta propugnentur, vere non potest locum habere, nisi jungatur cum communi gentium utilitate, sed quod idem est, cum immutabilibus humanitatis, fidei, & justitiæ regulis.

## §. VIII.

Expenditur  
*Grotii*  
sententia  
de Jure  
Gentium.

GROTIUS quidem fatetur Naturale Jus omnibus gentibus esse commune; sed aliud excogitavit Gentium Jus positivum, & a Naturali Jure diversum, quod nihil sit aliud quam quoddam humanum Jus, cui propter omnium vel saltem plerorumque populorum voluntatem vis inest obligandi: (a) Cujus Gentium Juris præcepta, inquit Grotius, perpetua populorum consuetudine, & Historiarum testimonio comprobantur.

Sed merito adnotatum est, hujusmodi Jus Gentium a Naturali Jure diversum, quod nihilominus ex se vim habeat volentes aut nolentes obligandi, merum figmentum esse quod nec minimo fundamento innicitur. (b)

Ac

(a) Vid. *Grot. De Jur. Bell. & Pac. Lib. I. Cap. I. §. 14.*

(b) Vid. *Puffend. De Jur. Nat. & Gent. Lib. II. Cap. III. §. 23. cum not. Barbeyrac.*

Ac primo quidem gentium inter se omni-  
moda æqualitas & libertas est. Si quæ sit  
igitur communis illis lex, certe non ab alio  
lata est illa lex, quam ab ipso Deo com-  
muni omnium Domino.

2. Quod spectat ad consuetudines deserto  
vel tacito consensu gentium constitutas, his  
consuetudinibus non inest vis omnes homi-  
nes obligandi, nec qui per illas obligantur,  
in perpetuum obligantur. Etenim ex hoc  
ipso quod diutissime quibusdam in causis plu-  
res populi definita quadam ratione se invi-  
cem gesserint, non sequitur quod se in per-  
petuum ad eandem rationem servandam ad-  
strinxerint: multo minus sequitur quod aliæ  
gentes aliarum gentium consuetudinibus te-  
neantur adhærere.

3. Eo minus gentium consuetudines obli-  
gationem inducunt, quod quandoque possint  
esse tum malæ, tum injustæ. Nonne vides  
tacito quodam consensu piraticam artem ha-  
bitam esse legitimam inter eos populos qui  
nullo fœdere jungerentur? Videntur etiam  
quibusdam gentibus in usu fuisse arma ve-  
nenata (a). An igitur dices fuisse illas Ju-  
ris Gentium Leges, quibus Populi vere obli-  
garentur? Quin potius hujusmodi usus imma-  
nes habendi sunt, & quibus gens quævis  
æqua & bene morata debeat abstinere. Qua-  
propter ut recte dijudicetur an apud popu-  
los receptæ consuetudines veram obligatio-  
nem inducant, confugiendum semper est ad  
Naturale Jus, quod unum vere univer-  
sum est.

(a) Vid.  
*Virgil. Æ-*  
*neid. Lib.*  
*X. vers.*

139.

J. J. Burlamaqui.

R.

4. Ita.

4. Itaque de hoc argumento unum hoc afferi potest, quod ubi scilicet inter gentes invaluit aliquis usus ex se innocuus earum quævis non immerito censeatur huic usui subdita, quamdiu contrariam voluntatem professæ non est. Hæc illa est omnis obligatio ex receptis usibus parta, quæ sane multum ab illa obligatione differt quam inducit Lex proprie dicta.

## §. IX.

Duplex  
genus Ju-  
ris Gen-  
tium; al-  
terum Ne-  
cessarium  
& ex se  
ipso obli-  
gans: al-  
terum ar-  
bitrarium  
& pacto  
convento  
initum.

Quarum hac in re sententiarum pugna for-  
sitā componetur, si Juris Gentium distin-  
gatur duplex genus. Existit profecto Gen-  
tium Jus *Universale, necessarium, ex se ipso o-*  
*bligans*, quod nulla ex parte differt a Na-  
turali Jure, quodque idcirco est immutabi-  
le, & quo Populi Principesve, intervenien-  
te etiam omnium consensu, solvi nequeunt,  
nisi violato officio. Sed & aliud est Jus  
Gentium quod liceat *arbitrarium & liberum*  
appellare, quippe quod tantum innititur pa-  
ctis aliquot dilerte vel tacite conventis, quo  
non omnes obligantur, sed ii tantum qui  
se ultro subjecerunt obligationi; nec obli-  
gantur nisi quamdiu volunt, siquidem sem-  
per est in eorum potestate, ut jus illud vel  
abrogent, vel ei derogent. Quibus adde,  
arbitrarium jus illud gentium suam vim o-  
mnem mutuari a Naturali Jure per quod  
jubemur pacta conventa exequi. Quidquid  
ad Jus Gentium vere spectat, ex alterutro  
genere pendet quod statuimus. Hujus au-

tem



tem duplicis Gentium Juris quam sit necessaria distinctio liquebit, cum singulares quæstiones expendantur, quæ vel ad bellum v. g. pertinent, vel ad Legatos, vel ad publica gentium pacta, tum ad dirimendas lites quæ in hujusmodi causis inter Principes agitantur.

Obiter hîc advertendum est, veterum Juræconsultorum Romanorum de Jure Gentium opiniones non sibi semper constare, unde aliqua existit in Legibus confusio. Alii per *Jus Gentium* intelligebant Juris Regulas omnibus hominibus communes, atque inter eos Ratione duce constitutas, easque opponebant peculiaribus singularum gentium legibus. (Vid. *Leg. 9. ff. de Justit. & Jur. lib. I. Tit. I.*) Quo sensu *Gentium Jus* intellectum idem erat ac *Naturale Jus*. Alii *Jus Gentium* & *Naturale Jus* distinguebant, quemadmodum ULPIANUS in *Leg. i. dist. tit. Gentium* enim *Jus* dicebant illud quod homini convenit prout est homo, ab eo Jure diversum quod eidem homini convenit, prout est animal. (Vid. *Puffend. de Jur. Nat. & Gent. Lib. II. Cap. III. §. 3. not. 10.* Denique nonnulli utrumque illud *Jus* in *Naturali Jure* contineri dicebant. (Vid. *Leg. XI. ff. de Justit. & Jur.*) Atque hinc est ut apud bonæ notæ Latinos Scriptores *Jus Gentium* & *Naturale Jus* promiscue usurpentur. Unde Cicero *Lib. III. Offic. Cap. V.* scribit:

„ Neque vero hoc solum *Natura*, id est, *Jure*  
 „ *Gentium*, constitutum est, ut non liceat sui  
 „ commodi causa, alteri nocere, &c.

## §. X.

Superic-  
rum ad-  
notatio-  
num usus.

Juris Gentium naturam originemque, qualem exposuimus, operæ pretium est attendere. Nam præterquamquod plurimum semper prodest res vere dignoscere, tum imprimis hæc cognitio necessaria est in iis quæ ad vitam recte instituendam pertinent. Atque ob hanc causam fortassis aliter Principum, aliter privatorum actiones reputatæ sunt, quod Gentium Jus aliud ac Jus Naturale creditum est. Nihil enim magis usu receptum quam illud in privatis hominibus damnari, quod vel laudatur in Principibus vel saltem excusatur. Attamen omnino certum illud est quod jam demonstratum fuit, nempe Juris Gentium præceptis non minorem auctoritatem inesse quam ipsis Naturalibus Legibus. Cum enim Deus æque sit Juris Gentium ac Naturalis Juris auctor, utriusque illius Juris pariter sacra & sancta potestas est. Uno verbo una eademque justitiæ regula omnibus omnino hominibus præscripta fuit. Qui Gentium Jus Principes violant, par scelus admittunt privatorum sceleri contra Naturalem Legem peccantium. Nec aliud est in utroque peccato discrimen, nisi quod peccantium Principum sit foedior culpa. \* Nam ex pravis Principum actionibus multo majus exitium sequitur quam ex privatorum peccatis. Quamquam ubi privatus peccat in privatum, ejus actio dicitur iniqua: at ubi Princeps alium Principem

\* Vid.

*sup. p. Pari.*

*L. Cbp. XI.*

§ 12.

citra causam oppugnat, ejus ditionem invadit, urbes & agros vastat, hoc bellum vocatur, quod contra Jus fieri nefas est dicere. Promissa privato non servans privatus crimine damnatur: at in Principibus sanctissimorum fœderum violatio habetur prudentia, nimirum artem callent regnandi. Principes quidem aliquam semper gerendi belli causam prætendunt, cæterum plane securi an causa existimetur justa necne.

## CAPUT VII.

*PROLUSIO in hanc QUÆSTIONEM; Estne in humanis actionibus aliqua MORALITAS, quedam obligatio, quoddam officium, ANTE CONDITAS NATURALES LEGES, & seposito Legislatore.*

### §. I.

**H**UMANARUM actionum MORALITAS quoniam in universum consistit in earundem actionum cum Lege convenientia vel discrepantia, prout ostendimus *Part. I. Cap. XI.* Si quis Naturales Leges admittit, consequens est ut humanarum actionum *Moralitatem* statuatur in earum cum Naturalibus Legibus convenientia vel discrepantia. Atque de hoc inter omnes Jureconsultos, & Moralis Disciplinæ Magistros convenit. Sed non ita sibi consentiunt de primo principio seu primigenia causa obligationis, & moralitatis.

Moralis Disciplinæ Magistri varia statuunt de primo moralitatis principio.

Plurimorum sententia est nullum aliud moralitatis principium esse quam ipsam Dei voluntatem Naturalibus Legibus declarutam, Actionum *Moralitas*, inquiunt, necessario includit *obligationem*, non est autem *obligatio* sine *Lege*, neque *Lex* absque *Legislatore*. Quapropter si *Legem*, ajunt, tollas, atque ideo *Legislatorem*, jam neque *Jus* erit, nec *obligatio*, nec *officium*, nec ulla proprie dicta *moralitas*. (a)

Alii quidem fatentur Dei voluntatem revera principium obligationis esse, quæ idcirco Dei voluntas principium quoque est humanarum actionum moralitatis; sed ulterius progrediuntur contenduntque ante latam *Legem* & seposito *Legislatore* alias res ex natura sua & per se ipsas honestas esse, alias vero turpes: quod præcipuum propriumque humanarum actionum discrimen ubi semel *Ratio* dignoverit, teneri homines alias quidem actiones usurpare; ab aliis autem abstinere; atque in hoc dicunt positum esse primum obligationis fundamentum, vel primam officii & moralitatis originem.

## §. II.

JAM propositæ quæstioni lucem affundere potest id quod superius dictum est de primigenia humanarum actionum *Regula*, tum principia, de obligationis natura & origine (b). Sed quo

(a) Vid. *Puffend. de Jur. Nat. & Gent. Lib. I. Cap. II. §. 6.*

(b) Vid. *sup. Part. I. Cap. V. & VI.*

quo magis ac magis quæstio hæc dilucidetur, nostrum iter remetiatur, remque a principio repetentes, genuino ordine præcipuas inter se de hoc argumento sententias componamus, ex quibus deinde legitima conclusio eliciatur.

1. Statim quidem adverto, quamlibet actionem mere & simpliciter in se ipsa spectatam, prout est naturalis motus vel mentis vel corporis, omnino esse *indifferentem* expertemque cujusvis *Moralitatis*.

Atque illud manifesto arguitur ex eo quod eadem naturalis actio modo habetur *licita*, & etiam *bona*; modo *illicita* vel *mala*. Cædes hominis, v. g. in latrone facinus malum est; quod idem facinus bonum aut licitum est in carnifice, vel in Cive & milite vitam suam aut patriam suam inique oppugnatam tuentibus. Quod evidentissimum argumentum est hujusmodi actionem in se ipsa spectatam, & prout est naturalium facultatum ulus, omnino indifferentem esse expertemque cujusvis moralitatis.

2. Igitur quæ *physica* sunt a *moralibus* diligenter discernenda. Naturalis sane *bonitatis* vel *malitiæ* quoddam genus est in iis actionibus quarum ea propria & interna vis est, ut *utiles* sint aut *noxie*, hominisque gignant bonum vel malum physicum. Sed hæ actiones cum exitu suo comparatæ physicam tantum consensionem vel dissensionem continent, cui si immoremur, nulla huc usque moralitasprehenditur. Miserum est tum *physica* tum *moralia* eisdem vocibus sæpe

enuntianda esse, unde percipiendarum rerum & cogitandi modus interturbatur. Utinam Linguae sic essent accuratae ut diversis nominibus efferri possent variae rerum naturae, variaque illarum consensio, & dissensio. Quamquam huic linguarum egestati Philosophorum medentur definitiones & adnotationes quibus excutitur confusionis caligo.

3. At si longius progrediamur admittamusque humanarum actionum *Regulam*, tum si deinde humanae actiones cum hac Regula conferantur, ex hac collatione parita consensio cum Regula, vel dissensio, vere & proprie *moralisatem* efficit. (a)

(a) Vid. *sup. Part. I. Cap. XI. §. 1.* 4. Unde sequitur ad dignoscendum principium sive causam efficientem humanarum actionum moralitatis, prius earumdem actionum dignoscendam *Regulam* esse.

5. Tandem haec humanarum actionum *Regula* duplex in universum potest esse, nimirum *interior* vel *exterior*, id est, quae vel in homine ipso residet, vel aliunde petenda est. Quorum principiorum jam adhibendus usus est.

### §. III.

Tres humanarum actionum *Regulae*. JAM antea intellectum est (*Part. I. Cap. V. & Part. II. Cap. III.*) homini plures inesse bonum a malo discernendi rationes, quae totidem ejus actionum susceptorumque *Regulae* sunt.

1. *Sensus moralis.*

2. *Ratio.*

3. *Dei voluntas.*

Quam primam dirigendarum suarum actionum rationem in se ipsis homines deprehendunt.

tendunt, *instinctus* quidem est, quem supra vocavimus SENSUM MORALEM. Is prompto quidem, sed subobscuro & incogitato modo, boni malique inter se discrimen illud resignat quod animos maxime percellit, hominesque velut quodam sapore sensuumque commotione deterret a malo & ad bonum impellit.

Alterum humanarum actionum principium RATIO est, cujus ope rerum naturam, earumque inter se consensum dissensumve atque exitum exploramus; unde quacumque data occasione, multo clarius quam impellente morali sensu, discrimen statuimus boni malique.

Igitur sensus moralis & Ratio interiora duo sunt humanarum actionum dirigendarum principia, quibus addendum tertium est, nempe DEI VOLUNTAS. Homo namque cum sit a Deo conditus, a quo Rationem suasque omnes facultates accepit, suo propterea Conditori omnino subjacet, nec ejus potest imperium detrectare. Quamobrem ubi Dei voluntas hominibus innotuit, debent illam Dei voluntatem habere tanquam supremam Legem, a qua sibi nunquam liceat deflectere.

#### §. IV.

POSITA tria principia sejungi non debent. Aliud quidem ab alio diversum est, & habet quodque peculiarem suam vim: sed necessario connexa conjunctaque sunt, Tria posita principia conjungi debent.

ita

ita hominis statu postulante. Homines primo suo impulsu *sensus* commonefacit, majorem lucem affundit *Ratio*, cui certissima supervenit auctoritas, nempe *Dei voluntas*, quæ veritas ipsa est. Quibus conjunctis tribus fundamentis stat superstructa *Juris Naturalis compages*, vel *Moralis Disciplinæ systema*.

Quoniam igitur Deus hominem consulto sapienterque condidit, eique sensum indidit & Rationem, consequens est ut humanarum actionum Regula, seu *Moralis Disciplinæ fundamentum*, in *DEI VOLUNTATE* consistant, quam *SENSUS MORALIS* & *RATIO* manifestam faciunt & interpretantur. Itaque *sensus Moralis* & *Ratio* genuini duo sunt modi, quibus dignoscimus quis sit humanarum actionum eum humana natura, seu quod idem est cum *Dei proposito* consensus dissensusve, atque per hoc ipsum dignoscimus etiam, quid sit *bonum*, quid *malum*, quid *turpe*, quid præscriptum aut quid prohibitum.

## §. V.

De primigenia  
causa obligationis.

JAM multum hoc est quid bonum, quid malum sit sentire atque dignoscere: sed neque satis illud est; huic enim sensui cognitionique adjungenda est *obligatio* præstandi boni & vitandi mali. Ex qua obligatione gignitur *officium*, sine quo nullus esset moribus locus, sed in mera contemplatione omnia consisterent. Quænam est ergo causa  
prin.



principiumque obligationis & officii? An-  
ne obligatio & officium ex ipsa rerum na-  
tura Rationis ope intellecta; Anne ex Dei  
voluntate deducuntur? Id quod operæ pre-  
mium est dilucidare,

## §. VI.

Hoc mihi non videtur satis explorari  
quod primum hac in re explorandum est: Quævis  
Regula  
inducit  
obligatio-  
nem.  
cuius nimirum Regulæ, quæcumque sit, mo-  
ralem necessitatem inesse juxta Regulam a-  
gendi, quæ ideo quamdam obligationem in-  
ducit. Cujus adnotationis probanda veri-  
tas est.

Universalis Regulæ definitio certam brevem-  
que rationem exhibet propositum finem asse-  
quendi. Igitur quævis Regula refertur ad  
*consilium* seu voluntatem alicujus finis asse-  
quendi, qui finis vel actio est quam facien-  
dam, vel res quam comparandam nobis pro-  
ponimus. Evidentissimum porro est quod non  
debeat is sollicitus esse de suis actionibus a-  
lia potius quam alia ratione dirigendis, qui  
non aliam causam habet agendi quam ut a-  
gat, nihil certum animo destinans, nullum  
sibi finem proponens; sic enim se gerenti  
homini neque *consilio* neque *regula* opus est.  
At quicumque homo certum sibi finem pro-  
ponit, novitque rationem seu Regulam cu-  
jus ope finem illum remque optatam valeat  
assequi, hoc ipso necesse habet regulam il-  
lam sequi, eique suas actiones accommoda-  
re. Alioquin sibi contradiceret ipse, id e-  
nim

nim nollet quod vellet; finem optaret quidem, sed rationes omitteret quibus solis ipso confitente possit ad finem pervenire. Hinc ego colligo per quamlibet Regulam, quæ vere Regula cognoscitur esse, certa nimirum & unica ratio propositi finis assequendi, necessitatem induci juxta Regulæ præscriptum faciendi. Ubi enim paritur a *Ratione necessitas* definitum agendi modum potius quam alium eligendi, quicumque sanæ mentis homo est, & juxta sanam mentem se gerere vult, definitum illum agendi modum sequi cogitur, nec Ratio patitur ut alium sequatur. Vel ut idem aliis vocibus efferatur, homo is *vera obligatione* constringitur; siquidem obligatio, pro genuina illius definitione, coarctatio est libertatis, quam coarctationem inducit Ratio, quatenus Rationis consilia totidem causæ sunt quibus impellimur ad eligendum quemdam agendi modum potius quam alium. Ergo quævis Regula parit obligationem.

## §. VII.

**OBLIGATIO** quidem plus minusve gravis est, plus minusve stricta, prout pluribus vel paucioribus causis constituitur, eæque causæ majorem minoremve auctoritatem habent, & efficientiam.

Quoties perspectum habeo tum meæ salutis tuendæ, & perficiendæ virtuti, tum mei corporis mentisque meæ sanitati magis hanc agendi rationem conducere quam alteram  
quam.

quamlibet, quæ magis his omnibus conducit eam teneor eligere, atque is primus est obligationis gradus. Tum deinde si compariam, præter illa quæ modo commemoravi commoda, insuper ex mea agendi ratione pariendam mihi eorum quibuscum vivo estimationem plausumque, jam nova causa supervenit vires addens priori obligationi. Quod si rem ulterius indagando, tandem intelligam quam agendi rationem inii plane cum Dei voluntate consentire, jubentis ut Rationis consilia auscultem ac todidem *Leges* ab ipso latas, sane perspicuum est ex hac altera superaddita causa novum obligationi meæ robur accedere, vinculo me validiore constringi, & ineluctabili necessitate urgenti ad eligendam aliam agendi rationem potius quam aliam. Quibus enim potioribus causis potest ultimo impelli natura ratione prædita, qualis homo est, quam si illi certissime constet de benevolentia Dei & assensu consequendis, dummodo ejus *leges & mandata* exequatur: tum de vitanda ira qua Deus proculdubio in rebellantem sæviret.

## §. VIII.

JAM ortas ex positis principiis consequentias persequamur.

Quævis Regula ex se ipsa obligationem inducit, uti jam probatum est. Ratio autem primigenia est humanarum actionum Regula, igitur sola Ratio, etiam seposita Lege, aliquam inducit obligationem, unde  
 pa.

Sola Ratio potest aliquam obligationem inducere.

pariuntur Moralitas & officium, & res evadunt dignæ laude aut vituperio.

Sed quo nullum de hac re vel minimum dubium superfit, eam impræsentiarum cogitandi rationem adhibeamus, per quam Legislatore & Legibus sepositis, hominem nobis effingamus qui solus degat, quemque unice contemplemur ut est Ratione præditus. Is certe homo suum sibi proponit commodum, mentis videlicet & corporis sanum statum. Tum deinde acquirit quibus rationibus hæc commoda valeat sibi parare, quibus compertis agendi rationibus, alias quidem actiones probat, alias autem damnat, atque sic se ipsum quoque vel probat vel damnat, prout Rationis dictata exequutus est, vel ab illis aberravit. Quæ omnia nonne evidenter arguunt vel sola Ratione frangari hominum libertatem, qui idcirco vera obligatione tenentur alias quidem res præstare, alias autem omittere.

Progrediamur ulterius, hominemque ponamus patremfamilias, qui se velit convenienter Rationi gerere. An illud censebit indifferens esse utrum filios suos curet, necne; utrum eos alat instituatque, vel neutrum præstet? Nonne contra liquet quod hujus hominis familias felix vel infelix futura est, prout eam curaverit vel neglexerit? Ergo etiam liquet quod hujus patrisfamilias curam vel negligentiam Ratio probat vel improbat, ejusque agendi modum efficit moraliter *bonum* vel *malum*, laude dignum aut vituperio.

Quam

Quam ratiocinandi methodum facile esset persequendo amplificare, eamque quibusvis hominum conditionibus accommodare. Sed ex iis quæ hætenus dicta sunt satis intelligitur hominem, cum non aliter possit quam duce Ratione optatam metam assequi, hoc ipso teneri ducem Rationem sequi, & juxta ejus præscripta vitam instituere. Igitur sola Ratio sufficit ad constituendum *moralitatis*, *obligationis*, & *officiorum* systema. Nam quoniam fatemur Rationi consentaneum esse fieri qualdam res, alias vero non fieri, simul fatemur constringi nos obligatione.

§. IX.

SED, inquires, „ Ubi est obligatio, ibi *Objeſſio.*  
 „ est aliquis obligans ab eo diversus qui Nemo se  
 „ obligatur. Nam si dicas obligantem & ipsum po-  
 „ obligatum unum & eundem esse, idem test obli-  
 „ est ac si diceres posse hominem secum gare.  
 „ ipso contrahere, quod est absurdum. Re-  
 „ ſta Ratio revera nihil aliud est quam  
 „ obligato homini qualitas inhærens; non  
 „ potest ergo hujus hominis Ratio in hoc  
 „ eodem homine obligationis principium fie-  
 „ ri: neque enim potest quisquam sibi ipse  
 „ ineluctabilem necessitatem asserre hoc vel  
 „ illo modo se gerendi. Nam ut necessita-  
 „ ti sit locus, oportet ut ejus arbitrio, qui  
 „ se necessitati subjecit, tolli non possit ne-  
 „ cessitas obligati, quæ si ejus arbitrio tol-  
 „ li posset, jam nullam haberet vim. Qua-  
 „ propter si obligans obligatusque sint unus  
 „ idem.

„ idemque, poterit obligatus quoties volet;  
 „ obligationem rejicere, vel potius non est  
 „ vera obligatio; quemadmodum nihil de-  
 „ betur, in bona & Jura creditoris debi-  
 „ tore succedente. Atqui *officium* est *debi-*  
 „ *tum*, nec potest utrumque locum habere,  
 „ nisi inter duos diversos homines. *Nemo si-*  
 „ *bi debet*, inquit SENECA: *¶ hoc ver-*  
 „ *bum debere non habet nisi inter duos lo-*  
 „ *cum.* (a)

(a) Vid.

*Sen. de*

*Benef.*

*Lib. V.*

*Cap. 8.*

*Respon-*  
*sium.*

§. X.

QUÆ ratiocinatio magis speciosa quam vera est. Nam qui contendunt, Legibus & Legislatore sepositis, neque proprie dictam *obligationem*, neque *moralitatem* esse, ii necessario harum rerum alterutram debent admittere: 1. Vel aliam non admittunt humanarum actionum Regulam præter *Legem*; vel si quæ sit alia Regula, nulla tamen alia Regula dicunt, homines obligari quam *Lege*.

Quibus præter *Legem* alia non admittitur humanarum actionum Regula, eorum sententia manifesto falsa est, de qua quoniam superius abunde disputatum est, jam in illa rursus impugnanda frustra tempus tereretur. Vel enim homini inutiliter & inconsulto Ratio concessa est, vel fatendum ideo illi concessam esse qua tanquam primigenia Regula in omnibus suis actionibus uteretur. Quid enim magis est secundum naturam, quam ut, qui Ratione sit præditus,  
 jux

juxta Rationem se gerat? Sin dicas, quamvis Ratio humanarum actionum Regula sit, non tamen per eam, sed sola Lege obligationem induci: sententia hæc nequit stare, nisi etiam contendas *obligationis* nomine tantum venire, libertatis coarctationem illam quæ Legislatoris voluntate & imperio paritur; & tunc non de re, sed de vocibus totum certamen erit. Vel tandem statuendum est nullam revera nec esse nec concipi posse obligationem, nisi Legislatoris voluntas intervenierit, quod non ita verum est.

Qui error, vel si mavis, æquivocatio ex eo oritur, quod ad principia non fiat regressus, ut ex illis primigenia obligationis idea hauriatur. Igitur quod in hanc rem sæpe monuimus, iterum iterumque repetendum est. Dico itaque veram obligationem induci per quamvis libertatis coarctationem, quæ Ratione gignitur vel probatur. Per illa vere & proprie obligamur quæ *dictat* conscientia; aut etiam tunc vere & proprie obligamur, cum nobis ipsi conscii sumus ideo servandam hanc vel illam Regulam, quod iusta sit, id est, cum sanæ Rationis lumine conveniens.

## §. XI.

SED contrariæ sententiæ fautores instant Instant,  
& respon-  
dicuntque: „ Tuus ille ratiocinandi modus  
„ clarissimas notiones impugnat, evertitque  
„ probatas fere omnibus ideas, juxta quas  
„ pendent *obligatio* & *officium* ex interve-  
J. J. Burlamaqui. Q „ nien-

„ venientis Legislatoris voluntate, quæ per  
 „ *Legem* declaratur. Quæ illa erit obliga-  
 „ tio quam vel homini Ratio, vel homo  
 „ sibi ipse imponit? Nonne hujusmodi obli-  
 „ gationem semper poterit ad libitum ex-  
 „ cutere? Atque, ut jam adnotatum est,  
 „ ibi ne potest dici verum debitum esse,  
 „ ubi Creditor & Debitor sunt unus idem-  
 „ que?

*Responsum.* Quod rursus objiciunt instan-  
 tes, vel in æquivocatione totum versatur,  
 vel id ponitur tanquam verum de quo qua-  
 ritur an verum sit? Semper enim contem-  
 dunt nec esse nec aliam posse obligationem  
 esse, quam quæ a Legislatore vel Lege de-  
 rivatur. Equidem solitus ille est Jurecon-  
 sultorum loquendi modus, sed qui rei na-  
 turam non immutat: Nec quidquam pro-  
 batur per id quod subjungitur. Fateor pos-  
 se hominem ad arbitrium suum obligationi  
 se subtrahere quam Ratio inducit; at si  
 obligationem illam effugiat, periculo da-  
 mnoque se supponit, agnoscitque vel invi-  
 tus eum agendi modum prorsus inconsultum  
 esse. Si tamen ex eo quod homo possit Ra-  
 tionis imperium detrectare, inde colligas  
 quod per Rationem non obligetur, sanæ  
 ratiocinationis prætergredieris limites; nam  
 & ipsam obligationem impugnas quæ a Le-  
 gislatore parita est. Quid enim? Obligatio  
 per *Legem* inducta libertatem non evertit,  
 & in nostra semper libertate positum est,  
 ut *Legem* colamus aut frangamus, quicum-  
 que futurus sit servatæ aut violatæ Legis



exitus. Neque hîc quæstio movetur de *vi* aut *necessitate*; sed ea tantum obligatio memoratur, seu illud *morale vinculum*, quod, qualicumque modo spectetur, semper Rationis opus est.

## §. XII.

OFFICIUM quidem juxta propriam stric- Officium  
accipi po-  
test lato  
vel stricto  
sensu.  
tamque ejus significationem est *Debitum*,  
atque sic spectatum officium actionem exhibet quam quis a nobis jure potest exigere.  
Quam considerandi officii rationem fateor insuper in se ipsa veram esse. Homo pars est *systematis* vel *totius*; atque ideo ad alias rerum naturas necessario refertur: & quoniam hominis sic spectati actiones semper aliquatenus ad alios homines pertinent, inde est ut cum de officio agitur, alius plerumque sit *obligans* ab *obligato*. At vero quemadmodum in morali disciplina ejusdem vocis significatio quandoque latior, quandoque strictior est, nihil obstat quominus officii vocabulum in amplissima sua significatione accipiat, officiumque in universum definiatur *actio rectæ Rationi consentanea*. Atque tunc merito dici potest homini in se ipso spectato & a qualibet altera natura seposito adimplenda quædam officia esse. Sufficiens enim officii causa est, quum alias actiones Ratio probat, alias improbat. Itaque pro diversis officiorum generibus, diversa quoque sunt obligationum genera. Variæ porro illæ officium & obligationem

definiendi rationes neutiquam se invicem impugnant, sed mutuo nexu conciliatæ corroborantur.

## §. XIII.

Quid ex iis quæ hætenus dicta fuerent, colligendum sit.

Ex iis quæ hætenus disputata sunt hoc ferme colligitur.

1. Ratio cum sit prima *Regula* hominis, primum quoque *moralitatis* principium est, & proxima causa cujusvis primigeniæ *obligationis*.

2. Sed quoniam homo propter naturam suam conditionemque necessario obnoxius Deo est, qui hominem sapienter consuloque, & ob certum finem condidit, hinc est ut Dei voluntas altera sit humanarum actionum *Regula*, alterumque *moralitatis*, *obligationis*, & officii principium.

3. Igitur duplex in universum *moralitatis* & *obligationis* genus est. Alia obligatio Legem antecedit, & solius Rationis opus est; alia subsequitur Legem, & Legis effectus est. Atque in hoc nititur *interioris* & *exterioris* obligationis distinctio. (a)

4. Equidem utrique illi obligationi non inest eadem vis. Nam quæ a Lege paritur obligatio sine controversia omnium perfectissima est, hominis libertatem potentissimo freno coercens, unde per excellentiam obligatio dicenda est. Sed ne tamen hinc colligas nullam alteram alterius generis obligationem esse. Non enim minus vera est aliqua

(a) Vid. *Part. I. Cap. VI. §. 13.*

qua obligatio, quamvis ab altera differat, atque altera debiliior sit.

5. Nostrum autem duplex obligationis & moralitatis genus eo magis statuendum est, quod ex Lege parta obligatio ideo perfectissima sit, quia utrumque genus obligationis includit, est enim interior simul & exterior. (a) Quippe si Legum natura ipsa non attendatur, & quæ res Legibus præcipiuntur aut vetantur ex se ipsis non eæ sint quas Ratio probet vel improbet, Legislatoris auctoritas non alio fundamento quam ejusdem *potestate* fulcietur; atque sic Leges mero voluntatis arbitrio, non autem sapientiæ judicio constitutæ *necessitatem* propriè dictam potius quam veram *obligationem* inducent.

(a) Vid.  
*sup. Parte*  
*I. Cap. IX.*  
§. 12.

6. Adnotationes nostræ cum Legibus Naturalibus accuratissime conveniunt. Naturalium enim Legum obligatio præ cæteris omnibus obligationis generibus & efficax est & latius extenditur; quoniam hæ Leges primum Rationi omnino accommodatæ sunt, siquidem originem suam ducunt tum ex ipsa natura actionum, earumque inter se discrimine tum ex eo quem habent cum propositis finibus consensum dissensumve. Deinde, quæ per ipsas Naturales Leges inducitur obligatio, majores vires accipit ex superveniente Dei auctoritate, jubentis Leges illas servari, utpote a se ipso sancitas, unde nostram agendi rationem Legibus illis aptare necessario compellimur.

7. Ex quibus adnotationibus sequitur duo

Q 3

esse

esse moralitatis principia, hinc *Rationem*, illinc vero Dei *Voluntatem*; quæ duo principia censerî non debent tanquam inter se pugnantia, ita ut uno posito tollatur alterum: sed contra duplex hæc nostra methodus, & hæc duo nostra principia conjungenda sunt, ut hinc conficiatur suis omnibus numeris absolutum *systema*, quod vere constitutum sit in ipsa hominis natura statque. Quoniam enim homo est *Ratione* præditus, *Rationi* subjacet, & quoniam a Deo conditus est, ejuldem Dei voluntati sit subditus. Quemadmodum vero *Rationi* & Dei voluntati parere nihil involvit contrarium, sic etiam hæ duæ Regulæ, *Ratio* nimirum & Dei *Voluntas* optime inter se consentiunt, & natura connectuntur suoque nexu firmantur. Neque se aliter res potest habere: Quid enim? Rerum naturam earumque inter se consensum dissensumve, tum imprimis naturam hominis, ejus indolem & statum, *Rationem*, eique inhærentes cæteras facultates Deus ipse condidit: quæcumque existunt a Deo creata sunt omnia, & ex ejus voluntate, atque ab ipso Deo inducta rerum constitutione ultimo pendent.

## §. XIV.

Nostre  
constituendæ  
moralitatis  
ratio  
Naturale  
Jus non  
infirmat.

QUAPROPTER tantum abest ut ea statuamus obligationis officiique principia, per quæ *Naturalis Juris* vel *moralis disciplinæ* *systema* debilitetur: quin contra *Naturali Juri* ex nostra methodo plus accedit virium & fir-

& firmitatis. Sic enim res a principio repetuntur, jaciunturque prima ædium fundamenta. Equidem non inficias ibo, si quis rectam de morali disciplina ratiocinationem velit instituire, ei considerandas res esse quales sunt, removendasque ab hoc argumento nimis abstractas opiniones. Hominis attendenda natura est, ejusque præsens status; tum etiam conjungenda & inter se socianda sunt ea omnia quibus præcipue constat systema humanitatis. Quorum omnium conjunctio nihil obstat quominus homo singulatim & tanquam per partes expendatur, ut ex singularum partium accurata disquisitione melius *Totum* dignoscatur. Quin etiam non alia methodus est finem hunc assequendi.

## §. XV.

PER hæc quæ hætenus disputata explicari simulque demonstrari potest quod in Operis sui præfatione §. II. *Grotius* asserit. Scriptor ille postquam pro suo cogitandi modo Juris Naturalis principia & fundamenta super ipsa natura humana constituit, sic profequitur. „ Quæcumque dixi aliqua-  
 „ tenus locum habent, etiamsi neges Deum  
 „ esse; vel Deum si dicas esse, eum tamen  
 „ neges humanarum rerum curam suscipe-  
 „ re. „ Ea sunt hoc loco *Grotii* verba, ut facile quivis intelligat noluisse eum a Jure Naturali Dei voluntatem secludere. Non fuit illa mens hujus scriptoris, quippe

Expendi-  
 tur *Grotii*  
 senten-  
 tia.

qui ipse voluntatem Dei ut alterum Juris principium diserte statuit. Itaque Grotius hoc unum contendit, quod etiamsi Legislatoris Dei nulla prorsus interveniret auctoritas, jam tamen omnino necesse hominibus esset, vel ob unius Rationis imperium, Juris Naturalis præcepta colere, quoniam præcepta illa ex ipsa rerum natura atque hominis indole deducuntur. Quis enim inficias ibit populos vel tantillum ad humanitatem excultos ordine, convenientia, honestate, & iis omnibus quæ cum sana ratione conveniunt, quocumque tempore saltem aliquatenus affectos fuisse? Ita hominum comparata mens est, ut qui non adeo perspicaces sunt, in iis quæ diximus accurate dignoscendis, ea tamen intricato sensu quodam intelligant, unde illis, statim atque proponuntur, ultro assentiunt.

§. XVI.

Ut perfectum habeatur morale systema, huic ad jungenda Religio est.

VERA profecto certa que sunt quæ ex Rationis auctoritate principia deduximus, quibus solis non tamen immorandum est; alioquin in media via confisteremus; nec enim morale systema constari potest quavis seposita Religione. Una Ratione fultum, seclusa Religione systema, non omnino erit expers auctoritatis, sed non ita efficacem obligationem inducet, ac si divina voluntas adjungatur. Summi numinis imperium Rationis præscripta vertit in Leges propriè dictas, unde Rationis præscripta illa quantum

tam

tam possunt vim habent maximam ad *constringendam & subjiciendam* hominum voluntatem, iisque imponendam arctissimam obligationem. Verumtamen, nam & hoc rursus dicendum est, qui per Rationis consilia præceptaque in se ipsis spectata, & a Dei voluntate sejuncta, nullam afferunt obligationem induci, ii profecto legitimæ rationationis limites evagantur, quoniam unum tantum obligationis genus admittunt. Quæ sententia non solum naturæ rerum adversatur, sed & imminuit hanc ipsam obligationem quæ Legislatoris voluntate gignitur. Nam divinis Legibus eo magis afficitur mens, & voluntas subjicitur, quod illis Legibus Ratio suffragatur, utpote quæ omnino consentiunt cum hominis natura, indole, statuque.

## C A P U T VIII.

*Quanam ex superiori capite consequantur .  
Quid sit Justum , quid honestum , quid  
utile.*

### §. I.

**E**X iis quæ superiori capite disputata sunt, intelligi ut varias Jureconsultorum de *moralitate* seu Naturalium Legum fundamento sententias æquivocas & dissidentes esse. Ii nempe rem ab origine non reperunt, neque eorum satis accuratæ sunt de-  
 Multa est de nostro argumento Jureconsultorum æquivocatio.

definitiones distinctionesque; tum etiam pugnantes inter se ideas illas inducunt, quæ tuapte natura conciliantur, nec unquam jungendæ sunt. Nonnulli nimis abstrusa ratione de natura humana disputant, & contemplationibus suis plus æquo subtilibus unice intenti, non satis præsentem rerum conditionem reputant, nec satis advertunt hominem sui Conditotis imperio natura subditum esse. Alii contra hominem præcipue considerantes ut est Deo subditus, ex Dei voluntate jussisque obligationem omnem & jus omne deducunt; atque sic obliiti videntur naturam ipsam hominis, ejusque interiorem indolem, a qua tamen natura, & indole non potest homo separari. Variæ illæ Jureconsultorum sententiæ in se ipsis relictæ sunt; sed non debet altera rejici posita altera, nec altera in alterius explosionem admitti. Quin imo, ita præcipiente Ratione, singulæ illæ sententiæ aliæ aliis adjungendæ sunt, ut vera principia constituantur humani *systematis*, cujus in ipsa hominis natura statuque fundamenta quærenda sunt.

## §. II.

De Justo *SÆPE sæpius commemorantur utile, ju-*  
*Hensto, stum, honestum, ordo, convenientia, quæ sæ-*  
*Utli, cum* pissime quoque non satis accurate definiun-  
*de Ordine* tur, vel etiam utrorumque permiscuntur de-  
*& Conve-* finitiones. Ex qua rerum bene definienda-  
*nientia.* rum incuria fit obscurus sermo intricatus-  
 que.



que . Quo igitur disputationi lux affundatur , singula sunt apprime definienda & distinguenda .

Mea quidem sententia , **ACTIO UTILIS** illa est quæ ex se ipsa hominis salutis & felicitati conducit .

**ACTIO JUSTA** illa est quæ cum ejus voluntate consentit a quo præcipitur .

**ACTIO HONESTA** illa est quæ cum recta Ratione hominisque dignitate consentit , unde huic actioni suffragantur homines , eamque faciens decus sibi , honorem , & existimationem comparat .

**ORDO** est plurium rerum series & junctura in aliquem finem conspirans , & cum futuro rei exitu consentiens .

Denique quod spectat ad **CONVENIENTIAM** , ea non multum differt ab ordine , & definiri potest : multarum inter se rerum consensus , quarum altera per se ipsam alteri servandæ , & perficiendæ conducit , eamque tuetur in statu bono utilique .

### §. III.

**IGITUR** Justum , Utile , Honestum , Justum , confundenda non sunt ; hæc enim tria a se Utile & invicem distinguuntur , quæ si permisceantur , eorum quoque ideas interturbari necesse est . Hæ porro ideæ , quamvis diversæ , Honestum a se invicem minime tamen inter se dissentiant , sed distinguuntur , eidemque actioni accommodari & convenire possunt , prout actio illa quoad diversa nec confundenda spectatur . Quin etiam si rem ab origine sunt.  
repe.

repetas, triplicem illam Justitiæ, honestatis, & utilitatis ideam deprehendes e communi fonte, sive ex uno eodemque principio derivari, quemadmodum ex eodem stipite tres rami pullulant. Hoc autem generale principium non aliud est quam *Rationis assensus*. Iis omnibus Ratio necessario assentit quibus vera felicitas comparatur. Quoniam autem quidquid hominis saluti perfectionique conducit, quidquid consentit cum Dei voluntate cui subditus homo est, quidquid aliorum hominum existimationem conciliat: quoniam hæc, inquam, omnia felicitatem hominis promovent, inde est ut horum unumquodque vel ab aliis etiam sejunctum Ratione comprobetur; quanto magis hæc eadem Ratio actioni suffragatur, in quæ diximus singula concurrunt.

## §. IV.

Quæ  
quan-  
quam di-  
stinguan-  
tur natu-  
ræ tamen  
cohærent.

Ea enim rerum conditio est, ut justum, honestum, & utile natura connectantur & tanquam divelli nequeant; si tamen, ut par est, vera, universa, & stabilis utilitas attendatur. Quod utilitatis-genus ita se habet, ut per illud secernatur quod vere utile vel honestum est ab eo quod non utile honestumve est nisi falsa hominum æstimatione. Qua de re sic recte & pulchre TULLIUS differit (a). „ In quo lapsa consuetudo

(a) *De off. lib. 2. cap. 3. & lib. 3. cap. 3. Vid. etiam Grot. de Jur. Bell. & Pac. in præfat. § 17. & seqq. nam Puffend. de Jur. Nat. & Gent. lib. 2. Cap. 3. §. 10 11.*

„ tudo deflexit de via, sensimque eo dedu-  
 „ eta est, ut honestatem ab utilitate secer-  
 „ nens, & constituerit honestum esse ali-  
 „ quod quod utile non esset, & utile,  
 „ quod non honestum: qua nulla perniciēs  
 „ major hominum vitæ potuit adferri ....  
 „ Itaque accepimus, SOCRATEM execrari  
 „ solitum eos, qui primum hæc natura co-  
 „ hærentia opinione distraxissent. .

Ac sane quo penitus perspicitur divinæ  
 providentiæ consilium, eo quoque magis  
 intelligitur ptopositum illud Deo fuisse, ut  
 bonum malumque moralia bono maloque  
 phycis adnecterentur, seu quod idem est,  
 ut mutuo coirent justum & utile. Quam-  
 quam vero in quibusdam singularibus cau-  
 sis aliter videatur se res habere, est illa  
 fortuita consueti ordinis interturbatio, ex  
 naturali systematis compage minus profecta,  
 quam ex hominum vel inscitia vel nequi-  
 tia. Si præterea immorari nolis in primo  
 naturæ humanæ cortice, sed illam, quan-  
 tum patet, explores; tunc, post habitam  
 omnium rationem & compensationem, pro-  
 fecto intelliges quæ hodie ordini videntur  
 adversari, ea quandoque ad perfectissimum  
 ordinem reducenda, quemadmodum osten-  
 demus ubi mentio fiet de Naturalium Le-  
 gum sanctione,

§. V.

NON NUNQUAM hæc proponitur quæ-  
 stio: An ideo justa res est quia Deus il-  
 lam An ideo  
justa est  
actio quia

Deus il-  
lam præ-  
scripsit.

lam præcipit? Vel, ane Deus rem aliquam præcipit, quia est justa? Cujus quæstionis facilis solutio est, si positis principiis insistamus. Ideo justa est res, quia Deus illam præcipit; hæc enim nostra est Justitiæ definitio. Sed Deus hanc vel illam rem ideo præcipit, quia cum Ratione consentit, nec non cum natura statuque hominis, atque cum ordine, & finibus quos sibi propósitos Deus habuit, quum hominem concederet. Quæ rerum ideæ, quamvis a se invicem diversæ, necessario tamen connectuntur, nec aliter fere separari queunt quam per mentem alias ab aliis subtiliter abstrahentem.

## §. VI.

In quo virtus & hominis perfectio consistant? ADVERTENDUM tandem est ex hac justitia, honestatis & utilitatis inter se convenientia & mirabili prorsus consensu derivari omnem virtutis *pulchritudinem*, unde etiam edocemur in quo sita sit *hominis perfectio*.

Quoniam moralis disciplinæ Magistri non unum systema constituerunt, idcirco in varias etiam de hac ultima quæstione sententias abiire. Alii perfectionem hominis in eo positam esse dicunt, si convenienter naturæ suæ facultatibus suis utatur: alii si facultatum earundem usus cum Dei proposito consentiat: alii tandem non aliter hominem putant perfectum evadere, quam cum illum sua cogitandi agendique ratio ad pro-

positum finem, nimirum ad *felicitatem*, deducit.

Sed ex iis quæ superius disputata sunt satis liquet, tres illas hominis perfectionem definiendi rationes non ita multum inter se differre, quarum contra quoniam altera cum altera coit, conjungendæ idcirco & sociandæ sunt. Hominis perfectio vere posita est in possessione facultatum tum ingenuarum tum acquisitarum, quarum ope possumus adipisci & re ipsa veram felicitatem adipiscimur, juxta Conditoris nostri consilia mentibus nostris penitus infixæ ipsoque statu declarata in quo sumus constituti.

Recte profecto quidam Scriptor, \*, „ Qui „ non aliam ob causam, inquit, obsequium „ præstat, nisi vel quia formidat imperium, „ vel sperat mercedem, nec virtutem colit „ diligitque propter ipsam virtutis præstantiam, hujus servilis & avara mens est. „ Qui contra virtutem unice sectatur ob „ ejus convenientiam nativamque pulchritudinem nulla habita ratione Dei universalium rerum Conditoris rectorisque, hic „ officium violat ei naturæ præstandum, „ quæ omnium prima & perfectissima est. „ Qui autem Rationem, Pietatem, summamque suam Utilitatem conjunctas sequitur, is solus simul & probus, & sapiens, „ & pius est; qua quis indole præditus „ perfectionem adeptus est homine dignissimam.

CA.

\* *Theoria gratarum sensationum*, Gallice *Theories des Sentimens agréables*, Cap. V. III.

## CAPUT IX.

*Quomodo humanis actionibus Naturales Leges  
accommodentur; ac primum de  
CONSCIENCIA.*

## §. I.

Quid sit **O**FFICIORUM nostrorum tum origine  
humanis tum regula semel compertis, jam nihil  
actionibus aliud superest, quam ut in mentem revoce-  
Naturales mus quod antea dictum est (*Part. I. Cap.*  
Leges ac- *XI.*) de humanarum actionum moralitate;  
commo- sic enim intelligemus quomodo humanis a-  
dare? ctionibus Naturales Leges accommodentur,  
tum quis sit hujusce accommodationis exi-  
tus. (a)

Humanis actionibus Legum accommoda-  
tio nihil est aliud quam *dijudicatio morali-  
tatis actionum cum Lege collatarum; qua fa-  
cta dijudicatione, alias actiones censemus fa-  
ciendas quia bonæ, alias omittendas quia ma-  
læ, alias autem pro nostro arbitrio fieri vel  
omitti posse; quia sunt indifferentes: unde,  
prout quis se gesserit, laudem consequitur aut  
vituperium, eum damnamus, vel eidem suf-  
fragamur.*

Hæc autem dijudicatio dupliciter fit.  
Nam aut proprias nostras actiones dijudica-  
mus, aut alienas. Nostrarum actionum di-  
judi-

(a) Vid. *Puffend. De Jur. Nat. & Gent. Lib. 1. Cap. III. §. 4 & seqq. & Offic. Hom. & Civ. Lib. 1. Cap. 1. §. 5, 6.*

judicatio dicitur CONSCIENTIA, alienarum vocatur *imputatio*. Quæ duplex materia sane intelligimus quanti momenti sit, quantumque in morali disciplina latissime pateat ejus usus, unde nobis est paulo accuratius exploranda.

§. II.

CONSCIENTIÆ propria definitio est, *Quid sit quod sit ipsa Ratio insistendam nobis Regulam, seu Naturalem Legem edocta, & nostrarum actionum moralitatem, incumbentemque nobis obligationem dijudicans, nostras videlicet actiones cum dicta Regula conferens, prout hæc Regula nobis innotescit.* Conscientia?

Sæpe etiam pro conscientia accipitur ipsum de nostrarum actionum moralitate latum judicium, quod judicium ex integra ratiocinatione gignitur, seu consequitur ex præmissis duabus propositionibus vel diserte enuntiatis vel tacite intellectis. Conferuntur inter se duæ actiones, alia Legem includens, alia actionem de qua agitur: tum ex his propositionibus tertia deducitur qua illatum de qualitate propositæ actionis judicium continetur. In hunc modum habebat se Judæ ratiocinatio: Quicumque morti tradit infontem, scelus admittit; hæc est Lex; Atqui ego infontem morti tradidi, hæc est actio. Ergo scelus admisi; hæc est consequentia, seu quod judicium de patrato facinore Judas ferebat dictante sua conscientia.

J. J. Burlamaqui.

R

§. III.

## §. III.

Conscientia Legis præsertim Naturalis Legis cognitionem adjunctam habet: Naturalis enim Lex, cum sit primigenius justitiæ fons, nostrarum quoque actionum summa Regula est. Quoniam vero Leges nequeunt Regulæ vim obtinere, nisi nobis compertæ sint, inde sequitur conscientiam esse nostrarum actionum *proximam* Regulam; evidens enim est posse neminem Legi parere quam ignorat.

## §. IV.

I. Regula, QUIBUS ita positis, de præsentī argumento hæc prima statuenda Regula est: *Illustrandam cuique suam conscientiam esse, tum deinde consulendam, ejusque sequenda consilia.*

Illustranda conscientia est: scilicet nihil horum omittendum est quibus & Legislatoris voluntas & Legum mens accurate possunt dignosci, ut sic vere perspectum illud habeamus quidquid vel præcipitur, vel prohibetur, vel permittitur. Legislatoris enim voluntatem mentemque Legum ignorantes nunquam de nostris actionibus sanum judicium institueremus, errorisque fieremus ludibrium. Sed neque Legem dignovisse satis est; dignoscenda etiam est proposita nobis actio. Quocirca non solum actio in se ipsa expendenda est, sed attendenda etiam quæcum.



cumque actioni adjuncta sunt, & quæcumque possunt ex illa consequi. Alioquin periculum esset ne in usurpandis Legibus deciperemur. Legum enim præscripta sic universa sunt, ut nihilominus diversimode ad temperanda sint, prout actionibus nostris peculiaribus quædam adjunguntur, quæ quidem adjuncta in nostrarum actionum moralitatem, atque ideo in officia nostra influunt. Itaque non satis est judici plane compertam Legem esse, antequam litem dirimat; sed præterea requiritur ut omnino perspectam rem habeat quæ disceptatur, quæque huic rei adjuncta sunt.

Neque solum adipiscendæ sunt cognitiones illustrandæ Rationis causa, sed ideo potissimum ut quavis data occasione, ut par est, nos geramus. Omnino igitur consulenda conscientia est, ejusque sequenda consilia, quoties quid agendum occurrit. Quæ consulendæ conscientiæ ea est obligatio, ut nemo sit illius immunis. Conscientia enim cum sit ut ita dicam, Legislatoris voluntatum ministra & interpret, quidquid suadeat Legis vim & auctoritatem obtinet, unde conscientiæ suasu perinde ac Lege debemus affici.

## §. V.

CONSCIENTIA igitur non aliter quam sedulo illustrata nostrarum actionum certissima Regula fit, cujus in exequendis nostris officiis tuto possumus præscripta colere. Is

II. & III.  
Regula.

R 2                      enim

enim turpiter hallucinaretur, qui quoniam conscientia nostrarum actionum proxima Regula est, illud putaret recte fieri, quidquid sibi fingeret vel Lege præcipi vel permitti. Hoc enim primum sciendum est, an justa de causa persuasum quid habeamus. Namque ut pulchre Puffendorfius (a) advertit, eatenus conscientia humanas actiones dirigit, quatenus Legem edocta est, quoniam ad unam Legem proprie pertinet nostras actiones dirigere. Si quis igitur consilium certum, tutamque agendi rationem, velit innire, ei servandæ sunt quavis data occasione sequentes duæ Regulæ, tum in se ipsis simplicissimæ, tum ulurpatu facillimæ, quæ ultro fluunt ex nostra superiori Regula, e jusque sunt explicatio. (b)

II. REGULA. *Antequam conscientiæ sequamur impulsus, sedulo attendendum est an ea prudentia iisque adjumentis instructi simus, quibus rem judicemus de qua agitur. Quæ prudentia adjumentisque deficientibus, nihil possumus statuere, multoque minus quidquam aggredi, nisi velimus eam temeritatem admittere, quæ cum admodum periculosa, tum nulla venia digna sit. Nihil tamen magis consuetum est quam in hancce Regulam peccare. Quot enim homines, exempli causa, videre est, qui ubi de Religione, vel de intricatis Politicæ vel Moralibus*

(a) Vid. *de Jur. Nat. & Genz. Lib. I. Cap. III. §. 4.*

(b) Vid. *Puffend. De offic. Hom. & Civ. Lib. I. Cap. I. §. 5. & notam 1. Barbeyracii.*

lis disciplinæ quæstionibus disceptatur, has vel illas partes propugnant, quamvis propositas quæstiones nec valeant expendere, nec de illis judicare.

III. REGULA. *Etiam si quis ea prudentia iisque adjumentis in universum instructus sit quibus propositam rem possit dijudicare, videndum adhuc superest, an ea prudentia iisque adjumentis ita jam nunc utatur, ut nova alia rei exploratione non opus illi sit, quo se conscientie motibus permittat.* Quæ Regula quoniam non satis attenditur, quotidie fit ut eas actiones securi admittamus, quarum injustitia se facile proderet, si perspicua principia quædam adverterentur, quorum cæteroquin justitiam & necessitatem intelligimus.

Positas modo Regulas quisquis adhibebit, id omne præstiterit quidquid poterat & debebat præstare: atque etiam si res spectentur ut solent evenire, certum est quod neque judicans decipietur, nec quid agens aberrabit. Quibus omnibus adhibitis cautionibus, si nobis nihilominus contingat errare, cujusmodi error prorsus non est impossibilis, est illa humanæ naturæ necessario conjuncta imbecillitas, vel apud summum Legislatorem suam secum veniam ferens.

#### §. VI.

DE nostris actionibus judicium statuimus ipsi vel priusquam actionem edamus, vel postquam illam edidimus, unde duplex con-

Conscien-  
tia ante-  
cedens &  
subse-  
quens

scientia distinguitur, nimirum CONSCIEN-  
TIA ANTECEDENS, & CONSCIENTIA  
SUBSEQUENS.

IV. Re-  
gula.

Ex qua distinctione sequitur hæc IV. RE-  
GULA: *sapientis est conscientiam suam consu-  
lere & ante susceptam rem & post susceptam.*

Quicumque quid aggreditur antequam ex-  
penderit an illud rectum pravumne sit, is  
officii sui exequendi manifestam incuriam  
fert, qua nihil homini perniciosius potest  
esse. Namque ex hujusmodi socordia tum  
gravissima pericula imminet, tum errores  
generantur quam maxime exitiosi. Sed quo-  
niam contingere potest ut per primam rei  
dijudicationem ad agendum impulsus simus  
vel cupide, vel præcipitanter, vel quia res  
levius explorata fuerat; id quod factum est  
rursus expendi debet, ut vel bonis partibus  
constanter inhæreamus, si bonæ partes su-  
ceptæ sint; vel illud emendetur in quo  
peccatum est, si tamen possit emendari; ac  
tandem ut necessariae cautiones adhibeantur,  
ne simile quid in posterum peccetur. Quæ  
nova editarum actionum exploratio eo pluris  
nostra refert, quod, ipsa teste experientia,  
sapissime factæ rei longe aliud judicium  
ineatur quam faciendæ. Ita enim compara-  
ti homines sunt, ut cum primum agenda  
res est, in errorem non semel prolabantur,  
vel præjudicatis opinionibus irretiti, vel cu-  
peditatibus stimulat, quæ tamen præjudica-  
tæ opiniones atque cupiditates vel partim  
vel omnino solent evanescere, postquam  
perfecta res est, unde nostræ actionis natu-  
ram

ram , & quid ex ea consequatur , commodius liberiusque valemus dijudicare .

Vir probus in eo præsertim cernitur , si suas actiones exploret , & antequam illas edat , & postquam illas edidit : quod máximo quidem argumento est , illum officiorum suorum exequendorum vere studiosum esse .

## §. VII.

PORRO institutum de nostris actionibus iudicium diversos plane sortitur effectus , prout illostrarum actionum iudicio vel absolvimur vel damnamur . Si nostræ nobis conscientiæ iudicium suffragetur , ea potimur animi lætitia & quiete , quæ virtutis certissima & dulcissima merces est . Quas actiones Ratio laudat , ex illis verum semper gaudium enascitur , & quo sapius mens eas actiones reputat , eo sapius etiam cum illarum recordatione mentis gaudia renovantur . Quæ revera fors potest esse felicior , quam si nobis bene sit cum nobis ipsis , & iusta de causa summo illi Deo , cui subiacemus , charos nos esse acceptosque confidamus ? Sin contra per nostram ipsorum conscientiam improbemur , improbationem hanc necessario subsequenter sollicitudo , anxietas , timor , animique acres morsus gravesque objurgationes : quæ adeo miserrima fors est , ut , qui in ea versetur , eum Veteres dixerint homini similem a furiis discruciatio .

R 4

Exem-

*Exemplo quodcumque malo committitur, ipse  
Displicet auctori: Prima hæc est ultio,  
quod, se*

*Judice, nemo nocens absolvitur, improba  
quamvis*

*Gratia fallaci Prætoris vicerit urna.*

*Juvenal. Sat. 13.*

Inde est ut Conscientia subsequens dicatur  
quieta vel sollicita, bona vel mala.

## §. VIII.

Conscien-  
tia vel est  
*deliberata*  
vel *dubia*.

QUOD de nostrarum actionum moralita-  
te judicium statuimus, ita temperatur di-  
versimode, ut hinc novæ iterum oriantur  
conscientiæ distinctiones, quas hîc juvat  
indigitare. Hæ autem distinctiones æque in  
universum conscientiæ antecedenti ac subse-  
quenti accommodari possunt, quamquam ple-  
rumque antecedenti conscientiæ peculiari ra-  
tione accommodatiores esse videantur.

Conscientia igitur vel est *deliberata* vel  
*dubia*, prout nobis plus minusve constat de  
qualitate propositæ actionis.

Quoties nobis citra ullum dubium con-  
stat propositam actionem cum Lege vel con-  
sentire vel ab ea dissentire, aut etiam actio-  
nem illam nec præscriptam nec prohibitam  
esse, atque sic certo scimus actionem illam  
vel faciendam, vel omittendam esse, aut  
in nostro arbitrio positum ut eam faciamus  
vel omittamus, tum dicitur CONSCIEN-  
TIA DELIBERATA. Sin contra hæreat ani-  
mus

mus in suspensio, quia quibus impellitur inter se causæ diffident, earumque par videtur auctoritas, ita ut incerta mens huc, & illuc fluctuet, tunc dicitur CONSCIEN-  
TIA DUBIA. Cujusmodi Corinthiorum erat dubitatio nescientium an sibi liceret eos cibos edere, qui fictis Diis oblatis essent, vel an iis cibis tenerentur abstinere. Hinc res videbatur per Evangelicam libertatem licita; hinc verebantur Corinthii, ne, si tales cibos ederent, fictorum numinum cultui aliquocumque modo assentirentur. Quapropter suscipiendarum partium dubii, a S. Paulo quid factio opus per litteras sciscitati sunt.

Ex qua conscientiae vel certae vel dubiae distinctione sequuntur etiam aliquot Regulae.

V. REGULA. *Ille suo officio non omnino* V. Re-  
*defungitur, qui quod per conscientiam certam* gula.  
*juhetur exequi tanquam invitatus exequitur: sed*  
*conscientiae jussis animo volenti lubentique, &*  
*celeriter obsequendum est.* (a) Qui contra  
citra ullam addubitationem ullamque aver-  
sationem conscientiae certae detrectant impe-  
rium, eorum est quam maxima potest esse  
pravitas & nequitia, & longe foedius cri-  
men quam si peccassent cujusdam cupidita-  
tis impetu vel illecebris tanquam a se ipsis  
avulsi. (b)

VI. REGULA. *Quod ad conscientiam du-* VI. Re-  
*biam attinet, nihil omittendum est quo emer-* gula.  
*ga-*

(a) Vid. *sup. Pars II. Cap. V. §. 7.*

(b) Vid. *Grot. de Jur. Bell. & Pac. Lib. II. Cap. XX, §. 19.*

*gamus e dubio , sed neque quidquam susci-  
piendum est quod nesciamus an bonum malum-  
ve sit : tacitus alioquin foret ille Legis con-  
temptus , si volentes periculum adiremus  
violandæ Legis , quæ agendi ratio prorsus  
est vituperio digna . Hæc autem sexta Re-  
gula præsertim in eis rebus tenenda est ,  
quarum est magnum momentum .*

VII. Re-  
gula .

VII. REGULA . *Verum si res ita se ha-  
beat , ut hoc vel illud necessario faciendum ,  
& hæc vel illæ partes necessario sint obeun-  
dæ , adhibenda est nova disquisitio , ut ea  
pars internoscatur , quæ probabilior & tutior  
est , quæque periculum minus involvit . Ita-  
que solet illa tutior pars eligi quæ cupidi-  
tatibus adversatur , nec nimium indulget  
propensionibus . Sic etiam in dubia causa ra-  
rum est erroris periculum , si potius cum a-  
morem auscultes qui aliis debetur , quam  
quo te ipsum prosequeris .*

### §. IX.

Conscien-  
tia scrup-  
ulosa .

PRÆTER conscientiam dubiam , quæ po-  
test etiam incerta dici , alia est etiam CON-  
SCIENTIA SCRUPULOSA , quam gignunt  
leves & frivolæ causæ , mentem subeuntes ,  
quamvis aliunde nulla vera sit addubitan-  
di ratio .

VIII. Re-  
gula .

VIII. REGULA . *Igitur ex frivolis causis  
ortæ addubitationes neutiquam ob stare debent  
quominus id agatur quod agendum est : quæ  
quoniam addubitationes vel ex conscientia plus  
æquo religiosa , vel ex crassa superstitione suum*

*or-*



ortum habere solent, ideo brevi excutientur, si  
res accuratius expendatur,

§. X.

ADVERTENDUM deinceps est *Conscientiam* deliberatam prout vere vel falso judi-  
cat, VERAM sive rectam, aut FALSAM si-  
ve errantem esse. Consci-  
entia ve-  
ra vel  
falsa.

Eorum, verbi causa, recta conscientia  
est, qui, licet Naturali Lege sui ipsius ju-  
sta defensio permittatur, nihilominus a vin-  
dicta proprie dicta abstinendum esse judi-  
cant. Contra qui se putant, ubi de hære-  
ticis agitur, jure solutos ea Lege qua ju-  
bemur illa præstare quæ pacta sunt, eorum  
profecto errans conscientia est.

Sed errans conscientia quo se debet ver-  
tere?

IX. REGULA. Respondeo: *Conscientia*  
*semper obsequendum esse, vel etiam erranti,* IX. Re-  
*atque sive superabilis error, sive sit inexsu-* gula.  
*perabilis.*

Cui Regulæ forsan prima fronte inesse  
paradoxon censebitur, siquidem per illam  
ea præcipi videantur quæ mala sunt: cer-  
tissimum enim est, qui erranti conscientiæ  
obsequitur, eum in malas partes se con-  
vertere. Quæ tamen partes non æque præ-  
væ sunt, ac si rem aggrediatur quam omni-  
no credit Legibus adversari. Qui enim il-  
lud facit quod contra Legem fieri judicat,  
& Legem & Legislatorem manifesto conte-  
mnit. Sed qui malas partes ideo suscipit,  
quia

quia putat bonas esse, in eo laudandus est quod ita se affectum exhibet, ut Legislatoris mandata velit exequi.

Ex quo tamen non sequitur cum semper excusandum esse, qui juxta errantem conscientiam se gerit, quia non aliter excusationi locus est, quam si sit *inexsuperabilis error*. Ubi contra *superabilis error* est, atque in iis peccatur, quæ vel *prescripta*, vel *prohibita* sunt, pariter peccatur, siue conscientia pareatur, siue ejus judicium impugnetur. Unde liquet, ut & hoc rursus advertatur, quanti cuiusque intersit suam conscientiam erudire; siquidem quoties potuit error discuti, nec discussus est, qui conscientiam errantem sequitur misere cogitur peccare, quascunque partes amplectatur. At vero qui in re *indifferenti* fallitur, quam falso persuasum habebat *prescriptam* vel *prohibitam* esse, is non aliter peccat, quam si quid admiserit adversus conscientia dictata.

## §. XI.

Conscientia demonstrativa & probabilis. DENIQUE conscientia recta rursus duplex est. Vel enim est apprime *illustrata*, seu *demonstrativa*; vel simpliciter *probabilis*.

CONSCIENTIA APPRIME ILLUSTRATA ea est, quæ principiis certis argumentisque demonstrativis nititur, quantum saltem fas est per moralium rerum naturam; ita ut clare & distincte probari possit rectum judicium esse quod de hac vel illa actione in-

instituitur. Sin contra ita se iudicium habet quod ferimus, ut nobis quidem de ejus veritate constet, sed ea iudicii nostri veritas per evidentem methodum & inconcussa principia nequeat demonstrari, tunc dicitur  
CONSCIENTIA PROBABILIS.

Conscientia probabilis suum habet fundamentum in *exemplo* atque *auctoritate*, quibus subobscurus quidam *naturalis convenientie* sensus, & interdum *cause vulgares* adjunguntur, quæ ex ipsa rerum natura deductæ videntur. Cujusmodi probabili conscientia plerique homines impelluntur. Quotus enim quisque est qui per veram nitidamque consequentiarum seriem ex genuinis fontibus ineluctabilem necessitatem hauriat exequendorum officiorum? Quod etiam difficilius evadit, si moralis disciplinæ præcepta illa disputentur, quæ cum a primis principiis paulo remotiora sint, longam ratiocinationem desiderant. Nec contra Rationem faciunt, qui probabilem conscientiam ducem sequuntur. Quorum enim sic informata mens est, ut rerum naturam non bene dignoscant, iis opus est pro iudicio peritorum hominum se gerere; nec aliam habent viam cui tuto possint insistere. Minus autem perspicaces homines adolescentibus possunt assimilari quorum non adhuc adultum ingenium est, unde tenentur suorum moderatorum auscultare monita præceptisque obsequi. Itaque quibusdam in rebus, proprio iudicio nostro deficiente, ex hominum sapientum & peritorum exemplo atque

que auctoritate recte possumus ad agendum impelli.

Sed quoniam denique non ita firma sunt conscientiae probabilis fundamenta, ut iis omnino inhærendum sit, hæc statuenda est X. Regula:

X. Regula.

X. REGULA. Omnino enitendum est ita verisimillimas fieri nostras opiniones, ut, quantum fas est, ad conscientiam accedant bene illustratae & demonstrativae, nec probabilibus immorandum, nisi quando non datur ulterius progredi.

## CAPUT X.

Quomodo actiones humanae cum Naturalibus Legibus comparatae VITUPERIO aut LAUDE, PÆNA vel PROEMIO dignae sit. Quid sit actionum IMPUTATIO. (a)

### §. I.

*Imputabilitas & Imputatio distinguitur. Quid per Causam Moralem intelligatur.*

**H**UMANARUM actionum naturam, earumque cum Jure consensum dissensumve superius exponentes, (b) hanc advertimus actionibus illis præcipuam dotem ineffe, ut *imputationem* admittant. Scilicet qui actiones illas edit, merito potest illarum auctor haberi, sive possunt ei actiones illae merito imputari, quarum rationem reddere jure

(a) Vid. in hoc Caput & sequens, Puffend. Jus Nat. & Gent. Lib. I. Cap. V. & IX.

(b) Part. I. Cap. III.

jure potest compelli. Igitur quicumque exitus ex aliqua actione consequentur, actionem facienti juste tribuentur, & in eum, tanquam in causam recident. De quo Regulam hanc statuimus: *Voluntaria quævis actio suapte natura potest imputari.*

Is in universum cujusdam actionis CAUSA MORALIS dicitur, qui actionem illam vel omnino vel partim edidit, propria voluntate impulsus; sive ipse actionem hanc tum physice, tum proxime perficiat, atque ita sit illius auctor; sive illam alieno auxilio exequatur, atque ita sit illius causa. Igitur qui alium sive propria manu, sive sicariorum ope vulnerat, pariter causa moralis est inde subsequens mali.

Advertebamus quoque non confundendam esse humanarum actionum imputabilitatem cum presenti earundem imputatione. Imputabilitas enim, ut modo dicebatur, actionis qualitas est: imputatio autem fit vel a Legislatore vel a Judice, vel a quolibet alio, qui jam nunc alicui actionem eam imputat, cujus ea natura est ut possit imputari.

## §. II.

IMPUTATIO itaque proprie *judicium est* Quid sit quo cujusdam actionis Legibus præscriptæ vel *imputatio*, prohibita boni malive exitus ei tribuuntur, qui quæ lo- cum non habet, nisi *tus est*, unde sequitur ut ejus debeat rationem & Lex reddere, & propter illam laude aut vituperio, & actio præmiis vel pœnis affici. notæ sūt.

Impu-

Imputationis non secus ac conscientiae judicium fit propositae actioni Legem applicando, alteramque cum altera conferendo, ut deinde feratur sententia de actionis merito. Atque sic actionis auctori bonum vel malum, poena vel merces irrogatur per Legem constituta. Quae imputatio ut recte fiat, & legitimum actionis judicium ineatur, omnino necesse est non modo Legem & genuinum illius sensum tenere, sed praeterea opus est dignovisse propositam actionem, omniaque actioni adjuncta, quae qualicumque ratione ad Legem referuntur. His enim deficientibus Lex perperam applicaretur, unde imputatio judiciumque falsa forent & vitiosa.

## §. III.

**Exempla.** SED res aliquot exemplis illustranda est. De Principatu alterutrius urbis Romae vel Albae certamen initum est. A partibus Romanorum stabant tres fratres HORATII, pro Albanis vero pugnant tres quoque fratres CURIATII. Horationum unus tribus Albanis fratribus interfectis sororem quoque suam ira percitus interemit, quoniam haec illius Curiatii cui desponsata erat, & mortem deflebat, & interfectorem fratrem graviter objurgabat. Horatius ergo coram Duumviris accusatus est. Definiendum autem erat an Lex de homicidio ad Horatii facinus spectaret, deberetque Horatius homicidii poenas luere. Judices quidem violatae Legis reum

reum Horatium censuerunt damnaruntque .  
Sed longe alia fuit Populi sententia ad quem  
Horatius de Duumvirorum iudicio provoca-  
vit . Judicavit enim Populus puellam Ro-  
manam, quæ suis privatis commodis potius  
quam publicis studeret, per duellum nu-  
mero quodammodo adscribendum esse, at-  
que in eam non secus ac in hostem sævien-  
dum . Igitur Iudice Populo Horatius abso-  
lutus est . Alterum adhuc addamus exem-  
plum imputationis utilis, seu Iudicii præ-  
mium addicentis . Tullius Cicero ineunte  
Consulatu suo Catilinæ conjurationem com-  
perit, unde sua Reipublicæ perniciēs impen-  
debat . Qua in re tam difficili ita se pru-  
denter, ita solerter gessit Cicero, ut pau-  
corum scelestorum interitū penitus evanue-  
rit ea conjuratio, nullo tumultu, nulla sub-  
orta seditione . Attamen Julius Cæsar alii-  
que nonnulli a Cicerone alieni eum coram  
Populo accusavere, utpote qui prohibenti-  
bus Legibus eos cives mori iussisset contra  
quos nullum intervenerat Senatus Populive  
iudicium . Populus vero Catilinæ facinus &  
periculum expendens in quo versata Respu-  
blica fuerat, tum etiam maximum in tam  
gravi casu Consul in Rempublicam studium  
reputans, non modo Ciceroni Leges condo-  
navit, quæ ab accusatoribus violatæ jacta-  
bantur, sed eum quoque decrevit glorioso  
PATRIS PATRIÆ titulo insigniri .

## §. IV.

**Principia.** SED quo nostræ disputationis principia &

1. Non fundamenta recte constituentur, advertendum est, *Actionem non ob id unam imputandam esse, quia imputabilis est.* Namque actio ut possit revera imputari, necesse est simul adsint hæc duo: primum ut actio suapte natura sit imputabilis; deinde ut actionis auctor aliqua de causa teneatur actionem illam vel facere vel omittere. Quæ definitio clarior evadet exemplo. Fingantur igitur duo juvenes ingenii doribus fortunisque pares, quorum neuter Algebram teneatur callere, alter tamen huic scientiæ studeat, quam alter omittit. Equidem ea est alterius actio, & omissio alterius, ut utraque sit imputabilis: neutra tamen in nostra Hypothesi nec in bonam nec in malam partem imputabitur. Sed si fingatur duos illos juvenes pro sui Principis voluntate, alterum quidem Regi a Consiliis futurum esse, alterum vero rei bellicæ demandatum, tunc certe in bonam vel in malam partem merito utrique imputabitur sua vel diligentia vel negligentia in addiscenda, verbi gratia, Jurisprudentia vel mathematica. Etenim uterque omnino tenetur eas cognitiones adipisci quibus opus habet ut commissæ sibi munera convenienter exequatur. Hinc manifesto liquet imputabilitati non esse locum, nisi ubi facultas adest agendi vel non agendi, quæ præterea imputabilitas non aliter



ter in *præsentem imputationem* vertitur, nisi quis teneatur actionem præstare vel omittere.

## §. V.

Si quando alicui actio imputatur, ei etiam, ut jam dictum est, boni malive actionis exitus imputantur. Hinc sequitur tunc justam imputationem esse, cum aliqua interest necessaria vel accidentalis cohesio inter actionem factam omissamve, hujusque factæ vel omissæ actionis bonos malosve exitus. Præterea requiritur ut hæc inter actionem actionisque exitum cohesio actionis auctori nota sit, aut saltem possit actionis exitus verisimiliter prævideri. Alioquin non potest imputationi locus esse, quod melius exemplis aliquot innotescet. Ponatur itaque armorum fabricator, qui quidem arma vendit maturæ ætatis homini, in quo sana mens sedatusque animus appareat, & cui nihil mali propositum esse videatur. Interim homo ille confestim arreptis armis alium impetit occiditque. Equidem armorum fabricatori nihil est quod imputetur, quippe qui arma vendendo jure suo usus est, nec id quod contigit vel poterat vel tenebatur prævidere. At si quis ex neglectu in loco cuius pervio sclopetos pulvere pyrio plumbeisque glandibus instructos super mensa derelinquat, iisque aut se vulneret aut interficiat quidam puer periculi nescius, certe in culpa est sclopetorum dominus, & casum tene-

2. Non fit imputatio, nisi sit aliqua cohesio inter actionem.

tur præstare: quoniam ex illius actione manifesto & proxime consequebatur quod contigit, atque illud prævidere poterat debebatque.

Similis habenda ratio est hujus actionis ex qua consecuta est quædam utilitas, quæ profecto utilitas ei nequit imputari, quo nesciente & incogitante actio contigit. Sed quo nobis habeatur aliqua saltem gratia, necesse non est ut de felici actionis exitu plane constiterit, satis enim est felicem illum exitum expectari merito potuisse, qui si deficiat, nihilominus agentis laudabile propositum est.

## §. VI.

3. Quas  
ob causa  
dicatur  
quis præ-  
mio vel  
pœna di-  
gnus.

VERUM ut nostræ disputationis a prima origine principia repetantur, advertendum est, non posse hominem intelligi natura statuque suo quibusdam in agendo Legibus obnoxium, nisi simul intelligatur humanæ naturæ perfectionem in servandis iis Legibus positam esse, in negligendis vero abiectionem & detrimentum. Sic autem comparati sumus, ut quidquid perfectum & ordinatum est, id natura nobis arrideat, & contra displiceat illud quidquid imperfectum & inordinatum est. Quapropter qui officia sua exequuntur, ut destinatum sibi finem assequantur, atque sic humanæ naturæ prosunt eamque perficiunt, iis quidem suffragamur, illosque nostra tum benevolentia, tum existimatione ita dignos censemus, ut  
non

non solum eam benevolentiam existimationemque nostram, sed quidquid utilitatis ex utraque consequitur merito sibi vindicent. Eos contra, qui pravo inditarum sibi facultatum usu naturam suam conditionemque deprimunt & adulterant vel inviti damnamus, fatemurque merito illos vituperari, merito illis succenseri, rationique consentaneum esse ut meritis pœnas luant suæ improbitatis. Ea vera sunt *meriti* seu virtutis & nequitiae fundamenta.

## §. VII.

MERITUM igitur seu probitas aut virtus, *ea dos est ob quam eorum, qui nobis vel superiores vel æquales, aut etiam inferiores sunt, comprobationem, existimationem atque benevolentiam, & quidquid utilitatis ex eis aliorum affectibus consequitur, jure nobis vindicamus.* Contra MERITI DEFECTUS sive nequitia est *ea Merito seu virtuti adversata dos ob quam in aliorum contemptum & vituperium incurrimus, cogimurque confiteri dignos nos esse, qui contemptum vituperiumque illud, & molestos inde consequentes exitus patiamur.*

Quæ probitatis & nequitiae definitiones suum in ipsa rerum natura manifesto fundamentum habent, atque cum sensu communi vulgoque receptis opinionibus apprimè consentiunt. Actiones enim, prout sunt moraliter bonæ vel malæ, auctore Ratione vel laudantur vel vituperantur. Neque res

aliter se habere potest, si ad Legislatorem spectetur. Legislator enim ipse sibi turpiter contradiceret, nisi rebus iis suffragaretur quæ cum illius Legibus consentiunt, ea vero damneret, quæ eisdem Legibus adversantur. Qui vero Legislatoris subditi sunt, ad ejus mentem judicia sua tenetur accommodare.

## §. VIII.

4. Sui *JAM* superius adnotatum est alias actiones aliis meliores esse, alias vero peiores aliis, quod ita evenit, vel propter agentis animum, vel propter actionum adjuncta. (a) Igitur meriti seu virtutis, & nequitiae, sui sunt gradus, possuntque gradus illi vel elatiores vel demissiores esse. Quapropter quoties id agitur ut definito modo alicui actio imputetur, attendenda sunt actionis adjuncta, agentisque animus; laudis enim aut vituperii, mercedis aut poenæ sui quoque sunt gradus pro ipso virtutis aut nequitiae gradu. Nam partum ex actione bonum malumve, prout majus vel minus est; prout erat plus minusve difficile actionem facere vel omittere; prout majori vel minori libertate atque judicio edita actio est; prout validiores vel imbecilliores causæ fuerunt quibus ad agendum impulsus sumus, agentisque mens & consilium majorem minoremve præstantiam & magnanimitatem habuerunt, sic etiam actionis imputatio majorem habet minoremve efficaciam, hujusque imputationis exitus vel utiliores sunt vel exitialiores.

## §. IX.

## §. IX.

POTEST a pluribus imputatio fieri, ut jam indigitatum est: pulchre autem intelligimus pro actionum varietate varios etiam imputationis effectus esse, quorum effectuum majus minusve momentum est pro imputantium qualitate, & imputationis jure quod eis competit. Imputatio nonnunquam vel sola laude vel solo vituperio circumscribitur, sed longius nonnunquam progreditur. Hinc duplex distinguitur imputationis genus: alia est SIMPLEX, alia EFFICAX. Simplex imputatio ea est per quam actio unice probatur vel improbatur, nec actionis auctor aliud quidquam consequitur præter laudem aut vituperium. Efficax imputatio ea est, quæ non in sola laude, vel in solo vituperio consistit, sed aliquem præterea gignit bonum malumve exitum, seu verum præsensque aliquod commodum vel incommodum, quod in actionis auctorem recidit.

5. Imp. a  
tatio vel  
est *simplex*, vel  
*efficax*.

## §. X.

IMPUTATIO simplex potest a quolibet indiscriminatim fieri, siue ejus peculiariter intersit actionem factam vel omissam esse, siue ejus non aliter actio intersit quam ob aliquam causam generalem remotamque. Quoniam enim omnium hominum in humana societate refert Naturales Leges diligenter

6. Simpli-  
cis & ef-  
ficacis  
imputa-  
tionis ef-  
fectus.

genter servari, hinc unicuique partum est jus alienas actiones laudandi aut vituperandi, prout hæ actiones cum Naturalibus Legibus consentiunt, vel eisdem adversantur. Quinetiam ad hujusmodi laudem aut vituperium quodam obligationis genere quisvis adstringitur, ita postulante Legislatoris Legumque reverentia; ac is certe in universa & singula societatis membra peccaret, qui suo saltem assensu dissensu non testaretur quanti probitatem virtutemque faciat, & quantum a nequitia & scelere sit averfus.

Sed quod ad efficacem imputationem attinet, necesse omnino est, ut jure fiat, alijus peculiariter & proxime interesse actionem fieri vel omitti. Eorum autem peculiariter & proxime actio interest, 1. ad quos pertinet actionem *ordinare*: 2. Eorum quoque actio interest propter quos fit, & in quorum potest utilitatem vel detrimentum converti. Itaque Princeps res quasdam constitutis Legibus præcipiens aut vetans, mercedem pollicitus aut pœnam minitatus. Legum suarum cultui proculdubio debet invigilare, atque illi jus competit suis subditis quas faciunt actiones imputandi, sive eos remunerandi aut puniendi. Idem de eo dixeris cui alieno facto injuria vel damnum illatum est; injuriam enim vel damnum passus alterutrum vel utrumque actionis auctori merito imputabit, & jure poscet damnum sarciri, & de injuria sibi pro æquitate satisfieri.

§. XI.

POTEST ergo contingere ut actionis auctori sua actio per plures merito imputetur, eam enim unusquisque pro sua parte imputat, quia singulorum quoad diversa interest. Sin eorum aliquis cujus interest, pro qua parte sua interest, jus suum dimittat, nec actionem imputet agenti, nihilominus ceteris salvum manet suum jus, quod positum non erat in alterius potestate peculiare suum jus dimittentis. Injuriam mihi quis intulit: possum quidem ego, quod ad me attinet, injuriam condonare facienti; sed per meam veniam neutiquam minuitur jus Principi competens injuriam illatam dijudicandi, ejusque auctorem plectendi, utpote qui violaverit Leges, civilemque ordinem & disciplinam inturbavit. At si actionem imputare nolint ii omnes quorum interest, & injuriam scelusque singuli simul condonent, tunc actio habetur moraliter infecta, quia nullum habuit moralem effectum.

7. Si ii omnes quorum interest actionem non imputent, actio censetur infecta.

§. XII.

ADVERTENDUM tamen est bonarum malarumque actionum cum aliquo discrimine imputationem fieri. Legislator enim si quamdam bonæ alicujus actionis mercedem constituerit, hoc ipso ad dandam mercedem tenetur; hanc enim exigendi jus eis concessit qui illam obsequio suo promeriti sunt. Sed quod

8. Quod sit discrimen inter bonarum malarumque actionum imputationem?

quod ad pœnas spectat quæ in facinorosos homines constitutæ sunt, eas revera potest Legislator, si velit, & citra ullam controversiam infligere, nec merito potest reus de pœnis inflictis conqueri, in quas ob imperii detractionem incurrit. Inde tamen non sequitur Legislatorem omnino teneri absque ulla venia fontes plectere, sed in ejus potestate positum semper est scelus ulcisci vel condonare, scelerisque pœnam in integrum remittere, vel pro parte imminuere, cujus adhibendæ coercitionis, aut veniæ in integrum vel partim concessæ subesse possunt legitimæ causæ.

## CAPUT XI.

*Cum variis actionum generibus principia nostra conferuntur, ut dignoscatur ratio actionum illarum imputandarum.*

## §. I.

Quænam  
actiones  
jam nunc  
imputen-  
tur?

**Q**UÆ modo principia statuimus, possent illa quidem sufficere: sed operæ pretium est humanas actiones cum principiis illis conferre, & accuratius casus illos dignoscere, actionesque illas perspectas habere, quæ nobis possunt imputari.

1. Ac primo quidem ex illis quæ dicta sunt consequens est alicui jure imputari quamvis actionem factam omissamve, cujus auctor & causa fuit; quamque tenebatur facere vel omittere.

2. Eo.



2. Eorum actiones qui Rationis expertes sunt, quales dixeris infantes, amentes, furiosos, imputationem non admittunt; nec enim ibi locum habet imputatio, ubi deficit intellectus. Etenim qui quid faciant nesciunt, nec illud valent cum Legibus conferre, horum actiones proprie humane non sunt, & nullam includunt moralitatem. Objurgat quis puerum, v. g. aut illum verberat: ea non est pœna, sed simplex animadversio, cujus hic præcipuus finis est, ne puer ille pravos mores contrahat.

Eorum actiones qui Rationis expertes sunt.

3. Quod ad ebrietatem attinet, quævis ebrietas in quam quis data opera sese demersit, in causa non est, cur admissum ab ebrio flagitium ei non imputetur.

De illis quæ fiunt ex ebrietate.

## §. II.

4. Quæ quis revera non valet præstare, illi non imputantur; nec si jussam rem ideomiserit, quoniam hujus faciendæ defuit occasio. Quo enim omisse actionis fiat imputatio, prorsus necesse est, ut simul adsint hæc duo: 1. ut fuerint ad agendum necessariae vires rationesque; tum 2. ut quæ suppetebant ad agendum rationes ita potuerint adhiberi, ut alii potiori officio exequendo non officerent, nec ex illis grave malum aliquod sequeretur, quod is non tenebatur perpeti, qui actionem omisit. Sed alia causa illorum est qui propria sua culpa præscriptam actionem sibi reddiderunt impossibilem: Legislator enim omissam actionem

De rebus impossibilibus, & occasionis defectu.

nem illis non minori jure imputabit, quam si actionem possent facere, nec vellent: Ea Romæ fuit quondam illorum causa, qui ne possent arma tractare, & quo militiæ immunes essent, pollicem sibi præscindebant. Similiter nulla est debitoris excusatio, qui rei familiaris mala administratione eo egestatis prolapsus est, ut æri alieno impar sit. Quinetiam si quis eam rem aggressus est quam noverat, vel facile novisse poterat, supra suas vires positam esse, si actio hæc merito imputabitur, si tamen inde aliquis alius quoddam detrimentum passus sit.

## §. III.

De dotibus naturalibus.

5. MENTI vel corpori natura dotes insitæ nequeunt ex se ipsis in bonam nec in malam partem imputari. At vero iis impendenda laus est qui sua cura suoque studio aut innatas virtutes excolunt, aut vitia emendant, si quæ natura insedit. Quibus contra ob nequitiam vel inertiam inquinata mens vel debilitatum corpus est, iis merito imputantur animi sordes, aut corporis imbecillitas.

De iis quæ per exteriores causas gignuntur.

6. Exteriorum causarum effectus, & eventus quicumque sint, nemini possunt in bonam malamve partem imputari, nisi quis forte potuerit & debuerit effectus & eventus illos excitare, vel impedire, aut temperare, seque in illis excitandis, vel impediendis, aut temperandis diligentem aut se-gnem

gnem exhibuerit. Itaque aratori bona vel mala seges imputatur, prout segnius vel accuratius agros excoluit sibi demandatos.

§. IV.

7. QUOD ad res attinet ex errore vel per ignorantiam factas, in universum statui potest, illud imputandum non esse, quod per inexsuperabilem ignorantiam contigit, cujus ignorantiae tum origo, tum causa minime fuit voluntaria. Quapropter si Princeps mutatis vestibus Regnum suum ignotus peragretur, suis subditis non potest merito succensere, si suum Principem debitis honoribus prosequuti non sunt. Sed iniqua sententia merito Judici imputaretur, qui *facti* vel *juris* accuratam disquisitionem omittens, ea nescivit quae tenebatur scire, quo legitimam sententiam pronuntiaret. Ceterum in usu vitae solito comparandae rerum cognitionis possibilitas studiumque non stricto jure censentur, sed id spectatur quod fieri moraliter potest nequitve, & æqua venia indulgetur praesenti hominum conditioni.

De iis quae ex errore vel per ignorantia fiunt.

Ubi de Legibus & officiis agitur, ignorantia vel error habentur *voluntaria*, nec impediunt quominus imputentur actiones per ignorantiam vel errorem factae vel omissae, atque id ex principiis superius positis consequitur (a). Sed ea rei quandoque natura est, ut in se sit intricatissima; tum ejus, qui rem fecit omisitve, ita circumscriptum, &

(a) Vid. *sup. Part. I. Cap. 1. §. 12.*

incul.

incultum ingenium est, institutionis nimirum copia deficiente, ut quoniam fuit error insuperabilis, ideo venia dignus sit. Igitur in Legislatoris prudentia positum est, ut expensis quibuscumque adjunctis, imputationem pro æquitate temperet.

## §. V.

De iis quæ ex indole, moribus & cupiditatibus proveniunt.

8. SUA cujusque natura, inveterati mores, affectusque magna profecto vi homines concutiunt impelluntque, sed neque tamen ea vis est, quæ homini Rationis usum libertatemque auferat, vel saltem non potest quis invitus cogi ad prava consilia exequenda ex pravis affectibus orta. Homini sua semper Ratio & libertas salvæ sunt, atque de hoc inter omnes Jureconsultos merito convenit (a). Ingeniti affectus, innati mores, acrisque cupiditates ineluctabili vi non impellunt ad Naturales Leges violandas, nec insanabiles sunt hi animi morbi, sed adhibita opera & diligentia sanantur, ut de SOCRATE testatur CICERO. (b)

Nec venia digni sunt qui pravos affectus potius quam emendarent diuturna consuetudine corroborarunt. Maxima quidem vis est consuetudinis quæ nos ad quasdam res faciendas quadam necessitate videtur impellere. Sed ipsa teste experientia, ubi voluntas adest, possunt exui pravi mores. Ac etiam si concedamus plus valere consuetudinis

(a) Vid. *Sup. Part. I. Cap. II. §. 16.*

(b) *Tuscul. Quæst. Lib. IV. Cap. 37.*

nis quam Rationis imperium, nulla tamen ex parte pravarum actionum minuitur sceleritas, sed earum legitima est imputatio, quia semper in cujusvis potestate fuit, ne pravis moribus assuesceret. Igitur quanto quis laudabilior est, quia se constantem præbet in bonis actionibus usurpandis, tanto majori odio contemptuque digna est malarum artium consuetudo. Uno verbo, si foret illa propensionum, cupiditatum & iniquorum morum potestas, ut per eo Legum effectus impediretur, jam nulla daretur humanarum actionum regula. Leges enim ideo in universum constitutæ sunt ut emendantur pravi affectus & mali mores, eorumque arceantur exitiosi effectus, & ut vel radicitus evellantur cupiditates, vel saltem intra innocuos limites contineantur.

## §. VI.

9. QUAS huc usque diversas quæstiones agitavimus nihil præferunt solutu difficile. Sed aliquot aliæ supersunt paulo intricatiores quas apertius decet enucleare.

De actionibus ad quas vi compellimur.

Ac primo quæritur quales habendæ sint actiones illæ ad quas vi compellimur; harumne actionum ea natura est, ut imputari queant, & revera imputandæ sint?

Respondeo I. Ex physica vi, cui non possit obfisti, gigni actionem involuntariam, quæ tantum abest ut debeat jam nunc imputari, ut suapte natura imputationem non

(a) Vid. non accipiat (a). Etenim in nostra quaestione;  
*Sup. §. 1.* qui vim alteri adhibuit, actionis editæ sola & vera causa est, cui proinde soli est imputanda: qui enim actionem fecit, quoniam ratione mere passiva se habuit, ei non magis potest actio imputari quam vel gladio, vel fustis, vel alii cuivis instrumento, quo quis ad quemquam percutiendum uteretur.

2. At si quis actionem fecit ad illam ideo coactus, quia grave malum aliquod extimuit, quod ei præpotens quispiam minitabatur, malum hoc confestim irrogaturus, dicendum est ex metu editam actionem *voluntariam* quidem esse; unde si res in universum spectetur, potest hæc actio imputari. (b)

(b) Vid.

*Sup. Part.*

*I. Cap. 1.*

§. 12.

Verum quo dignoscatur an actio revera imputanda sit, expendendum est, utrum is, qui vi cogitur, stricta obligatione teneatur actionem facere vel omittere, ita ut imperium detrectans ei malo se objiciat quod minitatus est is a quo præscripta vel prohibita actio est. Quod si ita se habeat, & stricto jure aliquis obligatus contra officium suum peccet, is nequicquam adhibitam sibi vim prætenderet, ne sibi actio facta vel omissa imputaretur. Hoc enim in universum statui debet, legitimo Principi proculdubio partum jus esse, ut qui sibi subditi sunt, eos ad exequenda sua mandata ineluctabili necessitate cogere possit, etiamsi subditi ex obsequio suo in aliquod malum, atque in ipsum vitæ discrimen incurrant.

## §. VII.

QUIBUS imputandarum actionum ita positis principiis, distinguendæ sunt actiones *indifferentes* ab iis quæ sunt *moraliter necessariæ*. Actio suapte natura indifferens, ad quam quis per vim adactus est, coacto nequit imputari: coactus enim quoniam nulla *obligatione* tenebatur, ideo vim adhibenti nullum jus erat a coacto quidquam exigendi. Profecto quæ vim omnem Naturalis Lex prohibet, eandem vim non potest comprobare, hominem adigendo ad eam rem exequendam, cui non aliter assensus est quam invitatus coactusque. Unde coactum quodvis promissum, vel coacta quævis conventio nec *promissi* nec *conventionis* jure obligationem ullam inducit, sed potest utrumque ei tanquam scelus imputari a quo illata vis est. Verum, si qui vim adhibet, jure suo utatur, postuletque justæ suæ petitioni satisfieri, tunc valet actio quantumvis coacta, debetque suos omnes *morales effectus* sortiri. Itaque fugitivus debitor vel malæ fidei, suo creditori satisfaciens ob proximum incarcerationis metum, vel ne sua bona apprehendantur, factam solutionem non ideo potest repetere, quia coactus solvit. Nam siquidem dissolvendorum nominum obligatione constringebatur, ultro volensque, non autem coactus, debebat satisfacere.

Actiones per vim extoræ se ipsis vel bonæ sunt, vel malæ, vel indifferentes.

Quantum ad *bonas* actiones attinet, ad J. J. Burlamaqui. T. quas

quas quis per vim, ac ut ita dicam, poenarum verberumque metu adactus est, earum nulla fit imputatio, quoniam nec laude nec mercede dignæ sunt, cujus in promptu ratio est: Legibus nempe animo volente sinceroque tenemur obsequi, nostraque nobis officia ideo servanda, quia ipsi nobis quam justa sint conscii sumus.

Quod ad actiones spectat manifesto *malas scelestasque* ad quas quis cogitur gravissimi cujusdam mali, & mortis præsertim timore, ea statuenda generalis Regula est; Metus causas tam graves quandoque esse, ut aliquatenus ejus scelus minuatur, qui quamquam invitus & renuente conscientia prævum tamen facinus admisit: sed nihilominus actio semper remanet in se vitiosa, & vituperio digna, ita ut possit imputari & revera imputetur, nisi qui illam fecit necessitatis exceptionem prætendat.

### §. VIII.

Cur actio  
possit im-  
putari  
quamvis  
coacta.

QUÆ ultima Regula ex principiis deducitur quæ statuimus. Nam qui metu quidem gravissimi cujusdam mali, nulla tamen physica vi compellus, actionem exequitur manifesto malam, ejus actionis pro sua parte conscius est quam volens aggreditur, licet animo reluctante. Neque vero supra vires humanas positum hoc est, ut quis consilium ineat dolorem, imo mortem ipsam oppetendi, potius quam officium violat. Namque homines non ita pauci videntur,



tur, qui ob leves etiam causas, sed quibus acriter percelluntur, dolori se ipsique morti obijciunt, quod quamvis in se difficile, impossibile tamen non est. Legislatorem igitur penes est ob legitimas causas omnimodam obsequendi obligationem imponere, & societatis sæpissime refert ut invictæ constantiæ tradantur exempla. Apud moratas gentes in quibus nonnulla fuerunt probitatis semina, nunquam addubitatum est quin hoc gravissimum scelus esset, si quis, ne moreretur, patriam suam proderet: sed contra Patriæ saluti vitam impendendam esse Græcorum Romanorumque fuit semper stabile judicium. Atque inter Ethnicos moralis disciplinæ magistros extiterunt permulti, qui eam sententiam acriter propugnarent, non esse quidquam adversus religionem justitiamve doloris supplicii que metu faciendum,

*Ambiguae si quando citabere testis  
Incertaque rei: Phalaris licet imperet,  
ut sis*

*Falsus, & admoto dictet perjuria tauro,  
Summum crede nefas animam præferre  
pudori,*

*Et propter vitam vivendi perdere causas.* (1)

(1) *Inv.  
sat. VIII.  
vers. 80.*

Sic se habet Regula. Contingere tamen potest, ut jam indigitavimus, legitimam ex necessitate exceptionem gigni, ita ut actio non imputetur. Quod ut bene intelligatur, ineunda esset fusior disputatio, sed de hoc alias; impræsentiarum satis esto hîc

adnotasse, ea rerum quandoque adjuncta esse, ut merito conjiciatur hanc fuisse Legislatoris voluntatem, ne malum imminens pateremur, cujus quoniam nos voluit immunes fieri, nos ideo quoque vult servandæ Legis necessitate solutos esse: atque id locum habet quoties quas partes amplectimur minus includunt malum quam quod aliunde imminebat.

## §. IX.

*Puffendorffii sententia.*

CÆTERUM quæ PUFFENDORFIUS de hoc argumento principia constituit, neque recta in se ipsis videntur, nec satis mutuo cohærentia. Ille Regulam hanc statuit, nullam in eum imputationem cadere, qui metu coactus sit, vel præsentis & physica vi compulsus, quoniam metu actio extorta auctori non magis potest imputari, quam gladio quo quis ad eandem utitur. Quam tamen suam Regulam ita PUFFENDORFIUS interpretatur, ut scelestissimis facinoribus patrocinari nolit, mortemque dicat potius obeundam, quam alium in atrocibus flagitiis adjuvare, atque ejusmodi causas excipi vult e Regula quam statuit (a). Sed merito adnotatum est iis quæ per metum aut vim facta sunt nimiam a Puffendorffio indulgentiam esse, nec quidquam argui per securis

(a) Vid. *Puffend. de Offic. Hom. & Civ. Lib. 1. Cap. 1. §. 24. Et de Jur. Nat. & Gent. Lib. 4. Cap. 5. §. 9. cum notis Barbeyrac.*

ris & ensis exempla , sunt enim hæc mere passiva instrumenta .

Præterea si verum sit imputandarum actionum generale principium , haud satis apparet cur excipi quædam causæ debeant ; aut saltem constituenda fuisset quædam Regula , cujus ope citra errorem secernerentur causæ illæ quæ dignæ sunt exceptione .

### §. X.

10. PLERUMQUE igitur ei actio imputatur qui præ metu illam admisit, sed & illi a quo metus injectus est etiam merito imputatur, & quidem pro ea parte juxta quam fuit actionis particeps.

De actionibus  
quarum  
sunt plures  
correi.

Itaque nonnullas hoc loco quæstiones evolvemus de iis actionibus quarum sunt plures correi , & ea quoque principia statuemus quorum ope dijudicetur ratio qua alteri potest alterius actio imputari . Quod argumentum cum sit gravissimum , ejusque late pateat usus , non obiter expendendum est .

1. Atque ut id dicatur quod verum est, nemini possunt imputari nisi quæ ipse vel fecit vel omisit : namque alienæ actiones nobis imputari nequeunt , nisi quatenus illarum fuimus participes , easque tenebamur vel promovere , vel arcere , vel certa ratione dirigere ; ac sane id per se liquet . Qui enim alienam actionem alteri imputat, is asserit actionis *causam efficientem* illum

esse cui imputatur, quamvis non sit *causa unica*; unde consequens est ut actio qualicumque modo, vel in sua causa, vel in exequendo, ab illius voluntate penderet, in quem cadit imputatio.

2. Quibus ita positis, dicendum est incumbere singulis hominibus universalem obligationem pro viribus entendi, ut ceteri omnes officia sua exequantur, & nefariis actionibus abstineant, ac proinde nemini licere quacumque de causa vel proxima vel remota alienorum peccatorum consortem esse.

3. Sed multo potiori jure actiones nobis imputantur eorum quos singulari cura regendos suscepimus. Qui enim tuæ curæ commissus est non solum sibi, sed & tibi peccat; nam ejus facta vel bona vel mala tibi imputabuntur, inquireturque an pro mandato imperioque tibi credito omnes rationes adhibueris moraliter necessarias. Quapropter Patrifamilias v. g. liberorum suorum imputantur boni vel pravi mores.

4. Adnotandum deinceps est alienæ actionis merito consortem haberi non solum illum, qui ipse rebus quibusdam factis omis-  
sisve certo sciebat quod alienam actionem posset vel promovere vel impedire; sed satis est si quis probabiliter aut verosimiliter actionem alienam promovisse vel impedisse potuit. Quemadmodum igitur ejus negligentia non excusaretur, qui se diceret rem certo nescisse; ita etiam si illud præstiterit quidquid tenebatur præstare, sane non vi-  
tupe.

tuperabitur, quia res non bene cesserit, sed vituperium omne in proximum actionis auctorem recidet.

5. Denique abs re non erit illud quoque adnotare, nos in proposita quaestione non expendere quis in ipsa actione probitatis, & nequitiae gradus insit, unde actio melior vel peior est, ejusque augetur laus aut vituperium, merces aut poena: sed hoc proprie indagamus, quouique scilicet alienae actioni se quis immiscuerit; primum ut dignoscatur an qui alienae actionis particeps est habendus sit tanquam ejusdem actionis *causa moralis*, tum deinde ut ipsius moralis causae aestimetur major minorve efficacia. Quod operae pretium est attendisse.

## §. XI.

Quo igitur statuatur aliqua tanquam Triplex mensura juxta quam fiat imputatio, pro Mora- quo gradu alienarum actionum qui particeps lium Cau- fuerit, multa quidem attendenda, multa farum ge- distinguenda sunt: alioquin iniquissimum de nus; alia humanis actionibus judicium iniretur. In u- est causa niversum, exempli causa, certissimum est mi- praeipua nus efficaciter impelli nos ad agendum, si alia sub- quis nobis simpliciter suffragetur, quam si jecta alia validam suasionem acremque instigationem collate- adhibuerit. Nihilominus si quem summo- ralis. pere suspiciamus, cujus ideo magna sit in nos auctoritas, ejus simplici comprobatione

multo afficimur validius, quam alterius cujuslibet vehementissimo suasu, vel acerrima instigatione.

Ad triplex genus revocari possunt causæ morales quarum est aliquis in alienas actiones influxus. Aliquando enim moralis causa vel est *præcipua*; ita ut qui rem exequitur sit *causa subjecta*; vel contra proximus actionis auctor est *causa præcipua*, alter vero *causa subjecta*; vel alias denique in propositam actionem æqualiter influunt *causæ collaterales*.

## §. XII.

(a) Vid. DE eo censetur quod sit PRÆCIPUA CAUSA, qui, rebus quibusdam factis omissis, *ve, ita influit in alienam actionem, ut propter illum actio facta sit vel omissa, quamquam aliunde proximus actionis auctor faciendæ rei haud ignarus se immiscuerit*. Centurio, v. g. facinus evidenter scelestum exequitur, ita diserte jubentibus vel exercitus Duce vel ipso Rege: exercitus Dux vel Rex habendi sunt causa præcipua, Centurio autem causa subjecta. Interfecti URIÆ præcipua causa fuit David, quamquam hujus necis consors fuit etiam IOAB, cui apprime notum erat Regis consilium. Sic etiam enecati NABOTH causa præcipua fuit (a) JESABEL.

Necessarium esse dixi ut proximus actionis auctor ei se scienter immiscuisset. Qui enim actionem edidit, nec scivit an esset bona

bona vel mala, is habendus est ut simplex instrumentum, & ei soli imputanda est actio, qui illam præcepit, quoniam ejus est mera & unica causa. Quapropter ut mera instrumenta. plerumque habendi sunt subditi, qui ita Principe suo jubente bellum iniquum gerunt.

Cæterum eorum quæ a subditis fiunt ideo Princeps censetur esse præcipua causa, quia subditi nonnisi jubente Principe, actionem exequuti sunt. Atque idcirco quisquis ille sit, cujus ita prævalebit opinio, ut vel æquales sibi, vel etiam superiores ad agendum impellat, ei vel æqualium vel superiorum actiones imputabuntur. Cujusmodi imputatio in eos homines recte cadit, qui Principibus a Consiliis sunt, vel etiam in illos sacrarum rerum Ministros, quorum cum magna sit apud Principes gratia, id faciendum suadent Principibus, quod nunquam Principes ultro fuissent suscepturi. Quibus in causis in eum præcipue cadit laus aut vituperium, qui suggestus consilii auctor est. Atque hic juvat referre sanam profecto sani Scriptoris de hac re sententiam. „ Apud Anglos, inquit, satis receptum est, ut quidquid Principes peccant, „ id eorum Ministris imputetur, quos ego „ quidem non inficias ibo plerumque imputationi ansam præbere. Verumtamen errata Principum per Ministrorum scelera non excusantur: nam, quidquid illud sit, sua est Principibus Ratio, suum „ judicium, & penes ipsos summa est

„ au-

„ auctoritas. Multa sunt in quibus Princi-  
 „ pes oporteat suum judicium adhibere,  
 „ nec ex fide pendere introrlum turpis a-  
 „ varique aulici. Sin minus possunt pro-  
 „ pter obtusam mentis suæ aciem res ipsi  
 „ dijudicare, cæteris imperium tradant, cu-  
 „ jus nequeunt habenas temperare. Atque  
 „ haud scio an de Principibus Rempubli-  
 „ cam male gerentibus non idem dicendum  
 „ merito sit quod CAROLUS BORROMÆUS  
 „ solitus erat usurpare de Episcopis suas  
 „ oves male pascētibz: *Si demandata sibi*  
 „ *provincia impares sunt, undenam illis tam*  
 „ *elata ambitio? Si pares sunt, undenam tam*  
 „ *supina negligentia? (a)*

## §. XIII.

Is esse dicitur COLLATERALIS CAUSA,  
 qui, rebus quibusdam factis omissisve, suffi-  
 cienter & quantum in se est, alienam actionem  
 adjuvat, ita ut alienæ actionis consors esse cen-  
 seatur, quamvis non omnino constet omitten-  
 dam actionem fuisse, nisi adfuisset collateralis  
 causa. Igitur collateralibus causis annume-  
 rantur ii, qui qualicumque ratione prox-  
 mum actionis auctorem adjuvant, eumve sua  
 domo excipiunt suoque patrocínio foveant.  
 Sic, v. g. collateralis causa esse dicitur ille,  
 qui, quo furtum tutius fiat, aditus custodi-  
 dit, altero fores effringente &c. Eorum ple-  
 rumque culpa æqualis est, quibus eadem inita  
 con-

(a) Bernard. Nunt. Reip. List. Mense Aug:  
 1702. pag. 24.



consilia sunt, singulique habentur *æquales & collaterales* causæ, utpote qui de admittendo eodem facinore conspirarint, quibus eadem sit voluntas, & quorum idem interfit. Quamquam vero admissi facinoris quisque non sit æqualiter particeps, recte tamen aliorum actio potest aliis imputari.

## §. XIV.

DENIQUE causa subjecta est, quæ parum in alienam actionem influit, eive levissimam ansam præbet, actionemve reddit faciliorem, ita ut actionis auctor, cujus jam erat deliberata mens, & cui omnia suppetebant ad agendum necessaria, tantummodo ad exequendum suum consilium impellatur; ut si cui faciendæ actionis ratio tempusque, & post admissam actionem aufugiendi modus ostendatur, &c. vel si ejus laudetur propositum, & ad id perficiendum stimuletur.

In numero causarum subjectarum nonne etiam recensenda est Judicis actio, qui præ timore, vel propter obsequium, aliorum sententiam, quam putat iniquam esse, ideo non impugnat, quia cæteri sunt unanimes. Subjectis quoque causis annumeranda sunt prava exempla. Non enim solent prava exempla nisi illos afficere qui ad malum proclives sunt, ita ut improbos minus æmulentur quam propriæ suæ naturæ indulgeant. Quamquam exemplorum vis adeo interdum est efficax, tum ob peccantium dignitatem, tum ob indolem cæteros imi-

tan-

tantium, ut si alii abstinuissent malo, nunquam alii de illo admittendo cogitassent. Qualia sunt virorum principum exempla, atque illorum quibus ob suam animi perspicacitiam clarumque nomen multa est in cæteros auctoritas: iis enim singulariter imputandum est quidquid eorum exemplo peccatur. Plures aliæ causæ sunt de quibus statuendum est idem judicium. Sed prout rerum adjuncta variantur, eadem res plus minusve in alienas actiones influunt, unde qui rebus quibuldam factis omisissive alios ad agendum quid vel omittendum stimulant, habendi sunt, modo ut actionum factarum omisissarumve causæ præcipuæ, modo ut causæ subjectæ, modo ut causæ collaterales.

## §. XV.

Ufus harum distinctionum.

NOSTRARUM distinctionum sua sponte se prodit usus. Cætera si sint paria, *Collateralium Causarum* æqualis habenda ratio est. Sed *Præcipuis Causis* major sine dubio tribuenda laus est, aut majus vituperium impendendum quam *Causis subjectis*, majorque merces vel pœna irroganda. Dixi, *cætera si sint paria*: aliquando enim propter adjunctorum varietatem sic augetur minuiturve actionis laus vel improbitas, ut in causa subjecta multo major nequitia quam in præcipua causa deprehendatur, atque sic gravior fiat in causam subjectam imputatio. Fingantur, exempli gratia, duo homines, quorum alter ob illatam sibi ab inimico suo gra-

gra-

gravissimam quamdam injuriam, alterum in  
tui defensionem ultionemque instigat. Insti-  
gator quidem ira præfervidus est; instigatus  
autem, quamquam animo sedato sit, instiga-  
toris inimicum ex insidiis enecat. Instigator  
certe prima cædis causa est, cujus tamen ob  
primum iræ recentis impetum minus atrox  
facinus habebitur, quam illius, qui cum  
nullis iracundiæ stimulis incitaretur, alterius  
tamen sanguine se resperfit.

Ad calcem hujus capituli sequentes adno-  
tationes juvat adtexere. Ac primo quidem  
triplex moralium causarum ordo ex se ve-  
rus est, sed illa trium causarum distinctio  
non ita usurpatu facilis est. Deinde quoties  
de causa actionis ambigitur, is *præcipua*  
*causa* censeatur, qui proximus actionis au-  
ctor est: qui vero sunt actionis participes,  
vel tanquam *causæ subjectæ* habeantur, vel  
ad summum ut *Causæ collaterales*. Adver-  
tendum tandem est *Moralium Causarum* di-  
scrimen recte quidem a PUFFENDORFIO  
constitutum esse, cujus nos vestigiis inhæ-  
remus: sed ille harum causarum discrimina  
quoniam non satis accurate definivit, hinc  
est, ut si quando rerum exempla proferat,  
non semel in causarum distinctione halluci-  
netur, atque illud ad hanc causam referat,  
quod erat ad aliam referendum. Quæ PUF-  
FENDORFII hallucinatio BARBEYRACIUM  
non latuit naris emunctæ hominem, cujus  
nos adnotationes in nostram utilitatem con-  
vertimus. (a)

(a) Vid.  
*Notas*  
*Barbeyr.*  
*in Offic.*  
*Hom. &*  
*Civ. Lib.*  
*1. Cap. 1.*  
*§. 27.*

## CAPUT XII.

DE AUCTORITATE & SANCTIONE *Naturalium Legum* (a); ac primo de BONIS & MALIS quæ natura solent VIRTUTEM & VITIUM subsequi.

## §. I.

Quid sit  
Naturalium  
Legum au-  
ctoritas.

**H**OC loco per NATURALIUM LEGUM AUCTORITATEM intelligimus *eam illam Legibus inherentem, tum quia eis assentitur Ratio, tum potissimum quia scimus Deum illarum auctorem esse, unde strictissima obligatione tenemur Legibus illis nostram agendi rationem accommodare, ob summum in nos Dei Conditoris imperium.*

Huc usque Naturalium Legum originem, indolem, & earum certissimam veritatem exposuimus, id quod satis esse videtur ad earundem Legum constituendam auctoritatem. Nihilominus superest aliquid quod de Legum auctoritate ulterius disputetur. Legum proprie dictarum vis in earum *sanctione* imprimis posita est (b). *Sanctio* enim Legibus, ut ita dicam, auctoritatis sigillum imprimit. Itaque magni refert, imo & necesse est inquirere, an *revera existat Legum Naturalium sanctio*, id est,

(a) Vid. *Puffend. de Jur. Nat. & Gent. Lib. II. Cap. II. §. 21.*

(b) Vid. *Part. I. Cap. X. §. 21.*

est, ac Naturalibus Legibus adjunctæ sint  
 comminationes & promissa, pœnæ vel præ-  
 mia?

§. II.

IN qua disquisitione primum illud oc-  
 currit, eas nempe vivendi Regulas, quæ  
 Naturalium Legum nomine veniunt, ita es-  
 se hominum naturæ, indoli, & primigeniæ  
 conditioni accommodatas, necnon cum no-  
 stris necessitatibus, atque desideriis menti  
 nostræ ingentis, & cum illo statu juxta  
 quem in his terris vivitur ita consentien-  
 tes, ut illas prorsus liqueat propter homi-  
 nes hominumque utilitatem constituta fuis-  
 se. In universum enim, omnibusque accu-  
 rate perpensis, non alia ratio est publicam  
 privatamque felicitatem efficiendi certam  
 stabilemque, quam si Leges Naturales ser-  
 ventur, quas si violaverint homines, hinc  
 oritur rerum interturbatio singulis homini-  
 bus totique humanæ societati itidem damno-  
 sa. Atque hæc haberi potest Naturalium  
 Legum tanquam prima sanctio.

Ex Na-  
 turalium  
 Legum  
 cultu pu-  
 blica &  
 privata  
 felicitas  
 oritur.

§. III.

QUÆ nostra quæstio, ut qualis fit appa-  
 reat, ejusque veritas arguatur, adverte-  
 dum est 1. Ex solo quidem Naturalium Le-  
 gum cultu derivari posse publicam privatam-  
 que felicitatem, sed eam felicitatem non in-  
 telligimus quæ sit ex omni parte perfecta,  
 quam.

Elucida-  
 tur nostra  
 quæstio.

quamque nihil possit labefactare, qualis profecto hominibus speranda non est: ac vero si ex honestatis cultu gigni nequit integra felicitas, quanto minus ex vitii fecunditate parietur.

2. Quoniam autem Regula inquiritur quam homo sequatur, propositæ quæstionis cardo in hoc unice vertitur: An scilicet in universum, & omnibus expensis, Naturalium Legum cultus aptior tutiorque ratio sit, per quam homines ad destinatum sibi finem perveniant, atque felicitatem veram, integram & stabilem assequantur, quanta potest in his terris comparari: cujusmodi felicitas non ad aliquot tantum homines, sed ad universos spectet, nec in peculiariibus quibusdam causis locum habeat, sed in toto vitæ decursu.

Quæ nostra quæstio si sic intelligatur, nullo labore manifestum evadet, tum id e vincente Ratione, tum ipsa testante experientia, ex honestatis cultu gigni revera quam dicimus felicitatem; ex vitio autem & inordinatis cupiditatibus malorum illuviem procreari.

#### §. IV.

Propositæ  
superius  
quæstio:  
nis veri-  
tas ratio-  
cinatione  
arguitur.

NATURAM variosque status hominis superius expendentes ostendimus, qualicumque modo natura humana spectetur, non aliter posse homines destinata sibi sorte de-  
fungi, nec inditas sibi facultates excolere,  
nec

nec veram felicitatem comparare, quæ cum aliorum hominum felicitate non pugnet, nisi ducem sequantur Rationem. Informanda igitur, & illustranda primum est Ratio, ejusque petenda, & sequenda consilia sunt. Sic enim edocebuntur homines alias sibi res utiles esse, alias autem noxias; inter illas autem quæ utiles sunt, non æqualiter omnes, nec simili ratione expedire, unde a malis diligenter discernenda bona sunt, ut certo dijudicatis rebus, qualis decet agendi modus ineatur. Edocebuntur etiam homines non posse veram felicitatem consistere cum iis rebus quæ cum hominis natura statumque repugnant; ac tandem intelligent, quoniam opus est non solum præterita & præsentia attendere, sed & futura prospicere, haud satis hominibus esse, si malum bonumve unice spectent, quod in quavis præsentia actione inest, sed præterita & præsentia ita simul cum futuris considerata esse, ut illud dignoscatur quod ex his tribus conjunctis per totum vitæ nostræ decursum subsequi debet. Quæ hîc disputamus singula perspicue vera sunt. Porro Naturales Leges ex primigeniis veritatibus illis consequuntur, unde ex se ipsis in hominum felicitatem necessario influunt. Nec potest illud in dubium revocari, siquidem, ut continua hujus libri serie fuit demonstratum, non alia superest ratio Naturalium Legum principia comperiendi, quam si primum hominis natura statusque indagentur, tum illud

J. J. Burlamaqui.

V deinde

deinde acquiratur ; quod ad ejus perfectionem , & felicitatem potissimum , & necessario confert .

## §. V.

Argumenta . SED quod jam ita verum perspicuumque per ratiocinationem apparet , sic per experientiam in apertissima luce constituitur , ut de hoc nemo possit inficiās ire . Enimvero in universum videre est ex honestatis , sive Naturalium Legum cultu interiorem lætitiā generari ; eosque probitatis effectus esse , ut non solum cuivis privato , sed toti etiam humanæ societati innumeras utilitates adferat : vitii contra longe alii sunt exitus .

Quidquid rectæ Rationi , & conscientiæ adversatur , non solum tacito improbatur mentis judicio , sed nos etiam pudore suffundit , creatque animi sollicitudinem . Hominum enim animis suapte natura crimen averfatur , scelerisque semper est tristis , & amara recordatio . Contra quæcumque cum recta Ratione consentiunt , in iis ordo & perfectio insunt , quibus mens suffragatur ; atque ita constituti sumus ut ex honestate semper interius gaudium generetur , & recte factorum memoriā recolamus lubentes . Quæ enim suavior potest esse lætitiā quam si nobis ipsis conscii simus , eos nos esse qui esse debemus , idque quod agimus & decens esse , & cum officio nostro congruens , nec alienum ab eo fine ad quem geniti sumus .

Quid.



Quidquid cum natura consentit id semper arridet ; eaque semper juvant in quibus inest ordo .

§. VI.

SED præterquamquod juxta naturam est, ut ex Naturalium Legum cultu generetur interius illud quod dicimus gaudium , videre etiam est exinde omnimodas derivari utilitates . Hinc enim vegetus firmatur valetudinis status , fitque vita longior ; hinc exacuuntur perficiunturque nostræ mentis facultates ; hinc ad laborem atque ad omnia domesticæ , & civilis vitæ munia obeunda reddimur idonei ; hinc probus diuturnusque nostrorum omnium commodorum usus ; hinc arcentur permulta mala , vel saltem plurimum allevantur , quæ omnino arceri nequeunt ; hinc aliorum hominum paritur nobis existimatio , benevolentia , fides : ex quibus omnibus haud exigua manat vitæ jucunditas , & magna existunt nostrarum susceptionum adjumenta .

2. Quæ exteriora bona vel mala virtutem sequantur aut vitium ?

Investigemus porro undenam suorum habeant communis omnium securitas , tutus familiarum status , Rerumpublicarum felicitas , & sua cujusque privati quammaxima commoda : nonne parata sunt hæc omnia ex intaminato Dei cultu , ex temperantia , ex pudore , ex fide , justitiaque ? Nonne contra ex earumdem virtutum contemptu profluunt pleraque mala universam hominum societatem

interturbantia , eorumque adversantia felicitati ?

Nec tantum conscientiae morsus animique anxietas ex contaminatis moribus gignuntur, sed etiam ex vitio paritur innumerabilium malorum exteriorum cohors . Hinc corporis mentisque imbecillitas, hinc perniciosissimi morbi , hinc plerumque horrida turpisque egestas ; hinc error & ignorantia , hinc gravissimorum periculorum parens inconsulta ira, hinc domestica diffidia, similitudines, perpetuae formidines , probrum , coercitiones poenaeque , contemptus , odium , obstantiaque mille impedimenta, si quam utilitatem sibi velint improbi comparare . Unde a **SENECA** recte dictum est : *Malitia ipsa maximam partem veneni sui bibit .* Epist. 82.

## §. VII.

**Quorum** Ii sunt naturales vitii virtutisque exitus, si ad hominum vulgus spectes : at si praecepta illorum ratio habeatur, quorum is gradus, potestas ea est auctoritas, ut ab ipsis alicujus unitas est, versae societatis status & fortuna singulariter pendeat, in iis profecto probitatis aut vitiumque nequitiae vis longe gravior est quam in cæteris hominibus, & multo magis conspicua . longe graviores exitus habent . Quid enim non extimescendum Populis, si se Principes esse exleges arbitrentur, & cujusvis immunes officii, atque nihil aliud reputantes quam se ipsos, libidini, injustitiae, ambitioni, avaritiae & immanitati sese tradant ? Quae contra quantaeque utilitates

ex administratione consequuntur probi sapientisque Principis, qui quoniam sibi majorem existimat quam cæteris obligationem incumbere, ne unquam a pietatis, justitiæ, temperantiæ & beneficentiæ præscriptis declinet, non aliter sibi credito imperio utitur, quam ut intus disciplinam & securitatem tueatur, & in eo judicat positum esse summum suum decus, si recte subditis præsit, id est, probos illos efficiat felicesque. Testem Historiam, testem experientiam interroga, & ex utraque liquebit, quæ nos hic statuimus ita vera esse, ut ea nemo sanus possit impugnare.

### §. VIII.

DE hoc autem sic in universum inter homines convenit, ut omnia hominum in communem suam utilitatem instituta in Naturalium Legum cultu fundentur. Quinimo, seclusa Naturalium Legum auctoritate, supervacaneæ forent omnes cautiones in humanis institutis adhiberi solitæ. Atque ex hoc Naturalium Legum cultu, & auctoritate manifesto pendent omnes in universum humanæ Leges, omnis publica administratio, omnis instituendorum liberorum, artium excolendarum & promovendæ mercaturæ ratio, ac demum omnia pacta tum publica tum privata. Quorsum enim hæc omnia, quæve ex illis utilitas existet, nisi justitia innitantur, honestate, fide & jurijurandi Religione?

Superior  
quæstio  
omnium  
gentium  
consensu  
compro-  
batur.

## §. IX.

Eiusdem  
quæstio-  
nis argui-  
tur veri-  
tas; quia  
contra-  
rium est  
absur-  
dum.

ATQUE hæc nostra ratiocinatio, quo melius intelligatur, Disciplinam Moralem, si libet, statuamus, qualis adversa fronte pugnet cum nostris principiis jam antea positis. Fingamus, v. g. ignorantiam & præjudicatas opiniones rectæ Rationis locum occupare; animi vero levitate & libidinibus vices suppleri prudentiæ virtutisque; procul ab hominum commercio, & societate amendantur justitia & benevolentia, quarum loco supponatur sui ipsius iniquus amor, ad se trahens omnia, & aliena commoda communemque utilitatem nihili faciens: jam hæc ita posita principia singulis hominum conditionibus accommodentur, videamusque quid ex eis proxime consequatur; fingimus enim hominibus hujusmodi doctrinam probari, & Regulæ vim obtinere. An quisquam sanus existimet ex hisce principiis singulorum hominum, familiarum, gentium, ac tandem humani generis derivari posse felicitatem? Nemo quidem hætenus ita fuit insolens, qui tam portentosum, ut ita dicam, paradoxon propugnaret, adeo in promptu est quam absurdum sit.

## §. X.

Respon-  
sio ad  
quædam  
objectio-  
nes pecu-  
liares.

NEQUE tamen inficias ibo ex iniquitate & libidinibus qualemcumque interdum volu-  
pta-

præter aut commodum gigni . Sed præter-  
quamquod eadem voluptas eademque utili-  
tas sæpius tutiusque ex virtute pariuntur ,  
Ratione atque experientia edocemur , quæ  
bona ex iniquitate parta sunt , non ita ve-  
ra , non sic stabilia , non ita sincere jucun-  
da esse , quam quæ a virtute promanant .  
Primum enim bonorum genus in ipsa sua  
origine peccaminosum est , nec nisi falsam  
speciem præfert , quoniam bona hæc pror-  
sus aliena sunt a natura ratione prædita ,  
necnon ad societatem informata . (a) Cu-  
jusmodi bona flores esse dixeris , qui radi-  
ce destituti statim ab ortu suo exsiccantur ,  
& decidunt .

(a) Vid.  
*Part. I.*  
*Cap. VI.*  
§. 3.

2. Quod attinet ad mala ærumnasque hu-  
manæ naturæ inhærentes , quibusque obno-  
xii sunt viri probi non secus ac improbi ;  
in his etiam malis ærumnisque suæ sunt ,  
& multæ illæ quidem , virtutis utilitates .  
Primum enim ex se ipsa virtus aptissima  
est quæ pleraque illa mala vel prævertat  
vel amoveat ; in quos enim scopulos insani  
solent impingere , ab eisdem declinatis sibi  
præcavent sapientes & recte moderatæ men-  
tis homines . Deinde quæ mala vir sapiens  
non potest effugere , eadem tamen per ad-  
jutricem sapientiam æquo animo tolerantur ,  
iisque solaminibus ea mala pensantur alle-  
vanturque , unde illorum non parum vis  
imminuitur . Etenim sua semper virtutis  
est indivulsa cômes lætitia ; & quæ vera  
est nostra felicitas levissimam tantum læsio-  
nem patitur ab illis fluxis ac propemodum

exterioribus malis quibus nonnunquam interturbamur.

„ Equidem miror (ajebat ISOCRATES)  
 „ hoc sibi quemquam persuasum habere,  
 „ hominibus constanti animo justitiam pietatemque colentibus pejorem conditionem  
 „ quam improbis imminere, nec esse piis  
 „ viris, tum a Diis, tum ab ipsis cæteris  
 „ hominibus longe majora quam impiis bona expectanda. Mea vero hæc fides est  
 „ probis hominibus abunde suppetere quidquid expetendum est, improbis contra  
 „ nec etiam innotescere ullum verum suum commodum. Quicumque injustitiam justitiæ anteponit, in eoque summum bonum collocat, si bonum alienum rapuerit, is mea quidem sententia haud dissimilis est piscibus hamum vorantibus: iis quæ deglutiit jucunde statim titillatur improbus, sed non ita multo post quam maximis malis irretitur. Hominibus contra pietati & justitiæ adhærentibus non solum tutum est præsens tempus, sed iis præterea in totam reliquam vitam bona spes merito concipitur. Illud equidem fateor non semper contingere, sed ipsa teste experientia certum est quod contingere soleat. In quibus autem rebus certe prævideri nequit qualis futurus sit illarum exitus, viri sapientis est eas partes amplecti quarum solet esse major utilitas. Sed nihil magis Rationi adverbiatur, quæ eorum opinio, qui quamvis existimem justitiam in se pulchriorem Diisque ac  
 „ ptio c

„ptionem esse quam injustitiam, nihilomi-  
 „nus sibi fingunt ita comparatas esse hu-  
 „manas res, ut ex improbitate plus hau-  
 „riatur emolumenti quam ex honestate.  
 „Orat. de Permutatione.

## §. XI.

IGITUR omnibus hinc inde collatis, ex honestate longe uberiores & præstantiores quam ex improbitate fructus percipiuntur. Atque illud manifesto apparet divinæ sapientię fuisse propositum, ut physicum & morale malum natura cohærent, tanquam effectus cum sua causa connectitur; bonum contra physicum seu hominis felicitas cum morali bono sive cum virtutis cultu consociaretur: ita ut si primigenia rerum natura in universum spectetur, quemadmodum ex bona victus ratione bona fovetur valetudo, sic etiam ex Naturalium Legum cultu publica privataque felicitas promoveatur. Quoniam autem ab ipso Deo vitii poenæ virtutisque præmia constituta sunt, haberi quidem illa possunt, ut quædam Naturalium Legum SANCTIO, ex qua sanctione Rationis præscripta non exiguam vim obtinent.

Semper  
 virtus  
 præstat,  
 atque hæc  
 prima est  
 Natura-  
 lium Le-  
 gum san-  
 ctio.

## §. XII.

FATENDUM attamen est primam hanc Naturalium Legum sanctionem eam non esse, ex qua Rationis præscripta vim illam vim obtinent.

Neque  
 tam en  
 sufficiens  
 est prima  
 au-

hæc sanctio, quia obstant multæ exceptiones.

auctoritatemque mutuentur, quæ verarum Legum propriæ sunt. Etenim si penitus & enucleate introspeciat humanarum rerum natura, quæ ita comparatæ sunt ut homines alii ab aliis tanquam naturali concatenatione mutuo pendeant, videbimus profecto generalem illam quam modo dicebamus Regulam non ita stabilem & inconcussam esse, ut multas non patiatur exceptiones, per quas non parum labefactatur hujus primæ Regulæ robur & efficientia.

Bonorum malorumque a natura fortuneque pendentium inæqualis est partitio, nec justum cuiusque meritum.

I. Ac in universum quidem docet nos experientia, suam his in terris cujusque hominis felicitatem & infelicitatem non semper omnino parem esse cum eo probitatis vel nequitie gradu, qui in singulis hominibusprehenditur. Atque sic vegetum corpus, divitiæ, generis nobilitas, liberalis institutio, bonarumque artium peritia, ac alia demum exteriora bona plerumque pendent a multiplici causarum varietate, unde inæqualis est illorum partitio: quinetiam hæc eadem bona sæpius evanescent supervenientibus causis quosvis homines pariter involventibus. Equidem vitæ felicitas aut infelicitas posita prorsus non est in generis vel divitiarum discrimine: nihilominus summa egestas, turpis bonarum artium ignorantia, denegatis videlicet omnibus ad informandam mentem auxiliis, nimii labores, anxietas animi, corporisque dolor, verissima mala sunt, quibus ob varios casus viri probi premuntur non secus ac improbi.

2. Præ-



2. Præter inæqualem illam bonorum maiorumque naturalium partitionem, viri probi non magis quam improbi ab iis malis tuti sunt, quæ ex malitia gignuntur, vel ex iniquitate, aut per vim vel ambitionem contingunt. Quales sunt tyrannicæ vexationes, horrida bella, & tot aliæ publicæ privatæque calamitates quibus pariter obruuntur boni, malique homines. Sæpe etiam fit ut earum ærumnarum auctores eis quam minime ipsi angantur, tum quia res prospere cedentes tutos illos a calamitatibus præstant, tum quia sic quandoque pertinax est eorundem perversitas, ut, nullo stimulati conscientiæ morfu, partis ex sua nequitia commodis securi fruuntur.

Parta ex iniquitate mala fontes premunt infantesque.

3. Quoniam non ita raro calumniæ subiacet innocentia, & vexationi virtus obijciatur. In his igitur singularibus causis in quibus viri probi suæ virtutis, ut ita dicam, victimæ fiunt, quænam erit, quæso, Naturalium Legum vis, quave ratione se tuebitur earundem auctoritas? An quia interiore gaudio afficitur sibi recte conscia mens, ea vis honestatis erit ut ob eam retinendam patiatur quis non solum fortunarum suarum & quietæ conditionis, sed etiam suæ famæ atque ipsius vitæ jacturam? Atqui in ejusmodi difficilibus causis satis frequenter irretiuntur homines: maximum autem & latissime patens momentum est in iis partibus quas tunc suscipiunt: hinc enim sua existit hominum societatis felicitas vel infelicitas.

Quandoque ob ipsam virtutem vexatio concitatur.

### §. XIII.

## §. XIII.

Non satis est viriū in his rationibus quas humana prudentia adhibet, ut dictis malis me deatur. SIC vere se res habent . Hinc in universum liquet ex solo Naturalium Legum cultu gigni posse hominum felicitatem , & aliquam in humana societate disciplinam constitui . Illinc contra si vitii virtutisque spectentur soliti & naturales exitus , non ita videtur præstare vitio virtus , ut semper præpolleat ordo in hominum utilitatem servandus .

Inde oritur gravissima quæstio adversus morale nostrum systema . Cujusvis Legis , inquiunt , ea debet esse sanctio , quæ ratione præditum hominem ad obsequium flectat , propter ipsius bonum propriamque utilitatem , est enim humanarum actionum summa motrix utilitas . Quamquam vero qui morali vestro systemati parent ( sic enim pergunt contrariæ opinionis fautores ) ex eo plus utilitatis in universum percipiant , quam qui eidem non parent , ea tamen non tanta est nec tam certa utilitas , ut per illam in singulis causis sufficienter ea pensentur quæ quis pati cogitur in officiis suis exequendis . Igitur vestro systemati non inest necessaria vis & auctoritas ad eum finem assequendum quem sibi Deus proposuit . Quapropter alia quam vestra statuenda est evidentior , certior , & latius patens veræ Legis sanctio , si quæ præsertim Lex a natura sapientissima suam habet originem .

Quæ

Quæ hîc nobis objiciuntur politicæ administrationis periti atque Legislatores pulchre intellexerunt quam vera sint, unde invalidæ sanctionis defectum, quantum in se fuit, supplere. Itaque Civile Jus promulgarunt Naturali Juri suppetias ferens; sceleri pœnas comminati sunt, suam virtuti posuere mercedem, & tandem judices constituti sunt humanarum actionum. Ac sane novum illud est Justitiæ præsidium, nec quidquam melius excogitare homines potuerunt quo malis mederentur de quibus dictum est. Neque tamen hoc sufficit, & nisi quid aliud addatur, multa ex parte mancum est morale systema.

Nam 1. plurima mala sunt tum a natura tum ab hominum iniquitate parta, quorum omnis humana potestas vel maxime probos viros nequeat immunes præstare. 2. Leges humanæ non semper cum justitia & æquitate consentiunt. 3. Quantumvis justæ sint humanæ Leges, ad omnia non possunt extendi. 4. Quibus exequendarum Legum demandata cura est, ii vel sunt imbecilles, vel imperiti, vel se corruptelæ permittunt. 5. Quantacumque sit Magistratus probitas, multa tamen ejus prudentiam fugiunt: nec enim potest quodvis rescire, nec quodvis emendare. 6. Denique inauditum non est probos viros non semper in suo Judice benevolum fautorem, sed quandoque præpotentem inimicum sortiri. Quæ igitur sors erit probitatis, si armatam adversum se ipsam manum illam formidet,  
a qua

a qua suam defensionem & præsidium expectabat?

#### §. XIV.

ITAQUE vim suam adhuc retinent quæ hinc nobis objiciuntur, quorum sane non leve pondus est. Primo namque universum divinæ providentiæ consilium impugnant: Deinde per hæc non parum labefactari potest virtutis imperium, ejusque necessaria cum hominis felicitate cohæsiō.

Haud le-  
via sunt  
quæ con-  
tra no-  
strum sy-  
stema ob-  
jiciuntur.

Operæ pretium est objectam quæstionem diluere, quæ tum gravissimum momentum habet, tum omnibus retro sæculis proposita fuit. Hæc autem quæstio quanto in se verior & difficilior est, tanto probabilior futura videtur ejusdem enodatio. Quorsum enim Divina Sapientia, quæ tam sapienter phycas res ordinavit, adeo imperfectas obscurasque res morales esse voluisset?

Rursus itaque naturam hominis, eique destinatam sortem evolvamus, videamusque annon præsentem vitam alia vita subsequatur in qua objectæ quæstionis solutionem inveniamus. Quæ hætenus dicta sunt de iis quos virtus vitiumque naturales exitus habent, jam dimidiam exhibent Naturalium Legum sanctionem. Inquiramus porro an non aliam sanctionem possimus comperire, integram illam quidem & proprie dictam, quæ in suo genere, in suo gradu, in sua duratione modoque omnino posita sit in mera Legislatoris voluntate, quæ rursus san-

sanctio ea sit per quam omnia juxta summam justitiam invicem pensentur, & per quam in omnibus & secundum omnia Divinæ Leges humanis Legibus antecellant.

## CAPUT XIII.

*Arguitur ANIMÆ IMMORTALITAS. Exi-  
sit PROPRIE DICTA Naturalium Legum  
SANCTIO.*

## §. I.

**Q**UÆ modo nobis objecta quæstio est, quamque in hoc capite elucidandam aggredimur, hæc ita se habet, ut secundum illam totum humanitatis systema hac præsentī mortalique vita circumscribatur, nec post hanc mortalem vitam alia fors hominum futura sit, atque idcirco ad Naturales Leges sancīendas nihil aliud a Divina Sapientia expectandum sit quam quod his in terris cernitur.

Quod si ita se habeat, mancæ profecto sunt Naturales Leges. At vero morale systema ostendemus esse suis omnibus numeris absolutum, si prius nobis hæc sequentia duo probata sint. Primo quidem, quæ præsens est hominum conditio, initium est futuræ alterius conditionis, quæque longius pateat. Deinde certa hæc est voluntas Dei, ut quas hominibus agendi Regulas Rationis ope præscripsit, vim omnem habeant Legibus

Qualis  
sit pro-  
posita  
quæstio.

bus competentem, eas enim Deus munivit proprie dicta sanctione.

## §. II.

De pro- DE quibus gravibus certe quæstionibus  
posita inter se dissentiunt scriptores. Alii asserunt  
quæstio- ex solo Rationis lumine deduci evidentia  
ne essen- inconcussa que argumenta, quibus non so-  
tiant scri- lum constat de pœnis atque mercedibus fu-  
ptores. turæ vitæ destinatis, sed quibus etiam a-  
Quibus nimæ immortalitas arguitur. Alii autem  
modis hac contendunt unam Rationem de proposita  
in mate- quæstione consulentibus incerta & obscura  
ria digna esse omnia, tantumque abesse ut per Ra-  
ici possit tionem futuræ vitæ adsit aliqua demon-  
voluntas stratio, ut ne ulla quidem probabilitas ap-  
Dei. pareat. Sed qui alterutro modo ratiocinan-  
tur, mihi videntur rectæ ratiocinationis  
limites egredi. Quæ res hîc disceptatur,  
quoniam tota posita est in Dei voluntate,  
hujusce voluntatis dignoscendæ certissima  
ratio foret ipsius Dei diserta hac de re si-  
gnificatio. At nos siquidem augustis natu-  
ralium cognitionum spatiis includimur, di-  
sertam illam Dei significationem omitta-  
mus, experiamurque an ex recta Ratione  
argumenta certa elici possint, aut ea sal-  
tem ita vere conjici per quæ satis certo Dei  
propositum innotescat. Quod ut præstemus,  
hominis naturam præsentemque conditio-  
nem iterum iterumque evolvamus; tum du-  
ce recta Ratione Dei virtutes, proposi-  
tumque Deo de humano genere consilium  
ex-

expendamus, ac ita tandem dignoscere conemur, quinam futuri sint exitus harum Naturalium Legum quas nobis Deus injunxit.

§. III.

Quod ad hominis naturam attinet, hoc primum inquirendum occurrit, an mors vera sit ultima existentiae nostrae meta, ita ut soluto nostro corpore necesse sit animam quoque nostram interire; vel utrum anima nostra sit immortalis, id est, etiamnum superfit soluto nostro corpore?

Atqui animae immortalitas non solum in se ipsa nihil habet impossibile, sed hanc animae immortalitatem Ratio conjicit omnino verisimilibus causis innixa.

Quibus peritissimis Philosophis nostra quaestio agitata est, ii animam a corpore omnino secernunt, utpote quorum natura prorsus diversa sit. Primum enim animae facultates, quales sunt intellectus, voluntas, libertas, & quaecumque ex iis facultatibus oriuntur, nulla intelliguntur similitudine accedere ad extensionem, ad figuram, ad motum, quae omnia materiae propria sunt. Deinde quia substantiam extensam intelligimus ut mere passivam, substantiae extensae dos illa passiva prorsus repugnare videtur cum interiore illa adeoque actuosa facultate, quae cogitantis substantiae propria est. Corpus ex se ipso non movetur, at vero mens suorum motuum in se ipsa conti-

Anima

estne im-

mortalis?

1 Argu-

mentum.

A natura

corporis

omnino

diversa

videtur

natura

mentis.

J. J. Burlamaqui.

X nec

net originem. Menti scilicet inest actio, cogitatio, voluntas; per eam movetur corpus; hæc suas actiones vertit quocumque libitum est; sistit suum iter vel ulterius progreditur, aut etiam regreditur. 3. Quæ in nobis substantia cogitans est, aliquid simplex est, unicum indivisumque; siquidem omnia nostra cogitata omnesque nostras perceptiones tanquam in unum coadunat; per mentem enim concipiuntur, sentiuntur, atque inter se conferuntur, quæ omnia præstari nequeunt a natura pluribus partibus constante.

## §. IV.

Quapropter solutioris naturæ, quæ ab aliis corporeis crassisque substantiis omnino diversa sit, quam vere dixeris meram esse intelligentiam, & aliquo modo supremæ naturæ participem, in quam sententiam sic apprime TULLIUS.

„ Animorum nulla in terris origo inveniri  
 „ potest: nihil enim est in animis mixtum  
 „ atque concretum, aut quod ex terra natum  
 „ atque fictum esse videatur; nihil ne  
 „ aut humidum quidem aut stabile aut igneum.  
 „ His enim in naturis nihil inest,  
 „ quod vim memoriæ, mentis, cogitationis  
 „ habeat; quod & præterita teneat & futura  
 „ provideat & complecti possit præsentia:  
 „ quæ sola divina sunt; nec inveniuntur  
 „ unquam, unde ad hominem venire possint,  
 „ nisi a DEO. Singularis est igitur  
 „ quæ



„ quædam natura atque vis animi, sejun-  
 „ cta ab his usitatis notisque naturis. Ita  
 „ quidquid est illud, quod sentit, quod sa-  
 „ pit, quod vivit, quod viget, cœleste  
 „ & divinum, ob eamque rem æternum fit.  
 „ necesse est. *Cic. Tuscul. Disput. Lib. I.*  
 „ *Cap. 27.*

Ex quibus merito TULLIUS infert im-  
 mortalem animam esse. Namque anima &  
 corpus si duo sint omnino inter se diversa,  
 sublato uno minime necesse est tolli & al-  
 terum; nihilque obstat quominus anima  
 perstet, quamquam in quibus degebat cadu-  
 cæ ædes diruantur.

§. V.

SIN objicias non sic nobis compertam  
 esse interiorem substantiarum naturam, ut Solvitur  
objectum.  
 recte negemus concretam cum aliqua exten-  
 sa materia mentem seu cogitationem adglu-  
 tinari per Deum potuisse: Respondeo, non  
 aliud argumen- de rebus judicium ferri posse,  
 quam quod cum ipsa rerum apparentia at-  
 que cum ideis nostris consentit; alioquin  
 incertum foret in scientiis quidquid eviden-  
 tissima demonstratione non inniteretur, at-  
 que sic absurdæ Pyrrhonorum opinioni quo-  
 dam modo assentiremur. Verum in hoc  
 nostro argumento id unum Ratio postulat,  
 ut accurate secernantur, quæ dubia, quæ  
 certa, quæ probabilia sunt; quoniam  
 autem quidquid nobis de extensa mate-  
 ria compertum est, nullam habet cum no-

stræ mentis facultatibus affinitatem, sed contra substantiæ extensæ & substantiæ cogitantis videntur esse dissociabiles qualitates, si quis asserat esse omnino probabile, quæ pars nostri cogitans est a natura corporea necessario diversam esse, is certe divinam potentiam non coarctat, sed Rationis lucem sequitur.

## §. VI.

CONFIRMATUR SUP- SED quæcumque sit animæ natura, atque  
 PERIUS ARGU- si etiam, nullo licet indicio suffragante,  
 MENTUM QUO- corporea fingatur esse anima, minime ta-  
 NAM IN RE- men exinde posset colligi, intereunte corpo-  
 NATURA NI- re animam pariter necessario interire. Ne-  
 HIL IN NI- que enim quidquam videmus quod in ni-  
 HILUM RE- hilum proprie recidat, corpusque ipsum,  
 CIDIT. quantumvis anima sit longe deterius, non  
 tamen per ipsam mortem ad nihilum redi-  
 gitur. Corporis quidem partium magna  
 fit per mortem corruptio; nihilominus cor-  
 poreæ substantiæ eadem semper natura re-  
 manet, nec ei quid aliud contingit quam  
 formæ immutatio, aliûsque partium con-  
 textus. Quam ob causam igitur anima in  
 nihilum recideret? Concedam, si vis, fo-  
 re ut animæ superveniat non levis muta-  
 tio, erit namque vinculis libera quibus cor-  
 pori adligabatur, nec ulterius simul opera-  
 bitur cum corpore. Sed an inde consequens  
 est animam non subsistere segregatam a cor-  
 pore, vel an ideo præcipua sua facultate,  
 nimirum intelligentiâ spoliabitur? Non hæ  
 pro-

profecto futuræ videntur animæ vices ,  
nec ex interitu corporis sequitur interitus  
animæ .

Quapropter interior animæ natura etiam  
si non esset dijudicatu possibilis , attamen  
qui ex interitu corporis necessarium colli-  
geret interitum animæ , is rectæ ratioci-  
nationis limites prætergrederetur , & con-  
sequentias deduceret ultra id quod per ip-  
sam rem exhibetur . Itaque semper eo  
quæstio redit ; vultne Deus animam ad  
nihilum redigere , vel eam servare ? Equi-  
dem per illa quæ de animæ natura nobis  
innotescunt , non inducimur ad creden-  
dum cum corpore animam interire : sed  
si insuper animæ præstantiam contemple-  
mur , ex hac animæ præstantia non sine  
gravi causa conjicietur ejusdem immorta-  
litas .

## §. VII.

Ecquis probabiliter censeat præditam in-  
tellectu naturam , quam penes est tot vera  
dignoscere , tot operta retegere . de rebus  
innumeris ratiocinari ; quæ rerum illarum  
inter se accommodationem callet , conve-  
nientiam & pulchritudinem , quæ ad suum  
conditorem Deum assurgit , ejus opera &  
consilia contemplatur scrutaturque , seque  
ipsam evehit supra res sub sensum cadentes,  
rerumque corporis expertium divinarnumque  
cognitionem assequitur , & ad præclaris-  
simas

*II. Argu-  
mentum .  
Animæ  
præstan-  
tia.*

simas virtutes idonea est; quis, inquam, probabiliter censeat hujusmodi naturam tot egregiis facultatibus instructam adeoque brutis animantibus antecellentem in hoc brevissimum vitæ spatium tantummodo conditam esse? Longe aliter sensere Veteres Philosophi, eosque acriter perculit quæ dicta est nobis animæ præstantia. „ Quid multa? „ Sic mihi persuasi, sic sentio, cum tanta „ celeritas animorum sit, tanta memoria „ præteritorum, futurorumque prudentia, „ tot artes, tantæ scientiæ, tot inventa, „ non posse eam naturam, quæ res eas „ contineat, esse mortalem. *Cic. De Senect.* „ *Cap. 21.*

## §. VIII.

Argumē-  
ta nostra  
confir-  
mantur  
ex eo  
quod no-  
stræ fa-  
cultates  
possint  
semper  
magis ma-  
gisque  
perfici.

Ea est insuper humanæ mentis natura, ut ulterius semper progredi suasque valeat magis magisque facultates perficere. Cognitiones autem nostræ quamvis jam nunc certis sint limitibus circumscriptæ, nihilominus si cogitationum ratio habeatur quas possumus comparare, vel ea spectentur quæ possumus adinvenire, aut etiam attendantur illa, quæ in hominibus possibile sunt, judicii, prudentiæ, virtutisque incrementa, horum omnium limites nullos deprehendimus, quoniam in his semper possunt homines novum aliquem perfectionis & maturitatis gradum assequi. Quinetiam mors homines occupat, cum adhuc imperfecti sunt eorum progressus, atque in eo essent ut lon-

longe ulterius progredierentur. „ Quis exi-  
„ stimet, ait *Spectator Anglus*, humanam  
„ mentem tot perfectionibus, innumerisque  
„ virtutibus & cognitionibus comparandis  
„ idoneam fere ab ortu suo ad nihilum re-  
„ digendam esse? An putabimus humanæ  
„ menti has dotes inditas quæ nullum u-  
„ sum habituræ forent, nihilque in illis  
„ concedendis fuisse conditori propositum.  
„ Brutum animal sibi destinatum perfectio-  
„ nis gradum assequitur ultra quem nequit  
„ progredi, sed paucissimis annis qualitates  
„ omnes adipiscitur naturæ suæ accommo-  
„ datas, quibus partis qualitatibus, etiamsi  
„ decies centena annorum millia viveret,  
„ idem propemodum esset ac nunc est. Ita-  
„ que mentem humanam arbitrarer sensim  
„ atteri, tum derepente interire, si modo  
„ mens humana brutorum instar angustis  
„ esset limitibus circumscripta, atque intra  
„ definitum quoddam tempus ejus faculta-  
„ tes ita perficerentur, ut ulterius nequeat  
„ perfici. At vero credibile non est cogi-  
„ tantem naturam, singulisque diebus alias  
„ aliasque perfectiones assequentem, post-  
„ quam sui Conditoris opera cœpit con-  
„ templari, ejusque infinitam sapientiam,  
„ benignitatem, potestatemque aliquantu-  
„ lum dignovit, statim a primis initiis in-  
„ terire, & vixdum inchoatis suis disquisi-  
„ tionibus (a).

## §. IX.

*Solvitur* **EQUIDEM** plerique homines brutorum  
*objectum.* animalium vitam quodammodo sectantur ,  
 de suis facultatibus perficiendis minime sol-  
 liciti . Sed licet complures ultro degeneres  
 fiant , id nulla ratione iis nocet , qui na-  
 turæ suæ dignitatem generosius tuentur ,  
 nec minus certa sunt quæcumque de animæ  
 præstantia disputavimus . Res enim ut recte  
 dijudicentur in se ipsis spectandæ sunt , &  
 in suo maximæ perfectionis statu .

## §. X.

*III. Argu-  
mentum.* **IDEO** certe futura sponte prospicimus ,  
 eaque etiam putamus nostra interesse quæ  
 nobis extinctis contingent ; ideo nostrum  
 nomen nostramque memoriam avemus æter-  
 nare , & judicium curamus posteritatis ,  
 quia interiore sensu nobis innotescunt , &  
 nostræ naturæ dignitas , & nobis destinatæ  
 fortis magnitudo . Cujusmodi sensus non  
 ex decepto nostri ipsorum amore , nec ex  
 præjudicata opinione proficiscitur . Æter-  
 nitatis spes desideriumque ab ipsa natu-  
 ra nostris mentibus impressa sunt . Quæ  
 spes , quod desiderium , ita ex se ipsis  
 consentiunt cum Ratione , ita utilia sunt ,  
 tamque arcte cum humanitatis systemate  
 cohærent , ut inde futura post hanc vi-  
 tam alia vita omnino probabiliter colliga-  
 tur . Quantumcumque sit æternitatis ex se  
 ipso

ipso desiderium, nihil in dies augesci-  
 prout nostram Rationem diligentius perfici-  
 mus, magisque in veritatis cognitione &  
 cultu virtutis progredimur. Æternitatis au-  
 tem interior sensus ille & spes illa nobilif-  
 simarum, fortissimarum, & locietati utilif-  
 simarum actionum fiunt origo; eoque no-  
 strarum actionum sublato principio, omnia  
 hominum proposita necesse est levia, igno-  
 bilia, & abjecta esse.

Ex quibus omnibus manifestum apparet  
 inter humanam mentem ejusdemque men-  
 tis æternitatem tanquam naturalem conve-  
 nientiam & accommodationem esse. Ne-  
 que enim homines eludendo summa Dei  
 sapientia propositum sibi finem assequitur,  
 nec fictitium principium esse potest æter-  
 nitatis opinio, quæ cum Ratione adeo  
 consentit, adeo necessaria est, cujus non-  
 nisi saluberrimi sunt exitus, per quam  
 supra se ipsum evehitur homo, maxi-  
 mas res aggreditur, atque gravissima peri-  
 cula, & maxime virtuti obstantia superat.  
 Graphice depingit C I G E R O quanto cal-  
 cari æternitatis spes desideriumque homi-  
 nes omni ævo stimulaverit ad id quod-  
 cumque magnum & egregium est. „ Ne-  
 „ mo unquam sine magna spe immorta-  
 „ litatis se pro patria offerret ad mortem .  
 „ Licuit esse otioso Themistocli ; licuit  
 „ Epaminondæ ; licuit , ne & vetera &  
 „ externa quæram, mihi : sed nescio quo  
 „ modo inhæret in mentibus quasi sæculo-  
 „ rum quoddam augurium futurorum ;  
 „ id.

Idque in maximis ingeniis altissimisque  
 „ animis existit maxime, & apparet facil-  
 „ lime. Quo quidem dempto, quis tam  
 „ esset amens, qui semper in laboribus &  
 „ periculis viveret? *Tusculan. Quæst. Lib.*  
 „ *I. Cap. 15.*

Quapropter eo omnia conspirant, ut de-  
 leto corpori animam putemus superesse.  
 Etenim quæ nobis de nostræ mentis natura  
 comperta sunt; ejus præstantia facultatesque,  
 quæ semper possunt magis magisque perfici;  
 tum mentis habitus ille quo supra mortalem  
 hanc vitam elati æternitatem innato  
 sensu affectamus; hæc omnia, inquam,  
 haud leves profecto conjecturæ, sed genui-  
 na signa sunt, eam revera esse Conditoris  
 Dei voluntatem, ut hominum æterna sit  
 mens.

## §. XI.

Natura- AD præcipuam nostram quæstionem, sci-  
 lium Le- licet Naturalium Legum sanctionem pro-  
 gum san- bandam non parum confert in luce posita  
 ctio ma- nostræ mentis immortalitas, per quam im-  
 nifesta mortalitatem jam partim solvuntur quæ no-  
 fiet in vi stræ sententiæ adversantur objecta. Etenim  
 ta futura si soluto corpore mens adhuc existat, nihil  
 impedit quominus id quod in præsentī vita  
 Naturalium Legum sanctioni deest, in fu-  
 tura vita suppleatur pro Legislatoris Dei  
 arbitrio.

Explorata nobis est pars hominis *physi-*  
*ca*, unde non exiguum adjumentum adest  
 ad



ad illud quod investigatur inveniendum : Expendamus jam *moralement* partem hominis, sive hominem intueamur, prout est ad sequendam Regulam habilis, & in suis actionibus cognitionem delectumque adhibens ; tum deinde ad ipsum Conditorum Deum affurgentes videamus annon possint comperriri nova argumenta, ex quibus longe probabilius quam ex iis quæ superius disputata sunt, tum futura vita, tum huic futuræ vitæ demandata præmia vel assignatæ pœnæ conjiciantur.

Sed in hunc locum revocanda necessario plura sunt quæ passim in hoc volumine disputata fuere ; est enim eorum omnium colligenda summa : quoniam si vera demonstraretur esse quam aggredimur probandam quæstionem, exinde totum absolvetur nostrum systema. Atque sic pictores imitabimur, qui singulas quidem suarum tabellarum partes seorsim tractant, tum omnes deinde simul retractando connectunt, ut hinc pariatur concentus, & unum ac totum quid conficiatur.

## §. XII.

Igitur homo, ut jam intelleximus, Ratione & Libertate præditus est, justum honestumque ab injusto & turpi secernit, ipse sibi eorum conscius est quæ bona vel mala sunt, suo se Conditori novit obnoxium esse, natumque quibusdam officiis exequendis. Hominis præclarissima ornamenta sunt

Primum  
Argumē-  
tum de-  
ductum  
ex natura  
hominis  
moraliter  
spectati.

Ra.

Ratio & Virtus. Hominis jubente Deo magnum hoc opus, hic labor est, ut in cultu Rationis Virtutisque sine intermissione progrediatur, lucroque apponat quascumque nanciscitur occasiones colendæ honestatis, informandæ suæ mentis, rerumque objectarum expendendarum. In quibus laudandis sane officiis quo sæpius homines exercentur, & in iis colendis ipsa exercitatione confirmantur, eo magis sui Conditoris proposita exequuntur, dignosque se præbent quibus existentiam Deus concesserit. Cujusmodi homines recte intelligunt ab ipsis suarum actionum rationem merito exigi, seque ipsos probant vel damnant, prout vel bene vel male se gesserunt. Ex quibus omnibus manifestum prorsus est non esse censendos homines inter naturas mere *physicas*, qualia sunt cætera animalia; sed contra liquet homines morali genere contineri, unde sublimior natura illorum est, & in fines longe diversos comparata. Nec enim verisimile est humanam mentem, cujus in singulos dies augetur sapientia virtusque, ad interitum vergere, vel ab ipso Deo mentis lucem extinguui, quo tempore splendidior est. Igitur multo satius est existimare facultatum nostrarum usui suam in altera vita mercedem pœnamve irrogandam esse, quarum certe facultatum a nobis rationem is exiget a quo illas accepimus, & merita nostra pensabit. Sed quoniam hoc de nostris actionibus Dei Judicium non satis in his terris sufficien-

ter manifestatur, profecto autumandum est  
initum Conditori Deo de hominibus con-  
siliū ultra metas extendi hujus præsenti-  
tis vitæ.

### §. XIII.

JAM ab homine ad ipsum Deum assur-  
gamus: sic enim magis ac magis comper-  
tum habebimus, illud quod dicimus revera  
Deo propositum esse.

Aliterum  
argumē-  
tum de-  
ductum,  
ex Dei  
perfectio-  
nibus.

Si quemadmodum superius demonstratum  
est, ea sit Dei voluntas, homines rectæ  
Rationi obsequi, juxta inditas sibi facul-  
tates conditionemque in qua versantur;  
ea certe Dei voluntas alia non potest es-  
se quam verissima, certissima, & omni-  
no diserta. Hæc enim illius voluntas est  
a quo omnia condita sunt, cui subja-  
cent omnia, qui omnibus providet. Hæc  
iterum illius voluntas est, qui summe  
potens est, summe sapiens & summe bo-  
nus; qui sibi semper propositos habet  
præstantissimos fines, sive se ipsum, sive  
res creatas respiciat, unde illud ab i-  
pso proculdubio constituitur quidquid ju-  
xta Rationis præscripta rerumque natu-  
ram & conditionem necessarium est, ut  
consilia sua exequatur. Quorum princi-  
piorum veritatem nemo sanus possit infi-  
ciari. Sed quid ex iis consequatur viden-  
dum est.

1. Si fuerit hoc divinæ sapientiæ pro-  
prium, ut hominibus Leges revera præscri-  
be.

berentur, ejusdem divinæ sapientiæ officium est, ut hæ Leges necessariis causis innitatur, ob quas naturæ intellectu, Ratione, & libertate præditæ semper teneantur præscriptis Legibus sese accommodare. Alioquin vel Deus cæto & vere non vult Leges illas servari, vel non servantur ob deficientem in Deo potestatem aut sapientiam.

2. Si fuerit illa Dei benignitas, ut homines noluerit fortuito vitam degere, suarum cupiditatum ludibrio permittos; si Rationis lumen eis concefferit ne a recta via declinarent; ex eadem Dei benignitate consequens est, ut stabilis & perfecta felicitas eis competat, quorum Dux Rationis lumen fuerit.

3. Deinde docet nos Ratio ordinis amantissimam eam naturam esse, quæ omnipotens, summe sapiens, & summe benigna est, ob quam omnipotentiam, summam sapientiam, & summam benignitatem jussit ordinem quoque vigere inter res creatas intellectu & libertate præditas, unde etiam Leges eis præscripsit. Quibus de causis Deus ordinem moralem constituit, ob easdem cultum fovet ejusdem ordinis. Igitur Deum decet tum ob suam gloriam, tum qua iis delectatur quæ recta sunt, ut in aperto positum sit discrimen divinitus constitutum inter fautores ordinis ejusque violatores. Nec de servando ordine potest Deus securus esse; namque tum ob suas perfectiones, tum ob sui ipsius amorem suis Legibus vim omnem

mnem & auctoritatem necessariam impertitur quo colantur, unde hominibus in altera vita præmia vel coercitiones proponi debuerunt, non solum ut spe allecti vel metu deterriti hanc præsentem vitam, quantum fieri potest, juxta rectum ordinem exigant; verum etiam ut in futura vita Conditor hominum Deus proposita sua exequatur pro sua æquitate atque sapientia, rebus omnibus ad primigenium ordinem revocatis.

4. Sed ex nostro principio alia plura consequuntur. Quoniam enim Deus amantissimus est ordinis a se ipso in *moralis* mundo constituti, hominibus illis certissime annuit, qui firmo sinceroque animo huic ordini adhærescentes sese conantur Deo acceptos præstare, ejus pro virili parte consilia exequendo; quorum contraria est agendi ratio, illos necessario Deus improbat damnatque (a): alii enim amicos Dei, ut ita dicam se exhibent; alii se illius inimicos profitentur. Sed quos Deus probat, illos suo prosequitur amore, suæque benevolentia; quos autem improbat, eisdem non potest favere. Quæ cum ita sint, quam habemus causam credendi, tum amicos Dei, tum inimicos nullo interjecto discrimine parem conditionem sortituros esse? Nonne multo potiori Jure censebimus aliquid, quando denique Deum summe justum in aperto differentiam collocaturum quam ipse statuit virtutem inter vitiumque, eoque

(a) Vid. *Part. II. Cap. X. §. 7.*

que tandem præstiturum omnino felices quos diligit, utpote ipsius voluntati addictos, improbis autem meritis poenas irrogaturum?

## §. XIV.

Deus  
Natura-  
lium Le-  
gum san-  
ctionem  
ipse con-  
stituit.

Sic se habent Dei consilia, eique propositi fines, quantum ex accuratissima divinarum perfectionum contemplatione tantæ rei cognitionem valemus assequi. Etenim si sua tandem virtuti merces non staret, & sua vitio poena, ratione quidem certissima, expleta, universa, & ad cujusque probitatem vel nequitiam accommodata, jam Naturales Leges eæ non essent, quæ constitui debuerant a summo Legislatore, cujus providentia, sapientia, potestas, & benignitas nullis finibus circumscribuntur. Jam Leges illæ præcipua sua vi destitutæ non aliam quam simplicis suasionis auctoritatem obtinerent. Jam a fundamentis quateretur humanitatis systema, juxta quod homines ideo facultatibus suis utuntur, ut felicitatem assequantur. Ac uno verbo, nisi in altera vita virtuti sua merces & vitio sua poena parta sit, in morali systemate defectus occurrit ab hominis natura, ab humanæ societatis statu, & ab ipsis moralibus Dei perfectionibus non leviter abhorrens.

Longe aliter se res habet, si futuram vitam statuamus. Sic enim morale systema firmumprehenditur, coherens de-  
finit.

finitumque , ita ut nihil sit quod ulterius desideres . Qua ratione nihil Deus illorum omittit quibus homines impelluntur ad rectam vitam instituendam , firmissimisque fundamentis innituntur Naturales Leges , quibus jam nihil deest , ut gravissimis de causis homines ad exequendum suum officium obstringantur .

Quam sancendarum Naturalium Legum rationem debemus existimare cœteris quibusvis rationibus antepositam fuisse , quia in se optima & pulcherrima , atque Deo dignissima est , nec aliam novimus quæ ita sit hominis naturæ , conditioni , & necessitatibus accommodata .

## §. XV.

HÆC autem integra Naturalium Legum sanctio , variis accommodata probitatis , & nequitiae gradibus , si posset in his terris sufficienter deprehendi , supervacaneum certe foret deductum ex altera vita argumentum , in qua jam non esset querenda Dei propositorum solutio . Sed superius intellectum est , etiamsi hinc ipsa rerum natura faveat , illinc adsint varia hominum instituta , non tamen omni ex parte suam in hac vita debitam vitio pœnam , suamque virtuti mercedem positam esse . Testem Historiam , testem consule experientiam , & constituto ordini obstare cernes quam plurima . At si altera vita statuatur , jam omnis solvitur questio ; elucidantur ,

Naturalium Legum in futura vita sanctio arguitur vel per ipsa objecta ex præsentium rerum statu deducta .

Y ordi-

*J. J. Burlamaqui .*

ordinanturque omnia ; humanitatis systema firmum, sibi que ipsi cohærens & accommodatum est : in aperto Dei sapientia ponitur, omniaque supplementa, omnesque necessarias compensationes invenimus ad illud emendandum quidquid in hac mortali vita manebat, inconcussoque columine virtus adnititur, quoniam ex hujusmodi constituto ordine viri probi rerum quantumvis arduarum vel obeundarum vel ferendarum præpotentem causam nanciscuntur.

Quæ hic statuimus, si ex mera conjectura ortum ducerent, haberi quidem illa possent ut figmentum minus ad veritatem accedens, quam explicando nostro systemati accommodatum. Sed nostra sententia, ut jam probatum est, ipsa nititur hominis natura atque præstantia, necnon ingenito nobis illo sensu quo supra vitam præsentem evehimur ; fundatur etiam in morali parte hominis, prout præscriptam Regulam sequi, suarumque actionum rationem tenetur reddere. Quibus si addas opinione nostra virtutem fulciri, totumque perfici Naturalium Legum systema, profecto necesse habebis confiteri earundem Naturalium Legum in futura vita sanctionem non minus verisimilem, quam eximiam & utilem esse.



## §. XVI.

Inde fit ut futuræ vitæ opinio omnibus Futura  
 temporibus & apud omnes gentes plus mi- vita o-  
 nusve recepta sit, prout homines plus mi- mnibus  
 nusve Rationem suam excoluerunt, vel propemo-  
 proximus ad rerum originem accedere dumgen-  
 Inter Ethnicos eandem, quæ nostra est, tibus cre-  
 & eisdem de causis sapientissimorum viro- dita.  
 rum fidem extitisse, tum ex historicis mo-  
 numentis, tum ex luculentissimis Philoso-  
 phorum testimoniis in promptu nobis est  
 demonstrare. Sed hîc satis esto advertere,  
 quæ aliis scriptoribus de hoc argumento  
 Philosophorum testimonia collecta sunt ad  
 firmandam nostræ opinionis veritatem mul-  
 tum quidem prodesse; siquidem ex his te-  
 stimoniis dignoscuntur vel nunquam peni-  
 tus interlita primigeniæ fidei vestigia, vel  
 Naturæ atque Rationis elata vox, aut u-  
 trumque simul, unde nostris ratiocinationi-  
 bus non parum accedit ponderis.



## CAPUT XIV.

*Quæ modo protulimus argumenta eam habent VERISIMILITUDINEM, eam CONVENIENTIAM, ut abunde sufficiant ad stabiliendam nostram fidem, nostramque agendi rationem dirigendam.*

## §. I.

Naturalium Legum sanctionem sufficienter probavimus.

**H**ACTENUS mentis immortalitatem, quæstionem certe summo opere momentosam, necnon dedicatum in futura vitam suum virtuti præmium, suamque nequitie demandatam pœnam expendimus, quantum hæc omnia naturali lumine possumus assequi. Prolati cujusvis in has quæstiones argumenti suum proculdubio peculiare robur est; & hæc singula argumenta alterum alterius opem sortita, atque sic per suam conjunctionem validiora, intimam certe persuasionem inducere debent in animum attentum & præjudicatarum opinionum immunem, viderique debent sufficientia ad Naturalium Legum stabiliendam auctoritatem sanctionemque, quæ auctoritas & sanctio tam late pateant, quam necesse est ad objecta quævis solvenda.

## §. II.

Objicitur nonnisi  
*MEPAM*

**S**IN dicas omnia nostra de proposita quæstione ratiocinia probabilibus tantum con-

conjecturis niti, nec iis aliud quidquam <sup>conve-</sup>  
vere contineri nisi <sup>nientiam</sup> *qualemcumque convenien-*  
*tiam*, unde nostra argumenta longe distant <sup>nostris</sup>  
a *demonstratione*; fatebor equidem non <sup>argumen-</sup>  
hic omnimodam evidentiam deprehendi; <sup>ti-</sup>  
sed nostrorum argumentorum tanta est ve- <sup>con-</sup>  
risimilitudo, & firmata tam gravibus cau- <sup>dis-</sup>  
sis convenientia, ut nostra opinio ad- <sup>con-</sup>  
versæ opinioni longe debeat antecellere, <sup>ven-</sup>  
& juxta illam instituenda sit nobis vitæ <sup>ientiam</sup>  
ratio.

Etenim mirum in modum incerti vaga-  
remur ineundarum partium nesci, si non  
aliter ad agendum quam per evidentia ar-  
gumenta impelleremur. Sæpissime fit ut  
quarum rerum natura evidentiam non ad-  
mittit, in iis sufficere debeant probabiles  
multæ conjecturæ, quibus raro decipimur,  
si tamen inter se jungantur comparen-  
turque, & sedulo explorentur. Itaque in  
physicis rebus, in arte medica, in Criti-  
ca, in Historia, in publicæ administratio-  
ne, in mercatura; atque fere in omnibus  
quæ hac in vita geruntur, vir prudens has  
vel illas partes amplectitur variis causis im-  
pulsus, quas mature dijudicatas contrariis  
causis superiores putat esse.

### §. III.

Quo melius intelligatur quam vera sit <sup>Quid sit</sup>  
hæc nostra ratiocinandi ratio, abs re non <sup>ratio con-</sup>  
erit statim elucidare quid sit <sup>venientia</sup> *convenientia*  
*ratio*; tum deinde investigabimus quo uni-

verio principio fundetur deducta ex convenientiæ ratione nostra ratiocinatio, & in quo potissimum sita sit ejus vis, si quando Naturali Juri accommodatur. Sic enim vere innotescet quale quantumque sit argumentorum nostrorum pondus, & quousque in agendo sequenda sit nobis illorum auctoritas.

CONVENIENTIÆ RATIO est ratio deducta ex necessitate rem quamdam ut certam admittendi, ad perfectionem systematis alioquin utilis, veri, sibi quoque coherens, quod systema, licet nulla de causa dici possit gravi aliquo defectu laborare, nihilominus mancum esset, nisi dicta convenientiæ ratio admitteretur.

(a) Vid.  
sup. Cap.  
VIII. §. 2.

(a) Cui definitioni illustrandæ sequens exemplum adhibeamus. Offert se nostris oculis ingens superbumque palatium mirorum omnium inter se partium ordine, junctura, commensuque undequaque absolutum, in quo ædificando architectonices servatæ sunt regulæ illæ omnes unde constat ædium firmitas, salubritas, commodus usus, & pulchritudo. Uno verbo quascumque dicti palatii partes intuemur, peritissimum architectum indicant. Nonne merito censebimus quæ non videmus fundamenta æqualiter tamen firma esse, & ponderi apta quod sustinent? An in re tanti momenti, fundamentis scilicet, hallucinatum architectum cenlebimus? Nemo certe conjiciet hujusmodi rem neutiquam verisimilem, nisi adsint illi certissima argumenta, aut ipse suis oculis viderit non esse posita palatii fun-

fundamenta . Quis enim sanus , quoniam palatii fundamentis destituti possibilitatem in suo tantum intellectu existentem percipit , cum aliquo facta sponſione contendat , ſuppoſitis fundamentis ſuperjectum non eſſe , ſi quod videt palatium?

§. IV.

SIC ſe habet CONVENIENTIÆ RATIO. Noſtræ In qua ratiocinandi methodo illud genera-rationis generatiter præcipuum eſt , quod non ea tantum ſint ſpectanda , quæ poſſibilia , ſed & quæ nerale probabilia ſunt . Cujus autem rei veritas fundamentum. ex ſe parum innotefcit , per genuinam ſuam cum aliis veritatibus conjunctionem fit veriſimilis. Qua de cauſa Phyſici de comper- ta veritate non dubitant , ſi quando eam hypotheſim adinvenerunt per quam feliciter explicantur omnia phænomena; nec in Hiſtoria quidam eventus in dubium revocatur , licet non ita perſpicuus , quoties hoc eventu tanquam unico fundamento & cardine volvuntur alii plures eventus certiſſimi . Quo probabilitatis principio partim nititur moralis certitudo , cujus tam frequens uſus eſt non tantum in plerisque ſcientiis , verum etiam in ipſa vivendi ratione inſtituenda , necnon in iis rebus quæ maximam continent privatorum & familiarum ac univerſæ ſocietatis utilitatem.

## §. V.

Ubi de  
Jure Na-  
turali agi-  
tur, potē-  
tissima est  
conve-  
nientiae  
ratio.

SEd hæc ratiocinandi & judicandi ratio si tam sapissime in rebus humanis usurpetur, atque in universum fundetur vero principio, longe adhuc certior est, si quando de operibus Dei instituitur disputatio, & indaganda ac dijudicanda sunt inita Deo consilia, & propositi fines. Etenim universus orbis & singulæ partes quibus constat, necnon singulariter ipsius hominis & humanæ societatis systema opus sunt infinitæ intelligentiæ. Nihil fortuito editum est, nihilque hoc in orbe ex cæca, vel levi aut impotente causa pendet; sed ea quæ facta sunt omnia computavit & dimensa est altissima Conditoris sapientia. Igitur judicandum omnino est in perficiendo humanitatis systemate nihil quod esset necessarium a Conditore prætermissum fuisse, sed potius systema illud suis omnibus numeris absolutum esse, quo finis obtineretur Deo propositus, nec enim Deus sibi ipse adversatur. Certe si necessariis partibus adhibendis curam impendit peritus architectus, quamquam errori obnoxius, utpote qui sit homo, quanto magis eandem curam debemus existimare adhibitam fuisse a natura summe intelligente?

## §. VI.

§. VI.

Ex iis quæ dicta sunt intelligitur convenientiæ rationem non semper æqualis esse ponderis, sed ejus auctoritatem plus minusve validam esse, prout validiori vel imbecilliori necessitate fundatur. Atque ut in hanc rem Regulæ quædam statuuntur, in universum dici potest, 1. Quo Dei Conditoris proposita & consilia sunt notiora; 2. Quo magis certam habemus ejus sapientiam potestatemque; 3. Quo magis sapientia & potestas illa perfectæ sint; 4. Quo nostro systemati adversata opinio pluribus & incommodis & tricis laborat, & magis ac magis in absurdam vertitur sententiam, eo magis urgent nos quæ ex enumeratis omnibus fluunt consequentiæ; nec enim jam aliquid superest per quod earum consequentiarum possit vis adæquari, unde illarum veritati per rectam Rationem cogimur assentiri.

Convenientiæ ratio plurimè habet gradus. Quomodo hi gradus dignoscantur.

§. VII.

QUÆ statuimus principia, sic apprime, sic absolute argumento nostro accommodantur, ut convenientiæ rationi nequeat major vis, nec clarior lux accedere. Quam rem si velimus enucleatius ostendere, profecto actum agamus, nam ipsa se manifestam exhibet, & de illa in superioribus capitibus satis superque disputatum est. Id unum adver-

Quæ statuimus principia nostro argumento accommodantur.

tamus, convenientiæ scilicet rationi de admittenda post hanc vitam Naturalium Legum sanctione tantam adeoque urgentem necessitatem inesse, ut seclula illa sanctione humanitatis systema caliginosum, atque intricatissimum evadat, & nisi omnino absurdum deprehendatur, non tamen ab absurdo multum distet. Rursus seclula illa sanctione Divinum de hominibus consilium ænigma fiet solutionem nullam admittens, nihilque poterit explicari. Nulla tamen prætendi causa potest ob quam toties laudata Naturalium Legum sanctio in systemate desit, quod ad cæteras partes attinet, tam eximio, tam utili, adeoque secum coherente.

## §. VIII.

Compa-  
rantur  
inter se  
opposita  
duo syste-  
mata.

JAM utriusque systematis comparisonem ineamus, videamusque utrum sit ordini conformius, naturæ conditionique hominis convenientius; ac uno verbo utrum sit Rationi magis consentaneum & dignus Deo.

Ex altera parte sic se habet nostrum systema. Rerum creaturarum ac singulariter hominum & humanæ societatis perfectio atque felicitas Conditori Deo propositæ sunt. Quapropter hominibus intelligentiam & libertatem indulgit, facultatemque indidit dignoscendæ suæ sortis, necnon comperendæ & sequendæ viæ per quam unam destinatum sibi finem possunt assequi, ejusque strictissimam obligationem imposuit hujus  
vix



vix jugiter insistendæ, jussitque ne unquam a Ratione declinarent, sed per ejus præviam lucem perpetuo dirigerentur. Atque quo melius se gerant homines, eis Deus iniecit necessarios omnes sensus & omnia principia, quæ recte vivendi certissima regula sunt. Quæ principia sive regulæ, quoniam ortum habent a natura potentissima, sapientissima atque optima, ideo veræ Legis omnimodam vim & indolem referunt. Hæc autem Lex jam in hac vita vel probos beat mercede, vel improbos pœnis coercet. Sed quoniam non erat sufficiens hæc prima Legum sanctio, Deus quo sapientissimum optimumque consilium suum absolveret, hominibusque in quavis conditione constitutis sufficientes agendi causas, & ad agendum necessariam opem præberet, Deus, inquam, insuper constituit propriè dictam Naturalium Legum sanctionem, quæ in vita futura aperte se prodet. Summus namque Deus ille attentis oculis hominum vitam circumspicit, cujus ab eis rationem exigit, probosque & improbos, quemque pro suo probitatis vel nequitie gradu, aut meritis præmiis donabit, aut justis pœnis afficiet.

Contra sic se habet adversum systema. Hac præsentī vita penitus circumscribuntur homines, nec illis ultra quidquam vel sperandum vel timendum superest. Creatorum semel hominum institutæque societatis Deus plane securus est. Rationem nobis Deus in-

indidit per quam bonum a malo fecernemus: verum in nostra potestate omnino positus est. Rationis usus, qua quemadmodum utamur neutiquam Deus attendit, qui nos ita nobis ipsis permisit, ut id possimus facere quidquid libitum sit. Nulla nobis erit nostro Conditori reddenda ratio; sed bonorum malorumque quantumvis in hac vita sit inæqualis & abnormis partitio, & quantacumque ex hominum malitia vel iniquitate prava facinora pariantur, attamen nihil per Deum est in altera vita vel faciendum, vel compensandum.

## §. IX.

**Natura-** AN hoc ultimum systema cum nostro  
**lium Le-** possit conferri? Utrum eorum systematum  
**gum san-** Dei virtutes clarius exhibet? Utrum est  
**ctionem** divina sapientia, benignitate, justitiaque  
**admittēs** dignius? Utrum ad compescenda vitia, pro-  
**systema** bitatemque in gravibus & periculosis cau-  
**longe** sis firmandam aptius est? Utrum tutiorem  
**præstat** efficit humanæ societatis incolumitatem?  
**contrario** Utrum in Legibus Naturalibus auctorita-  
**systemati.** tem illam magis reveretur, quæ summum  
 Legislatorem decet, & hominum conducit  
 utilitati? Duplex proponitur societatis ge-  
 nus: in altera quidem admittitur nostrum  
 systema, sed in altera illud systema se-  
 quuntur quod nobis impugnatur; quis  
 homo sanus ad eam societatem non se  
 conferat, in qua secundum præcepta nostra  
 vivitur?

Pro-

Profecto si pulchritudinis & convenientiæ ratio habeatur, nulla potest inter utrumque systema iniri comparatio. Nostrium systema perfectissimæ Rationis opus est; alterum peccaminosum & in quo subsistunt multa damnanda. Ex quo solo satis intelligitur ex qua parte stet veritas, siquidem hic expendimus dijudicamusque opera & consilia Dei quam sapientissime omnia facientis.

§. X.

NEVE quis dicat nostram mentem tam brevibus finibus circumscribi, ut super disputata quæstione temerarium sit hominum judicium, nec ita nobis Dei naturam perfectionesque notas esse, ut satis certo Dei consilia & proposita judicare valeamus. Quæ ratiocinatio, quamquam sit aliquatenus recta, & quibusdam in causis vera, nihil tamen probat, si ad nostram quæstionem referatur, ac proinde hujusce ratiocinationis nulla vis est. Etenim liquet ex hac ratiocinatione generandum sensim esse moralem quemdam Pyrrhonismum, per quem humana vita & totus societatis ordo funditus everteretur. Porro in proposita quæstione nihil medium interest, & duorum systematum expositorum, necessario admittendum est alterutrum. Qui primum rejicit, alterum admittit, quæque ex eo consequuntur absurda omnia. Atque hinc liquet (quod operæ pretium est

Solvitur  
objectio.

attendisse) quantum in se vim habeat *Convenientiæ Ratio*, quam nisi admittamus, asseptiri cogimur manco systemati, hinc inde incommodis scitenti, & ex quo nihil consequitur cum *Ratione* consentiens.

## §. XI.

Quis debeat esse nostrorū argumentorum in nostram agendi rationem influxus. Exigenda est nobis præseus vita tanquam altera credentibus.

EAM naturam vimque sortitur *Convenientiæ Ratio*, qua convenientia nituntur argumenta Naturalium Legum sanctionem constituentia. Videamus porro quantum hujusmodi conjunctis argumentis hominum mens affici, eorūque agendi ratio adtemperari debeat. Eo enim referenda sunt quæcumque disputavimus omnia.

Ac primo quidem, quidquid ad constituendam Naturalium Legum sanctionem protulimus, etiamsi foret incertum, ita ut adhuc sub judice sit nostra quæstio, nihilominus *Ratio* postulat, ut ita nos geramus, tanquam si aperte vera sit dicta sanctio. Quidquid enim in altera vita futurum sit, tutissimæ profecto sunt quas proponimus partes, ex quibus videlicet minus damnum imminet, apparet autem lucrum longe maximum. Quæstionem expendamus in partem utramque. Si præsentem vitæ statum alius futuræ vitæ status subiequatur, non solum errat qui futurum statum illum non credit; sed quia vitam suam non secus instituit ac si mens interiret cum corpore, hujus ideo gravissimus error est, omninoque periculosos exitus involvit. Sin errat qui  
fu-

futurum alterius vitæ statum credit, ejus error in universum saluberrimus est, ex quo videlicet in posterum nihil mali gignatur, inpræsentiarum vero vel nulla vel paucissima subsequantur incommoda. Igitur quidquid illud sit, & quibuscumque argumentis Naturalium Legum sanctio impugnetur, nihilominus vir sapiens inter illas Leges servandas aut violandas non pendebit animi dubius, sed nequitiae semper virtus præpolebit.

2. Futura vita quamquam dubia foret ac prorsus incerta; nostra tamen sententia semper intelligitur sapientissima ac prudentissima, atque id eo clarius liquet, quod nemo possit inficiari quin nostra sententia longe probabilior sit quam adversantium opinio. Quivis homo res peritus expendere atque dijudicare ad agendum sese accingit, modo impulsus primo verisimilitudinis gradu, modo simplici probabilitate. Quam in usu solito vitæ agendi rationem si prudentia postulat, quanto magis hæc eadem prudentia præcipit, ut similiter in iis nos geramus, quorum gravissimum momentum est, & ad nostram felicitatem necessario pertinent.

3. Sed longius progrediamur, ac denique rem habeamus qualis revera in se est. Statuimus igitur futurum alterius vitæ statum non equidem argui proprie dicta demonstratione; at simul statuimus hujusce futuri status tot verissimis conjecturis fundari verisimilitudinem, ejusdemque tantam  
con-

convenientiam esse, ut ad certitudinem propemodum accedat nostra sententia. Quibus ita positis evidentissimum fit præsentem vitam sic hominibus exigendam esse tanquam futuram alteram vitam credentibus, nec eis per Rationem licere ut aliter se gerant.

## §. XII.

Nostra  
sententia  
necessa-  
rio dedu-  
citur ex  
ipsa ho-  
minum  
natura  
statuque.

**EQUIDEM** natura intellectu prædita dignius nihil est, quam ut in omnibus *evidentiam* quærat, nec ad agendum impellatur nisi veras & perspicuas agendi causas nacta sit. Sed quoniam omnes res evidentiam non admittunt, in quibus tamen rebus necessario sequendæ sunt alterutræ partes, miserrima certe fors foret hominum, si antequam agerent, expectanda semper illis esset accuratissima *demonstratio*. Qui summum certitudinis gradum nequit assequi, in inferiore consistit, & in magna verisimilitudine sufficiens agendi caula est, nisi potior sit contraria ratio. Verisimilitudinis autem partes quamquam non sint evidenter certæ, verisimilitudo tamen *certa & evidens Regula* est, cui adhærendum idcirco fit, quia istud requiritur per humanarum rerum conditionem.

Atque hæc nostra sententia necessario deducitur ex ipsa hominum natura statuque. Quoniam enim circumscripta est hominum mens, & tamen necesse habent agere, si nunquam aliisquam certissimis, non  
au-

autem sæpe probabilibus causis ad agendum impellerentur, consequens esset horum alterutrum, ut homines vel minus probabiles nec verisimiles partes amplecterentur (quam sententiam nemini puto acceptam fore) vel iidem homines vitam degerent fere semper dubii, animi pendentes, huc & illuc fluctuantes, torpore desides, nihil aggredientes, vel quarumvis in agendo regularum expertes, unde funditus everteretur totum humanitatis systema.

§. XIII.

IN universum igitur omnino cum Ratio ne consentit, ut ubi deficit evidentia, ibi convenientia & probabilitas agendi Regula-  
Conve-  
nientia  
vel pro-  
babilita-  
tis se-  
quenda  
obligatio-  
nem no-  
bis Ratio  
injungit.  
 fiant: quæ Regula multo est adhuc rectior & magis necessaria in iis peculiaribus causis, in quibus, ut jam dictum est, nullum apparet in sequenda probabilitate periculum. Ubi nullum est damnum, si erres; multum autem lucrum, si non erres; quæ potiori causa ad convenienter agendum potes impelli? Tum hoc præsertim verum est, si te gravi periculo commiseris malas ex errore partes amplexus, ex quibus, etiamsi forsan bonæ sint, nihil tamen percipias emolumenti. Quibus ita positis, nihil est quod in eligendo ulterius deliberetur. Præcipit Ratio ut tutiores partes ineantur, quarum ineundarum obligatione adstringimur, quæ obligatio eo validior est, quod pariatur ex causarum coagmentatio-  
*J. J. Buriamaqi.*                      Z                      ne,

ne, quæ causæ nullis aliis potioribus vel æqualibus causis aut impugnantur aut debilitantur.

Uno verbo, si cum Ratione consentiat, ut quas dicimus partes amplectamur, quamquam penitus incertas; quanto magis amplectendæ sunt si sint aliquatenus probabiles; tum hoc necessarium fit, si multis gravibusque probabilibus causis urgeamur: ac tandem harumce partium obeundarum augetur adhuc necessitas, si quidquid contigerit, partes hæ manifesto tutissimæ, & utilissimæ sint. Quid igitur præterea desideres ad pariendam veram obligationem, juxta principia quæ nobis constituta sunt de interiori obligatione quam nobis Ratio

(a) Vid. injungit? (a)

*Part. I.*

*Cap. VI.*

§. 9. & 13.

#### §. XIV.

Quas dicimus partium amplectendarum obligationem nobis Deus ipse præcipit.

NEQUE omnia diximus. Nam quam memoramus interiorem & primigeniam obligationem, hæc ipsius Dei voluntate firmatur, unde illi tanta vis inest, quanta major non potest inesse. Enimvero quam dicimus agendi & judicandi rationem quoniam profluit ex nostra natura qualem nobis illam ipse Conditor indidit, vel ex hoc uno verissimum argumentum colligitur eam Dei voluntatem esse, ut juxta ejusmodi principia nos geramus, quod quidem jubente Deo hominibus incumbit OFFICIUM. Etenim, id quod superius adnotatum est, (b) quidquid est in natura hominis, quidquid ex hac hominis

(b) Vid.

*Part. II.*

*Cap. IV.*

§. 5.



minis natura & primigenio statu consequitur, illud aperte & nitide divinam voluntatem ostendit, & quemadmodum velit Deus homines facultatibus suis uti, & quo illos obligationum genere constrinxerit. Quod operæ pretium est attendisse. Namque si vere dici possit, & erroris secluso periculo, eam revera Dei voluntatem esse, ut homines mortalem hanc vitam degant tanquam futuram aliam vitam credentes, quibusque omnia sint a Deo vel speranda vel timenda, prout his in terris coluerint virtutem aut vitio indulserint, nonne hinc futuræ alterius vitæ plusquam probabile nascitur argumentum, & certa esse quæ in hac altera vita virtuti præmia aut vitio pœnæ demandatæ sunt? Alioquin dicendum foret homines ab ipso Deo in errorem induci, quoniam hic error necessarius erat ad ejus consilia exequenda, & ex illo errore penderat quod propositum Deo fuit hominum & humanæ societatis systema. Sed nonne pariter absurdum esset impiumque sermonem illum habere de natura perfectissima, cujus Potentia, Sapientia, & Benignitas nullis limitibus definiuntur? Etenim vel ex hoc ipso quod homini necessarium sit vitam futuram credere, & hæc fides cum Dei proposito cohæreat, certe cui vita futura creditur, non potest is in **ERRORE** versari. Hæc autem proculdubio **VERITAS** est, quidquid jubente Deo, aut sit **OFFICIUM**, aut **CUM RATIONE CONSENTIENS INSTITUENDÆ VITÆ PRINCIPIUM**.

## §. XV.

IOITUR omnimodo causarum genere NATURALIUM LEGUM firmatur auctoritas : 1. Eis Ratio suffragatur ; 2. illas diserte præcipit Deus ; 3. illarum cultus verissimas his in terris utilitates sortitur ; ac deinde prout quis Naturales Leges vel coluerit , vel respuerit , ei merito sunt vel ingentia præmia speranda , vel gravissimæ pænæ in futura vita pertimescendæ . Atque sic Deus tot tamque validissimis nodis homines ad virtutem alligat , ut quicumque Rationem consulit , eique obsequitur , ipse se ineluctabili sentiat obligatione constri-ctum nunquam non virtutem colendi .

Quod

jam per  
solumRationi  
lumen a-

deos est

probabi-

le , omni-

no fit evi-

dentissi-

mum quia

divinitus

refera-

tum .

## §. XVI.

Nos quis forte dixerit Naturalium Legum sanctionis diutius immoratos . Equidem qui de Naturali Jure scripsere , non ita fusa de hoc argumento plerique disputarunt ; & ipse PUFFENDORFIUS materiam hanc nonnisi leviter attigit . ( 1 ) Scriptor ille ,  
quam-

(1) Videre est in opusculo , cui titulus : *Anonymi judicium &c.* quod opusculum , adjectum est ad calcem quintæ Editionis *Offic. Hom. & Civ.* quibus exprobrationibus hujus opusculi auctor *Leibnitzius Puffendorfius* infectetur . *Barbeyracius* , qui suas adnotationes *Leibnitzii* opusculo addidit , *Puffendorfius* habet excusatum non sit insulas rationes proferens . Nihilominus emunctæ naris Lector intelliget aliquid adhuc desiderari quo se omnino *Puffendorfius* tueatur , cujus quidem in hoc argumento claudicat sententia .

quamquam ex hujus nostræ scientiæ studio futuræ vitæ considerationem diserte non rejiciat, attamen hac præsentī vita totum Naturale Jus videtur circumscribere, utpote quod jus eo unice respiciat, ut ad societatem idoneus fiat homo. (a) Fatetur nihilominus innatam hominibus esse æternitatis cupiditatem, unde crediderunt Ethnici immortalem animam esse, quæ præterea fides ex eo suam auctoritatem hausit, quod remotissimis temporibus credita sit Ultrix Deitas. Quibus addit PUFFENDORFIUS multam revera existimandi causam apparere violatas Naturales Leges a Deo quandoque ulciscendas esse, cujus tamen opinionis veritas sibi videatur subobscura, nec rem aliter posse certam evadere, nisi divino afflatu innotescat. (b)

Sed nostra quæstio etiamsi probabilis tantum esset, non tamen ex Naturali Jure secludenda omnis futuræ vitæ consideratio, ac præsertim si futura vita sit ita probabilis, ut ad certitudinem accedat. Porro futura vita necessario requiritur in Naturalis Juris systemate, cujus est adeo præcipua pars, ut seclusa futura vita Naturalium Legum auctoritas non parum labefacteretur, ut jam demonstravimus, ac difficillimum fieret, ne dicam impossibile, plurimorum summi momenti officiorum veritatem

(a) Vid. *Puffend. Praefat. de Offic. Hom. & Civ.* §. 6. 7.

(b) Vid. *de Jur. Nat. & Gent. Lib. II. Cap. III.* §. 21.

tem afferere, quibus tamen officiis cogimur societatis utilitatem & Juris ac Justitiæ propugnationem maximis nostris commodis antepone. Igitur necessarium erat non segniter indagare quousque solius Rationis ope futura vita innotescat, & in aperto collocanda fuit argumentorum vis ex Naturali Lumine deductorum, ac tandem dicendum erat quantum his eisdem argumentis mens affici debeat in instituenda vitæ ratione.

Equidem divinæ voluntatis hac in causa dignoscendæ non alia potior ratio est, id quod ipsi fatebamur, quam disertæ ipsius Dei significatio. Quod hujusmodi peremptorium argumentum simplici Philosophorum jure ratiocinantibus non licuit usurpare: sed quoniam & Christiani Philosophi sumus, nihil obstat, quominus id quod jam Ratio conjiciebat REVELATIONE confirmetur. Ac sane nihil certius arguit recte nos & ratiocinatos & in nostris conjecturis non aberrasse, quam de re tanti momenti perspicua Dei significatio. Nam quoniam ipso facto liquet velle Deum in altera vita virtutem præmiis, improbitatem vero pœnis afficere, jam illud quod dicebamus in dubium nequit revocari, nimirum futuram vitam cum Dei sapientia, benignitate, & justitia omnino consentire. Quæ autem ex hominis natura, ex præsentis rerum conditione, ex illa sapientia & æquitate quibus hic orbis Deo administratur, ejusdemque Dei in homines propositis deducta sunt nobis argu-

men-

menta, non illa quidem imaginandi vis, aut delusus nostri ipsorum amor, sed RECTA RATIO peperit dictavitque. Rationi autem adjuncta *Revelatio* in omnimoda & evidentissima luce constituit quod jam lolo naturali lumine tam probabile videbatur.

Cæterum quod hîc advertimus non solum ad Naturalium Legum sanctionem, sed & ad omnes hujus operis partes attrinet. Nec vero nobis non potest dulcissimum esse illa quæ posuimus principia deprehendi omnino eadem quibus Doctrina Christiana innitur, quibusque totum Religionis & Disciplinæ Moralis ædificium superstruitur. Quæ cum ita se habeant, hinc principiorum nostrorum veritas confirmatur; certiores enim finis deprehensum nobis esse verum Naturæ systema: illinc sic afficimur ut summo pre *Revelationem* suspiciamus, qua penitus Naturale Jus confirmatur, & Moralis Philosophia in Doctrinam vertitur religiosam, omnium captui accommodatam, factis comprobata, Dei tum auctoritate, tum promissis manifesto suffultam, & ea ratione declaratam quæ aptior est hominum animos commovere. RATIONI autem & REVELATIONI ex mutuo suo felicitique consensu accedit idem decus.



12004







22/16835



